


Hoschell Lib. Spec. Fund.



Class 222.11

Dist.

Book M 58

University of Chicago Library

GIVEN BY


Besides the main topic this book also treats of

Subject No.

On page

Subject No.

On page





IOANNIS DAVIDIS MICHAELIS
SPICILEGIUM
GEOGRAPHIAE HEBRAEORVM
EXTERAE
POST BOCHARTVM.



PARS PRIMA.



GOETTINGAE
SVMTIBVS VIDVAE VANDENHOECK.
MDCCCLXIX.

SECRET
10/10/54
10/10/54

10/10/54

BS630
M62

SECRET

10/10/54


SECRET

10/10/54

SECRET

10/10/54

SECRET



De geographia Hebraeorum extera; id vero est, de gentibus, regionibus, urbibus, extra Palaestinam sitis, quarum mentio fit in codice Hebraico sacro, doctius nemo copiosiusque egit Bocharto, ad cuius librum aeternitate dignum, Phaleg et Canaan, recurri ab interpretum optimis solet, si qua difficilior incidit quaestio geographica. Non solum enim nemo post illum totam eam geographiae partem scribendo complecti ausus est, sed et, qui in commentariis aut obiter, novas nominum geographicorum explicationes attulerunt, plerumque doctrina veterumque lectione Bocharto impares, conjecturis etymologicisque lussibus fuerunt audaciores. Cellarius, qui et doctrina antiquitatisque omnis cognitione, et ingenii felicitate in vero recte inveniundo, modestiaque conjecturarum luxuriam compescente, praeferendus Bocharto videtur, cum ex Graecis potius Latinisque monumentis orbem antiquum describendum suscepisset, non nisi raro et

IV

PRAEFATIO.

obiter geographica codicis Hebraici extra Palaestinam explicat. Medii quoque aevi Geographiam meditabatur, quam si perfecisset, in Asia certe describenda multum lucis Hebraicis adfusurus fuisse videtur. Sed hac cum careamus, consulere neminem possumus Bocharto aut meliorem aut parem.

Nec tamen mirum, eum qui primus tantum opus adgressus est, non omnia vidisse, spicilegiique haud tenuis occasionem posteris reliquisse. Eo vivebat tempore, quo ne recentiorum quidem Asiam satis cognitam habebant geographi, qua ignota difficile est, de antiqua scribere. Namque et multis in rebus errari necesse est; locorum situ, fluminum montiumque flexibus, rivis, fontibus, regionibus denique et urbibus interioris Asiae ignoratis, quae omnia ex solis antiquis nemo perfecte discet: et multa nomina locorum populorumque antiqua et barbara, quibus Graeci Latiniue non utuntur, nova ac Graeca ponere soliti, in hunc usque diem manserunt, geographiamque Hebraeorum mirifice illustrant. Sed his opibus atque adjuventis, non sua culpa, sed seculi infelicitate ac socordia Bochartus carebat: nullus dum geographiam susceperat Buschingius, ac vix nunc demum incipimus Asiam nostri temporis noscere adcuratius. Itinerum Asiae et Africae commentarii optimi et praestantissimi post mortem demum Bocharti prodierunt: quos autem habebat, illis (hoc quoque pro sui temporis more) non satis utebatur, antiquorum lectione plus quam par est contentus, recentiora ac nostra nimis docte negligens, quod non in geographia solum sed et in animalium historia ei fraudi fuit. Orientales geographi quae prodiderunt, minus quoque tunc ab aliis excussa. Arabum tamen scriptis ipse utebatur, exque
illis

illis multum lucis geographiae Hebraeorum attulit: at quae ex Syrorum monumentis eruit, duplicem indicem geographicum bibliothecae suae Orientali intexens, Assemanus, ea omnia Bocharto fors diu antea nascendi inviderat.

Haec tempori imputanda, non homini eruditissimo. Sunt autem et sui Bocharto naevi, in quibus primus, quod nimis etymologiis nominum propriorum, et vero ex lingua Hebraica petitis, indulgebat, quaestiones geographicas, quae totae sunt historicae, in etymologicas mutans. Id vero felicius ei procedere non potuit, quam si quis historiam ex nominibus propriis regum, aliorumque virorum illustrium etymologiae ope scribere adgrediatur, eaque omnia nomina non ex propria gentis lingua, sed ab origine Hebraica repetat. Saepe de hoc errore in nostro spicilegio dictum, maxime pag. 17. 18. 293 - 297. Deinde testium aliquando non eam habet rationem, quam haberi in quaestione historici generis fas erat: testes hic autem, latius sumto nomine, dico interpretes eo tempore viventes, quo aut nomina antiqua adhuc apud externos Judaeosve in usu esse potuerunt, aut aliunde constare, quem populum urbemve veteres Hebraei hoc vel illo nomine indigitarant. Jam autem hos testes nec diligenter satis nec omnes audit, etymologiis intentus; jam singulos nihil absurdi dicentes, nullo argumento adlato, una voce repudiat; jam et plurium consensui etymologicas suas conjecturas praefert. Josepbo inprimis, bono scriptori, haud raro est iniquior, quae ille habet non expendere, atque aliquando ne referre quidem dignatus. Sunt in his, fautor, quae ita absurda videbantur Bocharto, ut ne refutatione quidem digna essent: sed ea ipsa accuratius considerata melio-

rem aliquando explicationem admittunt, ut, cum Gomerum Galatarum patrem fecit. Distinguenda etiam in Iosepho erant, quae dubitanter scripsit, conjecturas faciens, ab his, quae ut certa posuit, horumque potior ratio vel ideo habenda, quod ignorare alia ausus est Iudaeorum historicus, nec receptas suo tempore explicationes sine selectu arripuit. Sic, ut rem in exemplo ponam, Caphthoracos se ignorare fassus est, licet LXX aliquae non dubitanter Cappadoces interpretari essent. Atque hoc ipsum ad tertiam me Bocharti reprehensionem deducit, si virum, quem tanti facio, reprehendere dici possum. Nihil ferre ignorare didicerat, nimis fidenter de obscurissimis nominibus, atque etiam de ἀπὸ ἀγνωστοῦ, sine teste, sine nominum concentu, jam adseverare, jam conijcere solitus. Raro dubitantem videas, rarius aliquid plane ignorantem. Suspecta ea scientiae copia, maxime ubi nominis semel omnino positi, et obscuri, veram interpretationem non magno labore quaesitam, brevique disputatione defunctus, nimia pene felicitate invenit. Denique et hoc displicet, quod nonnunquam sententiam, nescio qua de causa, nullis certe testibus nec nominum concentu commendatam, arripit, semelque in patrocinium susceptam, omni ornat, quae in ipso maxima erat, doctrinae varietate, argumentorumque, in quibus non vis probandi sed numerus spectabatur, multitudine confirmare annititur. Insigne rei exemplum Ladaei, quibus Abessiniam Cuschaeis ereptam, possidendam tradidit. Oblitus pene eram audaciae in literis addendis, demendis, permutandis, transponendis, quando nomina Hebraica paulo obscuriora Graecis Latinisque comparat, exque concentu rem agit. Sed et hoc inde, quod quidquam ignorare non consueverat. Ubi enim nihil praeter nomen gentis, semel admodum possi-

positum, legitur, ut, Sabthae et Sabthecae, nec quidquam lucis adfulgebat, cum puderet, vel sibi ingenue fateri ignorantiam, ita mutabat detorquebarque nominum literas, donec aliud nomen a geographis memoratum prodiret, ut his fiducialis quidvis exprimi ex quolibet sono ignoto potuisset. Non is sum, qui mutationes literarum modicas negem, maxime in nominibus propriis: concedo etiam, si exteri illa scribant adpellentve, ut Graeci barbara, insolentiores nonnunquam mutationes fieri posse, ut aegre primum vocabulum agnoscamus. At hoc ubi accidit, non eo valet paucarum literarum residuarum concentus, ut inde probari queat, Graecum nomen eam gentem urbemve designare, cujus vocabulum Hebraicum tam sonat diversum; sed aliis argumentis, aut testibus antiquis, perficiendum est, urbem gentemve eandem esse, ac tum demum diversitas soni, Graecorum more, barbara detorquentiam, excusanda.

Fuerunt, qui hos ob naevos Bochartum contemnerent, ac toti libro ut conjecturarum pleno diffiderent, novas forte ipsi et audaciores conjecturas tentaturi, injurii certe in magnum virum, qui multa egregie tractavit, et a quo vel errante saepe doctior recedas. Mibi vero attente eum legenti, atque cum neminem hucusque plus geographiae Hebraicae lucis praestitisse intelligerem, multa tamen desideranti, justius visum est, et ad geographiam antiquam perficiendam utile, addere quae omiserat, quare et spicilegii post Bochartum titulum libro meo praefixi. Nempe non ea repeto, quae Bochartus recte et vere disputavit, sed lectores ad ipsius geographiam breviter indicata sententia remitto: si quid novi pro ea sententia suppetit, addo: a quibus dissentio, ea arguo, atque, ubi possum, melio-

rem nominis interpretationem adfero. Antiquos interpretes, quorum auctoritatem majoris facio, quam Bochartus, ubi ab eo minus diligenter auditi expensique sunt, omnes produco, comparo, eaque aequitate dicta ab illis explico et intelligo, ut malim eos vera retulisse, quam errasse: quod ubi facio, eos quoque testes, quorum mentionem Bochartus jam fecerat, iterum nominare necesse habeo, alias a repetendis Bochartianis abstinens. Nolo enim illum compilare, lectoribusque iterum obtrudere, quae ab ipso scripta aut legerant antea, aut possunt legere. Quare et hoc primum ab omnibus peto, ut Bochartum in manibus habeant, caputque, in quo de eodem argumento egit, semper a me indicatum, perlegant: sic demum meis uti poterunt, statimque intelligent, quid Bochartianis addiderim, ac si quando dissentio parte utraque audita iudices sedebunt.

Est et, quod de occasione hujus spicilegii post messem Bochartianam tentati scire lectores velim. Collegia critica in difficiliore codicis Hebraici pericopas habere soleo, in quibus auditores et colligendis dijudicandisque variis lectionibus adfuefacio, et copiosius de singulis verbis differens, rationem in exemplis doceo, de significationibus verborum Hebraicorum antiquare: quorum collegiorum specimen, psalmorum decimi sexti, quadragesimi, et centesimi decimi explicationem criticam, ante aliquot annos lingua Germanica edidi. In his ergo collegiis cum bis caput decimum Genesıs, ac semel vicesimum septimum Ezechielis, utrumque pene totum geographicum, tractassem, in schedis meis, memoriae causa scriptis, hic liber me prope nesciente constitit. Certe ex istis schedis librum scripsi, excerpens, quae Bochartus non habebat, reliqua omittens. Jam

intelligetur, unde factum sit, ut varias lectiones textus Hebraici, nec nominum modo geographicorum, sed et caeteras notarem. Geographica disputatio non potest carere illa singulorum verborum critica, quae ad omnes literarum varietates attendit, illasque quantumvis minutias notans veram lectionem, si fieri id possit, a falsa secernit, nonnunquam et dubitat, ac de utriusque lectionis sensu dispicit. Cui enim dubium videbitur, quin multum ad interpretationem ipsam intersit, quod vocabulum sumas explicandum? Thogarma, an Thorgama? Rhodanim, an Dodanim? Achar, Achad, an Archad? Casluchaeos quaeras, an Chasmonaeos? Caphthoraeos? an Caphthochaeos? Has ergo varietates lectionis cum indicare necesse esset, a Bocharto plerumque aut omissas, aut non satis diligenter expensas, inque schedis meis reliquas quoque notassem: gratum me facturum putabam lectoribus omni totius capituli varietate indicata. Neminem certe id aegre laturum confido, nostro maxime tempore, quo studia critica fervent. Commilitonibus, qui isti collegio interfuerunt, (colloqui autem cum illis, et studia interrogando provocare soleo,) si qua conjectura verifimilior subnata, honori suo auctori futura, illam quoque addito commilitonis nomine indicavi, sententiamque de ea dixi.

Non solum codicis Hebraici, sed et versionum antiquarum geographiam illustrare soleo, ipsosque earum errores explicare: quod nolim in parergis numerari. Namque et prisca interpretes testium mihi quodammodo loco sunt, quos non audiri solum oportet, sed et intelligi: et pars antiquae geographiae est, si quid geographici in bibliis Graecis, Chaldaicis, Syriacisque occurrit, explicatu non indigna, sed quae peculiari libro

vix tractabitur, commodiusque ad geographiam antiquam Hebraicam referetur. Certe, ut exemplo utar, nec supervacaneum mihi nec alienum ab hac descriptione laborem suscepisse videor, pagina undecima usque ad decimam quintam Garmaeos Chaldaeorum interpretum illustrans; illud enim nomen male intellectum occasionem errori dedit late propalato, Gomerum, aut aliquem ex filiis ejus, conditorem Germanorum esse.

Reliquis autem omnibus diligentius illustrandum Josephum mihi sumsi: partim ob ejus virtutes, de quibus quid sentiam alibi exponam, partim quod a Bocharto injuriam ei fieri, ejusque geographica nimis contemni videbam, denique quod a doctissimis viris, qui notas in eum scripserunt, multis in locis Josephum non intellectum deprehendebam. Disputatum adeo de illo, Graecane an Hebraica biblia legerit? Utraque sane, ut planum facere possum. Hi vero turpissime falluntur, qui Hebraicae linguae peritiam ab illo abjudicant. Grammaticarum legum imperitior (fateor), quod nondum Grammatica mortuae linguae inventa esset, verborum significationes multo plures noverat, quam illi ipsi, qui de eo judices sedere audent. Verum saepe alia in suis legebat codicibus Hebraicis, quam nos in nostris, (quod si opus est sat magnis variarum lectionum ex eo excerptarum copiis confirmare possum) jam significationes verbis Hebraicis subjiciebat, lexicis nostris ignotas, usu tamen reliquarum linguarum orientalium confirmatas. Alterutrum ubi accidit, doctis istis viris, qui Hebraica sua omnia in lexicis, commentariisque habebant, de lectionis autem varietate nihil suspicabantur, valde indo-

ctus

et us visus est, aliquando etiam plane mentiri, historiamque sine auctore confingere.

Graecos scriptores, patres maxime, si qui sua ex Graecis bibliis hauserunt, non indicavi: nomina enim sunt, non testes. Recentiorum post Bochartum conjecturas etymologicas nec excerpere volui, nec refellere: satis enim superque in ipso Bocharti libro etymologiarum. Hinc fit, ut raro Hilleri nomen compareat, licet in Onomastico geographica quoque tractantis. At si quid veri post Bochartum ab aliis inventum est, laetus gratusque usus sum, ut Swintoni illo nummo, ex quo primus nos Caphthoraeorum patriam docuit. Uni autem Assemano plurimum debeo.

Non displiciturum confido lectoribus, quod in tanta rerum antiquitate et obscuritate ignorare aliquid et dubitare ausus, aut plane ignotum populum esse, ubi necesse est, fateor, aut commemoratis antiquorum explanationibus, certam sententiam ipse non habeo. Nolui tamen illis de gentibus omnino silere: meis enim et collectaneis et dubitationibus juvari lectores poterunt ad verum inveniendum. Conjecturas ubi propono, conjecturas esse profiteor. His quoque forte alii utentur, easque aut confirmabunt, aut refellent.

De nominibus obscurioribus, quae Arabici interpretes interdum ponunt, saepe interrogare cupiebam geographum Nubiensem: sed nancisci illum omni eo tempore, quo schedas meas conscribebam, non potui. Latinam versionem habebat bibliotheca academica, sed ex qua

qua id, quod quaerebam, discere non licebat. Tandem parte spicilegii typis jam descripta libro diu desiderato ex Clewbergiana bibliotheca redempto sum potitus: utque melius eo uti possem, non satis habui illum legere, sed indicem mihi nominum geographicorum, ex eo componere coepi, quem statim si quid memoria negaret, evolvere possem. Haec vixdum facere incipientem morbus oppressit, plus quam duo menses aut lecto me adfigens, aut paucas aliis diebus horas mihi relinquens, quibus reliquam partem spicilegii, dimidiam pene, perfeci. Ex hoc ergo scriptore forte spicilegium spicilegio meo addam, cum pars secunda prodibit.

Omnem autem de geographia Hebraica descriptionem sic dispartior. Primo caput decimum Genesis, brevem tanquam encyclopaediam geographiae exterarum Hebraeis cognitae, ut filum dicendorum sequor. Ad hoc refero, quidquid iisdem de populis urbibusque totus codex Hebraicus habet: unde illo absoluto, facile dimidia parte laboris defunctus videbor. Hinc ad locum Moysi de situ paradisi, atque ad caput Ezechielis XXVII, quod totum prope geographicum est, accedo: atque ejus quoque explicatione ad finem perducta, tomo tertio geographica seruo, quae passim per codicem Hebraicum sparsa illustratione opus habere videbuntur.

Totum caput decimum Genesis, dimidiam fere geographiae Hebraicae partem, nolui primo tomo complecti: sed Semper posteros secundo tomo seposui, sperans, interim prodituros commentarios itineris, AVGVSTISSIMI DANIAE REGIS jussu infelicem Arabiam suscepti, ea quae de Joëtanitis habet Moyses no-

va luce perfusuros. Japhethi ergo et Chami posteros, seu viginti versus primos capituli nostri, huic primo tomo destinaveram. Sed morbus, qui me toto Februario et Martio mense oppressit, et e quo necdum prorsus convalui, obstitit, meque coegit, in Aegyptiorum coloniis desinere, gentesque Cananiticæ, Genes. X, 15. 16. 17. 18. tomo secundo seponere.

Cum in decimo Genesis capite populi nominentur, ab ea Arabiae parte in qua Moses scripsit valde remoti, inque illa generis humani infantia angustis finibus circumscripta fuisse videatur geographia: suaserunt amici, ut in praefatione exponerem, unde terrarum tam diffitarum notitiam habere Moses potuerit; doctiorem enim, quam pro temporis ratione sperari possit, hoc eum in capite esse.

Primo quidem facile mihi concedetur, 'Arabiam Mosi, in qua quadraginta annos privatus ac pastor, totidemque dux magni populi vixit, satis cognitam esse potuisse.' De Cuschaeorum ergo in Arabia sedibus et coloniis, deque Joctanitis non opus disputatione erit. Id unum moneo, in Joctanitis describendis Mosén solito fieri copiosorem, quod et in Arabia habitarent, et proxima Hebraeos cognatione attingerent. Deinde nec negabitur, regionem ad Euphratem et Tigrim, veram suae gentis patriam, unde et Abrahamus egressus, et in qua proavus adeo Mosés, Levi, natus est, notam esse homini docto,

multorumque librorum antiquorum lectori, potuisse: talem autem Mosén fuisse, ex paxergis historiae exterae, quae, aliud agenti passim exciderunt, liquet. De Assyriae certe initiis ita in hoc ipso capite egit, ut facile adpareat, illarum regionum historiam curae illi fuisse. Ergo de Arabia, Chaldaea, Mesopotamia et Assyria, nemo forte dubitabit, quin Moses ea scire potuerit, quae scripsit.

Aegyptiorum doctrina si a teneris eruditus excultusque Moses fuit, quod ut concessum a plerisque sumo, potuitne eas colonias Aegyptiorum ignorare, quae versu 13. et 14. commemorantur quarumque memoria illa tempore adhuc recens erat? aut mirumne videbitur cuiquam, interiora Africae, ut Abessiniam et Nubiam, aequae illi ut nobis, ac melius etiam, cognita fuisse? Vicina sunt Aegypto, qua, opibus, potentia, doctrina, commerciis florente, latere nequeunt. Si ergo, qui Aegyptio more erudiebatur Moses, in geographia gentis non plane hospes fuit, omnia illa, et multo plura, potuit scire debuitque, quae in decimo capite de Cuschaeorum Aegyptiorumque per Africam coloniis legimus.

Si quid in Mose vel mediocris prudentiae fuit, nullius in toto terrarum orbe populi res omnes magis ad se pertinere arbitrabatur, explorabatque diligentius, quam Cananaeorum. Huic enim populo quadraginta per annos bellum inferre parabat,

bat; statimque in initio, anno exitus secundo, exploratores misit, de tribubus, regionibus, urbibus, ingeniis relatu-
 rum. Jam minutum, Phoenicum varias gentes versu 15, 16, 17, 18. curiosius a Mose numerari, quam alias solet, nec in Palaestina solum, sed et ad Orontem habitantes. Nec Mosi solum, sed et Israelitis in Aegypto degentibus, res Phoenicum ignotae esse non potuerunt. Una utriusque gentis lingua, quam a Phoenicibus majores Israelitarum acceperunt: vicinae sedes, terra enim Gosen, de qua in tomo tertio agam, ad Palaestinam usque pertinuit; ac nisi fallor regio circa Sichemum in media Palaestina, occupata a Jacobi filiis, atque ab eo Josepho donata, semper in potestate Israelitarum mansit. Ephraimi enim filiam, Scheeram, in illa vicinia legimus Bethchoronam utramque aedificasse, quo tempore adhuc Israelitae in Aegypto erant, diuque ante Josuam. 1 Paral. VII, 24. Sichemum Israelitae in Palaestinam ingressi, nunquam expugnasse, et tamen habuisse leguntur.

Jam ad id, quod maxime perficiendum est, deveni. Litora maris mediterranei, ad quae Phoenices navigabant, incognita Mosi, Israelitarumque cultioribus, esse non potuerunt. Phoenices commerciorum causa, et navigationum opportunitate allecti, ex Idumaea in Palaestinam migrarant, idque jam quinto ante Mosén seculo: Abrahamus enim, quadringentesimo tricesimo ante exitum Israelitarum ex Aegypto, id vero est, quadringentesimo septuagesimo ante obitum Mosi anno, patriam re-

lin-

linquens, jam tum eos in Palaestina invenit. Per haec quinque secula genti navigationibus unice deditae facile omnia maris mediterranei Pontique Euxini litora innotescere potuerunt. Eritne ergo incredibile, Mosi nomina gentium, qui illa litora adcolebant, audita fuisse?

De solis adhuc quaeri posse video regionibus, Pontum Euxinum inter et mare Caspium, atque ultra illud sitis. Videntur autem illae maxima olim in celebritate fuisse, ac commerciis ferbuisse; ut taceam colonias Aegyptias in Colchidem ductas. Verum de his in tomo secundo dicendi locus erit, cum descriptionem Mosaicam paradisi illustrabo.

Goettingae die X. Aprilis
1769.





De capite decimo primi libri Mosis generatim.



Quae hoc, quod mihi explicandum sumo, capite decimo primi Mosis libri continetur genealogia, ea, primariam si spectes utilitatem, geographia potius dici aliqua possit genealogiae intexta: prorsus pro Hebraeorum more et doctrina, qui cum a pueritia genealogiis memoria tenendis advevissent, non mirum est, si hanc historiae partem curatius reliquis tractabant, et de chronologia ac geographia tradituri ita rem instituebant, ut genealogiam scribere viderentur.

Multum autem peccari a plerisque video, quod omnes, quorum nomina in hac originum generis humani enarratione leguntur, viros, ac proprio vocabuli sensu filios, nepotes, pronepotesque Noachi fuisse sumunt: a qua reprehensione ne magnus quidem Bochartus ubique eximendus; licet alibi (*), rectiora sentiens. Sic, ut in exemplo

(*) ut, pag. 164. geographiae sacrae summa.

plo rem ponam, Misraimum aliquem credunt Chamo esse progenitum, a quo tota Aegyptiorum gens procreata sit, atque, ne quid veri dissimile non dicatur, vel hoc addunt, eundem Misraimum primum Aegypti regem fuisse, quasi vero patrem, cui filii parent, regem, familiamque regnum vocare fas sit, aut opinabile cuiquam videri possit, singulos gentium conditores statim in diversissima terrarum, Misraimumque istum in Aegyptum, quae tunc fertilis quidem, sed tamen solitudo fuit, secessisse, eaque ipsa loca occupasse, in quibus posterius erant habitaturi. Quae cum lego, eadem mihi fabula ludi videtur, ac si quis, forte de faece plebis, historicus, Germanorum comminiscens origines, aliquem communem nominet totius populi progenitorem, Teutonem, eoque fatis filios, Svevum, Francum, Saxonem, Longobardum, Bavarium, Gothum, pluresque, quorum quisque cognominem ex se gentem reliquerit, eique et regis nomine dum viveret praefuerit. Populi vero raro singulos habent progenitores, quia et molestissimum est, unum aliquem cum sola conjuge ac liberis orbe habitato et societate reliquorum mortalium excedere, quod raro aut scelerati facient, aut naufragi in solitudines insularum eiectione: nec solent familiae vicinorum ita crescere insociabiles, ut suus quaeque aliquando populus fiat ab alterius familiae populo discretus. Accidere ejusmodi quid aliquando potest, ubi studiosiores sunt homines intemerati externis conjugii sanguinis, familiasque, Arabum et Hebraeorum in modum, distinctas ac suas servant: sed tamen plerique populi ex collecta hominum manu, diversis parentibus orta, solumque natale aliquo fato mutante, coire ac consistere solent. Hi sociati, cum culta terrarum non sufficiunt, nec satis eos laute pascunt, additis non raro, quos admitta facino-

ra in patria tutos esse non sinunt, aut alia denique causa solum vertentes, novas condunt colonias, magnorum olim populorum seminaria. Ita ortas plerasque gentes et antiqua docet historia, sicubi quid de ortu gentium certi tradit, et exemplo nobis est America, coloniis Europaeis fervens: unde quid in prima vastati terrarum orbis occupatione factum sit, licebit conjicere.

Sed et accedunt alia, quae clamant, non omnia nostri capitis nomina personalia esse, sed gentium alia, urbiumque ac regionum. Multa in illis pluralis numeri, ut quae versu 13. 14. leguntur: in quibus licet concedam, posse Hebraeos nomina propria viris singulis indita aliquando pluraliter terminare, (ut in רפאים et שפים fieri putant) est tamen veri dissimillimum, omnibus filiis patrem nomina pluralia inditurum fuisse. Atque et hoc accedit, quod nonnulla ex his nominibus naturam ingeniumque terrarum et urbium indicant, in quibus illae gentes habitant. Mirum, si casu tantus consensus inter etymon nominis proprii, quod progenitori gentis adhuc puero inditum fuerat, et loci a posteris ejus habitati ingenium, constitit. Aegyptus, natura sua duplex, superior inferiorque, quarum illa ab orbe inde condito fuit, haec serius e mari mediterraneo emeruisse creditur, eademque in ipso limite Asiae et Africae a natura ducto sita, מצרים dualiter vocatur, videturque illud nomen a limite, qui Arabibus مصر est, ortum traxisse. Sidon celeberrima Phoenicum metropolis, ideoque primogeniti Canaanis nomine a Mose cohonestata, a piscium ubertate vocata fertur, concinente, ut infra videbimus, verbo Hebraico: est enim צר *piscari*. Non ergo videtur ab aliquo Canaanis filio, Sidone, condita: nec historia ejusmodi originibus

ginibus urbis concinit. Nisi enim temere nulloque argumento fidem abrogare Herodoto placeat, et vero amicissime cum Mose consentienti, Cananitae primas in Iudummaea sedes habuerunt, ac postea demum, mercaturae exercendae opportunitate allekti, Palaestinam occuparunt. Videtur ergo Sidon diu post condita, quam filius Canaanis, Noachi idem pronepos, in vivis esse potuit. *וץ* (*Uts*), Semi aut nepos, aut colonia vallem Damascenam habitans, appellative, ut infra videbimus, *vallem* sonat. Ophir autem, quae regio auri abundantia nobilitata est, a *divitiis* nomen habuit. Sed pluribus exemplis colligendis abstinemus.

Nostris, fateor, auribus, insolentius sonabit, si integram gentem filium, aut si coloniam in Americam ductam filium Britanni Germanive dici audiamus. Quamquam si quis non omnino inficetus auctor haec scripsisset: *Germani filii fuerunt, Anglus, et Francus, et Suevus, et Vandalus et Longobardus. Angli filii* . . . ac postea nomina coloniarum Americanarum sequerentur; crederes certe, de integris eum gentibus, non de singulis patribus filiisque, loqui, lingua forte patria non commode usum. At quod nobis insolens, id Hebraeis adeo molle et solitum, ut vel in mediis verorum patrum filiorumque genealogiis, urbium tamen nomina, nec a cognomine conditore accepta, intertexat chronicorum auctor, ille quidem multo quam Moses audacius, quia in tabulis genealogicis patres veros et filios veros habentibus, figuratam ejusmodi sobolem minus expectabas. Exempla delibabo. I Paral. II, 24. *Uxor Hefronis erat Abia, quae peperit illi Aschurum, patrem Thecoae* (אשור אבי תקוע). Atqui Thecoa urbs fuit; ac ne suspiceris, a cognomine aliquo Thecoa, Aschuri filio, urbi nomen haesisse, adde quae idem scri-

scriptor habet c. IV, 5. 6. 7. repetens, Aschurum patrem Thecoae fuisse, atque statim omnes Aschuri filios enumerans, in quibus hoc nomine nullus: *Aschuro, patri Thecoae, duae uxores fuerunt, Hela et Nara. Et Nara quidem illi hos peperit filios, Achuzzam, et Chepher, et Themni, et Achastari: hi filii Narae. Filii autem Helae, Sereth, Jesochar, et Ethnan.* Quid manifestius, quam urbem, in qua posterius ejus, ex duplici conjugio suscepti, habitaverunt, filium dici?

Aliud exemplum dabit locus I Paral. IV, 3. *hi fuerunt patres Ethamae* (urbis sine dubio, de qua Relandus pag. 558. consulendus. Pueri enim unius tres patres, modo res seria agatur, numerari non poterunt.) *Ethamae ergo patres erant Jizreel, et Jisma, et Jidbas, quorum soror erat Haslelponi.* Id quidem latine diceret: incolae Ethamae posteros fuisse trium fratrum, Jizreelis, Jismae et Jidbasi; sed Hebraeus auctor urbem figura dictio- nis in filium aut si mavis in filiam mutat.

I Paral. VIII, 29. *Gibeonam* (urbem) *habitarunt pater Gibeonae* (אבי גבעון) *cui uxor fuit nomine Maacha.* Hic anonymus aliquis, quippe cujus proprium nomen memoria exciderat, ab urbe posteris ipsius habitata nomen sortitus est *patris Gibeonae.* Atque ne putes, filium illi hoc nomine fuisse, addo quae statim sequuntur: *filius ejus primogenitus fuit Abdon, et Sur, et Kis, et Baal, et Nadab, et Gedor, et Achio, et Zecher.* In his ergo nullus, cui pater debet, quod pater Gibeonae audit.

Ac de his quidem fatis: nec videbor nihil egisse, si mihi contigerit, aniles fabulas de singulis omnium gentium primariarum patribus, genti semper suum nomen relin-

quentibus, a divino scriptore abstergere, tam illam turpem et Mosis ingenio ac doctrina indignam, ut ne ab his quidem, qui divinum ei adflatum negant, tanto viro obtrudenda temere fuisset.

Nec vero omnes, qui ubicunque per totum terrarum orbem fuerunt, populos enumeraturus mihi Moses videtur, sed eos qui terram cognitam habitabant. Cognitam autem eam dico, quae Israëlitis, Aegyptiis, ac forte Phoenicibus cognita erat. Fac, illum divino adflatu, non dicam quam inuiti geographiaeque prodigo, aliarum quoque gentium, Aegyptiis, Israëlitis, Phoenicibus incognitarum, nomina scivisse, cujus illa usui in scripta retulisset? Certe intelligi a lectoribus non potuisset, nisi indicato caelo, sub quo hi incogniti populi degerent: sed de quo taceret, ut de gentibus loquens solo ex nomine facile agnosceret. Quod si cui nostrum divinitus contingeret, nomina gentium ignotarum sub australi caelo nosse, quam ille ridicula versaretur in diligentia, omnia ea nomina geographiae intexens, sed subticens, ubi caeli terrarumque quamlibet gentem, novo et incondito nomine vocitatum, quaerere fas sit?

Ergo si quis mihi Americanos populos in hac brevicula geographiae antiquae enarratione inveniat, facile ut subrideam concedetur. Sed nec illi videntur sapientiores, qui borealis Europae populos, incognitae Mosis tempore, magnamque partem incultae et silvarum solitudinibus adhuc permissae, nominari a Mose suspicantur: ut, Galliae Germaniaeque mediterranea, aut ipsius Scandinaviae: aut si quis nomen *Mesech* legens, statim urbem se Moscam audire putet. Peccantur talia patriae amore, nostrarumque rerum admiratione: sed temporis cogitatio, quo
Moses

Moses scripsit, quo nec intimae Europae silvae homini Aegyptio cognitae esse potuerunt, et verisimile est, Germaniam aut nullos habuisse incolas, aut certe nondum majores nostros, pia haec somnia excutere conniventibus oculis debebit. Quod si qua Europae borealis, non mediterranea, de his enim homini non stupido desperandum, sed maritima, locum in pericopa Mosaica, quam explicandam suscepi, ambire possint, Britannia erit et Borussia, haec ut succini, illa ut stanni patria Phoenicibus, nisi succinum ex India illuc advectum, nobilitata. Sed nec harum regionum mentionem fieri video, quae si incidisset, verisimile est, Mosē peculiare illarum opes, aliis terris negatas, succinum et stannum, laudaturum fuisse, ut in describendo paradiso fecit (*). Quod si nec succini nec stanni patriam nominat, multo est a vero remotius, Scandinaviam ab eo, aut silvas Germaniae, aut intima Poloniae Russiaeque commemorari: videnturque Mosi tempore Phoenicum navigationes nondum istuc pertinuisse, ubi stannum succinumque reperitur, licet illud ex Hispania advectitium Asiae inferrent.

Video autem Mosē de populis, proxima cognatione Israëlitae attingentibus, ut de Arabibus Joctanitis, paulo referre copiosius, deinde et de Aegyptiorum ac Phoenicum coloniis, denique et de Europae maritimis, quae navigationibus Phoenicum patefacta erant. Nec de adcolis maris Caspii ab Oriente et Occidente filet, quae regiones, illa maxime quae ab Oriente late porrigitur, celebriores olim, quam nunc sunt, fuisse videntur: sive soli felicitate, quae eximia laudatur, sive commerciorum cum India commoditate. Indiam ipsam, Hebraeis חֵרָר dictam (**),
non

(*) Genes. II, 11. 12.

(**) Esth. I, 1. VIII, 9.

non nominat, nec ab ullo Hebraico scriptore "ante reditum ex Babylonico exilio, mentio ejus injecta: unde multo minus de remotioribus, ut de Sina, sperandum, nisi alio sub nomine Indiam latere praestruxeris. Occidentem versus ultra Tartessum non pergit: non occidentalia Africae, in regione torrida, non Europae litora septentrionalia lustrans, illa summa antiquitate aut vasta adhuc et inculta, aut, si ultra Phoenices navigarunt, dissimulata, et silentio celata.

GENES. X, I.

ואלה חולדת בני נח שם חם ויפת ויילד
להם בנים אחר המבול

Hae sunt generationes filiorum Noachi, Semi, Hami, et Japhethi. Nati sunt ipsis filii post diluvium.

* * *

Nihil ad hunc versum, praeter quaedam critica, minuta illa quidem, nec tamen usu destituta, habeo. Necdum enim geographici quidquam continet.

חולדת *generationes*, defective, id est, sine Vau pluralis numeri scribitur, nec in Hebraicis solum exemplis, sed et in Samaritanis: quod hanc ob causam observatum dignum censeo, quia Houbigantius textum Samaritanum, tanquam unius orthographiae tenacem, ac pluralia quidem semper plene scribentem, praetulit Hebraico. Laborat,

borat, ut alibi docebo, major syllogismi propositio, illud exemplar integrius esse, quod eandem ubivis orthographiæ legem sequitur; verendum enim, ne ad leges grammaticas correctum sit: sed et falsa subsumtio, Samaritanum codicem in plenis et defectivis semper easdem leges observare. Vau enim terminationis pluralis femininorum, quod plerumque exprimit, hic una cum Hebraicis exemplis omisit. Causa defectivae scriptionis Vau praecedens in prima vocabuli syllaba, amant enim Hebraei, ubi eadem litera quiescens bis in eodem verbo ponenda erat, alteram omittere. Sed hoc in grammatica Hebraica, quam uberiores paro, explicandum.

Pro חם (*Hami*) Syrus et Arabs polyglottorum habent, *et Hami*. Nec tamen aliter eos legisse suspicor, (חם) sed liberioris interpretationis esse puto, quod conjunctionem ET addiderunt.

יפת *et Japhethi*] ET omittunt LXX, utrum libertate illa, quae interpreti cuivis facile conceditur? an lectionis diversitate? incertum.

Pro ילדו, *nati sunt*, solus codex Samaritanus habet, ילדו, quod active vertendum est: *et genuerunt sibi filios post diluvium*. Poterat utraque lectio ferri: id tamen certum, antiquos interpretes, LXX, Vulgatam, Chaldaeam utrumque, Syrum, et Arabem utrumque, cum lectione textus Hebraei facere, verbum passivum ponentes. Minutum hoc, si de uno loco quaeratur: at illustre, ad illam translaturum controversiam, quae de Hebraicae et Samaritanae lectionis praerogativa a cupidis nimium sive harum sive illarum partium instituitur. In matribus enim lectionis, literis ילדו sive scriptis sive omittis, Samaritanum codicem sequendum svadet Houbigan-tius. Hic tamen in quaestione de litera Jod veteres omnes

testimonium pro Hebraico textu contra Samaritanum dicunt: quod eo pertinet, non ut semper Hebraicum textum veriore Samaritano cum philologis Judaizantibus existimem, sed tamen ut nolim cum his, qui criticorum sibi nomen soli arrogarunt, hanc legem ferre, ubi de literis Vau et Jod positis omissive anquiritur, praeferendam lectionem Samaritanam esse. Equidem medius inter utrumque testem, ac neutri iniquus, in hac tamen orthographica quaestione veriore plerumque et sinceriore Hebraeum reperire mihi visus sum.

אחר *post*] Pro אחר Samaritani codices habent אחר, eadem manente utriusque lectionis sententia, unde versiones in partes trahi non possunt. Mihi, argumentis et testibus destituto, atque nec Samaritano textui nec Hebraico faventi, neutra lectio displicet, nec quae praeferenda sit expedio. Alii id aut favore ac studio quisque suo, quo me non fervere non aegre fero, aut si praeplacet, (sapientius certe est) talorum jactu judicent.

GENES. X, 2.

בני יפת נמר ומגוג ומדי ויין וחבל ומשך
ותירס

Filii Japhethi sunt, Gomer, et Magog, et Madai, et Javan, et Thubal, et Meschech (), et Thiras.*

*

*

*

Ante-

(*) Scire velim lectores, ac minibus, de quibus aliqua instituitur disputatio, me literam װ Germano-

Antequam sive de Gomero ejusque posteris, sive de Mogogo, aliisque hoc versu memoratis a Mose populis disputationem suscipiam, aliquid de Chaldaico nomine גרמניא (*), sive, ut alii scribunt, גרמניא (**), dicendum, quod Chaldaei interpretes, aliique Judaeorum magistri, jam pro Gomer, jam et pro aliis gentium nominibus, ut Magog et Thogarma, reponunt, quodque, cum Germanos designare putetur, occasionem dedit, Germanorum natales ad hunc illumve Noachi filium aut nepotem referendi. Nec equidem nego, recentiores Judaeos Garamaeorum (גרמניא) nomine Germanos intellexisse, ideoque et גרמניא inserto Nun scribere coepisse. Id tamen certum mihi habere videor, antiquiores, qui ita verterunt, aut a quibus accepta traditio ad plures fluxit, non de Germanis, sed de alia omnino gente cogitasse.

Hoc ergo nomen גרמניא, vel, ut alii scribunt, גרמניא, aut גרמניא, pro tribus nominibus Hebraicis poni video quae

manorum more Sch scripturum esse, quod Latinae, quam alias sequi soleo, orthographiae paupertas et ambiguitas caliginem offusura multis rebus videtur. Scio, nec Graecos nec Latinos ψ habere, quod nobis Sch, Anglis Sh scribitur: Latino-
rumque Sch, Graecorum σχ distincta utraque littera ita appellandum, ut nostra in gente Westphali eloqui solent: ideoque, ubi Hebraicum vocabulum non curiose exprimendum est, sed perpetua oratione latina utendum, potiorum orthographiae latinae rationem habens, cum veteribus Graecis et Hieronymo, pro tribus literis Hebraicis ס, צ et פ, S

repono. At ubi nominum propriorum, distinctius scribendorum, explicatio instituitur, latinis quidem literis, sed Germanorum more appellandis, ita utor, ut

ס et פ sit	-	S.
צ	-	Tf.
(nobis צ, sed quo uti non licet),	-	
פ	-	Sch.

Zain literam (צ) semper Latinorum Graecorumque more, Z, scribo, quam literam non nostro, sed Galilorum modo molliter appellari volo. Alphabetum enim Germanorum signo hujus soni determinato caret.

(*) *Garmaja*.

(**) *Garmanaja*.

quae ipsa interpretum fluctuatio indicio est, temere illos notum sibi nomen pro gente ignota substituisse. Primo enim aliqui ita vertunt Hebraicum *Gomer* (גמר). Monuit jam Buxtorfius in Lex. Thalmudico et Chaldaico, pag. 479. *apud Thalmudicos in Genes. X. גמר זה גרמניא, Gomer est Garmamja* (*). *Joma fol. 10, 1.* Suspiciari licet, quid spectarint Rabbini ita interpretantes: transpositas putarunt literas, et גמר idem esse quod גר, ergo et idem quo גרמניא. Quam quidem illis transponendi licentiam in nomine barbaro concederem, modo ea non ita abutantur, ut ex consonantia qualicunque efficiant, *Gomer*, populum a Mose nominatum, Germanos esse. Germanorum enim nomen et multo est recentius, nec totius populi, sed illorum, qui primi Rhenum invaserunt, qui cum Germanos, id vero est, ut fere putant, milites vel hostes, sua se lingua dicerent, inde factum, ut totam gentem Galli, eosque sequuti Romani, Germanos dicerent. Hujus ergo nominis vestigia in Mosis scriptis desperanda.

Deinde pro Magogo Thargum Hierosolymitanum, alterumque Jonathanis nomen prae se ferens, in hoc ipso versu nostricapitis habet, גרמניא, quibus quidem literis scriptum, atque N insititium habens, vocabulum, Germanos sonare videtur. At suspecta scriptio, cum Chaldaeus paraphrastes Paralipomenorum sine litera N גרמניא habeat ex editione Beckii: nec videatur ab interprete in Asia habitante committi potuisse, ut Magog in Germaniam mutaret; Asiaticis enim populis pervulgatum est, terram Magog circa mare Caspium in ea, quam veteres dicunt Scythia, quaerendam esse. Quidquid sit, dubio vacat, Germanos
non

(*) Rectius scripsisset *Gerammaja*.

non Magogitas esse, de quibus alia deinceps satis verifimilia trademus: nuspiam certe in Germanorum originibus hujus nominis, populo olim inditi, vestigium adparet.

Ezechielis denique interpreti Chaldaeo, cap. XXVII, 14. Thogarma est מדינת גרמא, *provincia Garamaeorum*. Magna hunc interpretem injuria adfecit Bochartus (*), quod eum, ne verbo quidem Chaldaico descripto, Germaniam interpretari tradidit. Nec enim Germanos, sed Garamaeos, literae praeferebant, incognitae quidem illae Bocharto, et quas conjectura existimabat; sed tamen illae literae describi debuissent, et addi, conjici quod Germaniam sonent, non constare. Nullo enim a loco alienior Germaniae mentio, quam ab illo Ezechielis, ut, si Chaldaeus interpret Germaniam illi intulisset, maximi id stuporis atque ignorantiae futurum fuisset. Enarrantur enim merces, ex regione Thogarma Tyrum advectae, equi et muli. Mulis vero nunquam Germania dives, nec eorum creatrix habita, cum ne asini quidem, australia amantes, in boreali nimis Germania feliciter proveniant, minores hic et turpiores illis, quos Italia, ac maxime vero Aegyptus gignit. Unde mulos ab exteris emimus, si illis opus est, non vendimus. Equorum quidem, eorum maxime quorum in bello usus, altrix nunc Germania: sed olim alia rerum facies, cum palustria pleraque nimia silvarum copia essent, nec pulcritudini equorum majores studerent; Tacitique tempore in Germania *equi nec forma nec velocitate conspicui* erant (**). Ac ne verifimile quidem est, Jonathanem, Ezechielis interpretem, hunc erraturum fuisse errorem, cum ejus tempore, si ante Chri-

(*) L. III. c. XI. pag. 176.

(**) Tacitus de Moribus Germanorum §. 6.

Christum vixit, nondum nobilitatum esset in Asia Germaniae nomen. Romanis illud literis primum coepit celebrari, maxime post Vari cladem, Graecis diu ita ignotum, ut Tacitus aliquoties Graecos arguat, quod minora celebrantes Germanica et Arminios ignorent. Haec ergo Germania, cujus victorias Italiae imminentes ne Taciti quidem tempore Graeci praedicare solebant, quo casu tam nota fuit, nobilisque visa est homini Chaldaeo, ante Christum natum viventi, ut alienissimo illam loco Ezechieli obtruderet?

Non nego equidem, multos Judaeorum, גֵרְמִיָּה scribentes aut legentes, de Germania cogitasse, unde et addito N scribi coepit, גֵרְמִיָּה, ac Germania a Judaeis appellari גֵרְמִיָּה שֶׁל אֲדָרָה, *Garamaea Idumaeae*, id vero est, Romani imperii, quod Edomiticum Judaei vocant. Sed haec recentiorum erunt aut librariorum aut magistrorum, eo tempore viventium, quo Germanorum nomen toto orbe notissimum erat. At antiquissimos explicationis hujus auctores, a quibus ad alios per traditionem manavit, sive Gomerum ejusve filium, sive Magogum, גֵרְמִיָּה esse, non de Germanis, sed de populo Orientali, his ipsis literis scriptum nomen habente, cogitasse putem. Nec opus est, talem populum investigaturis, ut literam N mediae voci inserant, aut, quod fecit BECKIUS ad I Paral. I, 3. pro Germania Caramaniam Persiae substituant. Ipsae hae literae, גֵרְמִיָּה, nobilem in Asia populum, sola Orientalis geographiae ignoratione, viris etiam doctis, Buxtorfiis (*), Bochartis, Beckiis, incognitum.

Interior nempe Assyriae pars Syris regio *Garamaeorum*, (جَرَمِيَّة) dicitur, Arabibusque جَرْمِي, qui que

(*) in lex. Thalm.

que in ea natus est, eum *Garmacenum* (گرمغن) vocant. Copiosius ea de re egit ASSEMANUS in bibliotheca Orientali, T. III. P. II. pag. 747. 748. et ex Syrorum monumentis regionem describens, et Ptolemaei verba adferens, qui de Assyria, L. VI. c. I. ita: *regionis pars, quae juxta Armeniam est, vocatur Arrapachitis, quae vero juxta Sufianam, Sittacene: media vero tenent Garamaei. Vocatur autem ea, quae inter Arrapachitidem et Garamaeos est, Adiabene; quae autem inter Garamaeos et Sittacenen interjacet, Apolloniatis, cui superjacet gens Sambatae, et supra Adiabenem Calachene. Garamaeis autem Arbelitis regio imminet. Urbes praeterea in ea sitas enumerat, quarum ope facile poteris regionis situm quodammodo definire, si in d' Anvillii delineatione Asiae exquiras, Schaharkadtam, Dakukam, Bavazigiam, Darabadam, Chanigaram. Quin eadem in delineatione ipsum Garmae nomen invenies sub gradu latitudinis 35, longitudinis 61. Ejusdem populi et Herbelotus mentionem in bibliotheca facit, ut diu ante Mahummedem saepe Persiam et Mesopotamiam incursionibus vexantis (*). Forte hi Garamaei ortu non Assyrii. Nostro quidem tempore circa ea loca Curdorum sedes, quorum originem ignoramus. Quod quidem eam ob causam moneo, quia Chaldaei interpretes Garamaeos ad Gomerum, Magogum, Thogarmam, Japhethi posteros referunt. Definamus ergo jam de Germania somniare, ubi Garamaeos legimus. Nunc ad singulos pergamus populos, Japhetho ortos.*

גַּמְר

(*) pag. 379. les Giarmacides ou Gjarmacides ont fait autrefois des incursions dans la Perse, et dans la Mesopotamie, plusieurs siècles avant le Muhammetisme, Les histoi-

res Orientales portent, que l'Empereur Carinus fut défait et tué par ces peuples, qui s'étoient en ce tems là rendus maîtres de Mousal.

גֹמֶר *Gomer*.

De Gomero egit Bochartus, libro III. c. 8. parte operis felix, sed cui in summa sententiae, solis nixa etymologiis, subscribere nequeo. Nec ipse quidem certa adferam; sed eam ornabo veterum sententiam, quae reliquis minus videtur veri dissimilis, neque a recentioribus satis est intellecta.

Thargum Hierosolymitanum, eique hac parte consona Chaldaica versio Paralipomenorum, פִּרְיִי vertit, quo nomine non Africam intelligendam esse disputationis vix eget. Judaeusne enim interpres, qui fabula de divisione orbis terrarum inter tres Noachi filios imbutus a teneris erat, aut omnino sanusne et sobrius Mosis lector, Africanos Japhethi posteros facere potuit? cum id quidem manifestum esset, omnes, quos Moses memorat, Africae populos, Hamo oriundos esse. Recte ergo Bochartus Phrygiam intellexit, atque Aleph in vocabuli initio protheticum credidit, quale in nominibus exoticis a duplici consonante inchoatis, Syri, Chaldaei, atque Arabes saepe ponunt. Huic Phrygiae mentioni Josephum comparans, qui Galatas intellexit, recte censuit, utramque explicationem non discordem esse, Galatas enim, Europa extorres, in Phrygia consedisse. Haec ille, ut opinor recte, quamquam in eo dissentiam, quod Gomaros Phryges facit, non Galatas, mihi enim ob rationes infra dicendas Galatae, id vero est, Galatarum majores ultimi, praeplacent.

Nempe, ut solet, etymon arripuit Bochartus, hac tanquam face populum *Gomer* Hebraeis vocitatum quaesiturus. Verbum ergo גֹמֶר explicat, *consumsit ignis*, monetque, Chaldaeis et Syris nomen inde ortum גֹמֶר

pru-

prunam sonare. Jam cum aliqua Phrygiae pars, circa Maeandrum, κατὰ μαυμένη Graecis, id est, combusta, dicatur, omnibus, ut ait, *expensis* Gomer ipsi videtur esse Phrygia.

Mihi vero statim in ipso scriptionis initio profitendum, quantopere totum hoc displiceat geographiae genus etymologicum. Primo enim quis nobis praestat, alienissimae aut gentis aut terrae nomen proprium origine Hebraicum esse, ac quidquam lucis ex derivatione accipere Hebraica posse? Quis quaeso mihi dederit, vel potius quis non jucunde arriserit, si ejus urbis, in qua habito, Goettingae, historiam scripturus, ac quorundam ex more de nomine aliqua exorsus, Hebraicum id faciam, atque ex גֹת רֵין componens *torcular judicii* vertam, aliquam, nescio quam diu ante Christum, pugnatam in hac ipsa valle ingentem pugnam comminiscens, quae sanguine eam inundarit, torcularque, ut loquuntur Hebraei, judicii divini fecerit? Sed haec prurigo etyma Hebraica ubique invenienti, Hebraice doctos sollicitat, estque in Bocharto, magno cetera viro, insignis: quo si ille morbo caruisset, quid quaeso nobis relicturus laboris spicilegiive erat?

Deinde et hoc obstat illi etymologicae de situ populorum disquisitioni, quod nomina gentibus terrisque tam vario casu, ac tanquam forte ducuntur, tamque minutis saepe ex causis, ad posteritatis memoriam non proditis, ut periculosum sit, ex etymo conjecturam in geographia facere. Neque haec ita dico, ut negem, si qua manifesta situs descriptio in nominis significatione insit, ut, si vallis dicatur, aut mons, aut pons, aut portus, posse illo etymo geographum uti: quamquam ne sic quidem soli confidere debet significationi appellativae, quod saepe coloniae nomen ex metropoli sumunt, situ locique ingenio

גֹמֶר *Gomer*.

De Gomero egit Bochartus, libro III. c. 8. parte operis felix, sed cui in summa sententiae, solis nixa etymologiis, subscribere nequeo. Nec ipse quidem certa adferam; sed eam ornabo veterum sententiam, quae reliquis minus videtur veri dissimilis, neque a recentioribus satis est intellecta.

Thargum Hierosolymitanum, eique hac parte consona Chaldaica versio Paralipomenorum, אֶפְרַיִם vertit, quo nomine non Africam intelligendam esse disputationis vix eget. Judaeusne enim interpres, qui fabula de divisione orbis terrarum inter tres Noachi filios imbutus a teneris erat, aut omnino sanusne et sobrius Moysis lector, Africanos Japhethi posteros facere potuit? cum id quidem manifestum esset, omnes, quos Moses memorat, Africae populos, Hamooriundos esse. Recte ergo Bochartus Phrygiam intellexit, atque Aleph in vocabuli initio prostheticum credidit, quale in nominibus exoticis a duplici consonante inchoatis, Syri, Chaldaei, atque Arabes saepe ponunt. Huic Phrygiae mentioni Josephum comparans, qui Galatas intellexit, recte censuit, utramque explicationem non discordem esse, Galatas enim, Europa extorres, in Phrygia consedisse. Haec ille, ut opinor recte, quamquam in eo dissentiam, quod Gomaros Phryges facit, non Galatas, mihi enim ob rationes infra dicendas Galatae, id vero est, Galatarum majores ultimi, praeplacent.

Nempe, ut solet, etymon arripuit Bochartus, hac tanquam face populum *Gomer* Hebraeis vocitatum quaesiturus. Verbum ergo גֹמֶר explicat, *consumsit ignis*, monetque, Chaldaeis et Syris nomen inde ortum גֹמֶר
pru-

prunam sonare. Jam cum aliqua Phrygiae pars, circa Maeandrum, *κατακαυμένη* Graecis, id est, combusta, dicatur, *omnibus*, ut ait, *expensis* Gomer ipsi videtur esse Phrygia.

Mihi vero statim in ipso scriptionis initio profitendum, quantopere totum hoc displiceat geographiae genus etymologicum. Primo enim quis nobis praestat, alienissimae aut gentis aut terrae nomen proprium origine Hebraicum esse, ac quidquam lucis ex derivatione accipere Hebraica posse? Quis quaeso mihi dederit, vel potius quis non jucunde arriserit, si ejus urbis, in qua habito, Goettingae, historiam scripturus, ac quorundam ex more de nomine aliqua exorsus, Hebraicum id faciam, atque ex גֹמֶר componens *torcular judicii* vertam, aliquam, nescio quam diu ante Christum, pugnatam in hac ipsa valle ingentem pugnam comminiscens, quae sanguine eam inundarit, torcularque, ut loquuntur Hebraei, judicii divini fecerit? Sed haec prurigo etyma Hebraica ubique invenienti, Hebraice doctos sollicitat, estque in Bocharto, magno cetera viro, insignis: quo si ille morbo caruisset, quid quaeso nobis relicturus laboris spicilegiive erat?

Deinde et hoc obstat illi etymologicae de situ populorum disquisitioni, quod nomina gentibus terrisque tam vario casu, ac tanquam forte ducuntur, tamque minutis saepe ex causis, ad posteritatis memoriam non proditis, ut periculosum sit, ex etymo conjecturam in geographia facere. Neque haec ita dico, ut negem, si qua manifesta situs descriptio in nominis significatione insit, ut, si vallis dicatur, aut mons, aut pons, aut portus, posse illo etymo geographum uti: quamquam ne sic quidem soli confidere debbit significationi appellativae, quod saepe coloniae nomen ex metropoli sumunt, situ locique ingenio

diversissimo. At ubi nominibus istis situm indicantibus caret etymon, quam est ab omni inveniendi veri via remotum, vel tenuissimam ejus in geographica quaestione rationem haberi? Fac post triginta secula aliquem, nec Germanicae linguae indoctum, nescire, ubi hae sitae urbes fuerint, BERLIN, MAGDEBURG, BRANDENBURG, WOLFENBÜTTEL, BRAUNSCHWEIG, sive ut olim limpidius scribebatur, BRUNSVIC, manifesti omnes et indubii etymi, quid quaeso proficiet, si etymo facem praeferre sedem illis quaerat?

Atque etiam ut plus Bocharto concedam, quam concedendum temere videtur, in etymologia Hebraica aliquid opis esse, ad situs populorum alienissimorum suaque utentium lingua indagandos, forte quod Moses nomina barbara non retinuerit, sed Hebraice verterit, (quamquam id Bochartus nolebat, omnes potius omnium populorum majores Hebraice loqui cogens) ne sic quidem sine magno erroris periculo ex גֹמֶר Phrygiam combustam fecerit. Plura enim significare nomen orientale potest: namque et *lapilli* his literis dicti Arabibus, et *averruncare*, et alia multa: nec facile expedias, cur ex multis verbi גֹמֶר significationibus prunas potius, quam lapillos, aut aliam quamcunque vir doctissimus arripuerit.

Nec quidem universim omne in nominibus propriis damno studium etymologicum, ipse quoque, ubi aliis indiciis certo constat, quae regio aut urbs nomen habuerit Hebraicam originem prae se ferens, nonnunquam de etymo disputaturus. Id unum nego, antequam id constet, ignotae adhuc urbis, regionis, gentis situm ex derivatione Hebraica inveniri et definiri debere.

Recentiorum plerique גֹמֶר Cimmericos intellexerunt: melius illi sane Bocharto, licet hic ne refutationis quidem honore dignatus eos repudiet. In nominibus enim propriis sonum sequi, non significationem appellativam, debemus, nisi ubi constat nomen in aliam linguam conversum esse. Videtur tamen hoc Cimmericis opponi posse, quod nemo ex antiquis hanc sententiam praeivit, ac tanquam pro ea testis exsurgit. In quaestione enim geographica et historica aegre testibus antiquorumque consensu caremus: ac mirum est, si utique Cimmerici גֹמֶר sunt, neminem id veterum intellexisse. Sed dabitur forte huic dubio occurrere, postquam eam, quae mihi verisimilior videtur, sententiam exposuero.

Dixit illam, sed nemini intellectus, ne Gallis quidem et Britannis quorum utrorumque causa et aliqua gloria agebatur, JOSEPHUS. Sic ille: τοὺς νῦν ἂψ Ἑλλήνων Γαλάτας καλουμένους, Γομαρείς δὲ λεγομένους, Γόμαρος ἔκτισε, i. e. eorum, qui nunc a Graecis Galatae appellantur, Gomari autem vocantur, procreator Gomarus fuit. Haec licet brevius dicta vix tamen legere, quin suspiceris, de gente loqui Josephum, cui ejus adhuc tempore Gomar nomen fuerit, licet a Graecis aliter vocaretur, verbaque ita intelligenda et circumscriptione pandenda esse: eorum, qui nunc a Graecis Galatae appellantur, proprie autem ac suo nomine Gomari vocitari solent, Gomarus conditor fuit. Nec certe deerat eo nomine populus, sed ipsi Celtae, quorum Galatae in Asia minore colonia sunt, sua et antiqua lingua in hunc usque diem CYMR vocantur.

Monendos autem censeo cives meos, Celtas, quos patriae amore cum Germanis confundere solent, suam

gentem fuisse, origine et lingua a Germanis diversissimos; quod quidem peroratum a summo SCHOEFFLINO in Alsatia illustrata, et postquam vocabularium ejus linguae habemus a Pelletierio editum (*), ut notum et concessum summo. Manent autem linguae veteris reliquiae in peninsula Francici regni Britannia, Armoricorum, inque Wallia, occidentalis Angliae regione. Hujus ergo Walliae incolae sua se lingua KYMR vocant, ut Hiberni, quos Gallos

(*) *Dictionnaire de la langue Bretonne, par Louis de Pelletier. à Paris 1752.* Hoc ipsum mihi quidem vocabularium, amicissime mecum de Gallis Celtisque in literis familiaribus disputans, eosque Germaniae vindicaturus, opposuit, cujus post mortem jucundum mihi nomen est, SÜSMIECHIUS. Copiosum ex eo texebat indicem verborum Armoricorum, Germanicis consonantium. Sed pleraque sunt origine latina, id eoque nec Germanis nec Gallis domestica, sed a Romanis accepta, ut *Sach, Sack, sal, saltig, scaff, Schiff, scriva, schreiben, Scudell, Schüssel, sihel, Siegel, sol, die Sohle*: alia peregrina cumque ipsis mercibus ad nos primum ex Oriente advecta, quorum exemplum puto *Saffron, Safran*, sine dubio Arabicum: non pauca adeo dissimilia sono, ut probare nihil videantur, *soler, klar, Soarn, Dhr*, alia. Pauca, quibus nihil ejusmodi opponi

potest, non sufficiunt unitati utriusque linguae stabiliendae. Ex omnibus enim linguis Europaeis ejusmodi, nec numero cedentia, colligi verba possunt, Germanicis similia: nec tamen ideo omnes Europaeos Germanicae facimus originis, sed has aut reliquias credimus esse primaevae cujusdam linguae, aut ad vicinitates, commercia, bella et colonias gentium referimus, quae saepe diversissimas linguas quodammodo miscent. Galli non finitimi solum Germanorum, sed et in intima Germania Tacito teste habitarunt populi Gallicae originis: unde penes necesse fuit, multa majores nostros a Celtis, Celtas a Germanis vocabula mutua sumere. Sic nostro tempore multis vocabulis Francicis, quae origine latina sunt, utimur, illisque jus aut civitatis aut certe peregrinitatis, in lingua vernacula concessimus.

los vult et a Celtis adhuc distinguit Bütnerus noster, GAL-
LEC. Haec cum ita sint, videntur Galatae quoque ii,
qui in Asia minore confederant, antiquum nomen reti-
nuisse, suaeque barbara lingua CYMR, seu, ut latinius di-
cam, CIMMERII fuisse.

Ita jam inter diversissimas primo adspectu veterum sen-
tentias coibit concordia. Galliae primos incolas, Celtas,
ab Oriente per Germaniam adventitasse, in qua ipsa, in-
que remotiore etiam Borussia, gentes Gallicam originem
linguae similitudine prodentes Tacitus memoravit, cum
illis sumo, qui de hoc argumento egerunt copiosius. For-
te ergo ipsi, qui Bosporo suum nomen indiderunt, Cim-
merii, ejusdem gentis sunt, exque illo angulo Asiae Eu-
ropaeque effusi Celtae per Germaniam in Galliam Britan-
niamque penetrarunt, iterum, cum multitudini eorum oc-
cupatae in Gallia, Germania, atque ultra, sedes non suf-
ficerent, inde erupturi: unde Cimbri Romanorum histo-
ria celebrati, eaque ipsa colonia, quae Galatiam Asiae
minoris obtinuit. Ergo qui Gomarum Cimmeriorum fa-
ciunt progenitorem, antiquum nobis et Asiaticum popu-
lum nominant, ex quo Celtas egressos esse nomen quo-
dammodo arguit, ac qui forte Moyses jam tempore latius
patuit. Josephus, qui in Galatarum nomine domestico,
KYMR, Hebraici *Gomer* vestigia et similitudinem invene-
rat, Galatas interpretatus est: non illos, modo bene de
eo speres, Galatas intelligens, qui diu post Moysen ex Eu-
ropa in Asiam trajecerunt (nimis enim pudendus error,
si hanc recentem coloniam a Mose nominari putasset),
sed eorum progenitores in Europa, a quibus Asiatici Ga-
latae orti. Hi autem quoniam in Phrygia septentrionali
confederant, vulgatumque apud Judaeos erat, Galatas
esse Gomeri Mosaici posteros, historiae ignari interpretes

Chaldaei ipsam Phrygiam, aut Phryges (אֲפִרְיָי) pro Gomerō nominarunt. Gorionides denique cum traditione acceptum haberet, Gomaritas in Gallia quaerendos esse, ex sui temporis geographia ac nominibus, magno sane errore sed cuius fontem jam deteximus, de Gomerō, seu potius de ejus filio Aschcenazo scripsit, *Francos esse, qui in regione Franciae ad fluvium Seina (סֵינָא) habitent.*

Meam si quis de Gomer sententiam exquirat, non sum equidem tam inverecondus, ut certi quid me adferre posse sperem: maxime cum antiquissimas sedes atque historiam Celtarum antequam Europam ingressi sunt, ignoremus, deque Gomeri filiis, Aschchenazo, Riphatho et Thogarmo parum constet. In tanto tamen errantium etiam consensu, quem hucusque exposui, verisimile videtur, Celtas antiquissimos, quorum et nomen *Kymr* cum Hebraico *Gomer* concinit, intelligendos esse. In quaestione enim de nominibus propriis geographicis instituta, plerumque non etymologias, ut supra dixi, sed vocem ac sonum sequi debemus, nec philologia uti et ingenio, sed auribus. Nec sane a vero abludit, potuisse jam Mosi eam gentem cognitam fuisse, quae sua lingua *Kymr*, a Latinis, postquam in Gallia confederat, Celtae, dicebatur. Populum enim habemus antiquissimum, ex Asia aliquando egressum, cui, cum late Europam teneret, Prisco Tarquinio Romae regnante (*) ingentes terrarum tractus jam non suffecerunt, tantum multitudine creverat. Mirumne, hujus gentis initia Mosi tempore jam clara atque ab eo commemorata fuisse? Quod si qui nobis Germanorum potius conditorem in Gomerō Aschcenasi patre, nimio patriae

(*) Livius L. I. c. 34.

triae amore, quem in investigando vero nullum esse velim, ostentare malunt: eos vero cogitare jubeo, quam sit verisimilius, Celtarum antiquissimam gentem, idque suo proprio nomine, commemorari, quam Germanorum, quorum nomen in historia multis demum post seculis auditur, clarum quidem, sed non aequè, ut Celticum, antiquum. Caeterum ex totius scriptionis meae serie hoc intellectum iri spero, non me Celtas Mosis tempore in ea collocare Gallia, in qua deinde habitarunt, et cujus septentrionalia Mosis incognita praefatus sum, multoque minus in Phrygia, sed in antiquis atque orientalibus sedibus, confiniis forte Europae atque Asiae, ex quibus occidentem petierunt, Gallia aliquando, ac forte diu post Mosem, potituri. De Cimmericorum lingua, eorumque populorum, qui pro Aschcenae, Riphath et Thogarma habentur, si mihi constaret, ac si tres mihi populos, lingua Celticae cognata usos, monstraret historia, qui ipsi domestico ac vernaculo nomine ab Aschcenae, Riphath et Thogarma, non magis dissonante, quam Kymr a Gomer, sese vocitassent, deposita verecundia certi quid adseverare auderem. Sed haec antiqua et barbara tenebris involuta. Ergo veri non dissimilibus contentos nos esse oportet.

De nominis Hebraici appellatione restat ut moneam, Onkelosum et Maurum interpretem גֹמֶר et جومر plene cum Vau habere, quod tamen non puto variae lectionis esse, sed plene scribi ab interprete antiquum vocabulum, quod in ejus appellatione errari facile poterat, postquam abierat in desuetudinem. Certe LXX. Graece γαμερ scribentes, illam matrem lectionis in suo codice non habuisse videntur. Josephus autem, non hos, sed Hebraicam adpellationem sequutus, Γόμαρον vocavit, quod ad
 item

litem de Josepho, Graecorumne an Hebraicorum librorum lectore? quodammodo pertinet.

Mihi quidem consveta appellatio, punctis Masorethicis et Josepho consentanea, eam quoque ob causam verior videtur, quod מֶגוֹג puto Celtas esse, Celtae autem sua se lingua *Kymr* vocarunt, non claram vocalem, I, sed obscuram, U, vel Y, in prima syllaba nominis habentes.

*

*

*

וּמֶגוֹג *Et Magog.*

Difficilius nomen, nec quod terram Magog prorsus ignorare mihi videor, sed quia illo in tractu multi populi, uno nomine ab exteris confusi, licet ortu linguaeque diversi essent, habitarunt. Nec nego, majoris momenti hanc esse, quam superiorem de Gomarom, quaestionem quod ex ea pendet interpretatio vaticinii Ezechielis de Gogi et Magogi eruptione: ad eorum autem, quae apocalypsis sub iisdem nominibus vaticinatur, explicationem nihil forte geographia confert. Ut enim Babylonis, ut Aegypti, ut Sodomorum nomen, mystice in apocalypsi ponitur, ita fieri potuit, ut Magogi etiam nomine mystice scriptor uteretur, hostes civitatis Dei, Magogi Ezechielis furore et internectione similes, celebrato jam et antiquo nomine indicans.

Antequam autem ad meam sententiam prodendam me conferam, prius de Bocharto dicendum, qui capite XIII. libri tertii de Magogo egit, copiose ille quidem, sed ita, ut multa in illo reprehendenda videantur. *Magog*, ait, *Ambrosio Gothorum, Eusebio Celtarum, auctori chronici Alexandrini Aquitanorum, Chaldaeis Germanorum, Arabibus Tatarorum, Josepho, Eustathio, Hieronymo*

nymo et Theodoro, Scytharum patrem fuisse. Ex hoc numero jam Germani demendi, ut enim supra perfecisse mihi videor, non Germanos, sed Garamaeos Assyriae, illi intellexerunt, a quibus primo accepta interpretatio ad alios manavit. Curdorum, qui illis in tractibus degunt, incerta adhuc origo, quam, ut alii ad Arabes, ita forte interpretres Chaldaeus ad Scythas ab Oriente maris Caspii habitantes, ubi Magogitarum sedes fuisse dicemus, retulit.

Deinde video, omissam esse Svidae explicationem, quae lectori Ezechielis, ingentes diversissimorum populorum exercitus cogitanti, qui Gogo tribuuntur, aliqua se veri specie commendare posset. Persas enim voluit Svidae, tribus modo verbis (utinam copiosius!) edicens: *Μάγωγ ὁ Πέρσης*. Xerxis aliquem exercitum describere Ezechiel videri possit. Non omittendam ergo hanc duxi interpretationem, licet veram non existimem. Primo enim, quo argumento compertum Svidae fuit, Magog Persas esse? nec enim is est, vir Graecarum literarum doctissimus, cui et in Hebraico nomine sine argumento credi possit. Suspiciari si licet, hoc eum spectasse dixerim, quod toti nonnunquam Persarum genti a magis, qui Persice *مغ* (*Mog*) sunt, nomen ducitur: unde si conjecturam de Magogo fecit, sine dubio errasse censendus est. Nec enim Moïsis jam tempore eos a Magis nomen habuisse, verisimile. Quod autem de Gogi apud Ezechielem exercitu dixi, Xerxis copiis non absimili, specie impleti vaticinii nos decipit: obstant enim alia, quo minus de Persis haec vaticinari Ezechiel potuerit, ut, quod Gogus Palaestinam populumque Dei invasurus dicitur, Graecos bello adortus Xerxes est.

Denique ad Scythas quod attinet, a Josepho nominatos, in cujus sed non recte intellecti sententiam Bochartus quoque concessit, digna sunt ipsa, quae hic legantur, historici Judaeorum verba: Μαγώγης τοὺς ἀπ' αὐτοῦ Μαγώγας ὀνομάθεντας ᾤκησε, Σκύθας δὲ ὑπ' αὐτῶν (τῶν Ἑλλήνων) προσαγορευομένους: *Magoges dictos ab ipso Magogos condidit, qui a Graecis Scythae appellantur.* Videtur ergo Josephus de populo loqui, cui in illum usque diem Magogorum nomen proprium, nec ipsi incognitum fuit, licet Graecis, qui de rebus ulterioris Asiae parum curate retulerunt, late patente Scytharum nomine hos quoque Magogos complectentibus, nec suo proprio noscentibus. Ita non sententiam Josephus dixerit, sed testimonium. Hic autem populus, Syris diu post Magogi nomine vocitatus, qua in Scythiae parte sedes habuerit, ubi ad meam sententiam dicendam pervenero, quantum ejus fieri potest expediam. Nunc quidem adhuc de Bocharto,

Hic ergo totus in eo est, ut probet, Magogum Scytharum progenitorem fuisse. Quod quaeso quid habet certae ac definitae sententiae? Tam enim late patet Scytharum nomen, lingua, origine, caelo diversissimas complexum gentes, (nec desunt, qui ipsos Celtas, Germanosque, Scythas faciunt) ut nihil prope dixerit, qui disputat, Magogos Scythas esse. Elusisse quaestionem putandus est, non respondisse, qui de ignoto populo interrogatus id unum nos docet, Scythas esse: nec plus attulisse videtur, quam si Javanem quis conditorem Francorum, (ut loquuntur Turci) id verò est Europaeorum dixerit.

Non jam de argumentis agam, ex Ezechiele fere defumtis, quibus vagam hanc et late fluitantem opinionem Bochartus confirmare conatur; ut, arcum, et equos, et pa-

panopliam, Magogo tribui, quasi vero haec Scytharum modo, non multarum praeter eos gentium sint. Magis tamen displicet, quod iterum etymologia nititur Hebraica, in quaestione quae tota est geographica, multoque ulterioris Orientis. Ad Caucasum enim habitasse Magogitas pervicturus, vult eum, non a Magogo quidem, sed tamen a Gogo dictum, גֹּגַר חַסָּן (*Gog Hasan*) *Gogi munimentum*: ne satis quidem grammaticae. Hoc enim ipsum, *Gogi munimentum*, inverso vocabulorum ordine Hebraice Chaldaiceve dicendum fuisset, *Hasan Gog* (חַסָּן גֹּגַר). Sed totum hoc genus probationis etymologicum cur mihi displiceat, supra exposui. Quod autem ex Plinio (*) de Hierapoli Syris Magog dicta habet, vestigia expeditionis Scytharum ex illo nomine eliciens, manifesti erroris est, sed quem quo vivebat tempore vitare Bochartus non potuit. Post cognitum ex Syrorum monumentis, vitiose scriptum, Magog, ac nomen urbis Mabug esse, his literis Syriace scribendum ܡܒܘܓ. Nec id nostrum observatum, sed detexit arguitque errorem Assēmanus in indice geographico urbium episcopaliū, quem Tomo secundo bibliothecae Orientalis inseruit. Nos tamen monendum duximus, ne non lecto Assēmano, Bocharti, editionumque Plinii errorem, qui de geographia orientali agunt, describere pergant.

Denique in ea Scythiae parte, quam Magogis assignare potissimum videtur, maxime errat. Gogus enim quia princeps Rosch, Meschech et Thubal ab Ezechiele dicitur, Bochartus Rosch jam Araxen, jam Russos, jam caput interpretatus, in Araxis Moschicorumque montium vicinia, id vero est cis mare Caspium ad Caucasum quaerit,

(*) Plin. hist. natur. L. V. c. 23.

rit, non certiore ille indicio, quam quo Kamtschatcam Petropoli vicinam suspicari, audiens, Russorum illam imperio subiectam esse.

Haec quidem de Bocharto: nunc ad id dicendum quod ipse sentio progredior. In qua quaestione tractanda si feliciori mihi esse quam Bocharto contigerit, totum id seculo imputandum. Quod enim ante quinquaginta annos non potuissim non ignorare, nullo me negotio Ebedjesus Sobensis, aliique Syri, ab Assemano in bibliotheca Orientali T. III. P. II. p. 16. 17. 20. excerpti, docuerunt. Hi enim non in explicandis sacris literis, sed in tradenda historia, nomina Gogi et Magogi ut nota inque geographia recepta ita ponunt, ut manifestum sit, ulteriorem Tatariam qua parte Indiae imminet, latiusque inde versus Orientem extenditur, Magog vocitatum fuisse. Quae terra quousque versus Occidentem porrecta fuerit, non ita liquet, ut fines ejus linea describere possim: id unum video, non ad mare eam Caspium pertinuisse, sed ingentes terrarum tractus, Chorasanam, Chorasmiam, Mauerrannah, et Balk, partemque Bucariae, eam inter et hoc quod dixi mare fuisse. Ebedjesu quippe, seculi XIII scriptor, auctor est, ab Adaeo christianas ecclesias plantatas esse, *per universam Persiam, regionesque Assyriorum, Armeniorum, Medorum, circumjectaque Babylo- ni, et Huzitas*, (Persiae meridionalis non procul a Tigri gentem, cujus metropolim Ahvaz in Asia d'Anvilliana invenies) *et Gelas* (گيلان, in tabula d'Anvilliana circa gradum longitudinis 40, longitudinis 85 reperies), *usque ad fines Indorum, et usque ad terram Gogi et Magogi* (گوج و مگوگ). Hic quis non situm terrae Magog agnoscat, illo in angulo incipientis, in quem Gilan

Gilan seu Kilan et Indiae septentrionalia concurrunt? Si milia habet Elias Damascenus, qui circa annum Christi 893. vixit, cujusque haec Arabica excerpfit Assemanus: *Aghaeus, Adaei discipulus, ad disciplinam Christi vocavit, atque rexit, Gebalam* (i. e. Parthiam, quam in tabula d'Anvilliana sub longitudine 65 graduum non procul a mari Caspio invenies) *et Persiam, et Abvaz, usque ad fines Sind* (i. e. Indiae Occidentalis) *et Gogum et Magogum.* Mares, Salomonis filius, circa annum Christi 1135 clarus, de eodem Aghaeo Arabicis literis prodidit, *eum iter suscepisse in Gebalam, et Abvaz, et fines Sind, (وما قرب اجوج ومجوج) et quae proxima sunt Gogo et Magogo.* Amrus denique, qui anno Christi 1318. obiit, Adaeum laudans evangelii praeconem, *Affyriam ei et Niniven, et Hazam, et Arzan, et Persidem, et Gebalam, et quae sita sunt usque ad Gog et Magog (والى بلاد ياجوج ومجوج) assignavit.*

Quae quidem cum Josephi dictis conferens, qui suo tempore aliquam adhuc gentem Magogi nomine noscitare visus est, intelligere mihi videor, Hebraeos, Syros, Chaldaeos, Arabes, ingentes illos terrarum tractus, qui Indiae et Sinae a septentrione sunt, quos Graeci Scythiae, nos Tatariae latissimo nomine una cum aliis permultis populis terrisque complectimur, Magog appellasse. Quae regio quousque ad Occidentem et Septentrionem pertinerit, dicere non habeo: id unum agnoscere mihi visus, non ad mare usque Caspium exporrectam fuisse, alterumque frigoris intolerantia deprecans, ne Mosais temporibus, aut omnino Ezechielicis, ad ultimum Septentrionem ejus fines proferantur. Nisi forte et hi ipsi populi Moisis tempore magis fuerunt occidentales, suntque ex illa gentium

tium vagina, (quo nomine mediam circa mare Caspium Asiam rectius quam borealia Europae dixeris) ut alii in Europam, ita hi in ultimum Orientem evagati. Amo enim quodammodo, si non maris Caspii, certe Gihonis fluminis viciniam, ad quam paradisum a Mose collocari memini. Quod nisi esset, et nisi illi ad Gihonem tractus in majore olim, quam nunc sunt, celebritate fuisse viderentur, non equidem auderem, in tam remota ad Orientem et mediterranea Asiae deducere populos a Mose jam memoratos: ultra autem, quam prorsus necesse est, atque ad hos qui diu post Christum fuerunt Magogorum fines, progredi nolim, si propius a loco, in quo Moses vixit scripsitque, consistere detur.

Cujus excerptis hanc Magogi qualemcunque debeo notitiam, Assemanus, nuspiam quidem, quod meminerim, quaestionem tractavit, aut de situ terrae Magog exposuit. In eadem tamen illum fuisse sententia, ex elegantissima et verisimillima explicatione fabulae Arabum de Gogo ac Magogo colligo. Cum enim Muhammedes, ex Judaeorum, ut puto, commentis, referat, Alexandrum Magnum aliarum gentium precibus permotum, muro ferreo Gogum ac Magogum, saevas nationes ac terribiles, coërcuisse, quo muro perrupto inque pulverem redacto aliquando prodituri sint (*), Assemanus, *commentum*, inquit (**), *illud de muro aeneo ab Alexandro Magno exstructo desumptum videtur ex celeberrimo muro, a Sinarum regibus Tataros inter et Sinas erecto, vel certe de Pylis Caspiis, quam urbem, ipsius Alexandri, ut ajunt, opus, hodieque portam ferream seu Derbent dici, compertum est.*

Arabia

(*) Corani Sur. XVIII, v. 93 -
99. XXI, 96.

(**) bibl. Or. T. III. P. 322.

Arabia cum longe majore intervallo ab his terris abfit, quam illae regiones, quae lingua Syriaca utebantur, atque Muhammedani ex Corano fere acceptam Gogi et Magogi notitiam habeant, fabulosam illam potius quam geographicam: facile est existimatu, minus ex Arabicis scriptoribus religione Muhammedanis, quam ex Syris christianis certi peti posse. De fabulosa illigente, et solis Corani mendaciis nobili, loquuntur; Syri de nota, ac propinquiore, et cui nomen Christi ipsi intulerunt, ad Sinensium usque fines propalatum. Qua de re si cui grave est Assemanum interrogare, copiosius in parte secunda tomi tertii bibliothecae de ea agentem, credat Moshemio, in institutionibus historiae ecclesiasticae summa rerum gestarum capita delibanti, aut hujus ipsius Moshemii historiam Tartarorum ecclesiasticam legat.

Arabes quidem, postquam ex patria sua egressi late Asia potiti sunt, exquisivisse feruntur terras *Jagog* et *Magog*: (sic sua eas lingua vocant). Historiam, an fabulam, ex Arabico libro excerptam, refert HERBELOTIUS in bibliotheca Orientali, pag. 470. 471. sub vocabulo *Jagiouge*. Vatheci, noni ex Chalifis jussu, seculo post Christum nono (anno 842) ad septentrionalia profectus dicitur Salamus, murum Alexandri, quo Magogitae includi putabantur, aliaque Corani visurus miracula, et certa de illis relaturus: isque, quod maxime aut fabulam arguit aut mendacium, ea felicitate usus est, ut hujus muri, qui nusquam fuit, ruinas suis oculis usurparet. Nec mendacii crimen diluere murus Sinensium poterit, ad hunc enim Salamus non pervenit, ut ex numero stationem liquet.

Ergo

Ergo hac suscepta expeditione ab Occidente maris Caspii iter ingressus est, perque portas Caspicas, quibus nunc *Derbent* nomen, ad Magogum contendit. Nec id mirum, *portae* enim *ferreae* nomen illis Asiae claustris impositum (*), potuit hominem Arabein, fabulis Corani de muro aliquo ferreo imbutum, illuc allicere. Multa in itinere mirabilia se vidisse narrat, mendaciis, quam ad fidem, propiora. Derbento profectus magis septentrionalia petit, urbes Magogitarum conspicit, muri etiam ruinas, (non certe Sinensis, eo tempore nondum diruti) atque inde revertens, unde reverti sane poterat, qui veram Magogi terram adiisset, ab Oriente maris Caspii. XXVI, et X, et XXVII stationes Derbento usque ad ruinas, quas vidisse se refert, numerantur, quas si computes LXIII stationes erunt, adeundo Sinici imperii muro vix suffecturi. Forte ergo nullum ejusmodi murum vidit, sed diu ignotis in gentibus frustra vagatus, mentiri maluit, quam aut Chalifae diligentiam non probare, aut Corano contraria referre: nisi totus forte liber fabulosis annumerandus, nullusque unquam Salamus iter suscepit. Proximam a muri ruinis invenisse se ferebat urbem *Hafnam*, Salamus: haecne Casan? an alia urbs mihi ignota? an omnino nulla, sed quam consveto Arabibus nomine حَصْن confinxit? viderint geographiae peritiores, iique maxime, quibus orbis Russicus notus. Utinam, si modo haec historia est, non fabula, Chalifa sapientior Syrum christianum ad Magogitas proficisci jussisset!

Alio

(*) Herbelot pag. 291.

Alio Arabe auctore, quem et ipse Herbelotus excerptit, Jagog et Magog ultra Calmuccos et Slavos in ultimo habitant septentrione. Fabulosum sane, quod ibi terrarum populus quaeritur Mosi jam cognitus, atque ultra Slavos etiam, mari septentrionali imperium terminantes. Ipsi Calmucci melius fungi vice Gogi et Magogi potuissent, illis certe in tractibus habitantes, ubi Syri non fabulosi, sed seria narrantes, Magogum memorant. Sed Tatariam ille Arabs dicere voluit, quam cum parum haberet cognitam, ultra Calmuccos submovit.

Magogum solum Moses ut populum habet: sed ad-
 jungi ei fere solet Gogi nomen, ex Ezechiele a Judaeis, a
 Christianis ex Apocalypsi sumtum, et ab utrisque ad Mu-
 hammedanos tralatitium. Quae nomina, Gog et Magog,
 audienti, nec accurate lecto Ezechiele ex quo primo ma-
 narunt, non potest non in mentem venire nominum simil-
 limorum, Sin et Masin: quorum illud septentrionalem,
 hoc australem Sinam notare dicitur. Quam conjecturam
 cum et fecissem aurium svasu, et statim reprobassem, ab
 HERBELOTO tamen occupatam postea vidi (*). Sed re-
 probasse me dixi, quia Ezechielem legenti, antiquissimum
 eorum qui utrumque nomen conjunxerunt, vix dubium
 videri potest, Gog regis nomen esse, Magog, populi.
 Gogum enim principem populorum, Rosch, Meschech
 et

(*) Biblioth. Orientale pag. 528. les Arabes, Persans, et Turcs joignent toujours ce mot (Maginge) à celui de Jaginge, et ils entendent par ces deux mots, Jaginge et Ma-
 giuge, comme ils entendent par

Tschin et Matschin les Chinois septentrionaux et meridionaux, ce que nous entendons par Gog et Magog, c'est à dire, les peuples Septentrionaux. Vide et que de Tschin et Matschin sub nomine Sin habet pag. 811.

et Thubal adpellat, turmas ei militares circumdat, ac de illo non ut de populo sed imperatore loquitur. Quare veri plane simile videtur, ut reges Aegypti omnes uno nomine Pharaones vocabantur, ita Ezechielis tempore Magogitarum tyrannos hereditario nomine, GOG, seu, ut ad morem Orientalium Syrorum, Assyriorum et Chaldaeorum, efferam, GAG, vocitatos fuisse.

Haec mihi animo volventi in mentem venit nominis communis, quo historici Orientales earum gentium reges, quae Persiae a septentrione, mari Caspio ab Occidente sunt, commemorant, quod KAK nostris literis scribi solet. Conjecturam autem proferre, existimari velim, aliosque interrogare historiae illarum gentium peritiores, videaturne verisimilis, non, aliquid asseverare aut defendendum suscipere. In historia ergo Persica medii aevi, quod a primi seculi fine ad Muhammedem Arabumque victorias effluxit, idemidem Caci, regis septentrionalis, mentio fit, bellum Persiae inferentis. Hoc autem nomen KAK vix aliud sonat, quam מַגּוֹג, Orientalium Syrorum modo GAG pronuntiatum, nisi quod molliorem hoc literam G, illud fortiolem K habet: sed quis mirabitur, barbarum vocabulum non iisdem literis Hebraice Persiceque scriptum fuisse? Exterorum enim nominum sonos non eadem scribendi lege exprimimus, sed mollius hi, illi durius: unde quem Europaei KAK vocarunt, Chaldaei forte GAG scribebant. Aliter etiam Arabes, quibus idem Cacus rex, CHAK, additoque Tatarico nomine, Chan, quod regem sonat, CHAKAN seu REX CHAK esse solet. Literas Arabicas adscribo, خاقان, de orthographia, ab Hebraico מַגּוֹג diversa, id unum monens, Orientales in domesticis quidem vocabulis unius orthographiae facis tenaces

ces esse, nec γ et π unquam inter se permutare; at ubi barbarâ nomina, maxime a Persis accepta, Arabice scribenda sunt, has leges migrari, ac sonum quomocunque exprimi. Addo etiam, quia non lubet nominis vulgarissimi exempla ex historiis excerpere, quae de Khacane, (sic scribere maluit sonum multarum literarum capacem) habet Herbelotus. Sic ille pagina 898. bibliothecae, de Turcis antiquis agens, quorum Cacos saepe Persiae terribiles fuisse legimus: *le titre ordinaire, que les Roys ont porté parmi ces peuples, est celui de KHAN, ou de KHAKAN.* *Les Arabes ont formé de ce dernier mot le pluriel, Khavakin, par lequel ils designent tous les Roys du Turquestan, des Mogols, des Tartares, et des Khataiens.* Idemque pag. 983. KHACAN, *nom general des Roys, qui ont regné dans les Provinces Trans-oxanes, parmy les Turcs, les Moguls, les Tartares, les Khatajens et les Chinois.* Ergo, si Magogitae his ipsis in terris habitarunt, eorum quoque regi nomen KAK, vel CHAKKAN, commune apud Syros fuit: quem regem cum videamus ab Ezechiele $\gamma\gamma$ dici, id est, occidentali Syrorum dialecto GOG, orientali GAG, conjicere certe licet, nomen KAK et $\gamma\gamma$ unum idemque esse.

De vaticinio Ezechielis, sive impleto, sive ultimis remotisque adhuc ecclesiae orbisque temporibus irruptionem Magogitarum minanti, jam non meum est dicere, geographicas quaestiones tractantis. Neminem fugit, illis ipsis ex terris, quas Magogo assignavi, Tataros infinitis copiis erupisse, Asiae, Europae, ipsique illi, de qua Ezechiel loquitur, Palaestinae infestos. Nec defuere fae-
mae suae Tatari, formidatos se Muhammedanis populos, Jagog et Magog ferentes, murum quoque aeneum igne

a se victum mentiti, quo plus terroris incuterent. Nec tamen ideo Tatarorum eruptione impleta ea videntur, quae Ezechiel praedixit. Palaestinam illi, fateor, occuparunt, sed nulli tum reduces ab exiliis in Palaestina Iudaei: nec illas vidimus Tatarorum interneciones, quas Magogo vates praedicit. Denique prophetarum carmina plerumque non illos cecinere, qui id jactant, eorumque praetextu grassantur, sed ignorantes fere et inexpectatos.

Opponi his, quae haecenus disputavi, posse video, quod cum Moses, versu capitis nostri sexto, tum Ezechiel, capite XXXIX, versu sexto, Magogitarum terram insulis adnumerare videtur, modo Hebraicum nomen מֵדִי, ut fere volunt, insulas significet. Illi enim, quos Magogo adsignavi, Asiae tractus, non modo non insularum, sed ab omni Oceano marique remotissimi, et maxime sunt mediterranei. Huic autem dubio ad versum sextum occurram, planum facturum, מֵדִי non insulam esse, sed habitationem.

*

*

*

וּמֵדִי Et Medus.

Madai Medos esse, res explorata, unde nihil illis addendum, quae hanc in sententiam libro Phalegi sui III, capite 14, Bochartus disputavit. Quibus nunc nominibus vocetur (*), (id enim obscurum putabat Bochartus, antiquorum peritior quam nostrorum) ex Assemani bibliotheca Orientali, T. III. P. II. p. 424. seqq. discere licet.

De uno non omnino tacendum nomine *Mabat*, quo reliquorum interpretum tantum consensum turbans Arabs uti-

(*) *Schirvan*, et, *Adorbigan*.

utitur, quod illud se non capere Bochartus professus est: quamquam nec nos expediendum suscipiamus, sed adgrediamur tentantes.

Ergo مَهَات (Mahat) habet Arabica versio et pentateuchi in polyglottis expressa, et chronicorum; vocabulum, lexicographis, utque vidimus, Bocharto quoque ignotum: at interpret Arabicus ab Erpenio editus Hebraicas literas retinens مדי scripsit.

Hic vero ante omnia sciendum, Medorum nomen linguae Arabicae peregrinum esse, ut ne in lexicis quidem agnoscatur. Ante Muhammedem enim sua clausi peninsula Medos plerumque ignorabant, aut si qui illorum fecerunt mentionem, monumenta interciderunt: at postquam fanatico furore audaciam addente magna parte Asiae potiti sunt, illam, quae olim Media fuit, accepto a Persis nomine, Adorbigan, ادوربجان (*), ادربجان (**), vocarunt, tanquam *ignis regionem* (*), quod ibi terrarum et frequentes essent ignis cultores, et ipsa tanquam natura templum igni aliquod condidisse videretur. Haud procul enim ab urbe Baku naphthae fontes sunt, quorum exhalationes ignem facile arripiunt, ut ipsum ardere solum videatur (*). Mansit nomen in hunc usque diem, Persicis literis ادربجان scribendum, de quo, si lubet, Charadinium itinera sua narrantem lectores consulent. Hoc autem vulgare regionis nomen Arabicas bibliorum versiones

(*) Asséman bibl. Or. T. III. P. II. p. 424.

(**) ibid. p. 708.

(***) Herbelot bibliothéque Orientale, pag. 62.

(***) Kaempferi amoenitates exoticæ, fascic. 2. relat. 2. pag. 262. seqq.

fiones usurpare, non memini. Semel (*) illa, quae in polyglottis legitur, pro Medis *Dailam* (ديلم) ponit, quod nomen est hodiernum partis Mediae ad Austrum maris Caspii (**): plerumque autem Medus illis مَاهِي est, unde plurale nomen regulare مَاهِيُون faciunt, ut Dan. V, 28. VI, 1. (al. V, 31.) 8. a quo gentis nomine regio مَاهَات dicitur. Suspicio autem in hoc nomine describendo errorem a librariis admissum esse, qui forte sensim in usum linguae Arabicae apud christianos immigravit, He pro Daleth posito, quae literae in libris manuscriptis sunt, nonnunquam similes. Certe pro مَاهِي (*Mabi*) Jes. XIII, 17. Dan. VI, 12. 15. inque versione ab Erpenio edita Aët. II, 9. مَادِي (*Madi*), rectius, ut opinor, scriptum est: idemque et reliquis locis rescribendum puto. Quae si recte conieci, Arabicis interpretibus cum reliquis coit concordia, sola librorum culpa turbata, pro Medis Mahos supponentium.

Particulam ET, seu, ut Hebraice eloquar, praefixum Vau ante nomen מֵדִי, in Samaritanis codicibus omitti, non reticendum, licet id minime probem. Ad legem haec aut lectio aut potius correctio referenda, quam Moysi fixisse Samaritanus descriptor videtur, ut bina semper gentium nomina per ET jungat, ac si statutum Moysi esset, populos tanquam per paria ex navi Noachi emitte-
re.

(*) Aët. II, 9.

(**) Vide Assemani Bibl. Or.
T. III. P. II. p. 425. Herbelot p.

295. et Asiam d'Anvillianam sub
gradu longitudinis 69, latitudinis

37. 38.

re. Hoc quidem loco absurdum prope videtur, Graecos et Medos, disjunctissimas gentes, ita comparari atque copulari. Cui quaeso haec paria placebunt,

Gomer et Magog,

Medi et Graeci?

Cui non potius probetur, *Gomer, et Magog, et Medi, et Graeci?* Haud dubia hic codicis Hebraici victoria, versionibus etiam antiquis pro illo testimonium dicentibus. Nec tamen, quia hic, atque jam ante semel aut bis, ab ejus partibus steti, stabo semper, sed Samaritanam lectionem ubi melior visa fuerit Hebraicae praeferam.

יִי *Et Graeci.*

Javanis nomine Graecos intelligi, dubio caret, cum et Danieli Alexander Magnus sit rex Javan (*), et Graeci

Syriace יָוֵנָא (יִינָא), Arabiceque يُونَانِيُونَ dicantur.

Jonum nomen facile agnoscas: nec obstat, quod ex traditione Graecorum Jones origine barbari, Dores Graeci fuisse dicuntur; unam enim in gentem coierunt, quae potuit uno vocabulo יִי ab Asiaticis comprehendi. Sic Gallorum et Francorum, sedibus permixtorum, regnum communi nomine Franciam vocamus: nec reperias facile vecordem grammaticum, qui regis titulo, *Roy de France et de Navarre*, obstrepat.

De hoc nomine Bochartus agens (**), in cassum disputat, non ab Jone aliquo Graecis fabulis celebrato, sed a Java-

(*) Dan. VIII, 22.

(**) L. III. c. 3.

Javano Japhethi filio nomen genti ductum. Atqui forte neuter usquam fuit, gentisque hic nomen (unde acceptum, nescio, quis enim haec etyma investigaverit?) sed tamen gentis nomen, non viri, legimus. Verum Bochartus, tralatitio errore abreptus, singulos Noachi nepotes singulas gentes cognomines condidisse, quem errorem ipse alibi damnat, bellum contra Graecorum historicos suscepit, pie quidem, sed a quo prudentius abstinuisset.

De appellatione literarum Hebraicarum quaeri posse video, יִי enim sonare possit, sive יִי *Javan*, ut punctorum auctor voluit, sive יִי *Jon*, cum Vau quiescente, quod Graeco Jonum nomini melius concinit. Mihi vero posterius praeplacet: nulla enim reddi ratio potest, cur veteres Hebraei Jonum nomen tam a vero detorserint, atque in Javan mutarint. Nec mihi Syros opposueris, in prima syllaba A ponentes, atque יִינוֹ (Jaunoje) dicentes: quotidianum enim ac pene perpetuum Syris, pro O Hebraeorum (י) *Au* reponere: unde ex ipso Syrorum *Jaunoi* sequi videtur, ut nomen Hebraicum *Jon* pronuntiatum fuerit.

Paulo aliter LXX, O et A simul habentes, Ἰωάνν scribunt, et, qui suus in hac pericopa, non Graecorum affecla esse solet, Josephus, iisdem tamen literis Graecis nomen Hebraicum expressit: ἀπὸ δὲ Ἰωάννου Ἰώνια καὶ πάντες Ἕλληνες γεγόνασι, a Jovane autem *Jonia* et omnes Graeci ortum habent. Quo quidem argumento discimus, eam vocabuli יִי adpellationem, ex qua Vau mobile est, diu ante punctorum natales consuetam

Ju-

Judaeis fuisse: nec tamen ideo veram adfirmaverim. Namque et error antiquus esse potest.

Sed ad varietatem lectionis deveniendum, elegantissimam, et criticorum diligentia integerrimoque judicio inprimis dignam. Graeci enim interpretes in suo Mosis volumine post ין (*Javan*) additum legisse videntur וְאֵלִישָׁה (*et Elisa*). Graeca sunt, καὶ Ἰώβαν, καὶ Ἐλισά. – Nec ideo Elisam filium Jonis ex versu quarto omittunt, sed duplicem Elisam habent, hunc fratrem Jonis, illum filium.

Verane an falsa sit lectio, uno tantum teste, sed gravi, pro ea dicente, decernere non ausim. Namque et fidissimi interpretes sunt Alexandrini, et bono codice usi, in pentateucho vertendo: licet in reliquis plerisque libris vertendis secus. Solos tamen textui Hebraeo et Samaritano, ac tot versionibus antiquis, eos aut praeferre, aut omnino comparare et committere, quam prope temerarium? De veritate autem lectionis utcunque statuamus, certum est, egregie eam originibus graecis, quales ab Herodoto, libro I, cap. 56. 57. 58. narrantur, convenire. Summa dictorum: Graecos qui Herodoti tempore erant, ex duobus diversis populis, quorum unus Graeciam habitabat, pererrabat alter vagus initio, coisse. Erant autem hi populi,

- 1) alter, *Jonum*, Pelasgicae originis, lingua barbara:
- 2) *Dores*, alteri, Graece loquentes, ideoque proprie Ἕλληνες dicti: ob Ossa et Olympo montibus profecti, Pindi, cui tunc *Macedno* nomen, aliquamdiu incolae, Peloponnesumque tandem ingressi, ubi *Dores* vocari coeperunt.

Fac, genuinam esse lectionem, ין וְאֵלִישָׁה (*et Jon et Elisa*) utriusque populi, in Graecia habitantis, et vagi,
F
suo

suo adhuc tempore discreti, mentionem Moses fecerit. מִן erunt Jones: אֱלִישָׁה Hellenes seuiores, aut, si nomen regionis praeplacet Hebraicis literis consonantius, Hellas.

Hanc lectionem nisi ex uno haberem Graeco interprete, in quem cadere suspicio possit monumentorum Mosi ex Graeca historia, quam cognitam interpretes habebat, interpolatae; veram et genuinam pronuntiarem. Nunc equidem dubito, donec in aliquo aut Hebraico aut Samaritano codice inventa fuerit.

De mercibus quoque dicendum, quas Ezechiel Graeciae sui temporis attribuit, Tyrum exportatas. In capite ergo XXVII, quod antiquissimum est historiae mercatoriae monumentum, Graecos cum Thubal et Meschech conjungit, canitque, ab his tribus gentibus Tyrios emisse mancipia et vasa aenea. De Meschech et Thubal postea dicam: nunc quidem de Graecia, -- -- nec tamen dicam, sed potius tota disputatione una defungar ingenua ignorantiae confessione, quod libris Graecorum et historia destitutor illuc antiquitatis pertinentibus.

Nempe in Graecia emtos a Tyriis servos memorat Ezechiel (*). Eorumne ergo isto tempore venditrix Graecia? Id quidem expedire adgressus Bochartus (**), sed vix suspicans, quam rem adgrederetur. Erat enim superioris seculi, nil ignorare. Atqui, quis nostri orbis cognitor nesciat, non semper eadem in terra et hominum superare, et mancipiorum, quae exteris vendi possunt, copiam? Non diu ejusmodi merces exportantur: quae enim nunc hominum dives terra colonos emittit, ea aliquando

(*) Ezech. XXVII, 13.

(**) pag. 154.

quando supplemento coloniisque opus habebit, ut nunc illo ipso in tractu terrarum, de quo Ezechiel eodem in versu loquitur, sitae regiones, mare inter Caspium et Pontum Euxinum, vagina olim gentium, colonos ex Germania accipiunt, conquirere illos et sollicitante Catharina. Quae autem gentes mancipia exteris vendunt, plerumque id faciunt, quod aut rapto et latrociniiis vivunt, aut bella cum finitimis diuturna gerunt, in quibus capti a victore auri inope venduntur. Haec aut bella, aut rapinae, aut paupertas, non aeterna.

Jam ea evolve, quae scripsit Bochartus. Graecos servos memorat laudari, sed a testibus valde recentibus, sexti etiam post Christum seculi, et postquam jam ultra mille annos literis exulta Graecia esset, servique Graeci ob venustatem, et eruditionem, carius emerentur. Hoc vero quid ad Ezechielis tempora? Tyriine antiqui, etiam antequam Pythagoras philosophiam furari Aegyptiis ausus esset, Graeca mancipia eruditionis causa emebant? Fateamur potius, quam male dissimulabimus, rerum Graecarum in illa antiquitate ignorantiam: nec posse nos ex Graecis Latinisque scriptoribus hariolari, quae terrae ante Nabochodonosarem mancipiorum fuerint feraces. Nec forte Graeca mancipia Tyrum advecta a Graecis, sed barbara bello capta. Hostes enim vendere, non cives, solent, qui mancipiis mercaturam faciunt.

Altera Graeciae merces *vasa aenea*, (כלי נחשת) de quibus dicturus hoc maxime teneri velim, neglectum ab interpretibus, non de aere, sed de vasis aeneis, id est, de opere et artificio, non de materia, Ezechielem loqui. Quas inter res in historia commerciorum multum interest: saepe enim accidit, ut aeris dives regio artifices non ha-

beat, sed rude exportet; alia, metallo carens, manus habeat et ingenia, rudique exterorum metallo formam, et decus, et usum adcommode. Ex loco ergo Ezechielis verisimile, Graeciam, quae paulo post aeris fabricandi solertia, et statuarum pulcritudine, omnes terrarum gentes superavit, jam ante Nabochodonosarem ejusdem artificii rudimenta superasse, non in statuis quidem, sed in vasis et suppellectile domestica, ut aere pulcre fabricata ab hac potissimum gente, Moschisque et Tibarenis, Tyrii peterent.

* * *

תבול ומשך *Et Thubal, et Meschech.*

In summa rei, ipsaque vocabulorum explicatione, partibus Bocharti accedo, cui Meschech et Thubal *Moschi* sunt et *Tibareni*: nec est, quod peroratae ab illo, in capite XII. libri tertii sententiae, illustrandae aut confirmandae addere possim. In minimis modo rebus spicilegii occasionem relictam mihi intelligens, ac reliqua omnia a Bocharto petere lectores jubens, per numeros ista minuta redigam, quae addi Bocharto, aut pro meo instituto, quod non geographicum solum sed et criticum est, mone-ri debent.

- 1) Pro תבול Samaritanus codex legit, תבול, duplici varietate. Primo enim Vau praefixum omittit, ex suo ille more populos per paria componens, idēoque alternis modo E T praemittens: qua in re si errat, duo tamen conjunctissimos populos, Moschos et Tibarenos, eidem pari adscribens, minus videtur reprehendendus, quam is, qui accentus codici Hebraeo ita adjecit imperite, ut nomina gentium gemel-

mellarum, ubique fere conjuncta, interposito Athnacho a se invicem divelleret, Thubalem Graecis, Moschos Thiraso copulans. Deinde, quod paulo gravius est, Vau quiescens, vocalis U indicium, seu, ut loquuntur grammatici, matrem lectionis, addit: idque paulo dixi gravius, quia ad eam pertinet disputationem, sitne in literis quiescentibus Samaritani codicis an Hebraei orthographia potior.

Nostro ergo in loco plene quidem, ut Samaritanus תובל scribunt, primo tres cōdices Hebraici Erfurtenfes ad biblia Halensia collati; deinde ex interpretibus, Onkelos, Jonathan, Syrus, Arabs Erpenianus, et Persa: sed a versionibus, ignotae suo jam tempore gentis nomen distincte scribentibus, ne prave per ignorantiam appellaretur, ad Mosaicam scriptionem argumentum duci non potest. In libro chronicorum, sed qui ipse sero, et forte postquam nomen gentis ignotum Hebraeis esse coeperat, scriptus est, plene, ut in Samaritano pentateucho, תובל legitur. Aliis in libris promiscua et vacillans scriptio: תובל enim plene habent biblia impressa, Jes. LXVI, 19. Ezech. XXVII, 13. XXXVIII, 2. 3. defective תבל Ezech. XXXII, 26. XXXIX, 1. De Ezechielis tamen loco, c. XXVII, 13. certum est, ante viginti jam secula scripta exemplaria sine Vau תבל habuisse. Verterunt enim Septuaginta, ὅς οὐκ ἔστιν, *totus orbis*, quo modo alibi תבל, orbem habitabilem, interpretari solent, ut Nahum I, 5. Hanc ego tam antiquam sequutus fidem, cui nulli nec Hebraici nec Samaritani codices nobis servati comparari possunt, certum habeo, promiscuam

fuisse orthographiam, ac licuisse et תובל et תבל scribere, prorsus ut consuetae edicunt grammaticae leges, ab Houbigantio perperam erroris adcusatae. Utrum autem Moses plene scripserit, an defective, cum utrumque liceret? ipsis Hebraicis codicibus dissonis non definio.

- 2) Tibarenorum populus ex vicinia Moschicorum montium, in qua illi sedes assignat Bochartus, versus occidentem evagatus videtur. Hinc et illi, de quibus Bochartus disputat, circa Cotyorum Tibareni, vulgo notiores: et Tibareni Ciliciae populus, a quibus obsides se accepisse Cicero memorat. Vide Cellarii geogr. ant. libr. III. c. 62.
- 3) Quod Iberos exposuit Iosephus (*), illos nempe qui inter mare Caspium Pontumque Euxinum habitabant, forte non contradicit Tibarenis Bocharti: fieri enim potuit, ut Iberi Moschicorum montium partem habitantes (**), illi ipsi fuerint Tibareni, qui toties in geographia cum Moschis componuntur.
- 4) Jure poenas luit Bocharto Hieronymus, qui Hispaniae Iberos intellexerit, cum de Asiaticis loquatur Iosephus. Nec tamen eundem ubique errorem admisit, sed ad Ezech. XXVII, 13. dubitans ac sapientior

(*) Ant. I, c. VI. §. I. Θωβήλος
Θωβήλας, ὅτινες ἐν τοῖς νῦν Ἰβήρες κα-
λοῦνται: Thobelus conditor fuit Tho-
belorum, qui nostro tempore Iberi
vocantur.

ἡ δ' οὖν Μοσχική τριμερὴς ἐστὶ· το-
μὲν γὰρ ἔχουσιν αὐτῆς Κόλχο, τὸ
δὲ Ἰβήρες, τὸ δὲ Ἀρμένιοι. Μο-
σχικά tripartita est: partem enim
Colchi, aliam Iberi, tertiam Arme-
nii tenent.

(**) Strabo libr. XI. pag. 499.

tior adscriptit: *Thubal, id est Iberi Orientales, vel de Occidentis partibus Hispani, qui ab Ibero flumine hoc vocabulo nuncupantur.* Quamquam verisimile videri potest, utrosque Iberos origine conjunctos, eosque, qui Hispaniam tenuerunt, ex ista ad Pontum Euxinum et mare Caspium gentium vagina egressos in ultimum Occidentem penetrasse.

- 5) Si qui Italiam habent, ac nomina Chaldaica יִתְנִיָּה et אוֹסִיָּה, pro Thubal et Meschech posita, Italiam, ut putat Bochartus, et Ausoniam sonant, Tibris fluvius, sono utcunque concinens, occasionem dedisse errori videtur. Aliorum de his Chaldaicis nominibus cogitata dedit Matthias Fridericus Beckius, in notis ad 1 Chron. I, 5. cujus verba, quia liber in paucorum manibus est, infra describi curo (*). Mihi quidem verisimillimum, genuinam scriptionem Pen-

(*) [יִתְנִיָּה] Jonathan Rabbi Samuel filius Ammi, הוֹנִיָּה: quis horum optime, dicere non possum. Taylerus in versione Thargum Hierosolymitani Athenas reddidit, Bochartus vero in P. I. Geogr. Sacrae l. III. c. 12. Italiam intelligit. Verum quoniam hic de ἐπαρχίας et integris provinciis, non de urbibus sermo est, et Italia commate sequente memoratur, hinc neutrius conjectura placet; mihi verisimile videtur, Gothunniam, Sarmatiae Europaeae regionem a Thargumistis significari. S enim et G ob

soni vicinitatem permutari saepe solent, et quod majus est, in textu Moesia et Thracia immediate subjiciuntur. Accedit, quod Thalmudici quoque in Tr. Soma fol. 10. col. 1. scribunt, תּוּבַל זֶה בֵּית אוֹנִיָּקִי, Thubal est הַיֵּעָצָה 'Ouvvιακη, domus Hunniaca, vel Hunnorum.

[אוֹסִיָּה] Jonath. Genes. X, 2. אוֹסִיָּה et Pl. CXX, 5. אוֹסִיָּה Hierosol. vero אוֹסִיָּה, et R. Samuel filius Ammi, אוֹסִיָּה, ubi duae primae lectiones minus displicent. Taylero Affos, Bocharto Ausonia

Pentateuchi sequiorum versionum Chaldaicarum, et chronicorum, hanc esse, והניא ואנסיא, *Hunni et Unni*. Nec ex sola ita corrigo conjectura, sed quod proprio nomine Rabbi Samuel filius Ammi והניא le- git, alterum Thargum Hierosolymitanum in poly- glottis Londinensibus אנסיא exprimit, *Unnosje*, nisi fallor, pronuntiandum. Nempe Hunnorum nomen Syris utroque modo, per He et per Aleph scribitur, אסל atque אסל, qua orthographiae du- plicitate usus videtur interpres, ad duas Hunnorum gentes, quas historia Asiatica nobilitavit, alborum et nigrorum, designandas. Thalmudicos quoque de Hunnis cogitasse, cum Thubalem interpretantur בית אונייקי, recte vidit Bochartus, quo in nomine terminatio AK addita Slavonica esse videtur, ut in *Ofsiakis*, *Bosniakis* aliisque.

Nec vero haec ita disputo, ut Thubalem ad Hunnos referam, sed ut, quid senserint Thalmudi- ci, sequioresque Chaldaei, quo tempore Oriens Par- thicique reges maximo Hunnorum terrore perstrin- gebantur, explicem. Nempe horum nominum in- terpres, ut quisque est geographiae imperitior, eas

sonia est, quibus vero neque hic assen- tiri possum, quod ille urbem denuo pro provincia obtrudat, hic vero ni- mis detorquere videatur nomen re- gionis. Mea conjectura est, מוסיא Moesia, una permutata litera, le- gendum esse, nam quo imperitiores Judaei in geographia sunt, eo et- iam nomina locorum corruptius de-

scribunt. Et juvare potest conjectu- ram, quod Moesias vicina terra, Thracia, immediate subditur, et Moschus fluvius, antiquum et obso- letum nomen regionis מושך adhuc re- ferens, in ea existat Conf. Auctor libri ירחסין pag. 135. col. I. et Matth. Aurogallus in libello מושך שמות עצמים in voce משך.

eas gentes arripiunt, Mosique obtrudunt, quae ipsorum tempore victoriis rebusque gestis claruerunt.

6) Quod de nomine Thubalenorum Bochartus habet, ducto a Thubalcaino ferri inventore, quia ferri dives eorum regio fuerit, in morbis grammaticorum numerandum, etymologiae plus quam par est tribuentium. Tibareni si fodinas ferrarias exercuerunt, (quamquam id ipsum falsa nititur interpretatione loci Ezechielis, de qua deinde) non id fecerunt, priusquam populus fierent, sed cum jam diu montes suos habitassent, essentque venas metallorum scrutati: quo illos tempore, cum nomen jam haberent, aliud, idque Hebraicum, ex antiquissima generis humani historia sumsisse, illoque nomine non ab Hebraeis modo, sed ab aliis quoque gentibus, ipsisque Graecis Tibarenos vocatos esse, estne verisimile?

7) Nec vero ullo argumento constat, Moschos et Tibarenos ferri fuisse divites. Excogitavit rem totam, ne quid antiquissimarum rerum ignorare videretur, locoque Ezechielis cap. XXVII, 13. illustrando adhibuit, Bochartus. Exportata ex Meschech et Thubal ad Tyrios dicuntur, *vasa aenea*, (כלי נחשת) id vero est, non aes rude, sed vasa ex aere eleganter fabricata. Aes autem, illud certe quod Hebraeis נחשת dicitur, cuprum est, ut ex alio Ezechielis loco, in quo quatuor ignobiliora metalla antiquis nota nominantur, cap. XXII, 18. manifestum. Argentum enim, cum exploraretur, spurium repertum, et AES, *stannum, ferrum et plumbum fuisse*, dicitur. Hic ergo occupato

pato jam auro, argento, stanno, plumbo et ferro, vocabulo נחשת nihil praeter cuprum relinquitur.

Jam cum Bochartus de cupro ad mare Caspium exque Moschicis montibus eruto nihil compertum haberet, puderet autem doctissimum virum, seculo superiore natum, aliquid non nosse: aes in ferrum mutare maluit, quam minus copiose commentari. Gentem ait Chalybum conterminam fuisse Moschis et Tibarenis, de qua quidquid est proditum, ad Moschos idem ac Tibarenos transfert. Haec autem gens cum ferri fodinis chalybisque parandi arte esset nobilitata, nihilque de cupro Chalybum proditum legeret: Hebraeum נחשת non aes, sed chalybem verti jussit, exempla adferens significationis Judic. XVI, 21. et Thren. III, 7. Quae quidem quid ad rem faciant, non video. Utrobique enim *catenae ex aere* (נחשת) memorantur, ubi proprie accipi posse aeris nomen nemo negaverit: possunt enim et ex cupro catenae fieri. Chalybem vero quis isto indicio intellexerit? Certe ex chalybe nemo captivis catenas circumdet, nisi qui eos evadere velit: disfulcu enim rumpitur, mucronibus, non catenis aptum.

Mihi quidem in re tam antiqua soli credere Ezechieli lubuerit, Moschos et Tibarenos ejus tempore aere fundendo et poliendo claruisse, si vel nihil praeterea de aere illarum regionum sciam. Sed nec necesse est, fateri ignorantiam: cupri enim fodinas in hunc usque diem Caucasus habet, in quo et Kubescha, vicus elegantia vasorum aeneorum nobilitatus(*).

Ar-

(*) Sammlung Russischer Geschichte, zweiter Band, S. 2. 3. 4.

Arzeri praeterea, quae est urbs Armeniae montanae, adeoque in vicinia Moschicorum montium sita, plurima vasa aenea fieri, cuprique fodinas tridui inde itinere abesse, auctor est Büfchingius (*).

8) Moschorum nomen, quos Moschicis montibus, Bocharto praeunte, assigno, sine Vau in codicibus Hebraicis scriptum est, מֶשֶׁךְ: at cum Vau, vocalis O indicio in prima syllaba, מֶשֶׁךְ in Samaritanis (**). Hic ut nihil audeam definire, nomen tamen Hebraicum *Moschoch* appellandum censeo, non ut puncta Masorethica habent *Meschech*, מֶשֶׁךְ. Namque et populum Moschchorum habemus, non Meschchorum, et veteres, qui aliis literis Hebraica expresse-
runt, O vocalem in prima syllaba habent: ut LXX ΜΟΣΟΧ, Vulgata Mosoch, et Syrus (quamquam in hoc minus auctoritatis residet, quia appellatio vocabuli ad vocales redit), مَسَح. De Iosepho dubium, variat enim lectio.

9) Dignus erat Iosephus, Cappadociam intelligens, qui non uno verbo a Bocharto commemoraretur, sed cuius sententia ipsius concepta verbis legeretur. Μοσοχηνοί, inquit, ὑπὸ Μοσόχου κτιθέντες, Καππαδόκαί μεν ἄρτι κέκληνται. Τῆς δὲ ἀρχαίας αὐτῶν προσαγορίας σημεῖον δείκνυται· πόλις γάρ ἐστι παρ' αὐτοῖς ἔτι, καὶ νῦν Μάζακα, δηλοῦσα τοῖς συνιέναι δυναμένοις οὕτως πότε
προσ-

(*) pag. 159. descriptionis A- habent biblia polyglotta in textu
fae. Samaritano: sed id ad errores typographicos ablegat Houbigantius.

(**) מֶשֶׁךְ dupliciter plene

προσαγορευθῆν πᾶν τὸ ἔθνος. i. e. Mosocheni, a Moscho conditi, nunc quidem Cappadoces dicuntur. Antiqui autem nominis non obscurum indicium habetur: urbs enim etiam hodie apud eos est MAZACA, ex qua colligere argutiores possunt, totam olim gentem ita vocatam fuisse. Huic credidit, quae ad Ezech. XXVII, 13. adscriptit Hieronymus: Cappadoces intelligimus, quorum metropolis, quae postea ab Augusto Caesare Caesarea appellata est, usque hodie lingua ipsorum Mazaca dicitur. Ob stare videtur, fateor, orthographiae Hebraicae Graecaeque ratio: cum enim ὦ semper Graeci per Σ reddant, nunquam per Ζ, quod Zain Hebraeorum exprimit, videtur מֶשַׁךְ potius Μάσσανα futura, Μάζακα autem Hebraice מֶזַח scribenda fuisse. Verum ex Mosis Chorenensis historia discimus, nomen urbis apud Armenos MSCHAK fuisse, inditum illi a conditore Meschaco Armenorum duce, quod cum indigenae efferre non possent, in Mazacam mutarint. Non inepte ergo urbis nomen cum Hebraico מֶשַׁךְ contulit, doctiorque, quam videbatur, fuit geographiae Iosephus. Ipsa Mosis Chorenensis verba adscribo. Arami, non ejus qui Syrorum dicitur progenitor, sed regis Armenorum antiquissimi, Niño supparis, victorias describens, inter alia et haec habet (*): in Occidentem igitur progrediens cum quadraginta millibus peditum armatorum, et duobus equitum, in Cappadociae partes devenit, ad locum quendam, qui nunc vocatur Caesarea. Et

(*) libr. I. c. 13. p. 38.

Et paulo post pag. 39. *Ipse autem, relicto ibi quodam ex stirpe sua Meschaco (*), quem cum decem millibus militum regioni praefecerat, in Armeniam regreditur, cum id mandati ejus regionis incolis dedisset, ut linguam nostram Haicanam discerent, ob eamque causam tractum eum Graeci adhuc nominant, Armeniam Primam. Caeterum oppidum, quod de suo nomine condidit Meschacus, parvis moenibus circumseptum, prisca regionis incolae, quia recte pronuntiare nequibant, Mazacam appellabant, donec postea instauratum et amplificatum Caesareae nomen accepit. Qua quidem ex narratione primo discitur, urbis nomen initio MESCHAC fuisse, deinde conditam esse a populo, aut ex ipsis Moschicis montibus, aut certe ex eorum vicinia egresso. Sunt enim hi montes Armeniae contermini, seu ut rectius dicam pars Armeniae (**); ejusque regibus, late, si Mosi Chorenensi Armeniorumque traditionibus fides, regnantibus, eo ipso tempore, quo haec gesta sunt, paruerunt. Quod si secus est, resque suas in majus Armeni augent, potuerunt suae genti et Moschorum expeditiones arrogare, quale quid saepe eos facere aliorumque populorum victorias ad suam gentem referre,*

(*) In versione Whistonorum fratrum nomen per S scribitur, *Mesachus*, sive orthographiae latinae obsequio, sive alia de causa. Armenice autem per *Scha* scribitur, vicissimam tertiam Armenorum litteram, cujus sonum vulgarem Whi-

stoni in Alphabeto praemisso per Sh Anglicum exprimunt.

(**) Strabo pag. 499. *Moschica regio tripartita est, partem ejus Colchi, Iberes aliam, tertiam Armenii tenent.*

re, Mosen Chorenensem legens deprehendere mihi visus sum.

Forte ergo nec omni ex parte vera, nec prorsus damnanda Josephi conjectura. Cappadoces ipsi, Mosocheni non erunt, urbs enim, cujus ex nomine id probat Josephus, ab exteris condita: et tamen, Mazaca, si Moschorum colonia fuit, et nomen et primos natales populo Mofi מֹשֶׁךְ dicto debebit. Verum haec non Mofi explicando, sed Josepho, scripsisse videri velim: ipsi enim Mofi Moschicorum montium incolae sufficiunt.

- 10) Non defuerunt, qui ad Moschos a Mose nominatos Moscovitas nostri temporis referrent: eodem, quem in antiquis interpretibus adcusare soleo, errore, prout cujusque tempore populus aliquis armis ac potentia, aut commerciis, inclarescit, illum omnes populum arripientes, nec dubitantes, quin jam Mosis tempore clarus fuerit, idemque quod nunc nomen ante tria annorum millia habuerit. Nempe obliviscuntur, populos et nasci, et obscura esse infantia, et juvenescere: et eos, qui olim erant, consenuisse, ac tandem rerum mortalium vices explere. De Moscovitis quidem, seu ut rectius dicam, Russis, nemo Russicae historiae peritus hic aut cogitavit, aut in posterum cogitaverit. Moscovitarum enim nomen ab urbe habent, quae olim metropolis non fuit, sed rerum vicissitudine emergens sero facta est. Mihi sane illustris MÜLLERUS, historiographus Russici imperii, hac de re interrogatus, confirmavit, nihil habere Russicam historiam de aliquo Moschorum populo, idque silentium eo esse

esse majoris momenti, quod a seculo nono chronica Russorum lucide et copiose res, quae gestae sunt, tradant, ac populorum multorum nomina commemorent (*). Desinant ergo, qui prophetas interpretantur, ad Gogi et Magogi nomen potentiam horrescere Russorum:

*improvisa lethi
Vis rapuit rapietque gentes.*

Miror tamen, eos qui in מֶשֶׁךְ Moscovitas vident, non et תִּיבֶל ad Sibiriam referre, cujus urbs primaria Tobolka, recentior illa quidem, sed ab aeterno flumine Tobol nomen habens, possit sono Thubalem referre, maxime cum Sibiria sit fueritque aeris dives, cupro olim etiam pro ferro usa, cultrosque ex cupro faciens, qui in sepulcris antiquis cum mortuis conditi passim reperiuntur. Verum id non ita scribo, ut verisimile existimem, scriptores sacros de accolis fluvii Tobol loqui, sed quod magnae incogitantiae videtur, Tobolskam ab illis praetermitti, qui in Meschech Moscuam videre sibi videbantur.

* * *

ותירם *Et Thiras.*

De Thiras non habeo, quod addam Bocharto, in capite secundo libri III. satis efficienti verisimile, Thraciam hoc nomine Hebraeis significari: quamquam, si *Tyras* fluvius,

(*) Forte melius, qui Slavos facere Moschos volunt, Moschium, Maesiae fluvium a Ptolemaeo nominatum, in subsidium vocassent: illi

enim tractus, ut docuit amicissimus nobis Schloezerus, vera Slavorum patria.

fluvius, nostris *Niester* dictus, quem ipsum hic nominat Bochartus, et cuius vocabulum plenissime Hebraicas literas exprimit, ad indicia gentis referendus est, non video, cur Thraces potius, quam illius ipsius fluvii accolae, intelligendi sint. Sed manum de tabula! Non audeo ex solo nominum concentu de tam antiquis rebus populisque certi quid statuere, nisi aut testes aut alia argumenta accedant.

Si quid observavi Bocharto non commemoratum, solus est, nec is magni momenti locus Judith. III, 13. ubi in Syriaca versione nomen Thiras legitur. Sic enim Syriace expressus versus est: *exstirparunt Phutaeos, et Ludaeos, et in captivitatem abduxerunt omnes filios Thiras* (*خفتهم جميعاً بنو تيرس*) *et Raamses, et filios Ismaelis qui habitant desertum australe, omnemque terram Chaldaeorum.* Ex hoc tamen loco vix conjecturam facias, qua in parte orbis terrarum fabulosus scriptor, antiqua gentium nomina, forte nec ipsi notarum, utcumque congerens, posteris Thirasi sedes assignet. Sed nec lectio Hebraici exempli deperditi certa: pro Thiras enim LXX *Πασσιν* habent, et Vulgata, *Tharxis*, quorum hoc Hebraicis literis תִּירָס scribendum erat, fuitque forte a Graecis תִּירָס una litera omissa lectum.

Ab hoc autem libri fabulosi loco si discefferis, Thirasi nulla uspiam mentio, nisi in genealogia filiorum Noachi: unde fit, ut ad quaestionem de Thirasi sedibus nihil adferri possit, praeter aliquam nominum ac soni similitudinem. Non ex historia, non ex mercibus a gente exportatis, non ex serie orationis, de situ regionis colligi quidquam potest: sapientius ergo, fateri ignorantiam.

GENES. X, 3.

וּבְנֵי גֹמֶר *Et filii Gomer sunt etc.*

* * *

Non filios Gomeri singulos, sed gentes a Gomeritis ortas nominari, ita manifestum, ut ipsi, qui alias dissentiunt, id daturi, aut sibi contradicendi videantur. Solent enim alium Gomeri cognominem populum quaerere, alium Ascanazo, Riphato tertium, Thogarmae quartum. Atqui si tres modo filios genuit pater Gomar, fieri quidem potuit, ut singuli singulos populos filii conderent, patri autem suus, quem dare illi solent, Gomaritarum populus nusquam relinqueretur. Populum enim a filiis non ortum ex se procreatum relinquere non potuit. Vide quae in initio ad versum primum scripsimus. Haec ergo Moysi mens: *Cimbrorum, seu Gomaritarum coloniae sunt, alias in terras deductae, Ascanazeni, et Riphaei, et Thogarmaei.*

His autem in Gomarorum antiquissimis coloniis si plura etiam, quam in ipso Gomar, sunt obscura, mirari id non debemus, sed antiquitatis magnitudine solari ignorantiam. Si enim vel certum esset, quod ut opinabile posui, Gomer primos esse Celtas, nondum in Europam egressos, sed alicubi Asiae aborigines, quis tam sit impudens, ut confidat, eorum nos colonias Asiaticas, Moysi jam tempore dimissas, ex historia cognitae habere? cum nemo scriptorum, qui Celtarum Gallorumque mentionem faciunt, quidquam de iis prodiderit, antequam in Gallia Germaniaeque parte habitarent. Accedit, quod et linguae indicia, ortum cognationesque gentium prodere solita,

lita, hic nos destituunt. Pauci effluxerunt anni, ex quo linguae Celticae exiguam particulam cognitam habemus: at quae cuique antiquarum gentium, Ascenazo, Riphato et Thogarmae assignatarum, lingua fuerit, utrum cum Celtica cognata, an penitus ab illa dissona, adhuc ignoramus. Posterius de ea quaestione dispiciant. Mihi quidem in toto hoc versu, progeniem Gomeri complectente, non tam est propositum, vera et explorata dicere, aut conjecturas verisimiles tentare, quam ea colligere, quibus forte diu post nos, nova aliunde luce adfulgente, ita uti posterius possint, ut nos quidem Bocharti erroribus, nimis confidenter ab eo perscriptis, uti solemus. Haec praefatus, excusatusque lectoribus, quod plurima ignorare mihi visus, futurus tamen tam loquax sim, ad singulas Gomaritarum colonias pergo.

* * *

אֲשֶׁכֶנֶז *Aschkenaz.*

Hujus populi, in posteris Japhethi nomen habentis, non nisi uno adhuc loco, Jeremiae LI, 27. mentio injicitur: unde conjectu difficillimum, quis populus fuerit, et ubi habitaverit. Ex solo, ut jam supra dixi, nomine, ejusque cum aliis urbium, fluminum, marium, regionumque, consonantia, sedem genti assignare, de qua nihil in historia proditum legas, id vero homine sapiente vix dignum. Quid enim, si Aschkenazo Hercynios inter montes et Albim sedes assignarem, quod ibi et urbs *Aschersleben* sita est, et erat olim arx urbi proxima, *Ascania*, medio illa aevo perquam nobilis, quis mihi fidem habendam putaret? In literarum enim, ex quibus sermo humanus componitur, paucitate, necesse prope est, aliqua

qua diversissimarum gentium nomina propria casu etiam cum *Aschkenas* consonare. Incerta ergo pleraque, quae solum sonum sequuti homines vel eruditissimi de *Aschkenazo* commentari ausi sunt.

Ex uno, quem antea laudavi, *Jeremiae* loco id tamen adparet, *Jeremiae* tempore *Aschkenaz*, regnum fuisse, idque non longe a montibus *Gordyaeis*, qui *Hebraeis* *Ararat* dicuntur, dissitum.

Ergo damnandi recentiores *Judaei*, quibus *Germania terra Aschkenas* (*), et *Germanus Aschkenazita* (**) vocatur: quae interpretatio valde recens est, ac ne a sequioris quidem aevi *Chaldaeis* prodita. Quis primus eam confinxerit, ignoro. Quod si *MEDI* placet conjectura, existimantis, *Josephum Aschkenas PHTINAC* interpretatum esse (**), eoque nomine *Rhaetios* designari, fieri potuit, ut *Rabbini*, non ex *Josepho* certe, quem non legebant, sed ex traditione avita, quam ille sequutus est, *Rhaetiam* arripiētes, eoque scribentes tempore, quo *Rhaetia Germaniae* pars fuit, nomen *Rhaetiae* toti facerent *Germaniae* commune.

Est tamen manifestus, atque adeo pudendus error, ut aegre feram, eum haud raro a civibus meis nimio patriae amore repeti. Ut enim taceam, nullum nominis vestigium in antiquis *Germaniae* populis comparere, nec quemquam antiquorum hanc sententiam *Rabbini* praeivisse, ejusve testem exsistere; nec ea repetam, quae alibi scripsi, de gente nostra *Mosis* tempore nondum nobili, nec in *Germania*, sed forte ad *Pontum Euxinum* habitante: unus *Jeremiae* locus certissimo indicio est, *Aschkenaz*
Ger.

(*) ארץ אשכנז

(**) vide pag. 60.

(**) אשכנזי

Germaniam neutiquam esse. Quis enim tam fit in patriam pius, ut si persvadeat, Jeremiae tempore aliquod in Germania Germanorum regnum fuisse, Germanosque in exercitu Cyri contra Babylonem arma tulisse? Denique si vera sunt, quae supra de Gomaritis Gallorum progenitoribus ut verisimiliora disputavi, non poterunt Gomaro posterius adscribi Germani, gens et lingua et ortu a Gallis Celticisque diversa.

Aliorum sententias a Bocharto commemoratas apud eum legi velim, de solo Josepho dicturus, quem ille expendere aut adeo intelligere non dignatus est. Ἀσχανάξος, inquit, Ἀσχανάξους ᾤκισεν, οἱ νῦν Πηγῖνες ὑπὸ τῶν Ἑλλήνων καλοῦνται; i. e. *Aschanaxus Aschanaxos condidit, qui nunc a Graecis RHEGINES appellantur.* Ignotum per ignotius interpretari Josephum, queritur Bochartus, forte iniquior. Vix enim Josephi ea culpa, notum suo tempore usurpatumque a Graecis nomen se ponere professi, sed aut nostrae ignorantiae, aut librariorum male describentium. Quomodo autem corrigendum sit, non liquet. JOSEPHUS quidem MEDUS (*) Πηγῖνες rescribendum putavit, quo nomine Rhaetos intelligit, Germanicum illos populum vocans. In eo quidem erravit Medus, quod Rhaetos, qui Josephi tempore erant, in Germanis habuit: nec tamen ideo minus probro conjecturam, sed ornari potius et commendari sentio, si abire jussis ex Rhaetia antiqua Germanis, Rhaetiaeque nomine latius sumto Bojos quoque comprehendamus, Galli-

(*) Operum T. I. p. 280. *If I might be bold with Josephus, I would for Πηγῖνες read Πητινες, and understand the Rhaetians or* Rhaetii, a German People: and so he should agree with the Opinion of the modern Jews, who call the Germans Askenazim.

Gallicum populum. Cum enim Gomerus Galatarum conditor Josepho esset, aequum sane erat, ad filium ejus Aschkenazum Bojos referre, Gallica origine gentem. Obstare tamen conjecturae videtur, primo quod Rhaetiae incolae Graecis non *Ῥητινὲς* sunt, sed *Ῥαιτοί*: deinde quod Rhaeti ipsi Hetrusci potius sanguinis sunt, Bojique, quos dixi, non ad regionem Rhaetiam referuntur, sed ad latius patentem provinciam, cui a Romanis Rhaetiae nomen inditum est. Ampliandum ergo adhuc de Josepho, meliorque quaerenda emendatio.

A Gorionide, qui se Josephum mentitur, omitti Aschkenazum putant: quod mihi secus videtur. Quae enim de Gomerio alii interpretantur, ad Aschkenazum refero, Francorum, ut ille putat, ad Seynam progenitorem. Sic ille L. I. c. 1. בני גומר הם פרנקוס היושבים בארץ פרנצא על נהר פרנמא נהר סינא ריפת הם בריטני *fili Gomer sunt, Francus, hi habitant in terra Franciae, juxta ejus fluvium, Seynam: Dipbath, hi sunt Britanni in Britannia ad Loiram habitantes* etc. Hic quis non videt, ipsum Aschkenazum nomine a posteris indito Francum vocari? Pudendus sane error, si proprie verba Gorionidis accipienda sunt: Franci enim, nova gens Germanica, ne Tacito quidem nota, Moſis tempore nulli omnino fuerunt. Benevole autem Francos ad Seynam si Gallos interpreteris Sequanae adcolas, aliquid non omnino ineptum verove indignum Josepho Gorionides dixerit. Gomer enim si Celtarum pater, poterunt ejus filio Galli ad Sequanam assignari. Erit ergo error excusatione dignus; sed tamen error: quis enim adfirmare audeat, Moſi Sequanae adcolas cognitos fuisse? aut quod nominis אשכנז ibi terrarum repertum vestigium?

In his qui de Aschkenaz sententiam dixerunt, atque aliquid videri possunt auctoritatis attulisse, omitti video Arabicum Jeremiae interpretem (*), pro Graeco, Ἀσχα-
ναζαροι, خنزرون habentem, id vero est, maris Caspii accolas, ea maxime parte, qua fluvium Wolgam accipit (**). Quam versionem licet veram dicere non ausim, (est enim conjectura sine argumentis facta) ineptis tamen multum praefero, quod in vicinia Armeniae Aschkana-
zaeos ponit.

Ad Bocharti sententiam quod attinet, in capite IX. libri tertii dictam, fateor, reliquis illam omnibus praestare. Phrygiam minorem et Bithyniam Aschkenazitis assignavit, quod his regionibus sinus olim fuit Ascanius, lacus Ascanius, amnis Ascanius, urbs et regio Ascania, insulae denique Ascaniae, Pontoque Euxino a poetis aliquando nomen Ἀσείνου datur, quod ex Ascenaz a Graecis depravatum putat.

Nec tamen omnem mihi concentus hic nominum dubitationem eximit. Primo enim Bocharto quidem proclive erat, Aschkenazum Phrygibus patrem dare, qui Gomaro Phrygiam Catacaumenen adsignaverat. Haec autem omnia quae de Gomaro scripserat, cum infirmis nitantur etymologiis, multum quoque de verisimilitudine eorum decedit, quae de Aschkenazo Phrygum patre habet. Fateor tamen, etiam isto abdicato errore Aschkenazi posteros Phryges haberi posse, maxime si quis planum

(*) c. LI, 27. five secundum Graeca et Arabica biblia, cap. XXVIII, 27.

(**) Vide Golium p. 704. sub *خنزرون*, et Bocharti Phalegum p. 199. et 313.

num facere queat, linguam Phrygum Celtarumque cognatam fuisse, quod tamen si quis tentat, Armorica Celtis vocabula, non Germanica dare debebit.

Deinde ipse ille nominis Aschkenaz cum Ascanio lacu, amne, urbe, concentus, discors tamen mihi et dissonans videtur. In omnibus enim his nominibus Zain finale Hebraicum, Zeta Graece futurum, aut omnino a Bocharto negligitur, aut pejus etiam cum terminatione Latina US, Graeca ΟΣ comparatur. Zain enim nuspiam est Sigma Graecorum; Hebraei quoque et alii Orientales terminationem ΟΣ, non per ז, sed sive ח sive ש scribunt. Ergo non *Ascanio*, sed *Ascanzo* lacu, amne, urbe, regione, opus erat.

Denique, si quod ex vocabulo quinquelitero אשכנז elementum negligi salva Hebraeorum grammatica potuisset, Aleph initiale erat, quippe quod Orientales, Syri maxime et Arabes, vocabulis peregrinis a sibilante schvata incipientibus, praeponunt (*). Fac, nomen gentis fuisse SCHKANAZ (שכנז) vel, ut Latinius scribam, s c a n a z, vix sine Aleph praeposito efferri sive ab Arabe sive ab Syro poterat. Non ergo major vocabuli אשכנז cum Ascaniis Bocharti concentus, quam cum *Scandia*, Zain, ut saepe faciunt Hebraei, pro D Syrorum Arabumque posito. Nec hoc ita dico, ut Aschkenazum deportare in Scandinaviam cupiam, Mosi incognitam, nec Cyro contra Babylonios militantem, nec unquam, quantum equidem scio, a Celtis occupatam: sed ne, quae dubia sunt, certis porro adnumerentur, definamusque verum,

(*) Vide Patris mei Syriasmum, pag. 6. meamque grammaticam Arabicam pag. 24. 25.

rum, pro reperto habitum licet lateat, exquirere. Ex conjecturis fateor meliorem nullam Bochartiana me arbitro esse: sed in conjecturis adhuc eam numero, non in peroratis exploratisque sententiis.

* * *

רִיפַת *Et Riphath.*

Duplex aut triplex in his quinque literis lectionis diversitas, exponenda, atque aut dijudicanda, aut in dubiis rebus relinquenda, antequam ad vocabulum explicandum rite accedi possit. Qui enim gentem bis modo nominatam ex ea se divinare posse lectione putant, quam primam arripiunt, de vero inveniundo omnino non solliciti esse videntur: ex utraque autem lectione qui eandem gentem efficiunt, plus quam par est felices.

Minoris ergo momenti est, quod Samaritanus רִיפַת habet, et Vau copulativo omisso, et Daleth pro Thau posito, molliore nempe litera pro fortiore. Quarum in lectionum altera textui Samaritano versio quoque consentit, Vau omittens, in altera eum deserit, nomen gentis רִיפַת per Thau scribens. Nec tamen vel hac parte omnino sine suffragatore fuit textus Samaritanus: Syrus enim interpres nomen gentis et in Pentateucho et in chronicis דִּיפּוֹד per D finale scripsit, (דִּיפּוֹד) quod enim דִּיפּוֹד DIFOR habent biblia polyglotta non dubie naevis codicum, ex quibus illa editio facta est, accensendum, cum opinabile non sit, Th et R (ת et ר) in codicibus Hebraicis permutari inter sese potuisse. Promptum autem librariis in vocabulo barbaro ita errare, ut homo Syrus pro RIPHATH scriberet RIPHAD, eodem prope manente sono. Caeterum

rum non magni momenti est haec lectionis varietas, in tanto reliquorum omnium consensu pro Thau finali.

At plus in prima nominis litera aut laboris, aut dubij: hanc enim non R sed D alii habent, populi nomine jam non Riphath, sed DIPHATH (רִפְתִּי) futuro. Possem ad hos referre Syrum interpretem, ut in bibliis polyglottis legitur: sed hunc potius neutrarum haberi partium velim, quia discrimen inter D et R Syriacum solo puncto diacritico absolvitur, idque, a librariis omitti aut male poni solitum, pro editoris lubitu saepe expressum est contra mentem interpretis. At in chronicorum libris *Diphathem* populum habent, primo editiones consvetae, quibus et Cassellanus codicem addo, figurae inter Resch et Daleth ambiguae lineam Raphe imponentem, ut punctator certe eam pro Daleth habuisse videatur; deinde Masora, atque versio Chaldaica. Nec tamen omnia chronicorum exempla in D initiale consentiunt, sed ibi quoque Riphath per R habent, primo editiones in bibliis Halensibus nominatae (*), deinde versiones, Graeca et Latina.

Hanc quidem varietatem lectionis ad libertatem revocare orthographicam permutationesque literarum grammaticas, ita ut apud Hebraeos idem populus utrumque nomen Riphath et Diphath habuerit, ab omni abhorret verisimilitudine. Diversissimus enim est literarum R et D sonus; sola figura convenientium, et vero magis etiam in codicibus Hebraicis manuscriptis, quam in impressis, ut in Cassellano multis in locis ר a ד distingui nequeat. Resch ergo ubi pro Daleth, aut Daleth pro Resch ponitur, non

(*) 1) Roberti Stephani, Paris 1543. 2) biblia Plantiniana. 3) Bragadini, 1614. 4) Bragadini, 1678.

non grammatica id fit licentia, sed errore librariorum. Utra autem lectio alteri praestet, ignorata adhuc gente cui illud nomen proprium fuit, difficile dicta. Numero et auctoritate vincere lectio pentateuchi, רִיפַת, videtur, unde eam, donec rationes adferantur cur pauciorum testium lectio melior habenda sit, praefero, Riphathemque populum appello.

Is autem ubi habitaverit, multo adhuc obscurius. Paphlagoniam ei assignavit, cujus hucusque plurimam rationem habui, Josephus: 'Ριφάθης, inquit, 'Ριφαθάϊους (ᾤκισε) τοὺς Παφλαγῶνας καλουμένους. Incertum, quo sibi indicio Paphlagoniam agnoscere visus fit: quod si prodidisset, tum vero judicare nobis liceret. Nec de lingua Paphlagonica quidquam compertum habemus, quam Gallicam fuisse oporteret, si constare sibi vult Josephus, Galatarum progenitorem Gomerum faciens. In his ergo tenebris quod sequar non habeo.

Ornandam suscepit Josephi sententiam, haecenus pene ejus contemtor, Bochartus, libro III. c. 10. sed illis usus argumentis, quae vero ac falso sunt communia. Ex utraque enim lectione, *Riphath*, et *Diphath*, Paphlagonies efficit; sonum aliquem non omnino abludentem ex Paphlagoniae aut urbibus aut hominibus arripiens, qualem si equidem captare vellem, nulla orbis terrarum regio tuta erit, quin coloniam eo Riphathaeorum deducam. *Diphates* si populus est, (suppetias Bocharto ferunt, consona, ut ille audit, nomina, *Tobata*, urbis Paphlagoniae, quamquam ignobilis, (mihi, si ludendo imitari has magni viri ineptias licet, *Dipholtz*, pars Westphaliae aut *Tobius* Britanniae fluvius) et *Tibius*, nomen proprium hominum in Paphlagonia usitatum: sin aliter tibi de lectione videatur, *Rhebas* amnis

amnis succurrit. Utcunque Paphlagonia exit. Hoc quid est aliud, quam profiteri: *pone disputaturo, quidquid velis, ut certum: ego vero id quod ego volo inde efficiam.*

De Riphaeis montibus qui cogitarunt, uno unius syllabae concentu omnia perficiunt: miror, quid respon-
suri, si interrogentur, quis populus, et qua lingua usus, illos tam a Mose disscitos montes incoluerit.

Malo ergo, et hic ignorantiam professus, aliorum sollicitare diligentiam, quam quidquam de populo, in sola Noachi genealogia nominato, adfirmare.

*

*

*

ותגרמה Et Thogarma.

Antequam vocabuli expositionem adgrediamur, eo magis est necessarium, de lectionis varietate dispicere, quod plus ad geographicam quaestionem de situ hujus regionis ac nomine Europaeo interest, utrum *Thogarmorum* sedes, an *Thorgamorum*, an *Throgmorum* exquiras.

In pentateucho quidem et Hebraico et Samaritano, typis descripto, his quinque literis תגרמה nomen exprimitur, sine Vau scriptum, id vero est defective, si ad puncta vocalia *Thogarma* efferas.

At eodem in pentateuchi loco plene תגרמה in tribus lectum codicibus Erfurtensibus, ad biblia Halensia collatis: versiones enim plene scribentes, ut Chaldaicam Onkelosi, Syriacam, Arabicam ab Erpenio editam, ne numero quidem; in nominibus enim propriis interpretes non describere singulas literas codicis Hebraici solent, sed planioris et certioris appellationis gratia orthographiam clariorem praeferre. Eandem sequuntur pleniorē scri-

ptionem impressa exempla, in Ezechiele, cap. XXVII, 14. XXXVIII, 6. libroque chronicorum, nisi quod Complutensis in chronicis defectivam scriptionem servant. Exigui haec varietas momenti videri poterat, nisi et ad quaestionem pertineret de Samaritano codice, quem nunquam literas תִּרְגָּמָה omittere praedicant (falso, ut hoc quoque exemplo constat), et conjecturam infra tentandam, qua Thau omnino vocabulo demitur, atque בית תִּרְגָּמָה pro בית תִּרְגָּמָה in Ezechiele rescribitur, haec maxime premeret plenior orthographia.

Fuerunt denique codices, non nobis quidem illi servati, sed ab antiquis lecti interpretibus, in quibus literae inversa serie תִּרְגָּמָה (*Thorgama*) collocatae erant. Sic certe Graecus Mosis interpretes legit, *Θόργαμα*, seu, ut habet codex Alexandrinus, *Θέργαμα* reddens: eademque scriptio, licet non sine varietate, in Ezechiele (*), et chronicis (**) recurrit, licet hi libri ab alio interprete Graeca lingua donati sint. In Josepho quoque duplex scriptio, incertumque, utrum *Θυργάμης*, an *Θοργάμης* ab ejus manu sit. Armeniorum denique historici Thorgomum aliquem nominant, Thirasi filium, Gameri nepotem, a quo se ortos praedicant, qui sine dubio Thogarma est Mosis male intellecti. Vide Mosen Chorenensem, pag. 12.

Est autem in hac scriptione, quod eblandiri suffragia interpretum possit, qui in investigando populo a Mose no-

(*) cap. XXVII, 14. *Θόργαμα*, *Θόργαμα*, *Θώργαμα*. Scholiastes *Θέργαμα*, *Θόργαβα*, indeque vetus ibi Graecus *Θόργαμα* scripsit. Latina, *Thorgama*, et Arabs Graeca vertens, *ثُرْغَام* (*Thurgam*). c. (***) *Θόργαμα*, *Θοργάμ*, *Θοργόμα*, *Θόργαμα*, XXXVIII, 6. *Θόργαμα*, *Θέργαμα*, *μα*, *Θόργαμα*.

nominato soni maxime similitudinem sequuntur. R enim si secunda sit vocabuli litera, *Thorgoma* (תרגמה), aut *Throgma* (תרגמה) efferre licebit, habebisque jam, si velis, *Trocmos*, Gallicum populum, qui in Galatia Asia-tica consedit, estque a Bocharto, nihil de lectione suspica-to, nominatus: aut, si malis, *Turcos*, antiquissimum A-siae populum, in avitis ad mare Caspium sedibus *Turco-mannos*, Russis *Truchmenzos* (*) vocatos, quorum u-tros praeferam infra erit dubitandi locus. Hoc unum, Thogarmaeos si quaeras, nullum uspiam terrarum inve-nies populum antiquum cognominem: Throgmos, aut Thurgamos si circumspicias (utrumque enim sonare li-terae תרגמה possunt), sola laborabis copia offerentium se nominum. Quae quidem res multum facit, ad hanc le-ctionem consuetae praeferendam. Vide an Moses scri-pserit,

תרגמה

ortum inde sit, Resch in Vau mutato (**),

תרגמה,

idque cum peritiorum aures offenderet, literam R auditu alias perceptam desiderantium, inde prodierit tandem

תרגמה et תוגרמה?


Satis de lectione disputatum, de qua in tanto dissensu certi nihil habebimus, nisi quid ex geographia lucis adfulgeat: sed hanc lucem neglecturi eramus, nisi varietatem lectio-nis omnem diligenter praenotassemus.

Jose-

(*) Vide Büschingii Asiam pag.

(**) Vide, quae ad versum quar-tum de רודנים pro רודנים lecto disputabo.

Josephum quidem, cujus huc usque plurimam rationem habuimus, dubitare hic videas, quod nec vitio ei vertendum, nec silentio praetermittendum arbitror. Est enim argumento, hominem non temere his tam antiquis de rebus adfirmare quidquam ausum, sicubi in nulla inciderat, satis fida ipsi visa, veri vestigia: unde alia adseveranti major fides. Male ergo Bochartus, tribus verbis: *Josephus explicat Phrygiam*. Atqui Josephus ita scripserat: *θυγράμμης δὲ θυγράμμαίους, οἱ ΔΟΞΑΝ Ἕλλησι Φρύγες ὠνομάσθηναι, Thygrammes Thygrammaeos procreavit, qui, UT VIDETUR, a Graecis Phryges vocantur*. Quem ergo haecenus adseverantem audivimus, dubitantem hic, et de eo quod sibi videatur prodentem, habemus: qua in re iniquissimum est, conjecturam quam profitetur a testimonio non sejungere. Sed Bochartus, nimis etymologicus, in quaestione historica testium antiquorum rationem vix unquam habuit, nec integre eos audiens, nec ad eorum singula verba judicis animum et tanquam religionem attendens. Equidem cur Phrygum progenitor Thogarma habendus sit, non video, ideoque conjecturam, cujus indicia ignoro, suo auctori relinquo: sed ea lege, ut nihil de historici fide derogem, majoremque ei potius habeam, quod conjecturas a sententiis distinguit.

Germaniam a Chaldaeo Ezechielis interprete intellectam, dicit et Bochartus, et alii. Male, ut supra demonstravi de Garamaeorum regione, Syris  dicta, agens. Garamaeam potius, interiorem Assyriae partem, in qua nunc Curdos reperiis, pro Thogarma Chaldaeus habuit. Gentem ibi barbaram habitasse, id vero est, ut planius dicam, gentem lingua Syriaca non uten-

tentem, manifestum est: alioquin enim tot Chaldaei interpretes, quibus vicina Assyria non omnino esse potuit incognita, vix Garamaeos Gomero ejusve posteris transcribendos, censendosque in Japhethitis, consensuri fuisse videntur. Suntne, qui interiora Assyriae habitant, Curdique vocantur, Turci? Turcica enim lingua, quamquam et aliis, uti dicuntur (*). Quod si ita se haberet, videri possit interpretes Chaldaei תגרמה (*Thurgema*) legisse, atque illo in sono jam tum Turcos et Turcomannos agnovisse.

Nec reticendam puto conjecturam, quae Chaldaeorum interpretem legenti ipsa se offerebat, licet vera mihi non sit visa: est enim ita certe verisimilis, ut lectorum forte aliqui in consilium ituri, aliamque de ea dicturi sint sententiam. Garamaeorum regio Syris est, בית גרמי (**), pro quo Hebraice diceres, בית גרמה (**). Jam quod in utroque Ezechielis loco legitur, בית תגרמה, (*domus*, seu, *regio Thogarmae*) ita vicinum est nomini בית גרמה (*domus*, seu, *regio Garamaeae*) uniusque modo literae aut omissione aut duplicatione diversum, ut in alterutram incidere locus suspicionem possit, siue veram scriptionem בית גרמה (*regio Garamaea*) nec ullos omnino Thogarmaeos, sed modo Garamaeos esse; siue Chaldaicum Ezechielis interpretem omisso per vitium librarii Thau altero ita legisse. Non multas ex criticis emendationibus dixeris aequae verisimiles. Sed hoc utcunque sit, obstare tamen videtur, primo, quod in pentateucho et chronicorum libro nomen בית, cujus Thau finale errore librariorum sequenti nomini גרמה adhaesisse suspicabar, non praecedit, sed unum voca-

(*) Vide Büschingii Asiam p.

(**) *Beth Garmai.*

(***) *Beth Garma.*

vocabulum תִּגְרָמָה legitur: deinde quod in utroque Ezechielis loco תִּגְרָמָה plene scriptum est. Ex בית גִּרְמָה, sine interstitio vocum scripto, errore librarii facile fieri potuit בית תִּגְרָמָה, non בית תִּגְרָמָה. Hanc ergo conjecturam desperans, ad Turcos, quos supra dixi, redeo.

Hos quidem, nobilissimum jam olim Asiae populum, quem Persae Indique a promogenito Japhethi filio ortum arbitrantur (*), nomen תִּגְרָמָה (*Thorgoma* vel *Throgma*) scriptum prodere videtur, maxime si *Turcomanos*, atque a Russis *Truchmenzos* vocari cogites, quae nomina Hebraico satis concinunt. Nec ab hac me sententia Bocharti dimoveret objectio, *Tartariam et Scythiam remotiores esse, quam ut inde quisquam veniret ad nundinas Tyrriorum: nec in Scythia esse mulas, propter aëris intemperiem, teste Herodoto*. Eufalis certe, nunc Sanaa, Arabiae Felicis metropolis, quam eodem in capite memorat Ezechiel ut Tyro commerciiis junctam, non minus remota, quam antiquae Turcorum ad mare Caspium sedes: estque illud ipsum, quod nominavi, Caspium mare, eique oppositus Pontus Euxinus, commodissima mercatorum via, merces Indicas et Asiaticas cum Europaeis permutantium. Scythiae nomen, quo Bochartus utitur, mulos Turcorum patriae abjudicaturus, latius patet, quam ut ex eo effici quidquam possit. Quae enim ad Orientem sunt maris Caspii, a Turcomannis habitata, si Scythiae accenfere velis, nec potius alio nomine vocare, non magis tamen sunt septentrionalia, quam pars Italiae, mulorum praestantissimorum feracis, mitique caelo subiecta. Quod si ergo mulorum cura illi populo olim fuit, dubium non est, quin abundare hac quoque merce, quam in Thogarmaeis Ezechiel laudat, potuerit.

Sunt

(*) Vide ALEXANDRY Dow *History of Hindostan*, T. I. p. 8.

Sunt tamen alia, quae Turcīs obstant. Primo enim fac antiquam ad mare Caspium Turciam equis multisque abundasse, Tyriosque cum ejus incolis commercia exercuisse: tamen verisimile non est, ex tam dissita regione, ultra viginti latitudinis gradus, equos et mulos septuagenis ac pluribus stationibus diurnis venum actos Tyrum esse. Ut enim facile concefferim, ex nostro tempore conjecturam de commerciis antiquorum faciens, nobiliores equos, et certaminum equestrium, et sobolis procreandae causa, ex terris longinquis petere Tyrios potuisse, vix tamen eo adducor, ut magnos equorum atque adeo mulorum greges, qui in mercibus breviter enarratis nominari digni sint, Tyrum a litore inde Orientali maris Caspii deductos autem: eosque, id quod maximum est, nullis aliis mercibus onustos. Nullae enim praeter equos mulosque ex Thogarma advectae ab Ezechiele memorantur. Vicinior vero erat Aegyptus, ex qua, Salomonis exemplo (*), equos emere potuissent. Mulos vero magis etiam mirer, si ex Turcia antiqua, quam ex Aegypto-Syriaque emere Tyrii maluerint. Deinde, si quid recte conjicio, ne lingua quidem Turcorum coloniae Gomeritarum convenit, si modo Gomer Celtarum nomen est. Quantum enim aut ex aliis audiui, Armoricae Turcicaeque linguae peritis, aut ex vocabulariis judicare ipse possum, nulla utrique linguae cognatio intercedit.

Cappodociam, a Graeco scholiaste ad Ezechielem nominatam, veram Thogarmaeam censuit Bochartus, quam sententiam L. III. c. XI. ea ornavit eruditione ac copia, equis et mulis nobilioribus abundasse Cappadociam
dispu-

(*) 1 Reg. X, 28. 29.

disputans, ut pene in suas me partes trahat. Et sunt tamen, quae suspensum adhuc et dubium tenent: primum quod uno anonymo teste contra tantum utitur veterum consensum, Cappadoces ad Caphthoraeos, versu 14. nominatos, referentium: alterum, quod nominis Thogarma nullum hucusque vestigium in Cappadocia demonstrari potuit. Quod enim *Trocmos* in subsidium Bochartus vocat (*), populum Cappadociae vicinum, id nimio fit opinionis in clientelam susceptae studio. Sunt Trocmi origine quidem illi Gallica, quod mihi eos commendare poterat, Gallos ad Gomerum referenti: sed nec Cappadoces sunt, nec antiqui Cappadociae incolae, ut regio ab illis Mosis jam tempore nomen accipere potuerit. Gallorum enim, qui diu post Mosen et Ezechielem ex Europa in Asiam irruperunt, pars esse dicuntur a *Plinio* his quidem verbis (**): *Qui, partem eam insedere Gallorum Tolistobogi, et Voturi, et Ambitui vocantur; qui Maeoniae et Paphlagoniae regionem, Trocmi.* Ergo nihil hi Trocmi ad Cappadociam, ac si recte תְּהוֹגָרְמָה vel potius תְּהוֹגָרְמָה cum Trocmorum nomine comparatur, extra Cappadociam Mosis Ezechielisque tempore Thogarmaei quaerendi sunt.

Equidem Trocmos non refugio, nec dum dimitto: si enim Gomer Gallorum nomen apud Hebraeos est, veri non dissimile, Trocmos, Gallicam gentem, *Throgmam* (תְּהוֹגָרְמָה) esse posse, a Mose in Gomeri filiis numeratum. In Graeco etiam Scholiaste cum Thogarmam esse lego, κατὰ μὲν τινὰς, Ἀρμενίους καὶ Ἰβήρας, κατὰ δ' ἑτέρους, Καππαδόνας καὶ Γαλάτας, ex quibus unam Bochar-

(*) pag. 178.

(**) libr. V, c. 32. §. 42.

chartus arripuit Cappadociam, mihi illud de Galatis dictum paulo videtur probabilius: non quasi putem, Galatas qui ex Europa in Asiam remigrarunt a Mose aut Ezechiele describi, (quo turpior parachronismus vix cogitari potest) sed ut auctores a Scholiaste excerptos id suspicer voluisse, Thogarmam ad gentes Gallicas, quae in Asia Galatae vocari solebant, referendum esse: quibus in Galatis cum sint Trocmi, verisimile habeo, de his ipsis Trocmis eos quos Scholiastes consuluit interpretes cogitasse. Forte ergo et Borades, quos habet chronicon Alexandrinum, ad eosdem Gallos pertinent: licet enim Gallia nobis sit meridionalis regio, Hyperborei tamen Graecorum, ut a Gesnero me discere memini (*), in Gallia Hispaniaque habitabant, quibus Graeci asinos attribuebant, ut Thogarmaeis Ezechiel mulos, utrumque animal septentrionalibus a natura non datum. Sed haec disputans parum profeci. Si quis enim concesserit, Throgmam Mosis Trocmos esse, Gallicam gentem: qua illi in parte terrarum Mosis tempore habitaverint, haud expediam, certe nec Galatiam illis assignabo, quam diu post Europa extores occuparunt, nec in Gallia aut Germania quaeram, regionibus nimis a Mose remotis, et ex quibus mulos aut equos Tyrum advectos dum sapiam non arbitrabor.

His omnibus dubitatis, cum de Thogarma inveni-
niendo prope desperarem, mallempque eum una cum fratribus Aschkenazo et Riphatho ignorare, obtulit se ultro Mosen Chorenensem perlegenti, aut vera aut verisimilima

(*) Cum mense Majo anni 1757. in Societate Regia scientiarum de Hyperboreis disputaret. Summam

dictorum excerpti in nostro diario, Göttingische Anzeigen von gelehrten Sachen, 1757. pag. 593. seqq.

lima sententia, pridem ab antiquis prodita, sed Bocharto, aliisque qui de geographia sacra commentari susceperunt, ignota. Meminerimus autem ante omnia, Graecum Ezechielis scholiasten referre (*), Thogarmaeos a nonnullis pro Armeniis habitos esse. Haec vero opinio non exteris modo, sed ipsis Armeniis sedet, traditione multiplici accepta. Primo enim genus suum ad aliquem *Thorgomum* referunt, quem quartum a Japhetho faciunt, hoc stemmate (**):

Japhetus
|
Gamer
|
Thiras
|
Thorgom
|
Haic
|
Armenac
|
Aramaeis.

Leve hoc videri poterat, ob confusionem genealogiae Mosaicae, ac Thirasum alieno loco inter Gamerum ac Thorgomum interpositum, nisi et alias communi vocabulo *stirpem* se *Thorgomi* antiquitus Armenii appellassent. Quam in rem insignis est antiquissimi eorum scriptoris, Maribae Catinenfis, locus, a Mose Chorenensi excerptus (**): *Haicus*, inquit, *cum alia turba inter occidentem solem et septentrionem progreditur, ac sedem posuit*

(*) pag. 74.

L. I. c. IV. p. 12.

(**) Vide Mosen Chorenensem

(**) pag. 26.

fuit in excelsa quadam planitie montuosa, cujus nomen appellavit Harchiam (*), *quippe cum illic STIRPS THORGOMI habitaret etc.* Ergo circa montem Harchiam Thorgomi posteros habitasse, tralatitium apud Armenios erat. Monent autem in nota subiecta Whistoni fratres, Armenios ipsos saepe se *stirpem* vel *domum Thorgomi* vocare, atque haec ipsa verba, quibus hic Chorenensis utitur, in versione quoque Armenica Ezech. XXVII, 14. XXXVII, 6. pro Hebraicis בית תגרמה poni. Addunt, rem sibi verisimiliorem videri, quod Armeniam equorum proventu claram fuisse, Xenophon, libro IV. expeditionum Cyri, et Strabo libr. XI. pag. 529. prodiderint. Οὕτως, inquit Strabo, ἐστὶν ἱππόβοτος σφόδρα ἡ χώρα, καὶ οὐχ ἥττον τῆς Μηδίας, ὥς τε οἱ Νισαῖοι ἵπποι καὶ ἐνταῦθα γίνονται, οἷσπερ οἱ Πέρσων βασιλεῖς ἐχρῶντο, καὶ ὁ Σατραπὴς τῆς Ἀρμενίας τῷ Πέρσῃ κατ' ἔτος δισμυρίας πῶλους τοῖς μηδρακίνοις ἐπεμπεν. Ἀρτουάσδης δὲ Ἀντωνίῳ χωρὶς τῆς ἄλλης ἱππείας, αὐτὴν τὴν κατὰφρακτον ἑξακισχίλιαν ἵππων ἐκτάξας ἐπέδαιξεν, ἡνίκα εἰς τὴν Μηδίαν ἀνέβαλε σὺν αὐτῷ.

Huic equidem sententiae hac quoque de causa accedo, quod situs locorum egregie concinit. Ezechieli enim, ad Chaboram fluvium Mesopotamiae habitanti, Thogarmaei *remota septentrionis* (יִרְכַּת צָפֹן) colere dicuntur, c. XXXVIII, 6. quod non ita intelligendum, ut zonae frigidae adscribantur, aut in ejus collocentur vicina. Mulorum enim a copia et praestantia Thogarmaeam cum laudet Ezechiel, vix borealior gradu latitudinis 45 fuisse videtur. Solae enim calidae regiones mulorum pro

(*) Mons est Armeniae majoris.

lima sententia, pridem ab antiquis prodita, sed Bocharto, aliisque qui de geographia sacra commentari susceperunt, ignota. Meminerimus autem ante omnia, Graecum Ezechielis scholiasten referre (*), Thogarmaeos a nonnullis pro Armeniis habitos esse. Haec vero opinio non exteris modo, sed ipsis Armeniis sedet, traditione multiplici accepta. Primo enim genus suum ad aliquem *Thorgomum* referunt, quem quartum a Japhetho faciunt, hoc stemmate (**):

Japhetus

|
Gamer

|
Thiras

|
Thorgom

|
Haic

|
Armenac

|
Aramaeis.

Leve hoc videri poterat, ob confusionem genealogiae Mosaicae, ac Thirasum alieno loco inter Gamerum ac Thorgomum interpositum, nisi et alias communi vocabulo *stirpem* se *Thorgomi* antiquitus Armenii appellassent. Quam in rem insignis est antiquissimi eorum scriptoris, Maribae Catinensis, locus, a Mose Chorenensi excerptus (**): *Haicus*, inquit, *cum alia turba inter occidentem solem et septentrionem progreditur, ac sedem posuit*

(*) pag. 74.

L. I. c. IV. p. 12.

(**) Vide Mosen Chorenensem

(***) pag. 26.

fuit in excelsa quadam planitie montuosa, cujus nomen appellavit Harchiam (*), *quippe cum illic STIRPS THORGOMI habitaret* etc. Ergo circa montem Harchiam Thorgomi posteros habitasse, tralatitium apud Armenios erat. Monent autem in nota subiecta Whistoni fratres, Armenios ipsos saepe se *stirpem* vel *domum Thorgomi* vocare, atque haec ipsa verba, quibus hic Chorenensis utitur, in versione quoque Armenica Ezech. XXVII, 14. XXXVII, 6. pro Hebraicis בית תגרמה poni. Addunt, rem sibi verisimiliorem videri, quod Armeniam equorum proventu claram fuisse, Xenophon, libro IV. expeditio- num Cyri, et Strabo libr. XI. pag. 529. prodiderint. Οὕτως, inquit Strabo, ἐστὶν ἰππόβοτος σφόδρα ἡ χώρα, καὶ οὐχ ἥττον τῆς Μηδίας, ὥς τε οἱ Νισαῖοι ἵπποι καὶ ἐνταῦθα γίνονται, οἷσπερ οἱ Πέρσων βασιλεῖς ἐχρῶντο, καὶ ὁ Σατραπῆς τῆς Ἀρμενίας τῷ Πέρσῃ κατ' ἔτος δισμυρίους πῶλους τοῖς μηδρακίνοις ἐπέμπευ. Ἀρτοουάσδης δὲ Ἀντωνίῳ χωρὶς τῆς ἄλλης ἵππείας, αὐτὴν τὴν κατὰ Φρακτὸν ἑξακισχιλίαν ἵππων ἐκτά- ξας ἐπέδαιξεν, ἡνίκα εἰς τὴν Μηδίαν ἀνέβαλε σὺν αὐτῷ.

Huic equidem sententiae hac quoque de causa acce- do, quod situs locorum egregie concinit. Ezechieli e- nim, ad Chaboram fluvium Mesopotamiae habitanti, Thogarmaei *remota septentrionis* (ירכתי צפון) colere di- cuntur, c. XXXVIII, 6. quod non ita intelligendum, ut zonae frigidae adscribantur, aut in ejus collocentur vici- nia. Mulorum enim a copia et praestantia Thogarmae- am cum laudet Ezechiel, vix borealior gradu latitudinis 45 fuisse videtur. Solae enim calidae regiones mulorum pro-

(*) Mons est Armeniae majoris.

proventu clarae, nec ultra hunc, quem dixi, gradum: ipsique asini non in ultimo solum septentrione, sed et fere circa gradum 55 desinunt. Jam a Chabora fluvio si recta septentrionem ipectes, illo ipso in climate obviam habebis Armeniam, miti partim sub caelo, et multis gignendis aptam, sed versus septentrionem ita frigidam, nivalesque in montes desinentem, ut Mesopotamiae incolis borealior etiam, quam est, videri debuerit, remotique septentrionis nomine digna.

Non dissimulabo, si Thorgomaei sunt Armenii, ea laborare, quae de Gomero Celtarum progenitore dixi, quod nulla linguae Armeniae cum vetere Celtica, Armorica nostra, cognatio intercedit. Nec equidem ut certum, sed ut verisimile utrumque disputavi, cum, Gomer Celtas, tum Thorgama Armenos esse: quae si verisimilia secum invicem consistere nequeunt, non aegre feram, alterum falsum judicari. Meo quidem arbitrio, exploratius est, Thorgomaeos in Armenia habitasse, quam Gomerum Celtas esse.

GENES. X, 4.

ובני יין אלישה ותרשיש כתים ודרנים

Et filii Javanis sunt, Elisa, et Tharschisch, Chittaei et Dodonaei.

* * *

אלישה ELISA.

De descriptione nominis *Elischa* vel *Elisa* monendum, terminatione illud feminina in codice Samaritano destitui, atque

que esse אליש. Habent autem illam, praeter Hebraicos pentateuchi codices, LXX, Vulgata, Syrus, interpretes Chaldaici, liber chronicorum, et Ezechiel c. XXVII, 7.

De significatione mihi id verisimillimum, quod repudiavit Bochartus, Graeciae nomen, HELLAS, esse. Nempe in eo est Moses, ut gentes a ין ortas memoret, in quibus recte primum locum ipsius Graeciae incolis dedit. Praeiverunt hanc ex antiquis sententiam, praeter Pseudojonathanem, quem solum Bochartus nominavit, Chaldaicus (*) chronicorum interpres, et Syrus Ezechielis, scribens.

Merces Elifaeorum ab Ezechiele laudatae, hyacinthinae sunt purpureaeque vestes, (c. XXVII, 7.) de quibus quidquid, licet אלישה Hebraicum cum Helladis nomine comparari vetans, Bochartus congeffit, in meam illud rem vertere possum. Peloponnesum enim, in qua sibi *Elisam* Moſis sub Elidis nomine reperisse videtur, aliaque Graeciae et vicinarum insularum litora, concham purpuream habuisse, locupletibus testibus efficit. Nec equidem Peloponnesum excludo, in qua ipsi proprie sic dicti Hellenes, id vero est, Dores Graeca lingua primum usi, peragrata inde ab Olympo et Pindo Graecia, consedisse ibique primum Dores vocari coepisse, dicuntur ab Herodoto: sed non intra eam solam coërceri populum velim, Mof

(*) Vide omnino BECKII notas, Chaldaicae versionis Paralipomenorum subjectas, in quibus docet, inconditum, quod in codicibus manuscriptis legitur, vocabulum, ארסנורסוס, distinguendum, at-

que ita corrigendum esse, אלס ותרסוס, *Hellas et Tharsus*. Hinc et emendandum, quod in Wilkinsianae editione legitur, אלס et אלס, utrumque ex אלס depravatam.

Mosi et Ezechieli אֵלִישָׁה dictum. De mercibus si quid superest dubitationis, non eo valet, ut ullam regionem pro Elisa habitam, repudiemus, non Peloponnesum, non insulas Archipelagi, non Graeciam universam, non Italiam; sed ut miremur, quomodo contigerit, ut purpureas vestes ab exteris emerint Tyrii, non illis vendiderint: Tyrium enim muricem, purpuram Tyriam, a Graecis Latinisque laudari, vel pueri meminimus. Ergo Ezechielis tempore aut prima illa et antiqua Tyrus sui maris divitias ignoravit, emitque ab exteris quod ipsa habebat: aut, si id veri dissimile est, quod nulla lingua muricis purpurei formam elegantius scitiusque expressit Hebraica (*), angusta Tyriorum litora luxui urbis et mercaturae non suppetebant, unde necesse fuit, ab exteris quoque purpureas hyacinthinasque vestes emere.

Jam ad eos venio, a quibus mihi, si modo sana est versus secundi lectio Hebraica, dissentendum existimo. Solam Bochartus Peloponnesum intellexit, in qua *Elis* urbs, et *Alisium* Homeri. Equidem si quis secundum nostri capitis versus ex Graecis bibliis corrigat, duplicem.

(*) אֵלִישָׁה in bibliis Hebraicis est, *lapidibus obruere*, nec vero vivum, sed ex lapidatione jam mortuum, ita ut ex conjectis lapidibus tumulus consistat, supplicii infamiam servans. Vide Patris mei dissertationem de suppliciis capitalibus Hebraeorum. Sed ejusmodi tumulus apud troglodytas vicinos consuetum fuit et honestum monumentum sepulchrale, teste Diodoro Siculo, L.

III. c. 33. unde evenit, ut apud Arabes *tumulus cippusve sepulchralis* ^{سـ} ^{سـ} ^{سـ} ^{سـ} et ^{سـ} ^{سـ} ^{سـ} ^{سـ} ipsumque *sepulchrum* ^{سـ} ^{سـ} ^{سـ} ^{سـ} diceretur. Monumenti autem sepulchralis paulo ornatioris formam cochlea purpurea, altera sua extremitate erecta, eleganter refert, unde eam אֵלִישָׁה dictam arbitror.

cemque ita faciat populum אֶשְׂרָא, alterum Jonum fratrem, alterum filium, non intercedam, quin אֶשְׂרָא filium intra Peloponnesum coarctet, in qua finito diuturno errore confederunt Hellenes, ibique demum Dores vocari coeperunt. Ita Jones, Graeciae aborigines, patrem Moses vocaverit, populum Doricum Graece loquentem eorum in patria primo vagum, deinde incolam, filium. Sed Bochartus tantum abest a lectione versus 2 mutanda, ut potius haec omnia Herodoti neget, historiam non antiquis credere, sed comminisci ex etymologiis solitus.

Aeoliam, Asiae partem, in quam perantiquae deductae sunt ex Graecia coloniae, Josephus intellexit. Ἐλισᾶς μὲν, inquit, Ἐλισάειους ἐκάλεσεν, ὃν ἦρχεν, Ἀιολεῖς δὲ νῦν εἰσι: *Elisas Elisaeos habuit cognomines, quibus ortum dedit. Nunc autem Aeoles sunt.* Conjectura esse videtur aegre ferentis, ipsam Graeciam Javano filium tribui, ideoque extra Graeciam Elisam Moysis duarum literarum א et ה indicio quaerentis. Sic illi *Aeolis* Hebraicum אֶשְׂרָא, licet dissimillime sonans, utcunque referre videbatur.

Praetermisit Bochartus Chaldaicum Ezechielis interpretem, qui Italiam intellexit. Certe et haec purpuram a natura habet, et pars ejus, de qua interpretem intelligere fas est, ab antiquissimis Graecorum coloniis in illam deductis *Magnae Graeciae* nomen accepit. Quod si ergo aut nefas videtur, ipsius Graeciae incolas Javano filios dare, oportetque omnino, coloniam ex Graecia dimissam filium Javani interpretari; aut si duplex est אֶשְׂרָא, frater hic, ille filius Javani: posset sane Magna Graecia, et cum Peloponneso Bocharti, et Josephi Aeolide contendere, atque haud scio, an utrique praetulerim.

תרשיש *Et Tharschisch.*

Hujus regionis veram Bocharto notitiam debemus, qui post multos aliorum errores in libri tertii capite quinto Tartessum nobis Hispaniae indicavit. Hunc ab omnibus, qui nostra legunt, legi cupimus, et in summa rei sequemur, ea, quorum spicilegium nobis reliquit, addituri.

Plurima Tharschischae in sacris literis mentio, ex qua diligenter animadversa haec fere ignoratae diu gentis colligas indicia.

- 1) Portum habere videtur, navigationibus Phoenicum nobilissimum, ut vel a poëtis naves Tharschisch pro omnibus navibus nominentur, exemplo pro toto genere posito. Vide Jes. II, 16. XXIII, 1. 4. Ps. XXXXVIII, 8. In psalmi quidem, quem citavi, versu, cum non parum sit obscuritatis, (Hierosolymam enim nemo mari navibusque oppugnare potest) sententiam latinis verbis interpretari lubet: *ita reges intremuerunt conspecta Hierosolyma, ut nautae, cum vento contrario naves Tharschisch quassantur.*
- 2) Argenti ditissimam regionem fuisse ex Jerem. X, 9. Ez. XXVII, 12. liquet. Jeremiae locus eo quoque pertinet, ut tanquam propria argenti patria fuisse Tharschisch videatur, auro aut caruisse, aut non valde fuisse dives. *Argentum enim ex Tharschisch, aurum ex Uphaz advehi* dicitur. Est hoc eo notandum diligentius, quod eorum, qui de Tharschisch scripserunt, aliqui ita rem instituerunt, ac si auro illud litus abundaverit, unde jam Indiam, jam Africae auriferas regiones somniarunt, ubi inops auri, argenti dives terra quaerenda erat.

3) Ex

- 3) Ex eodem Ezechielis loco paret, ferrum, plumbum et stannum ex Tharschisch Tyrios petiisse.
- 4) Fuit illud litus et remotissimum, et occidentale. Joppe enim illuc navigaturis portus, eoque fugere voluisse Jonam legimus, ne impetu prophetico, cui aegre resistebat, abripi in Assyriam posset. Jon. I, 3. Orientalibus quoque populis, Sabaeis, Tharschisch tanquam ultima aliqua Occidentis ora opponi in psalmo LXXII, 10. videtur: componi enim ut vicina Sabaeis non existimanda est, quia qui ex Palaestina illuc navigant Joppe naves conscendunt.
- 5) Fuerunt Tharschischenfes Graecorum colonia; quod eo pertinet, ut in intima Asia, Africaeque incognitis terris quaerendi non videantur. Utrum vero Graeca usi lingua sint, an Pelasgica, id est, barbara, non liquet.

His indiciis, mirum sit, si Tharschisch regionem non investigemus, si vel nomen apud Romanos Graecosque scriptores prorsus interiisset.

Fuerunt, quibus Tarsus, Ciliciae urbs nobilissima; Pauli patria, תַּרְשִׁשׁ esse videretur. In hac quidem sententia Josephus fuit, cujus verba eam ob causam adscribo, quod ipse fatetur, literam initialem Hebraici nominis a Graeca scriptione dissonare: *Τάρσος δὲ (ἐκτιθε) θαρσεῖς, οὕτω γὰρ ἐκαλεῖτο τὸ παλαιὸν ἡ Κιλικία. Σημεῖον δὲ, Τάρσος γὰρ παρ' αὐτοῖς τῶν πόλεων ἀξιολογώτατη καλεῖται, μητρόπολις οὖσα, τὸ Ταῦ πρὸς τὴν κλησιν ἀντὶ τοῦ Θῆτα μεταβαλλόντων: i. e. Tharsus Tharsenses ex se genitos reliquit, quod olim nomen Ciliciae fuit. Argumento autem est, quod prima-*

ria gentis urbs, totiusque regionis metropolis, Tarsus dicitur, mollioris appellationis causa Tau pro Theta posito. Agnoscebat ergo Josephus, ת Hebraicum Graece per Θ scribendum fuisse: contrariam enim vim apud Graecos Hebraeosque Tau et Theta habent, ut moneri a grammaticis solet. Hoc ergo grammaticorum scitum, aliud agens, antiquissimus scriptor confirmat.

Nec solus ex antiquis de Tarso, urbe, cogitavit Josephus, sed jam ante illum in eadem fuisse sententia auctor libri Judithae videtur, si, textu Hebraico dudum amisso, Vulgatam versionem sequaris. Haec enim capitis secundi versum 12. 13. ita reddidit: *venit Holofernes ad montes Ange, qui sunt a sinistra Ciliciae, ascenditque omnia castella eorum, et obtinuit omnem munitionem. Effregit autem civitatem opinatissimam Melothi, praedavitque omnes filios Tharsis.* Haec si scripsit libri auctor, Tharsis-cujus mentionem cum Cilicia conjunxit, sine dubio Tarsus est. Tanta tamen lectionis varietas, alia omnia habentibus Syro interprete atque Graecis (*), ut de sententia verbisque libri Hebraici, qui nobis dudum periit, nihil asseverare auserim.

Chaldaicus denique paraphrastes libri chronicorum, cujus veram scriptionem, תַּרְסֻס, Beckius restituit, ac Pseudojonathan, טַרְסֻס scribens, Tarsum intellexerunt. Recentiores, maxime ex christianis, idem sentientes, non nomino, id unum monens, Hieronymo Tarsum pro תַּרְסֻס positam valde displicuisse (**).

Mihi

(*) Vide quae pagina 56. scripsimus, ubi et lapsus calami, III pro II ponentis, corrigendus.

(**) in epistola ad Marcellam, Operum Tomo II. pag. 622. *Nuper, cum Rheticii, Augustodunensis episcopi*

Mihi quidem Tarsus, urbs licet antiquissima, nequam intelligi posse videtur. Primo enim ne portum quidem habuit, nec ad mare sita fuit, qua de re Cellarium disputantem consulant lectores (*): deinde argenti venis illa regio nunquam ita fuit nobilitata, ut tanquam propria hujus metalli patria nominari Tarsus a Jeremia, aut argentum in mercibus ejus numerari ab Ezechiele potuisset. Stannum vero, ab eodem memoratum Ezechiele quis ex Cilicia arceffat? Quae autem 2 Paral. IX, 21. XX, 36. 1 Reg. XXII, 49. de Salomonis et Josaphati narrantur navigationibus, Tarsum omnino excludunt: ex Palaestina enim quis per sinum Arabicum in Ciliciam naviget? aut qui fieri potuisset, ut naves tertio demum anno redirent, si tam propinqua commercia, ut sunt Palaestinae et Ciliciae, exercebant. Nec Jonas propheta, mittentem ad Assyrios Deum fugiens, Tarsum petiturus fuisse videtur, propinquior ita Assyriorum metropoli, quam in ipsa Palaestina, futurus. Non denique ille vocabulorum, *Tarsus* et תַּרְשִׁשׁ concentus, tantus tamque perfectus est, ut eo solo contra tot argumenta pugnare liceat. *Thau* enim Hebraicum, ut ipse agnovit Josephus, Graece per *Theta* exprimi solet: urbis autem nomen non Tharsus (ΘΑΡΣΟC) est, sed Tarsus (ΤΑΡΣΟC), ex quo Graeca adhuc terminatio, ΟΣ, demenda, ac solae litterae ΤΑΡΣ (TARS) relinquendae sunt, Hebraicum תַּרְשִׁשׁ legitime comparaturo. Graecam enim terminationem ΟΣ, per שׁ a Mose exprimi, inverecundum dictu:

scopi - - commentarios in canticum canticorum perlegissem, vehementer miratus sum, virum eloquentem praeter ineptias sensuum ceterorum,

Tharsis urbem, putasse Tarsum, in qua Paulus apostolus natus sit.

(*) Geogr. ant. T. II. p. 255.

At: nec recentiores quidem codicis sacri scriptores, quorum exemplo utendum foret, תַּרְשִׁשׁ sed תַּרְשִׁשׁ ita usurpant.

Quam indicavi elementorum diversitatem, eo quoque valet, ne LXX interpretes, ubi nomen Hebraicum retinent Graecisque literis *θάρσις* vel *θάρσεϊς* scribunt, de Tarso cogitasse putemus. Tarsus enim a nemine Graecorum Latinorumque unquam *Tharsis* vocata est. Utuntur autem LXX hoc nomine, ut indeclinabili, quod ipsum peregrinitatis indicium est, ut, Ps. LXXII, 10. *βασίλεις θαρσίς*, Jer. LX, 9. *πλοῖα θαρσῆς*, Jerem. X, 9. *ἐκ θαρσῆς*, Jon. I, 3. *φυγῆν εἰς θαρσῆς*. Ita nemo Tarfi nomen positurus erat.

Multo minus admittenda conjectura, quae in Arabia Tharschischam quaerit. Tentavit illam LE GRAND, in dissertatione de mari rubro et navigationibus Salomonis, quam HIERONYMI LUPi commentariis itineris Aethiopici subjunxit (*): eodem loco historiae Judithae, cap. II, 13. quem supra pro Tarso adferebam, suam in rem utcunque usus. Nempe Vulgata post haec, quae citaveram, cumque praecedente Cilicia conjunxeram, *praedavitque filios Tharsis*, statim subjungit, *et filios Ismael*: quod unum le Grandius arripiens, ergo, inquit, *Tharsis in Arabia: ac credo equidem, Tharsidem ac Sabaeam in psalmo LXXII. nominatas, partes Arabiae fuisse*. Mirum vero errorem aut incogitantiam! Non meminerat, opinor, *Tharschisch* a Mose in coloniis Graecorum numerari,

(*) *Voyage historique d'Abessinie du R. P. Jerome Lobo, traduit du Portugais, et augmenté de plu-*

sieurs dissertations, par Mr. le Grand. T. I. p. 335. 336.

rari, quae illo sane tempore nullae in Arabia fuerunt: ac Jonam eo navigaturum Joppenſi ex portu ſolviſſe. Jon. I, 3. Nec quidquam ex Jeremiae decimo capite de argento addo, cujus divitem Arabiam fuiſſe nuſpiam legimus.

Ad eos pergo, qui Carthaginem interpretati ſunt. Nimis conciſe Bochartus, *Graecis*, inquit, *Vulgato interpreti*, *Hieronymo*, *Theodoreto*, *Carthago eſt: Arabi geographo Tunis*. Atqui jam ſupra, aliud agens, monui, Graecos et Vulgatum haud raro vocabulum Hebraicum retinere, quod quidem in hoc ipſo Moſis *commate*, in quo explicando verſamur, fecerunt. Diſtinctius ergo de LXX interpretibus exponi oportuiſſet, maxime cum diverſorum librorum non iidem ſed alii ſint interpretes, quos a ſe invicem diſſentientes, uno nomine complecti; ejusdemque erroris arguere, non aequum erat. Sic potius de Carthagine habeamus. Carthaginem pro תַּרְטֶסֶס ponunt,

1) LXX interpretes, Jeſ. XXIII, 1. 10. 14. Ezech. XXVII, 12. XXXVIII, 13. Solus ergo id fecit prophetarum interpretes Graecus, ab illis, qui Moſen, pſalmos, aliosque libros, Graece verterunt, probe diſtinguendus.

2) Arabicus prophetarum interpretes, qui et ipſe ſola Graeca vertit, Hebraicis ne quidem inſpectis. Jeſ. XXIII, 1. 10. 14. habet كَرْشَدُونَةَ, quae non eſt Chalcedonia, ut aliqui putarunt, ignari Graeca ab Arabe verti, ſed Καρχηδών, Carthago. Imprimendum fuiſſet كَرْشَدُونَةَ per Schin, quod χ Graecorum exprimit cum ſibilo pronuntiatum. Clarius
idem

idem Arabs Carthaginienses, *خرکبدونیهون* nominatos habet Ezech. XXVII, 12, 25. (*) XXXVIII, 13.

3) Vulgata denique in unico prophetarum loco, Ez. XXVII, 12. Carthaginienses habet, servatos, credo, ex Graeca versione, cum alibi Hieronymus eos expunxisset.

Uni ergo prophetarum interpreti Graeco, reliquorum indoctissimo, תרשש Carthago fuit, ex quo illam Arabs et Vulgata sumserunt. Pudendus sane error, si de Carthagine loqui potuisse Moſen censuit, urbemque a Tyriis conditam Graecis assignavit. Sed forte ab hac tanti erroris culpa absolvi posse, sententiamque non omnino falsam incommode dixisse videbitur. Quid enim, si Hispaniam intellexerit, ejusque nobilissimum portum, Carthaginem novam, non antiquo, quod ignorabat, sed sui temporis nomine appellaverit.

Quid spectans Africam reddiderit Chaldaeus interpretes, 1 Reg. XXII, 49. 2 Paral. IX, 21. Jerem. X, 9, non expedio. In duobus locis librorum historicorum, ubi de Salomonis et Josaphati navigatione refertur, de circumnavigata Africa cogitare interpretes potuit: Jeremiam, laminas argenti ex Tharschisch adferri narrantem, de Africa exponere non debuisset.

Indiae regionem intellexit Hieronymus in epistola ad Marcellam, *ὁμώνυμον* esse scribens *vocabulum*, quod et

(*) Hoc in versu editiones consuetae biblicae non nisi *πλοῖα* habent, omisso Carthaginis nomine: pro quibus in codice Alexandrino, et editione Aldina *Καρχηδόνιοι* *ἐμ-*

ποροι leguntur. Arabicus ergo interpretes biblicorum Graecum codicem habuit, cum Alexandrino concinentem, Carthaginiensiumque nomen exprimentem.

et Indiae regio sic adpelletur, et alia plura ()*. Eandem sententiam ornandam suscepit, navigationum Salomonis rationem redditurus, JOACHIMUS CHRISTIANUS JEHRING, in bibliothecae Bremensis fasciculo VIII. pag. 78. seqq. Ea vero sententia, certe ut Jehringius eam dixit, soli Indiae Tharschischae nomen vindicans, una omnium videtur veri dissimillima. Nec enim Joppe, ubi navem conscendisse Jonam legimus, is portus est, ex quo in Indiam navigari possit: nec Mosis tempore in Indiae ulae Graecorum coloniae. Susplicari etiam audeo, ne cognitam quidem Mosis tempore Indiam Israëlitis fuisse, cujus nomen, תרשיש, in nullo libro ante exsilium Babylonium scripto, sed demum in Estherae historia obvium. Argumenta, quibus Jehringius utitur, vix relatu digna, ut, *Tharschischam Ps. LXXII, 10. cum Sabaea componi*, quasi non potius opponi dici possit: et, *Indiam multas habere insulas*, quod totum perit, si, ut infra ostendam, תרשיש non insulas significat.

Naves Tharschischae per metonymiam poëticam pro omnibus poni navibus longinquam exercentibus mercaturam, supra monuimus, exemplisque Jes. II, 16. XXIII, 1. 14. Ps. XXXXVIII, 8. confirmavimus: quae loca si quis velit omni demta figura interpretari, non obnititor, quin Tharschisch quemvis portum valde remotum significare dicat. Nollem tamen, *pelagus*, verti, aut pro תרשיש *naves pelagi*, languide ut arbitror, reponi, licet id multi faciant. Semel LXX cum sequace suo Arabe, Jes. II, 16. eodemque in loco Aquila: saepius Vulgata, Jes. XXIII, 1. 10. 14. LX, 9. Ezech. XXVII, 25. frequentissime Jonathan, ut fere suspicer, inscitia illum

(*) T. II. pag. 623.

lum geographiae, ejusque figurae, quae res universas in singulis exemplis ponit, Tharschischam, quam nusquam reperiebat, in mare mutasse. Vide Chaldaicam ejus versionem, Jes. II, 16. XXIII, 1. IO. 14. LX, 9. Ezech. XXVII, 12. XXXVIII, 13. Jon. I, 3. Forte hoc auctore, propagatus error, תַּרְשִׁישׁ appellativum maris nomen esse. Sic passim Judaei, exque illis vocabularia; sic et, edoctus credo a magistro Judaeo, Hieronymus. Namque et I Reg. XXII, 49. vertit, *classes in mari*, et ad Jes. II, 16. adscripsit: *Hebraei putant, lingua propria sua mare THARSIS appellari, quando autem dicitur JAM, non Hebraico sermone appellari, sed Syriaco: et ad Jerem. X, 9. Tharsis vel regio Indiae est, ut vult Josephus, vel certe omne pelagus appellatur.* Denique in epistola ad Marcellam, T. II. p. 623. *et Indiae regio ita appellatur, et ipsum mare, quia caeruleum est, et saepe solis radiis percussum colorem supradictorum lapidum (chrysolithorum et hyacinthorum) trahit, a colore nomen accepit.* Nempe hyacinthi veterum, nobis amethysti, caeruleo colore mare imitari videntur: unde et suspicari possis, eos veterum, qui gemmam תַּרְשִׁישׁ hyacinthum vertunt, a maris similitudine etymon duxisse.

Huic tamen magno, fateor, multorum consensui nondum adducor ut credam תַּרְשִׁישׁ adpellative maris nomen esse. In omnibus enim locis, pro hac significatione allatis, nullus est, quin nominis proprii significationem admittat, nullus ergo, qui hanc novam significationem probet. Reliquae autem Orientis linguae תַּרְשִׁישׁ omnino ignorant, quod mirum, si adpellativum sit. Sola ergo conjectura, seu potius figurae poëticae inscitia, ex regione aut portu in mare mutatur, nullo indicio, nullo linguarum Orientalium concentu. Id quidem certum, ut

cun-

cunque haec cadat disputatio, Mosen non de mari, sed de Graecorum loqui colonia, et, quod recte monuit Hillerus, a libri regum auctore, libr. I. c. X, 22. Tharschisch a mari distingui.

De Tharschischa nemo melius Bocharto, cui Hispania est, a Tartesso, nobilissimo olim portu et insula in Baetis ostio, dicta. Nempe et sonus concinit, et primo pro more Chaldaeorum ac Syrorum in ת mutato, et litus illud, servata etiam sibilante, Ταρσῆιον dictum Bochartus demonstrat, et auctoritatem adiungit Eusebii, ex Tharsis Iberes ortos dicentis (Ταρσείς, ἐξ οὗ Ἰβήρες). Nec quidquam eorum in Hispania desideres, quibus tanquam indiciis prodi Tharschischam Hebraeorum monui. Ultimus illa simulque nobilissimus Phoeniciae navigationis, quatenus investigari olim ab exteris et resciri poterat, terminus, ulteriora enim dissimulabant. Argenti eadem tanquam patria antiquis habita, ejusque ad Plinii tempus fuit inexhausta: ferri quoque abundantia et praestantia nobilis. Stannum autem, cujus patria Britannia fuit, maximeque Cassiterides insulae, ex Hispania Tyrum advehi oportuit. Eandem nos in Hispaniam Jonae prophetae longinqua fuga, Joppeni nave conscensa, deducit, ultimum occidentem petentis, quo remotior ab Assyria degeret. Quae omnia ita sunt comparata, ut si vel nullum nominis adpareret vestigium, tamen alia praeter Hispaniam regio Tharschischae nomine intelligi vix posset, locusque Ezechielis, in quo merces Tharschischae enumerantur, aliquam tanquam definitionem regionis ex historia naturae petitam contineat. Sed haec cum Bochartus copiose peroraverit, in ipsius immortalis libro legi velim, ad ea pergens, quae addi stabiliendae et ornandae sententiae posse existimo.

Primo ergo opponi quodammodo Hispaniae video posse, quod gens, de qua anquirimus, Graecorum dicitur fuisse colonia, a quibus Hispani ob linguae diversitatem ac barbariem orti esse haud videantur. Sed hic nodus facile solvetur, modo recordemur, alteram ex illis gentibus, quae Graeciam habitarunt, Pelasgicam Jonum, non Graeca lingua, sed barbara usam fuisse: hi ergo, non Dores, coloniam dimisisse in Hispaniam dicendi erunt. Nec enim in meam rem abuti duobus monumentis Hispanicis velim, Celtibericis literis scriptis, quae Graeca esse Ludovico Josepho Velazquez visa sunt (*), ex quo consequi posse videretur, ut Graeca lingua aliqui Hispaniae populi pro vernacula usi sint. Diffido enim interpretationi, non literarum, sed verborum, quae barbara, incognitaeque nobis linguae esse, existimo (**).

Sed superest alius, longe intricatior ac difficilior nodus, infeliciter a plerisque tractatus, quod Israëlitae ex mari Ery-

(*) *Ensayo sobre los Alfabetos de las letras desconocidas, que se encuentran en las mas antiguas Medallas y Monumentos de España, por Don Luis Joseph Velazquez. (Madrid 1752.) p. 125. 128.*

(**) Literae Celtibericae, si Graece describas hae sunt, vasis argentei, ANANNEKΣOPZΦAN, et lapidis, NEONTAENTENENA-ΔΩAEMEIN. Has inscriptiones Hispanica vetere lingua conceptas esse, recte opinatur Velazquius,

ita argumentatus: *esta Inscripcion está concebida en el Lenguage antiguo de España, como lo demuestran sus letras Celtibéricas.* Putat autem, literas modo initiales positas, reliquas autem ita supplendas esse: ANAN^{ewσωμεναις} NEK^{ων} ΣOP^α-^{nos} ZΦAN^{γαίς}, *renovandis manium vas viftimis*: et ὑπερ NEON TAEN TEN EN AΔΩ AEMEINA *super novam silvam pluit; ibi satio pratum.* Malim vero verba, quae Graeca facit, barbara putare, eorumque vim et sententiam ignorare, quam hac uti interpretatione.

Erythraeo navigationem in Tharschischam suscepisse leguntur. Primum tale quid factum sub Salomone, utroque historico consentiente, unde errori librariorum imputari nihil potest: 1 Reg. IX, 26. X, 22. 2 Paral. IX, 21. Quos testes audiens, vix suspicaberis; aliud eos dicere, quam: *Israëlitas et Tyrios Aelana et Esiongabara, qui portus sunt sinus Arabici, solvissè, atque Tharschischam mercaturae causa petiissè: triennium illi navigationi datum, aurumque, et argentum, ebur, psittacos, et simias, merces fuisse in Palaestinam ea ex navigatione reportatas.* Nec vero hoc mare navigaturo in Hispaniam convenire videtur, nec ex Hispania aurum, ebur, simias, psittacos expectaveris.

Ense hunc nodum secare possis, si naves Tharschischam ituras, ab his, quae ex sinu Arabico navigabant, distinguas, de illis 1 Reg. X, 22. 2 Paral. IX, 21. de his 1 Reg. IX, 26. X, 11. 2 Paral. IX, 10. explicans: quamquam vel sic manebit, aurum, ebur, simias et psittacos, res Hispaniae a natura non datas, ex Tharschischam advehi. Sed hoc artificio eludere non licet eosdem testes de Josaphati navigatione referentes (*), *naves Tharschischae, easque Ophiram simul petituras, in ipso Esiongabarae portu vento fractas esse.* Ergo ex illo portu, qui sinus est Arabici, Tharschischam navigabatur: eademque naves ad auriferae Ophirae, quae Arabiae abjudicari nequit, portus adpellebant, auro ex illis, ut ex Tharschischam argento onustae rediturae.

In diversa hic abeunt interpretes. Sunt qui naves Esiongabarae fabricatas putant, non quod inde soluturae essent,

(*) 1 Reg. XXII, 49. 2 Paral. XX, 36.

essent, sed ob ligni copiam, indeque terra transportatas ad aliquem maris mediterranei portum, ex quo in Hispaniam potuerit navigari. Hi vero et valde adferunt incredibilia, cum Arabia, qua parte mari Erythraeo imminet, silvis destituatur: nec expediunt, quod habet uterque testis, fractas quoque in illo portu maris Erythraei naves esse, ex quo adparet, non solum ibi fabricatas fuisse, sed et in mari stetisse: nec rationem reddunt, quo modo Tartesso, aut ex ullo omnino Europae portu, aurum reportari et ebur, simiaeque et pŕittaci potuerint.

Duplicem alii Tharschischam faciunt, (fere ut nobis duplex est India, haec ab illa nomen nata) occidentalem et orientalem. Sic Bochartus, pag. 171. *alia fuit Tharsis in Oceano Indico, forte ad promontorium Cory, quod Hispanicam Calpen utcunque refert. Quae potuit esse causa, cur eodem nomine a Phoenicibus appellaretur, praeterquam quod uterque locus fuit a Tyro valde remotus, et propter metalla quaesitus.* Similia habet HILLERVS, de origine gentium Celticarum in *syntagmate hermeneutico* disputans, pagina 144, nisi quod aliquos de suo errores addit, in quos Bochartus multo doctior incidere non poterat, ut, dictam ita Indiam, *quod exhausta auro caeterisque metallis Hispania, vicem illius praestaret.* Atqui nec exhausta Hispania, Plinii adhuc tempore ditissima venarum argenti: nec illa unquam ab auri copia laudata. Aurum et argentum, metalla natali solo diversissima, confundunt philologi, quod utroque pro pecunia uti possunt, de natura metallorum minus quam de usu solliciti,

Hanc et ego, ut a Bocharto prodita est, interpretationem meam facerem, si necesse esset, nec fieri omnino pot:

potuisset, ut ex rubro mari in Hispaniam mercaturae causa navigaretur. Sed hac de re postea videbimus: nunc in aliorum sententiis expendendis pergamus.

Sunt, qui in hac navigationum historia תרשיש non certam aliquam regionem, sed simpliciter *mare* intelligunt: qua et in sententia Hieronymum fuisse tum puto, cum I Reg. XXII, 49. verteret: *fecerat classes in mari*. Ut autem non repetam, quae supra (*) disputavi, nullo certo exemplo, reliquarumve linguarum Orientalium usu, hanc vocabuli adpellativam significationem firmari, illo in loco ubi de navigatione Salomonis agit historicus, I Reg. X, 22. תרשיש a mari distinguitur. En verba, **אני ים תרשיש בים**, *navis Tharschischae erat in mari*: quae fac aliquem vertere, *navis maris erat in mari*, quid quaeso dici magis languide et superflue poterat? Quasi vero aliae essent naves agrorum, montium, coeli, scriptorique opus videretur, lectorem monere, non ejusmodi navibus, sed navibus maris in mari navigatum esse! Quodsi haec, quantumvis frigida, *navis maris in mari erat*, dormitanti scriptori excidissent, eodem tamen utrobique usus vocabulo, scripturusque fuisse videtur, **אני ים בים**.

Antequam meam de utraque navigatione sententiam dicam, quaeri oportere video, quid de ea JOSEPHUS prodiderit, cui cum Tharschisch Cilicia esset, non minus in Salomonis Josaphatique historia difficultatis, quam mihi, aut Bocharto. Fluctuasse autem in interpretando, nec parum laborasse videtur, ab his, qui ejus opera ediderunt

(*) p. 94

derunt notisque illustrarunt, non intellectus. De Salomone quidem ita (*): *πολλὰ γὰρ ἦσαν ναῦς, ἃς ὁ βασιλεὺς ἐν τῇ Ταρσικῇ λεγομένῃ θαλάττῃ κατέστησε*, quae vereor ut recte reddi soleant: *nam magna erat classis, quam rex in mari, quod vocatur Tarsicum, constituerat.* Hoc mare Tarsicum, quod, et ubi fuerit, non adparet: de Cilicio quidem cogitare Josephus non potuit, triennium navigatione absumtum, atque Aethiopica mancipia, et simias, in reportatis mercibus, memorans. Suspicio potius, et Josepho תַּרְטֶסֶס nomen appellativum Oceani visum fuisse, verbaque in hunc modum accipienda: *magnam in Oceano, qui TARSICUM Hebraeis dicitur, classem comparavit.* Non mirum, Josephum idem sensisse, quod ante Jonathan conjecerat, et post eum Hieronymus ut Judaeorum opinionem retulit, תַּרְטֶסֶס appellative maris magni nomen esse.

Nec tamen hujus interpretationis in mentem venit Josepho, cum de navigatione Josaphati referendum esset: utrum oblivione, et quod eorum non facile recordamur, quae artificiose nimis commentum eramus, an quod alia lectione utebatur, pro certo non adseveraverim. Haec quidem, quae I Reg. XXII, 49. verbis Hebraicis ita concepta sunt, *Josaphatus exstruxit navigia Tartessi, ut irent in Ophiram, auri adportandi causa, sed non ivērunt, quia naves fractae sunt Esiongabarae*, עֲשֶׂה אֲנִיּוֹת תַּרְשִׁישׁ לִלְכַת אוֹפִירָה לִזְהָב וְלֹא הָלַךְ כִּי נִשְׁכְּרוּ עֲשֶׂה אֲנִיּוֹת תַּרְשִׁישׁ, Graece sic edisserit (**): *πρὸς ὃν κοινωγῆσας ἐπὶ παρασκευῇ νηῶν, εἰς τε Πόντον πλεουσῶν, καὶ τὰ ἐπὶ θράκης ἐμπόρια, δημαρτε τοῦ κτήματος.*
 Ὑπὲρ

(*) Ant. L. VIII. c. VII. §. 2.

(**) Antiqu. L. IX. c. I. §. 4.

Ἐπὶ γὰρ μεγέθους ἀπώλετο τὰ σκάφη· i. e. *juncta ergo cum Ababo opera naves construens, quae Pontum et Thraciae emporia peterent, votis excidit. Nimia enim magnitudine fractae sunt.* Haec legens, quis non videt, Esiongeberae nomen, qui portus erat sinus Arabici, dissimulari, quod Josephus non expediret, quomodo inde in eam, quam volebat, regionem navigari potuerit? Et tamen hoc ita fugit aciem doctorum hominum, qui Josephum illustrandum sibi sumserunt, ut ne in Havercampiana quidem editione, notas variorum habente, quidquam ea de re dubitatum adnotatumque sit. Ne tamen, qui ex sacris se literis historiam scribere proficitur, Josephus, mala fide egisse, atque omisisse videatur, quae in libris Hebraicis legebat, ad illa attendendum, quae in ejus narratione Hebraicis monumentis comparata redundant. Nimia magnitudine fractas naves scribit, puto, quod in vadosa inciderent (*), Oceano aut alto mari aptae, non Ponto, in quem eas Josephus deduxit, Euxino. Hoc ergo ipsum, quod plus habet, ex nomine portus aliter sumto effecit: גַּבְרִין בעציר interpretatus, *ob magnitudinem molis*, seu, *ob ligni multitudinem*; non sane grammaticae, sed quod omnino illius portus nomen habere nollet. Hoc ergo vitaturus, primam ejus partem גַּבְרִין cum גַּבְרִין ligno contulit, alteram cum verbo גַּבְרִין, *for-*

(*) Mirum, ne hoc quidem intellexisse doctissimos viros. SPANHEMIUS: *navigia ob magnitudinem absorpta*: quasi vero id unquam contingere aut soleat aut possit? Quo majores naves sunt, eo majore ex spatio aquam specificè gravio-

pellant necesse est, antequam mergantur. HAVERCAMP: *quod regi non poterant.* Non cogitabant, quo in mari Josephus navigatum fuisse scribebat. Pontus Euxinus vadofus est, in quo majora navigia vadis aut scopulis illiduntur.

fortitudinis, copiae, multitudinis notionem habente con-
tulit. Hoc metu portus alienissimi liberatus, non
tamen in suam Ciliciam navigari voluit, sed in Thraciam
ac Pontum, illum nempe, nisi omnia me fallunt, qui
Thraciae vicinus est, et ex quo Ovidius epistolas scripsit.
Qua in re iterum fluctuationem historiei Judaei noscimus.
Thraciam volebat, aut תַּרְטֶסֶס legens, [meminerimus e-
nim, utrumque nomen alibi quoque a librariis confun-
di(*)] aut suspicans, ita sive legendum sive interpretan-
dum esse. Sed huic aut lectioni aut conjecturae non con-
fidens, Pontum addebat: credo, quod aliqui Rabbino-
rum תַּרְטֶסֶס appellativum maris nomen faciebant, unde
putabat, regionem exteris Pontum dictam potuisse ab ho-
mine Hebraeo תַּרְטֶסֶס vocari. Interdum enim nomina
propria et alias in linguas vertuntur: ut cum
nos pro *Belgrad* dicimus, *Griechischweissenburg*,
idque saepius etiam cum Graeci tum Orientales audent.

Jam nemine eorum neglecto, quos consuli fas erat,
meam promo sententiam. Circumnavigatam a Salomo-
ne existimo Africam, idemque iterum tentasse Josapha-
tum: nec id incredibile cuiquam videri debet, postquam
Herodoto teste perfecit Gesnerus, Phoenices Africam cir-
cumnavigasse. Hi autem Salomonis in navigatione socii
fuerunt. Locum Herodoti integrum adscribo, cum quia
postea illo utar, tum quod nondum edita est Gesneri dis-
putatio. Libro IV, c. 42. Λιβύη, inquit, δηλοῖ ἐαυ-
τὴν, εὐῶσα περίρρυτος, πλὴν ὅσον αὐτῆς πρὸς τὴν
Ἀσίαν οὐρίζει, Νεκὼ τοῦ Ἀιγυπτίων βασιλῆος πρώ-
του τῶν ἡμῶς ἰδμεν καταδέξαντος· ὃς ἐπεί τε τὴν
διώ-

(*) Vide pag. 64.

διώρυχα ἐπαύσατο ὀρύσσων τὴν ἐκ τοῦ Νείλου ἔχουσαν ἐς τὸν Ἀράβιον κόλπον, ἀπέπεμψε Φοίνικας ἄνδρας πλοίοισι, ἐνταλάμενος, ἐς τὸ ὅπισω δι' Ἡρακληίων στηλέων ἐκπλέαν ἕως ἐς τὴν βορρῆην θάλασσαν, καὶ οὕτω εἰς Ἀγυπτὸν ἀπικνέεσθαι. Ὁρμηθέντες ὦν οἱ Φοίνικες ἐκ τῆς ἐρυθρῆς θαλάσσης, ἔπλεον τὴν νοτίην θάλασσαν· ὅπως δὲ γένοιτο φθινόπωρον προσχόντες ἂν σκάρεσκον τὴν γῆν, ἵνα ἐκαστοτε τῆς Λιβύης πλέοντες γενοίαιτο, καὶ μένεσκον τὸν ἄμητόν· φερίσαντες δ' ἂν τὸν σῆτον, ἔπλεον. Ὡστε δύο ἔτεων διεξελθόντων, τρίτῳ ἔτῃ κάμψαντες Ἡρακληίως στήλας, ἀπίκοντο ἐς Ἀγυπτὸν. Καὶ ἔλεγον, ἐμοί μὲν οὐ πιστὰ, ἄλλῳ δὲ δὴ τέω, ὡς περιπλῶοντες τὴν Λιβύην τὸν ἥλιον ἔσχον ἐς τὰ δεξιὰ:

i. e. *Africa a reliquo terrarum orbe satis distincta, quippe circumflua ea parte excepta, qua est Asiae contemina. Primus id, quantum novimus, Neco Aegyptiorum rex ad certum perduxit, cum consilium abjiciens fossam a Nilo ad sinum Arabicum ducendi, Phoenices navibus misit, illisque in mandatis dedit, ut superatis columnis Herculis in mare etiam boreale pergerent, atque deinde in Aegyptum reverterentur. Hi ergo Phoenices ex rubro mari solvantes versus Austrum navigarunt, autumno ad terram appellentes et ferentes, ibique messem opperientes, qua peracta iterum solvebant. Ita biennio elapso, tertio anno cursum ad columnas Herculis reflectentes redierunt in Aegyptum. Retulerunt autem, quod mihi videtur incredibile, (aliis forte secus) Africam circumnavigantes solem se ad dextram habuisse.*

Id quod incredibile visum Herodoto, de eo nunc nemo dubitabit, estque id indicio, non confictam historiam, sed Phoenices, ut Africam navigaturo necesse est, eo penetrasse, ubi ab Oriente ad Occidentem proficiscens solem a dextra habet, id est, ultra lineam.

Quod ergo Phoenices Necone regnante fecerunt, id diu jam ante sub Salomone ab Israëlitis Tyriisque factum arbitror. Itineri longinquo et australi omnia conveniunt ab historicis sacris narrata, triennium illi destinatum, merces, quae Salomoni advectae dicuntur, Africanæ, ut psittaci, simiæ, ebur, situs denique portuum et locorum. Sic ergo rationes navigationis instituo. Circumnavigaturi Africam, nec uno cursu, sed plures ad portus adpulsuri, nundinisque interfuturi, Aelana aut Esiongabara, qui portus sunt sinus Arabici Aelanitici, solvebant. Petebant hinc primo Ophiram, in qua magno lucro argentum, quod ex Hispania aliae naves reduces attulerant, auro permutabant, fere ut Batavi nunc Europæ Americaeque argentum in Japoniam devehunt, eoque aurum, minoris Japonensibus quam nobis aestimatum, redimunt. Est enim diversis in populis diversa auri ad argentum ratio, ex qua ingens perito mercatori lucrum. Hispania olim argento abundabat: auro Arabia, sive proprio, sive ex India advecto, quod ita in majus auxere Graeci, ut vel mentirentur, æquali ibi pondere aurum ferro permutari. Sed de hoc aut mendacio aut credulitate alius infra erit dicendi locus: nunc naves Salomonis sequamur. Hæ ergo auro Ophiritico potitæ jam litora Africae et insulas, pro antiqua navigationis infantia, legebant; si qua culta atque habitata, adpellebant, suasque exigui pretii merces stupentibus vendebant barbaris: aurum, quo Africa abundat, non certe spernebant, si modo

modo tunc jam detectum erat, sed et ebur praeterea, animaliumque Africanorum miracula coëmiebant, multorumque in portuum nundinis magno suo lucro merces saepius permutabant. Tandem Tartessum advectae, auro, mercibusque Africae, argentum aliasque Hispaniae divitias emebant, indeque solventes, longinquae navigationis spolia, aurum, argentum, stannum, ebur, et quidquid aliud Africae habebant Hispaniaeque litora, patriae inferebant. Triennio non ad navigationem, sed ad nundinas opus: nisi velis, eos quoque, ut de Tyriis Neonis narrat Herodotus, per hiemem a navigando destitisse, agrosque conseruisse. Sed de hoc utcunque statuas, eidem navigationi circa Africam Herodotus quoque triennium dedit.

Tertium contra Tartessum dubium necti ex Herodoto possit, quod intellecturus non eram, nisi familiari me colloquio de eo cogitare jussisset, Magnus hoc tempore academiae nostrae Prorektor, Gattererus. Nempe Samios refert Herodotus, L. IV. cap. 152, vento ultra Herculeas columnas abreptos et Tartessum delatos esse, additque: τὸ δὲ ἐμπόριον τοῦτο ἦν ἀκήρατον τοῦτον τὸν χρόνον, ὥστε ἀπονοστήσαντες ὀπίσω, μέγιστα δὲ Ἑλλήνων πάντων, τῶν ἡμεῖς ἀπρεκίην ἴσμεν, ἐκ φορτίων ἐκέρδησαν: i. e. erat ea tempestate id emporium intactum, unde maximum omnium quos novimus Graecorum hi domum revertentes ex mercibus lucrum fecerunt. Ergo si Tartessus incognita Samiis fuit, quomodo Moïsis jam tempore colonia fuisse Graecorum potest?

Facilis, ut opinor, responsio. Ante Moïsen incolas ex Graecia haec pars Hispaniae accipere potuit, qui

sensim remotae patriae, ut haec illorum, obliuiscerentur, maxime si Pelasgi fuerunt, barbare loquentes. In illa enim navigationis, ipsiusque Graeciae infantia, quam Herodoti ea quoque narratio arguit, non mirum, ex Graecia illuc non navigatum esse. Ignoti ergo per plura secula Graecis mercatura tamen non caruerunt, emporium enim habuisse dicuntur; quod qui alii quam Phoenices adierint? Per hos Mosi innotuerunt; multis post seculis a Samiis casu inveniendi, ac forte, quod barbara Pelasgorum lingua uterentur, non pro Graecis agniti, sed adnumerati barbaris.

Gemmam sibi cognominem Tartessus habuit, תַּרְטֶסּוּס Exod. XXVIII, 20. XXXIX, 13. Ezech. I, 16. X, 9. XXVIII, 13. Dan. X, 6. Cant. V, 14. commemoratam: de qua nec liquet satis, nec est hic dicendi locus, nisi quantum ad geographiam pertinet. Hyacinthum plerique veterum verterunt, gemmam materia crystallinam, seu, ut nomine artis utar, quarzeam, colore caeruleo, quam nostri amethystum nominant (*). Hoc quam recte fiat, nunc non disputo, supra (**) suspicatus, qui ita verterunt a caeruleo colore marisque similitudine hyacinthum dictum putasse.

Mihi vero a patria potius gemmae nomen arcessere placeret, ut nos Bohemicas gemmas (*Boehmische Steine*) a natali solo nominamus. Nec vel ideo hyacinthum excludo, quae gemma Hispanica recte dici possit: ex Pyrenaeis enim jugis, maxime ex Cataloniae monte *Sigismundi*, amethysti, id vero est veterum hyacinthi, effodiuntur (*). Ergo si recte veteres תַּרְטֶסּוּס hyacinthum inter-

(*) HILL *history of fossils* p. 593.

(**) pag. 90.

(**) Vide BÜSCHINGII *geographiam* P. II. Vol. I. p. 112.

interpretati sunt, novus tanquam numerus veritatis ei sententiae accedit, quam ornandam suscepimus, Tharschischam Hispaniam esse.

כתי *Citthim*.

Hoc de nomine vere iterum et erudite disputavit Bochartus, L. III. cap. V. illis argumentis perficiens, *Citthim* nomen Italiae et vero mediae circa Romam esse, ut hac quidem parte non habeam, quod addere possim. Nemo certe Danielis vaticinium c. XI, 29. 30. leget, quin statim intelligat, non de Cyprio, quam Josephus voluit, nec de Macedonia, sed de ea Italia prophetam loqui, in qua nobis Bochartus *Cetiam*, antiquam Latii urbem, *Cetum*, fluvium circa Cumas, et *Cetios* (Κητιους) populum demonstravit, qui a Latino demum rege Latinus dici coepit. Etymologica autem, quae de Latio Bochartus habet, facile ipsi relinquo, quaestiones geographicas his crepundiis carere cupiens.

Hoc quoque recte coniecisse puto Bochartum, aliquando has literas כתי, non כתי (Kitthim) sed כתי (Kuthim) adpellandas esse, aliumque omnino populum, *Cuthaeos*, significare. Quis autem hic sit *Cuthaeus* populus, a *Citthaeo* diversissimus, non recte assequutus videtur Bochartus, estque ea quaestio hic omnino tractanda, quod Cuthaeis ignoratis ne ratio quidem reddi potest eorum, quae Josephus, *Citthim* et *Cuthim* literarum similitudine confundens, de nostris *Citthaeis* scripsit.

In

In illis ergo regionibus, ex quibus Salmanasser Assyriae rex colonias in subactum a se regnum Samaritanum deduxit, nominatur quoque כותהא, *Cuthaea*, 2 Reg.

XVII, 24. Qua de Cuthaea nolo jam aliorum conjecturas repetere, in Perfide eam, in Media, in Colchide quaerentium: sed meam potius lectorum iudicio permittere.

Cuthaea, ex qua Samaria colonos accepit, toti deinde Samaritanorum genti nomen datura, ut Judaeis Samaritani Cuthaei dicerentur (*), regio esse videtur circa Sidonem. In hac ipsa, quam explico, gentium genealogia, versu 19, Pseudojonathan Hebraicum מצירן, *a Sidone inde*, Chaldaice vertit, מן כותניי, *a Chuthanaeis*, et I Paral. I, 13. Chaldaicus libri interpres pro, *Canaan genuit Sidonem*, habet: *Canaan genuit Chuthanium* (ית כותניאם) *qui Sidonem condidit, fuitque Canaanis primogenitus*. Quo quidem de loco, a Beckio non intellecto, infra ad versum 15 plura: nunc id unum ex utroque Chaldaeo interprete sumo, nomen proprium regionis circa Sidonem *Chutha*, seu adjecta terminatione Perfica *Chuthan* fuisse (**). Ad hanc autem originem Sama-

(*) Josephus Ant. L. IX. c. 14. §. 3. οἱ κατὰ τὴν Ἑβραίων τὴν γλῶτταν Χουθαῖοι, κατὰ δὲ τὴν Ἑλληνῶν Σαμαρείται. Magistros Judaeorum eodem nomine Samaritanos designare, nemo ignorat, qui scripta eorum attigit.

(**) Die 18. Martii 1768, Josephum Abassi, Emirum Transjordanensem, qui patria a Turcis pul-

fus me convenerat, interrogavi, Sidone fuisset? Ille vero, etiam! Perrexī: memoriamne subiret aliquid hujus nominis in ea vicinia? Alia, quae interrogabam, negans, tertio a Sidone milliari sitam dicebat urbem *Cuthin*, nec tamen quibus literis scriberetur certum habebat. Haec ut audita refero, atque ab eo audita, qui illis in locis versatus

Samaritanos non dubio indicio refero: namque et ipsi Sidonios prae se natales tulerunt, si quando Judaeis ac-
censeri nolebant, et, ut apud Judaeos Cuthaei, ita sua
lingua Sidonii proprio nomine dicti sunt. En illustria Jo-
sephi loca, quae miror ab interpretibus neglecta: sed id
fere accidere Josepho solet! Antiqu. L. XI, c. 8. §. 6. Sa-
maritani, qui, Alexandro Magno Judaeis propitio, jam
malebant Israëlitica quam Phoenicia origine gloriari, pe-
tebantque ab eo immunitatem a tributis, quam septimo
quoque anno Judaeis concesserat, *esse se, ajunt, Hebrae-
os, licet Sidonii Sicimenses vocari soleant: Έβραῖοι
μὲν εἶναι, χρηματίζαν δὲ, ΟΙ ΕΝ ΣΙΚΙΜΟΙΣ ΣΙ-
ΔΩΝΙΟΙ.* Ergo hoc eo tempore consuetum Samarita-
norum nomen, quod ne tunc quidem celare victorem
poterant, cum maxime e re ipsorum esset, Sidoniam ori-
ginem inficiari. Idem, cum alio omnino rerum statu ad
Antiochum Epiphanem, Judaeis infensum, literas darent,
haec inscripserunt, ut Josephus L. XII. c. 5. §. 5. retu-
lit: βασιλεῖ Ἀντιόχῳ θεῷ ἐπιφανεί, ὑπόμνημα πα-
ρὰ τῶν ἐν Σικίμοις Σιδωνίων, *ad regem Antiochum,
Deum praesentissimum, supplices literae Sidoniorum qui
Sichemi habitant.* His in literis de suae gentis origine
ita produnt: *cum ortu finis Sidonii, idque ex tabulis
civitatum nostrarum manifestum sit: ὄντων ἡμῶν τὸ
ἀνέκαθεν Σιδωνίων, (καὶ τοῦτο φανερόν ἐστιν ἐκ τῶν
πολιτικῶν ἀναγραφῶν.)* Zachariae quoque, vatis in-
terpretatu difficillioris, extrema oratio, (cap. XIV, 21.)
quantumvis obscura, hoc tamen prodere videtur, eo tem-
pore

nunquam putaverat, quemquam his
de rebus interrogaturum. Inqui-

rant curiosius, si quibus erit occa-
sio.

In illis ergo regionibus, ex quibus Salmanasser Assyriae rex colonias in subactum a se regnum Samaritanum deduxit, nominatur quoque כּוּתָּא, *Cuthaea*, 2 Reg. XVII, 24. Qua de Cuthaea nolo jam aliorum conjecturas repetere, in Perside eam, in Media, in Colchide quaerentium: sed meam potius lectorum iudicio permittere.

Cuthaea, ex qua Samaria colonos accepit, toti deinde Samaritanorum genti nomen datura, ut Judaeis Samaritani Cuthaei dicerentur (*), regio esse videtur circa Sidonem. In hac ipsa, quam explico, gentium genealogia, versu 19, Pseudojonathan Hebraicum מְצִידִן, *a Sidone inde*, Chaldaice vertit, מִן כּוּתָּאֵי, *a Chuthanaeis*, et 1 Paral. I, 13. Chaldaicus libri interpres pro, *Canaan genuit Sidonem*, habet: *Canaan genuit Chuthanium* (יִת כּוּתָּאֵי) *qui Sidonem condidit, fuitque Canaanis primogenitus*. Quo quidem de loco, a Beckio non intellecto, infra ad versum 15 plura: nunc id unum ex utroque Chaldaeo interprete sumo, nomen proprium regionis circa Sidonem *Chutha*, seu adjecta terminatione Persica *Chuthan* fuisse (**). Ad hanc autem originem Sama-

(*) Josephus Ant. L. IX. c. 14. §. 3. οἱ κατὰ τὴν Ἑβραίων τὴν γλῶτταν Χουθαῖοι, κατὰ δὲ τὴν Ἑλληνων Σαμαρεῖται. Magistros Judaeorum eodem nomine Samaritanos designare, nemo ignorat, qui scripta eorum attigit.

(**) Die 18. Martii 1768, *Josephum Abassi*, Emirum Transjordanensem, qui patria a Turcis pul-

fus me convenerat, interrogavi, Sidone fuisset? Ille vero, etiam! Perrexī: memoriāne subiret aliquid hujus nominis in ea vicinia? Alia, quae interrogabam, negans, tertio a Sidone milliari sitam dicebat urbem *Cuthin*, nec tamen quibus literis scriberetur certum habebat. Haec ut audita refero, atque ab eo audita, qui illis in locis versatus

Samaritanos non dubio indicio refero: namque et ipsi Sidonios prae se natales tulerunt, si quando Judaeis ac-
 censerī nolebant, et, ut apud Judaeos Cuthaei, ita sua
 lingua Sidonii proprio nomine dicti sunt. En illustria Jo-
 sephi loca, quae miror ab interpretibus neglecta: sed id
 fere accidere Josepho solet! Antiqu. L. XI, c. 8. §. 6. Sa-
 maritani, qui, Alexandro Magno Judaeis propitio, jam
 malebant Israēlitica quam Phoenicia origine gloriari, pe-
 tebantque ab eo immunitatem a tributis, quam septimo
 quoque anno Judaeis concesserat, *esse se*, ajunt, *Hebraeos*,
licet Sidonii Sicimenses vocari soleant: Ἑβραῖοι
 μὲν εἶναι, χρηματίζαν δὲ, Οἱ ἐν Σικιμοῖς Σι-
 ΔΩΝΙΟΙ. Ergo hoc eo tempore consuetum Samarita-
 norum nomen, quod ne tunc quidem celare victorem
 poterant, cum maxime e re ipsorum esset, Sidoniam ori-
 ginem inficiari. Idem, cum alio omnino rerum statu ad
 Antiochum Epiphanem, Judaeis infensum, literas darent,
 haec inscripserunt, ut Josephus L. XII. c. 5. §. 5. retu-
 lit: βασιλεῖ Ἀντιόχῳ θεῷ ἐπιφανεῖ, ὑπόμνημα πα-
 ρὰ τῶν ἐν Σικιμοῖς Σιδωνίων, *ad regem Antiochum,*
Deum praesentissimum, supplices literae Sidoniorum qui
Sichemi habitant. His in literis de suae gentis origine
 ita produnt: *cum ortu finis Sidonii, idque ex tabulis*
civitatum nostrarum manifestum sit: ὄντων ἡμῶν τὸ
 ἀνέκαθεν Σιδωνίων, (καὶ τοῦτο φανερόν ἐστιν ἐκ τῶν
 πολιτικῶν ἀναγραφῶν.) Zachariae quoque, vatis in-
 terpretatu difficilioris, extrema oratio, (cap. XIV, 21.)
 quantumvis obscura, hoc tamen prodere videtur, eo tem-
 pore

nunquam putaverat, quemquam his
 de rebus interrogaturum. Inqui-

rant curiosius, si quibus erit occa-
 sio.

pore Cananaeos societatem templi Hierosolymitani adfessasse: haec enim promittit: *nec erit porro Cananaeus in aede Jehovae*. Hi autem Cananaei qui alii esse poterant, quam Samaritani? haec enim una gens, cum sociam se et fraternam Ezrae tempore Judaeis obtruderet, templique communionem peteret, repulsam tulit, acerbissimi et aeterni odii causam.

Jam ergo distinguendi, quos uno Latino nomine complecti nequeo, duplices כתי

1) alteri כתי (*Citthim*) origine Graeci, qui in Latio habitarunt. De his quidem Moses loquitur et Daniel.

2) alteri כתי, aut plenius scripto vocabulo כתי, *Cuthaei*, gens Phoenicia, circa Sidonem habitans, sed quae, si defectivo nomen omisso Vau scriberetur, facile cum altera confundi poterat, ac forte sequiore tempore ne vocali quidem distincta mansit.

Utramque ergo gentem ut aliquo tanquam vocabulo artis distinctius nominare possim, illos deinceps *Cetios*, aut כתי *Graecae originis*, hos *Cuthaeos*, aut כתי *Phoeniciae originis*, adpellabo.

His praemissis Josephum, qui utrumque populum confudiss. mihi viderur, explicandum suscipio. Sic ille: *χέθιμος δὲ χέθιμὰ τὴν νῆσον ἔσχεν· Κύπρος αὐτῇ νῦν καλεῖται, καὶ ἀπ' αὐτῆς νῆσοί τε πᾶσαι, καὶ τὰ πλείω τῶν παρὰ θάλασσαν, χέθιμ ὑπὸ Ἑβραίων ὀνομάζεται. Μάρτυς δέ μου τοῦ λόγου μία τῶν ἐν Κύπρῳ πόλεων, ἰσχυσάσα τὴν προσαγορίαν φυλάξαι.*

Κίτιος

Κτίσιος γὰρ ὑπὸ τῶν ἐξελληνισάντων αὐτὴν καλεῖται, μὴ δ' οὕτως διαφυγοῦσα τοῦ χεθίμου τὸ ὄνομα: i. e. *Chethimus insulam Chethim occupavit, quae nunc Cyprus vocatur, unde Hebraei translato nomine omnes insulas ac maritima pleraque Chethim dicunt. Indicium meae explicationis in una Cypri urbe superat, quae sola nomen servavit. Citium (Κτίσιος) enim ab his, qui ad Graecismum nomen detorserunt, vocatur, ne sic quidem multum a Chethimo abludens.* Haec quidem ita comparata sunt, ut, si Daniele legas, vix quidquam dici absurdius posse exclames; nec enim Cyprii sed Romani Syrum regem omni iusserunt Aegypto excedere. Nec quisquam Bileamum, de Cithaeis Assyriorum et Hebraeorum victoribus vaticinantem audiens (*), Cyprios vel somniet. Et tamen aliqua ratio sit, necesse est, qua ductus Iosephus, non contemnendus alias scriptor, de Cypro cogitavit. Hanc ergo reddere jam audeo.

De primis Cypri incolis utcumque statuamus, id vero certum est, insulam a Phoenicibus aliquando in potestatem redactam, eorumque coloniis habitatam fuisse, quarum celeberrima Citium. Neque hic Bochartum sequor, idem sentientem (**), ubique enim Phoenices reperienti parum tuta fides: sed marmora testor Citiensia, Phoeniciis literis inscripta, quorum primus specimen dedit Pocockius (**), duarumque inscriptionem, explicationem, Swintonus (†). Adscribo, quae idem de Citii historia prae-

(*) Num. XXIV, 24.

(**) Geogr. P. II. libr. I. c. 3.

(***) Tomo II. itinerum orientaliū pag. 213.

(†) *Inscriptiones Citizae, sive in binas inscriptiones Phoenicias, inter rudera Citii nuper repertas, conjecturae, autore JOANNE SWINTON. Oxon. 1750.*

praefatus est (*): *Citium*, indigenis hodie *Larnica* vel *Larnaka*, in ora Cypri australi a Ptolemaeo positum, *Phoenices* condidere (**). Belum *Citii* conditorem, *Didonis* et *Pygmalionis* patrem, totam insulam tenuisse, docet *Alexander Ephesius* apud *Stephanum*, in *Ἀσπηνθος*. *Beli* filium, *Pygmalionem*, in *Cypro* etiam regnasse, discimus ex *Eante* vel *Neanthe* *Cyziceno* (*), pariter ac commentariis *Asclepiadis* *Cyprii*, quos citant *Porphyrus Tyrius* (†), et *Hieronymus* (††). *Pygmalione* recentior *Elulaeus* annis fere 150, classe vectus in *Cyprum*, *Citieos*, ab imperio *Phoenicum* cum defecissent, ad obsequium reduxit (†††). Unum adhuc adscribo *Svidae* locum, qui sub *Zenonis* *Stoici* nomine, *Phoenicius*, inquit, cognominatus est, quia *Phoenices* ea in urbe (*Citii*) habitarent. (ὅτι Φοίνικες ἔποικοι τοῦ πολιούχου ἐγένοντο.)

Ergo qui hanc insulam incolebant, sua potuerunt lingua כתיב *Cuthaei*, dici, nec id solum fieri potuisse, sed et factum esse, cum ex *Iosephi* loco, tum *Menandri*, paulo post describendo, colligo: quod vocabulum cum defective כתיב exararetur, ac forte, ut facilis in vocalibus mutatio, *Chitthim* per *I* a non paucis appellaretur: nomen arripuit *Iosephus*, opinatus, *Cyprios*, in quibus nomen כתיב haeserat, eosdem esse, quos hoc nomine *Moses* memoriae prodiderat. Quae in re sine dubio erravit.

(*) pag. 9. libri, cujus titulum ἀπαρχὴς ἐμφύχων, libr. IV. vix dum posui.

(†) ibidem.

(**) Claud. Ptol. geogr. lib. V. c. 14. pag. 157. Ed. Bert. Lugd. Bat. 1618.

(††) Hieron. in *Jovinianum* lib. II. c. 9.

(†††) Menand. Ephes. apud

(*) apud *Porphyrum* περὶ *Ioseph. Antiqu.* lib. IX. c. 14.

vit: nec enim de Phoenicum Mofi, sed de Graecorum colonia sermo.

Jam non dubito, quin insignis Menandri locus, a Josepho nobis in libro IX. Antiquitatum, cap. XIV, §. 2. servatus, a Menandro autem ex ipsis decerptus Tyrionum annalibus, de Cypro agat. Narrat quippe scriptor, cui ad tabulas atque archiva Tyrionum aditus fuit, Elulaeum, Tyri regem, Salmanasseri Assyrio coaevum, *Cittaeis rebellantibus, ad eos navigasse, gentemque sibi iterum subjecisse.* (ἀποστάντων Κιτταίων ἀναπλεύσας, προσηγάγετο αὐτοὺς πάλιν.)

Duo cum populi sint, Hebraeis כתיב dicti, Graecus hic, ille Phoenicius, in vaticinio Jesaias de Tyro evertenda, cap. XXIII, 1. hoc nomen legens, suspicor, (definire enim nondum aliquid audeo) de Cuthaeis Phoenicibus prophetam loqui, eorumque aliquam in metropolim Tyrum perfidiam, aut, si כתיב cum LXX interpretibus de exilio accipias, exilium vaticinari. Nec tamen hos de quibus Jesaias loquitur Citthaeos aut Cuthaeos, in Cypro insula quaesiverim, sed in ora maritima circa Sidonem: *terra* enim, non insula, non litus eorum memoratur.

Est hoc quoque ex illis, in quibus a Bocharto dissentio, eos כתיב, de quibus hic Jesaias loquitur, ultra Babylonem in Susiana quaerente. Quod cum auctore faciat Josepho, eo scriptore, cujus ne errores quidem negligere soleo, integra verba adscribo. De illa nempe Cuthaea (כותר) ex qua Salmanasser colonias in Samariam deduxit, loquens, *Cuthaea*, inquit, *in Persia est, et fluvius illo nomine.* (αὕτη δὲ ἐστὶν ἐν Περσίῃ, καὶ ποταμὸς τοῦτο ἔχων ὄνομα. Antiqu. IX. c. 14. §. 3.) Adfensum non pauci, invenisse sibi hujus Cuthaeae vestigia

vifi in *Chusistan*, quod nomen est partis Persiae ad Tigrim in mare exiturum. Sic quidem Huetius in dissertatione de situ paradisi, Chusistan cum כוש conferens, ac Schin Chaldaeorum more in Thau mutari iubens. Male ille quidem, aliis enim omnino literis nomen scribitur, חז, Arabibus quidem اهوز, Syris حوش. Sunt tamen fateor, in vicinia (כושניא) (חושניא) qui paulo melius conferri possent, nisi quod nec ח in ט mutari solet, nec ad permutationes literarum sine necessitate recurrendum videtur.

Equidem haec assentior Josepho, ut Cuthaeos, nec adliteratione effectos, sed his ipsis literis כותה scriptum nomen habentes, Persiae non negem: nec tamen indigenas eos puto, sed ex Phoenicia advenas. Insulas enim aliquas sinus Persici, *Tyri* et *Aradi* nomine, fuisse, auctor est Strabo, templa Phoeniciis similia habentes, et quarum incolae Phoenicum se progenitores jactabant (**). Mentitos credo, nisi forte sinum Arabicum, veram Phoenicum patriam (**), cum Persico geographia hic, ut alias, confudit: id tamen certum videtur, qui se Phoenicum metropolim ferebant lingua usos Phoenicia fuisse. Coloniae ergo Phoenicum fuerint, commerciorum opportunitate allectae, ut his in insulis faucibusque sinus Persici confiderent. Hi ergo et sua lingua כותה dici, et Josepho

(*) Assemani Bibl. Or. T. III. P. II. p. 419. 420.

(**) Libr. XVI. p. 1110. 1111. edit. Almelovent. al. p. 766. item pag. 1131. al. 784.

(***) Vide commentationem nostram de *trogodytis Sciritis* §. 4. 5. 6. et de *Nomadibus Palaestinae* §. 5. Invenies haec scripta in parte prima *syntagmatis commentationum*.

sepho ea quae scripsit sentiendi occasionem dare potuerunt.

Praeter hos autem duplices כתיב Graecae et Phoeniciae originis, tertius forte populus, Mosi incognitus, et ab Ezechiele demum memoratus, nomen habuisse videtur iisdem literis Hebraice scriptum. In luxu Tyriorum ebur propheta refert, ex כתיב allatum, cap. XXVII, 6. Erit alius illo de argumento agendi locus, cum ad caput Ezechielis vicesimum septimum illustrandum accessero. Hic modo pauca praecерpо.

Tuguria Tyriorum describuntur, animi caussa expansa, sive in hortis, sive, nam et hoc fieri solet, in navibus. Horum afferes (קריש) quales et in tabernaculo conventus a Mose describuntur, aulaea sustinentes, ex ebore erant. Haec materia dubio caret. Addit כתיב, quod Bochartus, conjuncta utraque voce, et כתיב lecta, *buxum* interpretatur, ex Italia advectam: sic dilui posse nodum sperans, ut non ebur, quod Italia non habet, sed buxum, cujus illa dives, Tyrii ex Italia petierint. Vereor, ut recte! כתיב enim, arborem, non opus erat Tyriis tam longinquo adferri, cum in ipso Libano frequens fuisse videatur, a Jesaia, c. LX, 13. ut propria Libano memorata (*). Duo ergo potius vocabula כתיב relinquenda, mutatisque modo vocalibus appellandum puto, כתיב, *filia luco-*

(*) Hoc quidem de כתיב, lensium professori, meam explicationem, quam timide et sub conjecturae nomine exposueram, cum Bocharti libro comparanti, et potior rem existimanti.

lucorum. Argumento qualicunque est, quod אֵבֶר sine Vau, non אֵשֶׁר scripsit Ezechiel, qua litera, nec Assyriorum nomen, ab uno dubio exemplo i Paral. V, 6. si discefferis, nec vocabulum arboris אֵשֶׁר destitui solet. Filiam autem silvarum poërice dici elephantum putem, quod silvas pererrare Indicas solet, verbaque Ezechielis sic vertenda: *asseret tui dens sunt filiae nemorum ex Citthim: id est, asseret tui ebore elephantino ex Citthim allato confecti sunt.*

Jam vero nec ex Italia ebur, nec ex Cypro, nec ex Phoenice aut Sidone speraveris, unde tertia aliqua regio eodem nomine ab Hebraeis insignita fuisse videtur, vocabulis forte et appellatione distincta. Nec defuerunt ex interpretibus Ezechielis, qui novam hic conjecturam tentarent. Arabs quidem Graecum χερύειν vertit, *ex insulis Indiae*, in his enim ebur esse noverat. Nec Chaldaeam interpretem, מְרִינַת אֲפֻלִּיָּה (ex provinciis *Apulia*) scribentem, de Apulia intellexerim Italiae, ut a Bocharto editoribusque polyglottorum factum est, sed de *elephantorum regione*. פִּל Hebraeis Arabibusque, *elephas*, unde Chaldaeus ignotae regioni, quae elephantos haberet, essetque eboris dives, nomen אֲפֻלִּיָּה fecit, incertum, utrum Africam an Indiam intelligens. Apulia nec elephantos nec ebur habet.

Mihi variae subnatae conjecturae, ut, Tyrum et Aradum maris Persici intelligi posse, a Phoenicibus habitatas (*), unde ebur Indicum matri Tyro allatum sit. In Syriaca autem versione אֵבֶר legenti, quod et אֵבֶר (Chet-

(*) Vide supra pag. 110.

(*Chetthoje*) i. e. Citthaei appellari potest, et כתיב, *Cataja*, conjectura non improbabilis constitit, Ezechieli, scriptori magis Orientali et trans Euphratem colenti, כתיב *Catajae* incolas esse, quod nomen olim Sinae septentrionalis fuisse, nemo jam geographiae modice peritus ignorat (*). Eodem scriptores Syriaci medii aevi utuntur, quin ipsissimum כתיב (Chettoje) iisdem quibus nostrum vocalibus scriptum, Abulpharagio nomen gentis est alias כתיב (*Sinoje*) dictae. Hujus autem Sinae seu Catajae elephantos laudant, qui eam descripserunt (**), et, si borealior videtur, quam ut illis abundare ubique possit, eboris tamen artificio clara est. Ergone Catajenſes, ut Romanorum tempore Seres, in maris Caspii vicinia merces cum Syris, ipsisque Tyriis permutarunt? Nihil adfirmo, sed tamen suspicari licet, atque ab eruditis petere, ut hanc conjecturam aut confirment aut refellant. Deguingium arbitrum optem, cujus prope sola etiam sine argumentis sententia suffecerit.

Id quidem monitu vix opus, Mosen de Cataja non loqui, quae certe Graecorum colonias accepisse nemini vide-

(*) Vide HERBELOTUM pag. 991. MÜLLERI *disquisitionem de Chataja*, et, si nomen quaeris Syriacis Arabicisque literis כתיב, כתיב, خط, et خط scriptum, ASSEMANI *bibliothecam Orientalem* T. III. P. II. p. 504. De nominis etymo quae habet Müllerus dubia esse audio: sed in geographica quaestione etymologica minoris momenti sunt, sufficit, de situ Catajae constare.

(**) DAPPIER *Beschreibung des Kayserthums Sina*, ins Hochdeutsche übersetzt, p. 138. „an verschiedenen Orten in Sina hat man „Elephanten, welche aber mehrertheils aus der Landschaft Junnan „und Quangsi dahin gebracht sind.“ Meminerimus etiam, tempus esse quo latius Sina versus Austrum patuit.

videbitur, nec de ea Daniele cap. XI, 30. intelligi posse. Neminem ex Hebraeis Ezechieli antiquiorem mentionem puto Catajae facere. Eo ergo tempore, quod Mosen inter et Ezechielem effluxit, Cataja Tyriis cognita esse coeperit, eorumque commerciis celebrari.

Quae Cataja si displiceat, aliam adfero conjecturam, non meam, sed commilitonis quem collegio critico in Ezechielem interfuisse dixi, HASSENCAMPII. Suspicebatur, Ezechielem non ארץ כתיים scripsisse, sed ארץ תכיים, *terram psittacorum*, eoque nomine litora dicta Hebraeis fuisse, ex quibus Salomoni psittacos (תכיים) adlatos historia sacra testatur, 1 Reg. X, 22. id est, sive Africae sive Indiae.

Sed hoc argumentum plenius forte tractabo, ubi ad Ezechielis caput XXVII. pervenero. Hic solum occupanda obiectio fuit, et cavendum, ne cui Ezechielem legenti ea viderentur veri dissimillima, quae de כתיים Latii nomine Bochartus disputavit, nosque ei assensimus.

* * *

ורננים *Et Dodonaei.*

Ante omnia multiplex indicanda lectionis varietas, in qua dijudicanda nimis certam sine argumentis dixisse sententiam Bochartus videtur. *Prisca*, inquit (*), *lectio habet ורננים Rhodanim, per Resch, non per Da-leth.* Quod ut adpareat, quam sit incertum, atque, testibus nec comparatis nec auditis, nec omnino admissis,

amori

(*) L. III. c. 6.

amoris ejus explicationis datum, quam ornandam vir magnus suscepit, suos cuivis lectioni testes subjiciam.

- 1) דָּלֶת per Daleth habent, in Pentateucho textus masorethicus, cui consentientem codicem Cassellianum (Raphe enim figurae ambiguae imponit), nuper contuli: et ex interpretibus, tres Chaldaei, Syrus, Latinus, Arabs Erpenii: alter quippe Arabs in Polyglottis neutrarum est partium.

In Paralipomenis quoque Daleth habent editiones in bibliis JOH. HENRICI MICHAELIS indicatae

1) Bombergianae, annis 1517. 1518. 1521. factae.

2) Roberti Stephani, an. 1543.

3) Plantiniana.

4) Eliae Hutteri.

5) Ariae Montani.

6) Bragadini 1614.

7) Hartmanniana 1595.

quibus et polyglotta Anglicana addenda fuissent. In margine autem habet editio Vatabli anni 1587.

Nec soli ita editi libri, sed et codices manuscripti chronicorum, invita licet Masora, דָּלֶת per D habent. Sic laudatus ab Houbigantio codex 53. Oratorii: eandemque lectionem in codice longe vetustissimo, Cassellano, reperi. Fateor, in illo Daleth aegre discerni, ob magnam utriusque literae similitudinem: is tamen, qui puncta codici adjecit, perantiquus scriptor, et Masorethica manu antiquior, pro Daleth habuit, Raphe superimponens דָּלֶת

Ex versionibus in ipso chronicorum libro Masorae obstrepunt, ac D initiale habent,

1) Vulgata, *Dodanim*.

2) Syra, דְּסִימָה

3) Chaldaica, דְּרָנִים

4) Quin in Graecis bibliis, Rhodios fere habentibus, diversa tamen in chronicis scriptio. Δωδανειν enim invenio in bibliis Complutensibus, quibus nuper admodum bibliotheca nostra academica aucta fuit, diu desideratis, inque polyglottis Parisiensibus. Δωδανειν Aldina exhibet.

His vero testibus firmata lectio non ita temere nulloque argumento damnanda erat, ut pro lubitu fecit Bochartus: atque adeo potior caeteris videtur omnibus.

II) Ex his qui DODANIM per D habent, aliqui plene cum Vau quiescente scribunt דְּרָנִים. De libro chronicorum, vocabulum in impressis pleniore orthographia habente, dicere non attinet: in Genesi autem Onkelos et Syrus, Thargumque Hierosolymitanum, idem faciunt. Minoris momenti lectionem, et de qua postea sub דְּרָנִים, praetermittere potuisssem, nisi viam ad aliam, sensu quoque diversam, munivisse librariis videretur.

III) Nempe cum proclive sit, Vau in Resch mutare, Pseudojonathanis versio דְּרָנִים habet, ac si דְּרָנִים legisset. Arripuerunt hoc aliqui, Dardanosque intellexerunt, veriusque habuit Beckius in notis ad chronicorum versionem Chaldaicam. Mihi vero qui unus ita habet sequioris aevi scriptor non

non audiendus, sed aut ipse, aut ejus librarii, in manifesto errore teneri videntur. Frequens enim hic librariorum lapsus in literis Vau et Resch, sola lineae superioris magnitudine distinctis. Sic Damasci nomen דרמשק (*) et דרמשק scribitur: atque, ut aliis utar exemplis, LXX interpretes pro ירשיע I Sam. XIV, 27. ירשיע, et Jef. XXIV, 1. pro ערה legerunt ערה (*denudavit*).

IV) Ad alteram jam classẽ lectionum progredior, *Rhodanim* per Resch, quae et plerumque Vau quiescens habere solet, דרנים. Sic quidem in Genesi habet textus Samaritanus, דרנים, et LXX, sed Vau copulativo non expresso, ac si esset דרנים, Πόδιον.

In chronicorum libro ita scribi jubet Masora, (de qua vide biblia Halensia) habentque editiones impressae, quamquam demtis illis non paucis, quas supra sub lectione *Dodanim* nominavi. Secutae quoque eam lectionem sunt pleraeque editiones versionis Graecae chronicorum, ποδιον habentes. Sed id forte ex Pentateucho translatum, jam enim supra monui, alias editiones Δωδανειμ in chronicis habere.

En fragiles pro hac lectione et paucas auctoritates! nec decebat Bochartum, his testibus contra plures ita de lectione decernere, ut ne dubitandi quidem occasionem lectori relinqueret.

V) Fuerunt denique codices, qui nomine דרנים aut דרנים omnino carebant, cujusmodi exemplo usum fuisse

(*) 2 Reg. XVI, 10.

fuisse Josephum certo mihi, alias in asseverando timidiusculo, constare videtur. In eo enim capite, in quo reliqua gentium a Noacho ortarum nomina interpretatus est, sexto libri primi, non modo nihil omnino de דַּרְנִים aut דַּרְנִים habet, sed et tres modo numerat Javanis filios, qui quatuor futuri erant, nostro nomine computato. Ἰωνάνου, inquit §. I., τοῦ Ἰαφέθου ΤΡΙΩΝ μὲν αὐτοῦ παίδων γενομένων, Ελισᾶς μὲν Ἐλισαίους ἐκάλεσεν, - - - Θαρσὸς δὲ Θαρσαῖς - - - χεθιμος δὲ χεθιμὰ τὴν νῆσον ἔσχευ: id est, *Jovano Japhethi filio cum TRES filii essent, Elisas Elisaeis nomen dedit, - - - Tharsus Tharsicis, - - - Chethimus autem Chethima insulam occupavit.* Atque etiam inde adparet, nullum eum in hoc versu gentis nomen post דַּרְנִים legisse, quod cum hoc, ut putat, Cypriorum nomine versum quintum construxit. Quae enim habet, *a Cypro nomen Chetthim latius manasse, ut Hebraei insulas quasvis et omnia litora Chethim nominarent*, his verbis concepta, καὶ ἀπ' αὐτῆς νῆσοι τε πᾶσαι καὶ τὰ πλείω τῶν παρὰ τὴν θάλασσαν χεθιμὸν ὑπὸ Ἑβραίων ὀνομάζεται, nec vera sunt usuive linguae Hebraicae consentanea, nec potuit illa nisi ex versu quinto sumere, sic intellecto: *ab his cognominatae sunt insulae gentium: quem cum ad Chethim referat, manifestum, eum in fine versus praecedentis non Rodanim aut Dodanim, sed Chethim invenisse.*

Ergo id certum videtur, non modo Josephum codicem habuisse, qui illo nomine דַּרְנִים vel דַּרְנִים careret, sed et omissionem ei veram, receptaque lectio-

lectione meliorem visam fuisse. Nec enim imprudens codicem, quem forte in manibus habebat, sequutus videtur historicus, qui, quod multis exemplis confirmare possum, Graeca biblia cum Hebraicis, Paralipomena cum reliquis libris historicis comparare solebat. Ut ergo taceam, sacerdotem ex lectione superioris vitae eorum meminisse videri, quae Moses scripserat, non verisimile est, cum Iosephus Hebraicum et Graecum Pentateuchum, ac Paralipomena Hebraica atque Graeca consuleret, haec, ut modeste dicam, quatuor exempla, casu et errore librariorum in nomine, de quo disputamus, omitendo omnia consensisse. Unde sequitur, ut non imprudens ex sua historia gentem omiserit, in uno forte codice non nominatam, sed ut quaestione instituta eam expungendam duxerit. Jure? an injuria? id me ignorare profiteor.

Biblia Complutensia, quae vix dum bibliothecae nostrae publicae illata dixi, evolvens, suspicari incepti, דַּנִּי vel דַּנִּים interpretationem marginalem nominis דַּנִּים aut fuisse, aut visam Iosepho esse. Sic enim in illa editione LXX interpretes (*): καὶ υἱοὶ Ἰωυνάν ἐλισσά, καὶ Θαρσῆς, Κίτοι, οἱ Ρόδιοι. Aspera sane constructio verborum, ut accentus posuerunt editores, redundat enim articulus οἱ ante

(*) Hanc lectionis varietatem nec FLAMINIUS NOBILIUS indicavit, nec BRIANUS WALTONUS in *collatione editionis Romanae cum Veneta et Complutensi*. Quò exemplo

statim monitus non supervacaneum me laborem suscipere intelligo, in Complutensi editione legenda et curiosius conferenda.

ante Πόδιοι. Sed expedita sententia, si mutato accentu, qui aut editorum est aut codicum recentium, Κίτροι, δὲ Πόδιοι, efferas, i. e. *filii Javani, Elissa, Tharsis, Citi, qui sunt Rhodii*. Sic tres modo filios Javano dederit Moses, Citthaeique Rhodo in insula habitaverint. Fac Mosen scripsisse, ובני יון אלישה תרשיש כתיב, poterat aliquis in margine addere דודנאים, illaque interpretatio in textum irreperere. Sic sane Josepho videbatur: utrum jure an injuria? lectorum esto judicium.

Arabem Polyglottorum neutrarum esse partium eos inter, qui *Rodanim* et *Dodanim* legunt, supra monui. Habet enim cum in Pentateucho tum in Paralipomenis, واذنه vel واذنه (ואדנה) ealitera, de qua ambigitur, prorsus omissa(*). Incertum, utrum interpretitribuendum, an librario, qui forte cum in alio exemplo دودنه inveniret, in alio, dubiam literam omittere potuit.

De hac mihi gente, in tanta lectionum discordia, si sententia dicenda, verecunde id faciam ac dubitanter necesse est. Ergo si *Dodanim* Moses nominavit, de antiquissimo Epiri oraculo et urbe, Dodona, non inepte cogitaverimus, de qua, si priscos noscere incolas lubet, Strabo, libr. VII. pag. 504 - 507. editionis Almeloveenianae

(*) Si nullam literam librarii omiserunt, atque Arabicus interpres, ut fere putant, scribere et intelligi voluit, ET ADANA, ne sic quidem alterutri lectioni patrociniabitur. Ciliciae urbs est et regio, Adana, de qua Büschingii Asiam p. 99. consules, ac

nomen his ipsis literis اذنه scribi, ex ABULFEDAE Syriae [p. 29. diffices. Quo autem ductus indicio sive דודנאים sive דודנאים de Adana Ciliciae accipere interpres potuerit, non adparet.

nianae consulendus. Nec video, quid in antiquissimo Graecorum pago aut oppido tantopere displicere Bocharto potuerit, ut hanc explicationem vel sine argumentis una severa voce damnet. Lectio sane *Dodanim* testium numero et auctoritate alteri praestat: cumque Moses Graecorum colonias enarret, mirum videri nemini debet, si et Dodonae mentionem faciat.

Altera si lectio, *Rodanim*, placeat, facile Bocharto assentior, Rhodios, quos LXX nominarunt, intelligendos non esse. Ac forte non fuit quidem Mosis tempore, aut habitata non fuit, Rhodus insula, si vera sunt, quae antiqui tradunt, ex mari illam exstitisse, quod ignibus subterraneis potius, quam maris decremento tribuendum existimem. Montes enim cum satis altos habeat, non potuit maris decremento nudari, nisi antea pleraque alia vicina, et vero humilem Aegyptum, una cum Rhodo sub mari latuisse dicas. Verba PLINII adscribere lubet, ex L. II. c. 86. 87. *nascuntur et alio modo terrae, ac repente in aliquo mari emergunt, velut paria secum faciente natura, quaeque hauserit hiatus alio loco reddente. Clarae jam pridem insulae, memoriae produntur enatae.* PHILO Judaeus, in libro de mundi incorruptibilitate (*) ex Theophrasti aliorumque philosophorum placitis disputans, mundum non aeternum esse, Μάρτυρες, inquit, αἰνῶνων εὐδοκιμωτάται, Ῥόδος τε καὶ Δῆλος. Αὐταὶ γὰρ τό μεν παλαιὸν ἠφανισμέναι κατὰ τῆς θαλάσσης ἐδεδύκεσαν ἐπικλυζόμεναι, χρόνῳ δ' ὕστερον ἐλαττουμένης ἡρέμα, κατ' ὀλίγον ἀνίχουσαι διεφάνησαν, ὥς αἱ περὶ αὐτῶν ἀναγραφῆσαι μνημονεύουσιν ἱστορίαι, i. e. *testantur id Rhodus et Delus, insularum clariss.*

(*) T. II. Mangeyanae editionis pag. 510.

rissimae. Cum enim olim mari superstagnante laterent, illudque sensim decresceret, destitutae ab illo emerferunt, ut historiae his de insulis scriptae memorant. Ut testem, audita referentem, hunc adduxi, de causis aliter sentiens. Nihil tamen certi statuere ausim, qui Rhodum nunquam vidi, aliaque de ea apud alios relata legens (), consentanea partim, partim adversa. Id unum hypothetice edicere liceat, si Rhodus Graecorum etiam memoria e mari emerfit, vix illam videri Mosis tempore habitatam fuisse.*

Ergo et hoc Bocharto assentior, si רֹדָנִים legendum, de Galliae Rhodanensis accolis Mosen loqui. Nec me movet, quod obvertit Houbigantius, nimis remotam esse Galliam, quam ut Moses de ea intelligi possit. Tarsessum qui habebat, multo ulteriorem, sed navigationibus cognitam Phoenicum, quidni et Galliae maritima nominare potuit? Unum displicet, quod fere semper in Bocharto, nimium etymologiae studium. Vult enim Gallos sibi ab Arabico رَدْنِي, (*rubrum flavo permixtum* significat) nomen duxisse, quod, ut poeta habet, *aurea caesaries illis*: a gente autem fluvium nomen accepisse: quod alienissimum, alioque ex orbe petatum etymon ut quodammodo adprobare lectoribus posset, sumsit, *Gal-lorum linguam fuisse semibrebraeam*. Qua adsumptione nihil falsius: ex Pelletierii enim vocabulario Armorico constat, linguam Gallicam ab Hebraea fuisse diversissimam. Illo quidem vocabulario uti non potuit Bochartus: debebat tamen Gallus, antequam de sua gente aliquid statueret, Armoricum aliquem consulere, veterem Gallo-rum linguam a matre eductum, exque eo illius linguae rationem et vocabula discere. Sed Bochartus, mortuos

Grae-

(*) Vide DIODORUM SICULUM L. V. c. 55. 56.

Graecos, Latinos, Arabes, diligenter consulens, sui autem temporis res non eodem studio exquirens, id neglexit; atque ea, quae nimis adamabat, Hebraica, ubique sibi invenire visus est. Taceo, vix verisimile videri, gentem sibi ipsam nomen a colore crinium indidisse. Exteri forte id fecerint, non hi qui flavo crine sunt, in advenis potius nigredinem ut insolitum quid notaturi. Atque ne hac quidem excusatione uti potest etymi sui: Gallos, Rhodanumque, a Phoenicibus ita adpellatos ob crinis flavedinem esse: Rhodani enim nomen non exterum, sed ipsi illum Galli sua vetere lingua, ut Pelletierius habet, RHODWYN vocant, unde Latini Rhodanum dixerunt.

GENES. X, 5.

ומאלה נפרדו איי הגוים בארצותם איש
ללשנו למשפחתם בנויהם

Ab his divisae sunt insulae gentium in regionibus suis, unusquisque secundum linguam suam, et familias suas, in nationibus suis.

*

*

*

In hujus versus explicatione cum contra omnes mihi interpretes disputandum esse videam, מאלה magno, sed antiquo errore INSULAS vertentes, non meam ejus sed Vulgatam versionem adscripsi. Utar ea in disputando, insulasque ponam, non ex mea, sed ex conserta sententia, ne semper opus habeam, barbaro vocabulo מאלה Latina abrumpere. Multa autem ambigua sunt et incerta, quae numeris distinguam.

I) מֵאֵלֶּה AB HIS.

Statim in initio versus dubitandum, ad quos pronomen מֵאֵלֶּה, הֵם, referendum sit? Triplex video sententiarum divergium.

- 1) Nihil dubitanti, sed verba ut scripta sunt perlegendi, certum prope videbitur, הֵם (מֵאֵלֶּה) omnes esse Japhethi posteros, versu 2. 3. 4. nominatos: sed ea gentium nomina, quae supra posuimus, recogitanti, incredibile videri incipiet, tot populos in terra continente habitantes INSULIS adsignari. Solvi et hoc dubium videtur posse, si מֵאֵלֶּה latius de omni ora maritima intelligas; Cimmerii enim, Graeci, Thraces, Itali, Hispani, Rhodanenses Galli, non insulas illi quidem, sed tamen maritima habitarunt. At de Medis quid facias, quorum nomen praecessit? Hos quoque si calumnia interpretationis maritimos esse jubeas, quod ad mare Caspium exporrecta Media fuit, quid de Moschis et Magogitis statues, intimam Asiam arque a mari remotissimam, partim et montana, habitantibus? Quos si ex numero eorum populorum, qui insulas habitant, demere, atque ad solas Jonum colonias versu quarto nominatas, nostrum versum referrentes, Ezechielis turbabit auctoritas. Huic enim cap. XXXIX, 6. ipsi illi Asiae intimi ac maxime mediterranei Magogitae, sunt, יֹשְׁבֵי אִיִּים, *insula-rum? an, litorum habitatores?*

Horum aliquid, quae jam scripsi, si perferri ad inferos Dalino posset, quam ille me amaturus, huncque et Mosis et Ezechielis locum suam in rem versurus

surus esset! Moschos enim, licet summis in montibus habitantes, et Medos, et quae ab Oriente maris Caspii sunt, jam maxime mediterranea Asiae, maritima et litora dici contenderet, quod eo usque Mosis tempore Oceanus septentrionalis, altior quam nunc, et maximae Scythiae parti superfusus, pertinuerit. In ea quippe erat vir elegantis ingenii, et Rudbekianarum fabularum hostis, sententia: maria septentrionalia altius olim, quam nunc, stagnasse, singulis seculis ultra binorum cubitorum modum ($2\frac{1}{4}$) subsidentia, ex quo efficiebat, eo tempore quod diluvium inter et Christi nativitatem fuit, campestria pleraque Scandinaviae et Scythiae mare fuisse, solis ex illo Oceano montibus insularum in modum existentibus.

Hic vero mihi in eum incidisse locum videor, in quo haud liceat, de Dalini hypothese sententiam non dicere. - Mosen enim et Ezechielem suffragari Dalino, et tanquam ab inferis testes late per Scythiam refusi olim maris, exsurgere, modo מלח maritima significant, audio videoque: nec excitatos a Dalino, sed sua sponte testimonium dicentes: *Moschos montes, Mediam, et intima Asiae, aut insulas olim, aut, si hoc nimis incredibile, litora Oceani fuisse.* Quam disputationem, geographicam et geographiae Mosis intextam, cum vitare non datur, id primum profiteor: non me quaerere, aquaene copia sensim minuatur, innumeris quotidie particulis fluidis, quae vegetabilia et animalia nutriunt, solidescuntibus? Hanc enim totam disputationem, a geographia sejunctam, physicis relinquo. Id unum jam anquiritur: *marisne superficies depri-*

matur quotannis et subsidat? Nec hae quaestiones ita conjunctae, ut dividere sententiam, hancque ab illa sejungere, nequeas. Minui enim aquae copia potest, neutiquam subsidente mari, si fundus maris altius quotannis surgat, innumerisque fluviis ac rivis fordes terrae, lapidesque et arenas, in mare devehentibus, aut conchis ostreisque a mari nutritis in eodem morientibus, ex quarum testis seculorum decursu scopuli montesque consistunt, compleri potius mare incipiat, quam subsidere. Deinde non de modico disputo aquae decremento, ut, cum vult Mailletus per dena secula ad ternos pedes superficiem maris subsidere. Nihil illud ad nostram quaestionem de plerisque Asiae septentrionalis Mosis tempore aqua merfis. Denique nec nego, totum aliquando terrarum orbem sub undis latuisse, quam opinionem periculosam et sacris literis inimicam theologorum non paucis visam fuisse, est quod mireris: Moses enim ipse Genes. I, 2. profitetur, initio ejus, quam describit, creationis terram nil nisi Oceanum fuisse caligine tectum; jussu autem Dei ex illo Oceano eam, quam nunc habitamus, tellurem emerfisse, forte quod igne subterraneo attolleretur. De sola loquor Daliniana hypothesi, ex qua singulis seculis duo cubiti Svecici mari decrescunt et decreverunt.

Atque etiam hoc scire velim lectores, pauca me modo de hac quaestione promere, et mea; non quasi illa mihi priva existimem, sed quod meam sententiam dicturo his solis uti lubet argumentis, quorum mea mihi sponte in mentem venerat, antequam alios legerem. Copiosiore autem si quis tractationem

nem desideret, adeat JOANNIS BROWALLII, *episcopi Aboënsis, disquisitionem de aquae decremento incrementoque terrae*, qui liber Svecice scriptus utinam peritiorem linguae Germanicae nactus esset interpretem! Nam *Carolus Ernestus Klein*, qui eum vertendum suscepit, cum taedio legitur ac saepe non intelligitur, Svecicas constructiones, significationes, phrasas, ubique immiscens, nec conformatione periodorum germanica utens. Sed tamen contenti sumus interprete, necesse est, molestiamque lectionis sententiis et doctrina libri solemur.

Sic ergo existimo, Dalinianam opinionem, nec cum historia antiqua regionum ad mare mediterraneum sitarum conciliari, nec ex ea nostrum versum explicari posse. Cum enim aqua mutua communicatione ponderis ad libellam sit, sumi nullo modo potest, marium septentrionalium aequor altius olim existisse, planisque Scandinaviae et Scythiae innatasse, nisi et hoc addas, aequali altitudine mare mediterraneum fuisse. Mare enim et Balticum et Septentrionale, Germanico, hoc Atlantico, Atlanticum mediterraneo continuantur. Jam faciamus, ante XVII secula mediterraneum mare, 38 cubitos Svecicos (*) supra sam, quae nunc est, superficiem existisse, Moysi autem tempore, id est ex Usserii computatione ante XXXII secula, LXXII cubitos (**): sequetur, ut campestria Hispaniae, Mauretaniae, Africae, Galliae, Italiae, Graeciae, Thraciae,

$$\begin{array}{r} (*) \quad 2\frac{1}{2} \\ 17 \\ \hline 38\frac{1}{2} \end{array}$$

$$\begin{array}{r} (**) \quad 32 \\ 2\frac{1}{2} \\ \hline 8 \\ 64 \\ \hline 72 \end{array}$$

ciae, Ponti, Asiae minoris, ac Syriae, mare fuerint, ex quo edita modo et montes insularum in modum emerent. Et habemus tamen Graecos ac Romanos libros, ante XV et plura secula scriptos, ex quibus constat, eandem fere quae nunc est harum terrarum figuram, eosdem portus, eadem prope litora fuisse. Aegyptum autem, humilem illam ac planam, antiquissima monumenta, pyramides, Alexandriamque ab Alexandro ante XXI secula conditam, urbemque Tanin, quam Moses jam ut suo tempore perantiquam memorat (*), habentem, totam pene pontomersam fuisse in tanto maris mediterranei tumore necesse erit. In hac igitur qui vixit Moses, quique in eam diu antea concessisse Abrahamum prodidit, non potest testis citari maris olim altioris, et ad Moschicos montes Magogique terras pertinentis.

Ad haec quid responderi possit, sitque a Dalino responsum, video: *aliam forte olim fuisse terrae conglobationem, nec figuram (**)* ejus perpetuam, sed indies mutabilem esse. Cum enim nunc sub aequatore tumescat, depressa sub polo: fuisse forte tempus, quo, alio gravium versus centrum nisu, aliaque aequorum complanatione, perfectam habebat orbis figuram, a qua ignotis de causis sensim de-

(*) Num. XIII, 22.

(**) Si qui Dalinum non legunt, sciant, non de physica terrae figura, montibus vallibusque irregulari, sermonem esse, sed de mathematica, quae libella aequorum,

ac lapsu perpendiculari gravium efficitur; et quam habiturus orbis noster erat, si nusquam montes, colles, adclivia, sed ubique planum, sive adeo ubique Oceanus.

desciscat. Potuisse ergo olim maria septentrionalia altius tumere, terrisque jam exstantibus superfundi, nulla majore, quam nunc est, maris mediterranei altitudine.

Ita vero nodus non solvitur, sed mutatur, tentandoque alius nectitur. Si enim perfecta marium, quae terram ambiunt, conglobatione, magna pars Oceani, qui nunc sub aequatore tumescit, septentrionalibus terris incubabat: consequitur maria sub aequatore, atque adeo usque ad gradum ab aequatore quadragesimum quintum, multo olim quam nunc sunt fuisse humiliora, quod tantum illis aquae decedebat. Aliis verbis dicam quae mathematicum expers facilius intelligat: *quod aquae olim sub polis minus erat, id plus fuisse sub aequatore et usque ad gradum 45, ex Daliniana hypothese consequetur.* Quod si mare mediterraneum, qua parte circa 31 aut 32 gradum Aegyptum alluit, multo olim humilior quam nunc fuisset, non poterat non multo altius supra mare Aegyptus eminere, nec maritima ejus futura erant palustria: quod toti contradicit historiae antiquae. Quin alia fuisse oporteret, non Aegypti unius, sed et totius, qua mari mediterraneo adjacet, Africae et Syriae litora, altius in mare procurrentia, sinus, portus alios, qui enim nunc sunt portus, vadiosi ante XX aut XXV secula fuissent aequore humiliori. In tanto autem geographiae antiquae cum hodierna consensu, in quo litora, portus, sinus, facile agnoscas, certum videtur, maris mediterranei superficiem non ita fuisse XX aut XXV seculorum decursu auctam, ut eam augeri mutata terrarum conglobatione oportuisset.

- 2) Possit et HI ad solas referri Graecorum colonias, versu praecedente nominatas. Facturus id eram, ne opus esset, Magogi terram in insulis numerare: verum non licet hoc artificio nodum eludere. Ut-
cunque enim de Mose statuas, Ezechiel sine dubio Magogitas insulis, si modo מִגֹּגִיתַיִם insulae sunt, ad-
scripsit, cap. XXXIX, 6.
- 3) Quid Iosephus tentarit, non lecto nomine *Dodanim* ad solos *Chitthim* versum quintum referens, supra exposui, et statim pluribus dicam, hoc unum praefatus, nisi lectione codicis Hebraici et Samaritani mutata, omniumque versionum testimonio repu-
diato, hanc Iosephi explicationem stare non posse.

* * *

II) נַפְרָדוֹ *Divisae sunt.*

Hoc ergo verbum Iosephus, in cuius sententia illu-
stranda pergere lubet, ne nimis res divellamus, verten-
dum putabat, *nominatae sunt*, vel, *nomen acceperunt*.
Verba ejus supra pag. 118. descripsi. Est haec ignota et
lexicographis Hebraeorum, et caeteris linguis Orientali-
bus, significatio, nec conjicio unde illam hauerit: nisi
forte sic ratiocinabatur, *distingui*, idem esse ac, *nomi-
nari*, *vocabulo indito distingui*. Vult autem, *Chitthim*,
quod proprie nomen Cypri sit, adpellative pro omnibus
insulis ab Hebraeis poni consuevisse. Quod ipsum quo-
que falsum est, atque nec Hebraicis exemplis, nec reli-
quarum linguarum Orientalium usu confirmatur: sed
commodum videbatur Iosepho, qui hac se arte ex diffi-
li nodo extricabat. Plerisque enim in locis sacrae scriptu-
rae, in quibus כְּתִיב legitur, ac vero inprimis Ezech.

XXVII,

XXVII, Dan. XI, Cyprus intelligi nequit, quibus quodammodo consuli putabat posse, si duplicem haberet significationem, propriam et adpellativam. Hanc ergo interpretationem lubentes ei, cujus est, Josepho, relinquimus, ingeniosam certe, et quae indicio est, non obiter ab illo, cum historiam scriberet, codicem Hebraicum inspectum.

Nobis vero consveta versio, *divisae sunt*, probatur, hac proditura sententia: eos omnes populos, qui antea memorati erant, a Japhetho oriundos, illam sibi partem orbis terrarum divisisse, quae proprio nomine Hebraeis יְרֵכָה דִּנְיָא dicitur. Sed de hoc jam nomine, difficili sane, atque tantum non ab omnibus male intellecto, anquirendum: quam vitare disputationem quodammodo liceret, si נפרד verteremus, *separatae sunt*, hoc sensu: *ab his gentibus colonias separatas esse, id vero est, exiisse, quae insulas maris mediterranei occupaverint.* Ita enim non gentes antea memoratae, sed earum coloniae, insulas habitaverint, terra continente Cimмериis, Graecis, Thracibus, relicta. Videntur tale quid voluisse LXX, qui vertunt, ἀπορρίθηναι. Sed, ut candide agam, dura phrasis, *separatae sunt insulae*, pro, *separatae sunt coloniae, et ingressae in insulas.* Nec si vel hoc loco disputationem de יְרֵכָה fugiamus, reliqua ea carere potest geographia biblica.

III) יְרֵכָה insulae.

Magno consensu veteres pro insulis habuerunt, ut si eorum auctoritatem sequaris, vix superfuturus sit dubitandi locus. Ita vertunt:

- 1) Septuaginta interpretes, Gen. X, 5. Jes. XX, 6. XXIII, 2. 6. XXIV, 15. XLI, 1. XLII, 10. 12. 15. XLIX, 1. LI, 5. LX, 9. LXVI, 19. Jerem. II, 10. (*) XXV, 22. XXXI, 10. XLVII, 4. Ezech. XXVI, 15. 18. XXVII, 3. 6. 7. 15. 35. XXXIX, 6. Zephan. II, 11. Ps. LXXII, 10. XCVII, 1. Dan. XI, 18.
- 2) Aquila, Jes. XLI, 1. Jerem. XXV, 22.
- 3) Symmachus, Jes. XXIII, 2. XLI, 1. XLIX, 1. LIX, 18.
- 4) Theodotion, Jes. XLI, 1. LIX, 18. Jerem. XXV, 22. Ezech. XXVI, 18.
- 5) Chaldaeus, Genes. X, 5. Jes. XI, 11. XX, 6. XXIII, 2. 6. XXIV, 15. XL, 15. XLI, 1. XLII, 4. 10. 12. 15. XLIX, 1. LI, 5. LIX, 18. LX, 9. LXVI, 19. Jerem. II, 10. XXV, 22. XXXI, 10. XLVII, 4. Ezech. XXVI, 18. XXVII, 3. 15. 35. XXXIX, 6. Zephan. II, 11. Ps. LXXII, 10. XCVII, 1.
- 6) Syrus, Genes. X, 5. Jes. XI, 11. XX, 6. XXIII, 2. 6. XXIV, 15. XL, 15. XLI, 1. 5. XLII, 4. 10. 12. 15. XLIX, 1. LI, 5. LIX, 18. LX, 9. LXVI, 19. Jerem. II, 10. XXV, 22. XXXI, 10. XLVII, 4. Ezech. XXVI, 15. 18. XXVII, 3. 6. 7. 15. 35. XXXIX, 6. Zephan. II, 11. Ps. LXXII, 10. XCVII, 1. Dan. XI, 18. Esth. X, 1.
- 7) Vulgata Genes. X, 5. Jes. XI, 11. XX, 6. XXIII, 2. 6. XXIV, 15. XL, 15. XLI, 1. 5. XLII, 4. 10. 12.

(*) Capita Jeremiae numero secundum Hebraeum codicem.

12. 15. XLIX, 1. LI, 5. LIX, 18. LX, 9. LXVI, 19. Jerem. II, 10. XXV, 22. XXXI, 11. XLVII, 4. Ezech. XXVI, 15. 18. XXVII, 3. 6. 7. 15. 35. XLIX, 6. Zephan. II, 11. Ps. LXXII, 10. XCVII, 1. Dan. XI, 18.

8) Josephus, nostrum locum ita interpretatus, ut sumat, יִם insulas esse.

9) Arabs uterque Genes. X, 5. Prophetarum Psalmarumque interpretes Arabicos omitto, quod non Hebraica sed Graeca verterunt.

Notemus quoque interpretum antiquorum, non jam constantiam, sed pertinaciam, qui absurda scribere, quam יִם non insulam vertere, aliquando maluerunt: ut cum Vulgata Jerem. XLVII, 4. *insulam Cappadociae* posuit, consentiente quoque Syro et Chaldaeo. Credebant nimirum interpretes, כְּפַרִּי Cappadociam esse, quae regio licet maxime sit mediterranea, nec omnino ad mare pertingat, tamen, quasi religioni esset, יִם aliter quam insulam vertere, mirum portentum, insulam Cappadociae, composuerunt.

Vix alius vocabuli Hebraici significatio, in vocabularia recepta, tot se testibus jaetabit. Nec id ita dico, ut nemo ex antiquis aliter aut verterit, aut vertisse videatur: sed raro tamen hoc accidit. En loca omnia, in quibus aliquae ex versionibus nomen INSULAE non habent:

1) LXX ἔθνη (*gentes*) verterunt, Jes. XLI, 5. XLII, 4. Sed hoc nisi fallor ad lectionis varietatem pertinet, pro יִם scripto יָם.

2) Vulgata Ezech. XXVI, 18. יָם prius (bis enim eodem in versu legitur) NAVES reddidit. Sed et hoc

hoc sine dubio variae lectionis est, אינן. Hieronymus enim, alias אינן insulam reddere solitus, inque antiqua versione latina inveniens, *commovebuntur insulae*, non solum mutavit, sed et aliter legi in Hebraicis dixit. *Nunc*, inquit in commentario, *stupebunt seu pavebunt super te insulae, seu, ut melius habetur in Hebraeo, naves.*

- 3) Samaritanus interpres Genes. X, 5. איקראן habet, quod non insulas, ut fecit Castellus, sed *portus* verendum suspicor. Vide Buxtorffii, ipsiusque adeo Castelli lexicon Chaldaicum, ubi ex glossis Rabbimorum excerpunt, אקראן portum significare. *Portus gentium* pro omni Europa, ad quam per illos portus aditus, eodem jure dici poterat, quo Galli Syriam Asiamque minorem *les Echelles* vocant.

- 4) Solus Chaldaeus veram nominis significationem Ezech. XXVI, 15. 18. XXVII, 6. 7. Esther. X, 1. fuisse nobis videtur. Sed de ejus versione, meam sententiam confirmatura, infra erit dicendi locus.

Non mirum, in tanto tamque insolito veterum consensu, quos consulens vix audias aliquam aliquando vocem discrepare, recentiorum plurimos אינן pro insulis habuisse. Et tamen veri dissimillimum est, in ullo libro ante exilium Babylonicum scripto אינן insulam significare: de duobus enim sequioris aetatis locis, Dan. XI, 18. Esther. X, 1. aliter sentio, eaque ab hac de vetere Hebraismo disputatione sejungo.

Primo quis non miretur, appellativum insularum nomen toties in codice Hebraico occurrere, cum nullius omnino insulae nomen proprium satis certum ex totis bibliis

bliis Hebraicis erui huc usque potuerit (*)? De Rhodo enim, et Creta, ac Cypro, quarum insularum nomina aliqui ex כְּתִים, רְדִנִים et כְּפָתִר eruunt, res sane est dubia, ut vidimus, videbimusque, una forte Cypro sub כְּפָתִר latente, cui, si valde liberalis sim, Daden insulam sinus Persici addiderim: praeter has autem, quarum quaeso insularum nomina propria in codice sacro invenisse sibi videntur, qui tricesies et sexies adpellativum vocabulum occurrere autumant. Populusne agrestis, a commerciis et navigationibus plerumque abhorrens, in cujus scriptis aut nulla omnino insula, aut sola Cyprus nomine proprio memoratur, isne continuo in carminibus suis insularum nomen crepet? insulas Deum laudare jubeat? insulas ejus salutem, insulas ejus doctrinam expectare? quasi vero solae insulae Deo curae sint! Lege Jes. XXIV, 15. XL, 15. XLI, 1. 5. XLII, 4. 10. 12. XLIX, 1. LI, 5. LIX, 18. LX, 9. Pl. XCVII, 1.

Deinde, si toties insularum facienda erat mentio, qui factum, ut nunquam eo nomine scriptores Hebraei utantur, quo Arabes et Syri insulam vocant, גִּזְרָה, *abscissa a continenti*?

Tertio vocabulum אִי sub insulae significatione reliquae Orientis linguae omnino ignorant, ac ne probabili quidem etymologia nutantem interpretationem fulciunt. Magnum hoc: raro enim tam male cum pessima philologiae Hebraicae causa agitur, quin etymologia, nimis grammaticis obsequiosa, suppetias illi ferre videatur. Quae autem pro אִי *insula* lexicographi etymologica attule.

(*) De insulis, quas fluviorum Philis Aegypti, non me loqui, lebrachia efficiunt, ut Tartesso, aut ctiores monitos velim.

tulerunt, adeo sunt ab omni verisimilitudine remota, ut ne expendi quidem mereantur.

Sunt denique non pauca sacrae scripturae loca, in quibus אִיִּלִּים insulas significare nequeunt. Aliqua eorum Coccejus in vocabulario indicavit; plura autem additurus, ordine ea pono.

Genes. X, 5. omnino insulae intelligi nequeunt, nisi Josephi et lectionem et interpretationem amplectaris. Nisi enim me omnia fallunt, nec Latium, nec Hellas, nec Peloponnesus, nec Thracia, nec Dodona, nec Gallia Rhodanensis, insula: ne jam de Media, ac Moschicis montibus dicam.

Jes. XX, 6. אִיִּלִּים הָאֵלֶּה omnino nequit insula esse, licet interpretatio ita sit dubia, ut, quid sit, pronuntiare nondum audeam. Pars tamen aut portus aliquis Palaestinae esse videtur.

Jes. XXIII, 2. 6. Tyrus antiqua, quae in terra continente sita fuit, bene monente Coccejo, אִיִּלִּים vocatur.

Jes. XLII, 15. flumina in אִיִּלִּים convertuntur. Hoc vero absurdum, et eo elogio dignum, quod in initio artis poëticae Horatii legimus, si אִיִּלִּים insulae essent. Siccari flumina possunt, sed non ita fiunt insulae: ac ne somnians quidem insulas mihi fluminum figura, longas et serpentiformes, videre videor. Quo de loco quid sentiendum, infra dicam: hic sufficiat, flumina in insulas converti, aegrorum somniis simile esse.

Jes. LXVI, 19. quinque populorum nomina componuntur, iique habitare in remotis dicuntur אִיִּלִּים. Hic ut concedam, Tartessum ac Philas a flumine insularum in modum

modum ambiri, ac de Ludaeorum regione non constare; id tamen certum, Graeciam, quae ipsa quoque nominatur, et Thubal, insulas non fuisse.

Jerem. XXV, 22. reges memorantur דְּהָא אֲשֶׁר הֵם , בעבר הים , incondita sententia, si veritas: *reges insulae, quae est trans mare*: quasi vero et cis mare insula cogitari possit, ac necessarium sit scriptori in Palaestina degenti, monere lectores, de ejusmodi se loqui insula, ad quam nisi trajecto mari aditus non detur. Similis quodammo- do est locus Ezechielis, cap. XXVI, 18. דְּהָאִים אֲשֶׁר בַּיָּם *insulae quae sunt in mari*. Insulas maris non incommode dici posse arbitror: *insulae autem quae sunt in mari*, languidum quid et redundans sonare videtur.

Ezechiel denique c. XXXIX, 6. Magogitidem, intimam illam mediae Asiae, in אִיִּי numerat. Sed de eo loco supra jam disputatum.

Haec cum sint tam manifesta, mirari subit, in eam versionem, quae sit his locis inepta, tanta constantia veteres consensisse. Nec sine omni causa verique similitudine omnes idem erraturi videntur. Hanc autem causam tandem investigasse mihi videor. Non eadem semper mansit lingua Hebraica, sed seculorum decursu novas vocabulis antiquis significationes dedit: ut ergo in omnibus linguis aliis, ita et cum de Hebraea quaerimus, aetates linguae distinguendae. Ante exilium Babylonicum נִיִּי pro insula poni video: at insequuta aetas hanc vocabulo significationem induit. Bis omnino in libris post exilium Babylonicum scriptis occurrit, utrobique insulas significans. Daniel c. XI, 18. praedicit, *Antiochum faciem suam conversurum ad אִיִּי*, multasque ex illis capturum: qui Antiochus, teste historia, (verbis utor Hiero-
S
nymis)

nymi) *navali certamine adversus plurimas insulas dimicavit, ac cepit Rhodum, et Samum, et Colophonam, et Phoceam, et alias multas insulas.* Estherae autem in libro, c. X, 1. rex Persarum tributum imposuisse dicitur *terrae et insulis maris*, ubi oppositionis vis ea est, ut nequeant nisi insulae intelligi.

Cum ergo senescens lingua Hebraica insulas אינן diceret, non mirum, ea sensim emortua hanc significationem, in scholis Rabbiorum servatam, interpretibus fraudi esse potuisse. Sic quidem et passim ex Latinismo infimae aetatis auctores antiqui male intelliguntur. Quomodo autem acciderit, ut sequior Hebraismus novam nomini significationem daret, de eo conjecturam infra tentabimus.

Quid ergo, inquires, antiquo Hebraismo aureae argenteaeque aetatis אינן erant? Coccejus quidem (*) Jes. XX, 6. *oram maritimam*, et Jerem. XXV, 22. *Asiam minorem* interpretatur: ac sane poterant Hebraei Asiae peninsulam omnemque Europam, ad quam navigandum Phoenicibus erat, *maritima gentium exterarum* adpellare. Sed ut taceam, nec hanc significationem reliquas Orientis linguas, ne etymologia quidem illi commodata, confirmare, non pauca ex locis supra indicatis eam quoque abnuunt. Medi, Molchi, Magogitae, maritimi populi vix dici possunt, nec Philae, in intima Aegypto procul a mari sitae. (Jes. LXVI, 19.) Jesaiae autem fluminibus in אינן mutatis (c. XLII, 15.) quid facias, admissa Cocceji interpretatione? Flumen in oram maris mutari, absorum dictum. Fac totum exarescere,
ne

(*) Vide ejus lexicon.

ne ripam quidem habebis, nedum litus mari humectatum.

Jam ad eam sententiam promendam venio, quae mihi aliqua se veritatis specie commendavit. Nec conjicere de vocum significationibus, sed eas ex usu linguarum Orientalium sumere lubet. Verbum אָרַם (אֲרָם vel אֲרָם) unde nomen אֲרָם ortum, Arabibus significat, et *hospitari* et *habitare*, et in quarta conjugatione, *hospitio aliquem excipere*, unde مَوْسَى *sedes*, *locusque habitationis* dicitur (*). Nec aliter verbum Hebraicum accipiendum Num. XXXIV, 10. *habitationis terminum vobis statuatis versus Orientem* etc. Pl. CXXXII, 13. 14. *elegit Jehova Sionem*, (אֲרָם) *divertit illuc ad habitandum*, *dixitque: haec est quies mea in aeternum, hic habitabo*, (כִּי אֲרִיתֶיהָ) *hoc enim domicilium optavi*.

Jam ergo אֲרָם *habitatio*, i. e. *regio habitata*, fuisse videtur, nullo primum discrimine, siue sit mediterranea, siue maritima aut insularis. Quam significationem solus ex antiquis Chaldaeus non ignorasse videtur. In Ezechielis enim capite XXVII, versu 6. et 7, bis מְרִינֵת, *provincias*, vertit, atque Esth. X, 1. pro אֵי הַיָּם habet, הפּרְכֵי יָם, ἡ παραρχίας seu *provincias maris*: eisdemque Ez. XXVI, 15. 18. אֲרָם sunt פְּרֻרִיָּה *suburba*.

(*) Syriacam linguam dubius subjungo. Joh. XIV, 2. Graecum μόναι, *mansiones*, *habitationes*, Syriace redditur ܡܢܝܐ, pro quo suspicor ܡܢܝܐ legendum esse. Nunquam enim ܡܢܝܐ Syris est habitare,

nec sine magna anomalia cum Hebraico עֵין per Ain scripto conferatur. Frequens autem Syrorum librariis, Jud et Nun, literas figuram simillimas, inter se permutare, quod et hic factum arbitror.

bana Tyri, id vero est, non aedificia extra murum sita quae nobis suburbia dicuntur, sed *regio* circumjecta. Vide Buxtorfii lexicon Chaldaicum. His Chaldaei interpretationibus acceptum refero, quod vera nominis significatio non penitus deleta ex Judaeorum scriptis in aliqua Christianorum vocabularia tanquam furto irrepsit, ab aliis, qui sibi doctiores videbantur, eliminata iterum et ommissa.

Nullus est locus Pentateuchi, Jesaiæ, Jeremiae, Ezechielis, Sephaniae ac psalmorum, qui non hanc REGIONIS significationem commode ferat: obscurissimum autem Jesaiæ dictum, c. XLII, 15. illo demum admissio intelligetur. *Vastabo*, inquit, *montes et colles, omnemque illorum herbam exarefcere faciam. Flumina reddam habitabilia, et paludes exsiccabo*. Nempe flumina fiunt habitabilia, quando aqua penitus deficiente habitari et arari possunt.

Huic autem, etymon si spectes, late patenti vocabulo, atque ad omnes regiones pertinenti, propriam aliquam vim geographia Hebraeorum subiecit, ex qua terras a Japhethi posteris inessas, Europam, Asiam minorem, quae Pontum Euxinum inter et Caspium mare sunt, Mediam, et Magogitidem complectitur. Has enim Phoenices atque Hebraei, ut ex hoc ipso Mosis loco discimus, *regiones extërorum* (אֲרָצוֹת הַחוּצוֹת) dixerunt, fere ut nos partem Africae mari mediterraneo adjacentem, Barbariam. Exteros, seu ut Graeco vocabulo utar, barbaros, Hebraeis חֲמִשָּׁה vocari, notum ita ac tralatitium, ut sola de derivatione conjectura addi vulgaris possit. Suspicio equidem, exteris populis a جوي, *moeruit, abhorruit animus*, nomen ductum esse, forte quod externos fastidiebant, eoque inter illos moerore carpebantur, quem morbi

morbi Helvetii nomine, Germanice *das Heimmeh* dicimus. Sed haec etymologica utcunque sint, id certum videtur, a Jesaia, ubi de regionibus gentium (אֲרָצוֹת הַגִּוִּיִּם) loquitur, plerumque hos ipsos populos, antonomastice ita dictos, intelligi, quos Moses versibus praecedentibus nominavit. Hi enim et Hebraeis Semo oriundis, et Aegyptiis Phoenicibusque Chamo ortis, quos inter aut habitaverant hucusque Israëlitae, aut eorum lingua utebantur (*), barbari. Vix opus, ut addam, in frequentiore usu phrasis nomen אֲרָצוֹת omitti potuisse, ac pro אֲרָצוֹת הַגִּוִּיִּם brevius dici, אֲרָצוֹת, eadem manente significatione.

Vidit praecipuam hujus veri partem Coccejus, in vocabulario Hebraico scribens: *per אֲרָצוֹת הַגִּוִּיִּם, INSULAS GENTIUM, intelligitur Genes. X, 5. ea pars mundi, quae est terrae Canaan ad Occidentem. Plerique enim filii Japheth in eas terras concesserunt, licet etiam eorum quidam resederint in Oriente, ut Medi. Hinc explicandae prophetiae de praedicatione prima evangelii inter gentes. Recte vero ille de vaticiniis prophetarum: sed in eo errasse videtur, primo quod INSULAS gentium interpretabatur, non REGIONES, deinde quod solos Occidentales intelligebat, cum Moses omnes terras a Japhethi posteris occupatas, ipsamque Magogitidem Ezechiel, inter אֲרָצוֹת numeret. Sed Ezechielis locum non cogitabat Coccejus, ac forte fraudi illi fuit, quod ecclesias christianas in ultima trans mare Caspium Asia non satis cognitatas habebat. Post Assemanum si vixisset, ejusque legere*

(*) Hebraicam linguam Phoeniciam esse, in gratiam illorum moneo, qui forte linguarum Orienta-

lium minus periti geographiae amore haec nostra legent.

legere bibliothecam Orientalem potuisset, maxime ubi de Nestorianis agitur, nae ille non veritus esset, gentibus quarum illuminationem praedixit Jesaias, non Medos solum, sed et Magogitas adnumerare.

Ad plerasque ex his terris, Europam omnem, Asiae peninsulam, atque ab Oriente Ponti Euxini sitas, non terra, sed mari adeundum Phoenicibus erat: hinc nova orta vocabuli compositio, qua primus Jesaias usus, c. XI, 11. XXIV, 15. מִן־רִגְיוֹנֵי *regiones*, vel, *mansiones maritimae*. Forte et portus ita dici coeperunt, tanquam *hospitia navigantium*, meminerimus enim, Samaritano interpreti מִן־רִגְיוֹנֵי *portus* esse (*). Sed hoc, ne quid temere adfirmare videar, in dubiis relinquo.

Id vero jam non dubium, cum in exilio Babylonico patriam linguam dediscere Judaei inciperent, novasque antiquis vocabulis significationes dare, מִן־רִגְיוֹנֵי, quod adhaerentem jam regionis maritimae notionem ex phrasi מִן־רִגְיוֹנֵי traxerat, pro INSULIS usurpari coepisse. Sic positum Dan. XI, 18. Esther. X, 1.

Hanc ergo habemus tanquam genealogiam significationum: 1) *habitationes*, *mansiones*, i. e. *regiones*. 2) ex usu proprio geographiae, *regiones earum gentium*, quae Hebraeis Phoenicibusque barbarae erant, neque a Semo neque a Chamo oriundae. 3) *regiones transmarinae*. 4) *hospitia maris*, seu *portus*. 5) *insulae*. Quae si vere disputata sunt, et desinent multa sacrae scripturae loca in quibus hucusque laboratum, obscura esse, et geographiae antiquae nonnihil lucis adfulgebit.

III) בארצתם *in terris ipsarum.*

Samaritanus pro more suo plene pluralem numerum scripsit, בארצותם. Pronomen, IPSARUM, non ad regiones (איי) sed ad gentes, (גוים) refero. Idem de sequente איש, VIR, seu QUILIBET, dicendum: intelligitur, *quilibet populus, lingua et habitatione diversus.*

V) למשפחתם בגויהם

i. e. *secundum minores gentes, quarum quaeque ad majorem aliquem populum referenda.* Nempe Hebraeis משפחה alias est, minor familia, subordinata majori, שבת dictae: hic vero, ubi de gentibus sermo, גוי *totius gentis nomen est, משפחה coloniae.*

Iterum plene Samaritanus למשפחותם.

GENES. X, 6.

ובני חם כוש

Et filii Chami sunt, Cusch, etc.

Laudandus hic Bochartus et reprehendendus (*). Cum enim duplicem videret de Cuschaea dictam sententiam, plerisque, Judaeis, LXX, Vulgata, Philone, Josepho, Eusebio, Hieronymo, Arabe, Aethiopiam intelligentibus, Pseudojonathane Arabiam: has inter se amicissime conspirare sententias, atque utramque veram esse posse, non intellexit, Aethiopiamque reprobans, in sola Arabia Cu-

(*) Libr. IV. c. 2.

Cuschaëis sedes assignavit. Atqui Cuschaëos et in Africa habitasse et in Arabia, certum est, nec cognomines modo, sed ejusdem etiam stirpis, ac, licet sinu Arabico atque desertis Africae sejungerentur, saepe tamen communibus regibus subjectas. Ipsi quidem, in quorum terra Nilus oritur, Habessinî, majores suos ex Arabia trajecisse memorant, sibi que arrogant reginam Sabaeorum itinere ad Salomonem suscepto claram, quae sine dubio Arabiae Felici imperitavit, et sua lingua צַי (**) dicuntur, id est, *gens quae mare trajecit*, atque ex dialecto veteri, cujus nunc usus extra sacra obsolevit, Arabes agnoscuntur: quae cum disputatione pandere hic nequeam, fidem haberi velim JOBO LUDOLPHO, in *historia Aethiopica* Libr. I. c. I. alibique haec tradenti. Solent praeterea, quantumvis id displiceat Bocharto, duplicem laudare Aethiopiam veteres, Africanam et Asiaticam: Dionysiusque, Syriaci chronici scriptor, Joannis Asiae episcopi auctoritatem secutus, ultra Sanaam, felicitis Arabiae regiam, ad Aegyptum usque et Thebaidem septem regna seculo quinto sita fuisse tradit, tria Indorum (id vero est Joctanitarum Arabum) quatuor Cuschaëorum, quae ut magis etiam meridionalia, et ad Oceanum Indicum pertinentia, describit (**). Horum quidem unum et

(*) Verbum primitivum Hebraice צַי, Arabice جَوْن scriptum, *transire, trajicere* significat. Aethiopes Ain, quod pronuntiare nequeunt, cum quiescentibus permittunt, prorsus ut Samaritani, qui pro צַי *transire* etiam צַי scribunt. Adi LUDOLPHI *lexicon* Aethiopicum pag. 538. 539.

(**) Vide ASSEMANI *bibliothecam Orientalem* T. I. p. 359. vel, si illa ad manus non est, nostram Chrestomathiam Syriacam, pag. 16. 17. Integrum locum adscribere lubet, latine conversum, quoniam eo deinde ad plura perficienda opus habebimus. Hoc autem ante omnia teneant lectores, Indos quorum mentio

et princeps, quod Thebaidi vicinum dicit, ipsa est Abessiniam, mediterranea et ab Oceano remota, reliqua in Arabia Felice, qua parte Oceano alluitur, quaerenda. Tota enim scena in Arabia agitur.

Cu-

mentio fit, non accolas esse Indi fluminis, sed Joktanitas in Arabia Felice habitantes, qua de re ad verbum 25. 26. dicendi locus erit. *Aidugo*, inquit, *Indiae intimae regi, bellum erat, cum rege Homeritarum*, (Himyaritas recentiores vocare solent, Arabes حمير) qui et ipsi ex Indis sunt, *Dimione*. *Causa autem belli haec fuit. Regna Cuschaeorum sunt longe remotiora, quam Homeritarum, circa Aegyptum et Thebaidem extra Indiam sita.* (Ergo ad superiorem usque Aegyptum, seu Thebaidem, aliqua parte pertinebant Cuschaei, qui alii quam Abessini esse nequeunt.) *Mercatoribus autem Byzantino imperatori subiectis per Homeritas trans-eundum est, antequam intrare possint Indorum intima, quibus nomen, Eufalis Indiae.* (Nostro tempore Sanaa, Arabiae Felicis urbs regia.) *Inde porro commeant ad ulteriora Indorum et Cuschaeorum.* (*إندوس*) *Sunt autem Indorum et Cuschaeorum regna septem; tria*

Indorum, et quatuor Cuschaeorum, ex quibus haec sunt remotissima in locis meridionalibus ad mare magnum, quod totum orbem ambit, vocaturque Oceanus.

Manifestum puto, ex his quatuor Cuschaeorum regnis unum, et vero princeps, esse Abessiniam, quae sola Thebaidi vicina, quamquam interjecta Nubia dici potest. Reliqua autem tria regna vix possunt nisi Felici Arabiae assignari. Primo enim sita dicuntur ad Oceanum, qui Abessiniam, regionem mediterraneam, non alluit. Deinde mercatores Byzantini Abessiniam adituri non opus habebant, primo deserta Arabiae, ab Euphrate inde, deinde Homeritarum praedonum regiones, tum sinum Arabicum, atque hoc superato omnium maxime inhospita Africae deserta trajicere, quae mare inter rubrum et Abessiniam jacent; sed multo expeditiore itinere ex Aegypto per Nubiam adituri Abessiniam erant, qua via vel in hunc usque diem *Abunas*, patriarcha Abessinorum utitur, Alexandria in Abessiniam mitti solitus,

Cuschæae ergo nomine, et hoc loco, et plerumque ubi illud in sacris literis legitur, utramque complector Aethiopiam, Arabicam, quæ mater est, et Africanam, seu Abeffiniam, coloniam.

Ad Arabicam quod attinet, antequam argumentis utar, de situ regionis dicendum, in quo definiendo graviter erravit Bochartus. Cuschaeos enim eosdem esse putat, qui Saraceni dicantur, circaque Meccam et Medinam habitent (*). Quo errore foedior vix committi in rebus Arabicis, a tanto certe viro (aliter enim recentiora errant philologiae Orientalis opprobria, aliter antiqua decora), committi poterat. Saraceni enim sique maxime, qui Meccam et Medinam incolunt, Ismaële se progenatos profitentur, nec sola traditione, sed tabulis etiam genealogicis natales ad illum referebant. Sunt ergo Abrahami, ejusque progenitoris, Semi, posterii, non Cuschaei Chamo orti. Cuschaei autem, ut supra ex Joanne Asiae episcopo et Dionysio chronicographo didicimus, ultra Sanaam, ad Oceanum habitabant.

Dematur ergo ex Bocharti argumentis totaque disputatione, necesse est, quidquid ille de Midianitis habet, quos alio nomine Cuschaeos fuisse contendebat, illo maxime Pentatetichii loco nixus, ubi rixatum cum Mose fratrem sororemque legimus, quod Moses Cuschaeam uxorem duxisset (**). Hanc enim Cuschaeam Bochartus, nec

solitus, et quam illo tempore patuisse ex fine historiae a Dionysio relatae liquet: petunt enim christiani, ut patriarcha Alexandrinus regem Cuschaeorum de adversis, quæ in

Arabia tolerant, cito faciat certiosem, atque ad suppetias mittendas hortetur. (Chrestomath. p. 39.)

(*) col. 213, 214.

(**) Num. XII, 1.

nec is solus, sed plerique, Sipporam esse volunt Midianitidem (*), rixatosque Aharonem et Mariam cum Mose de conjugio ante quadraginta et plures annos inito. Quod quomodo animo concipi potuerit, aegre dixerim. Ut enim de ridiculis tarditate jurgiis vocem non mittam, Cuschaei Chamo progeniti dicuntur, Midianitae Abrahamo. Genes. XXV, 2.

Jam Cuschaeam, de qua et hoc loco Moses loquitur, et saepe alibi codex facer, non in sola includendam esse Africa, sed late quoque per eam, quam dixi, Arabiae partem pertinuisse, his ductus argumentis existimo.

- 1) Ipsi se Abessini ex Arabia trajecisse fatentur: non ergo excludenda Arabia, ubi antiquissimus scriptorum omnium, Moses, Cuschaeam nominat, idque in gentium originibus ultimis explicandis.
- 2) Seculo adhuc post Christum quinto Cuschitae (**كوش**) in Arabia Felice habitaverunt, teste Dionysio chronicographo.
- 3) Nimrodum, Babylonici regni conditorem, Cuschaeum fuisse Moses tradit, hoc ipso capite, versu 7. 8. Quod si nulli nisi in Abessiniae Cuschaei, mirum sane, tam longe a patria Nimrodum urbem regnumque condidisse. Mose autem auctore, Babylonis conditores vagi antea in Arabia, quam Orientem (**) Hebraei dicunt, erraverant, montibusque Arabiae planitiem eam, in qua sita Babylon, praerulerunt. Verba sunt: *factum autem est, cum vagarentur in Oriente, ut invenirent planitiem in ter-*

ra

(*) Exod. II, 16. 21.

VIII, 10. Genes. XXV, 6. Job. I, 3.

(**) Judic. VI, 3. 33. VII, 12. Jerem. XLIX, 28.

ra Sinear, ibique considerent. Genes. XI, 2. Nimrodus ergo, Cuschaeus, facti auctor, ex Arabia in vicinam egressus est Babyloniam.

- 4) Nec omnino nullius momenti est, quod Moses Cuschaeam uxorem duxisse dicitur: Num. XII, 1. Licet enim ab illis dissentiam, qui Sipporam Midianitidem intelligunt, id tamen ex hoc facto colligo, Cuschaeos ea tempestate quodammodo vicinos Israëlitis fuisse. Quis enim suspicetur, ex Abeffinia, quae longe ultra hostilem Israëlitis Aegyptum sita erat, uxorem a Mose, et vero nigram, expetitam esse? Hoc tamen, quia et possunt longinqua contrahi connubia atque paradoxa, in opinabilibus argumentis numero, non in certis.
- 5) Ab Habacuco, capite III, 10. Midianitae et Cuschaei ita componuntur, ut de Abeffiniis eum loqui, non sit verisimile. Victoriis Israëlitarum, in Palaestinam ingressorum, *indoluisse*, ait, *tentoria Cuschaeorum, et contremuisse aulaea Midianitarum.* Hae autem victoriae quid adferre terroris aut aegritudinis accolis fontium Nili, Abeffiniis, poterant?
- 6) Eodem loco habendum, quod 2 Paral. XXI, 16. *Arabes, qui juxta Cuschaeos habitant*, in hostibus Judaeorum numerantur. Cum enim Abeffinia non finu modo Arabico, sed vastis quoque Africae desertis, ab Arabia distineatur, vix intelligo, quomodo hostes Judaeorum ab aliis pacatioribus Arabiae populis hac nota distingui possint, quod vicini fuerint Abeffiniis. Hoc potius dicere historicus videbitur, gentes Arabicas, Cuschaeis felicis Arabiae vicinas, Judaeis bellum intulisse.

7) Insigne, quod 2 Paral. XIV, 8. legimus, Zerahum, Cuschaeorum regem, Judaeam invasurum, cum ingenti exercitu Maresam usque penetrasse: qui, si Arabiam Felicem ditione tenuit, neutiquam laborabit historiae fides; at si unius erat Abessiniae rex, non poterat ad Maresam castra ponere, nisi tota ante Aegypto subacta. Nec facile conjeceris, quae belli causae Abessiniae regi cum Judaeis esse potuerint, si nihil extra Abessiniam possidebat.

8) Illustrius etiam argumentum in Sennacheribi, Hiskiae, et Taraconis Aethiopiae regis, historia. Sennacheribus enim innumerabili exercitu in Judaea bellum gerens, citato agmino, sed reditum in Palaestinam minitans, revertisse dicitur ad Assyriam defendendam, quod falsus rumor adferret, Taraconem Cuschaeorum regem bellum movere. 2 Reg. XIX, 9. Jes. XXXVII, 9.

Hic enim Taraco si soli imperitasset Africanæ Aethiopiae, in Assyriam penetrare nisi per Palaestinam non poterat: quam cum totam armis teneret Sennacheribus, non crediturus ejusmodi rumoribus erat, nullo dum Aethiopico exercitu in Palaestina viso. Quod si historici sacri verba ita intelligamus, *adlatum Sennacheribo, Taraconem non in Assyriam quidem, sed in ipsam Palaestinam castra movere, eique se hosti cum imparem crederet, in intima Asiae secessisse*: primo quidem ratio reddi nulla potest, cur tantis copiis bellum gerens Assyrius, tamque de suis rebus magnifice sentiens, hoste necdum viso de praelii exitu desperasset, maxime cum in eo jam esset, ut capta Hierosolyma in Ju-

daea debellaret. Neque enim diu resistere posse Hierosolyma videbatur: Taraconem autem, cui tota Nubia et Aegyptus peragrandam, paucorum modo dierum itinere abesse, rex bellorum peritus incerto rumori crediturus non erat. Aegyptus ita habitata et culta, ut facile constare posset, utrum in hac jam esset Taraconis exercitus, an extra illam: quod si nondum in Aegypto hostium castra, non erat, cur fugeret victor hactenus Assyrius, nec potius in Palaestina debellaret. Hierosolyma enim capta, claustra Asiae atque Africae tenebat, multoque erat tutius, ibi hostem operiri, quam deserta omnis Euphratem Asia fugiendo suum in regnum invitare. Fac etiam, diffusum praelio fugisse Assyrium, quid stultius his esse ejus minis poterat, quas Jesaias cap. XXXVII, 10. 11. 12. 13. refert? quas passis in templo manibus literisque deplorasse Hiskiam, nec potius ut inanes risisse, mirum erit.

Sic autem rerum gestarum institue seriem, et omnia verisimilia agnosces. Utramque tenebat Taraco Cuschaecam, Africanam et Arabicam, ex illa Aegypto, ex hac Assyriae imminens, quae illo tempore jam pene ad sinum Persicum pertinebat, Ctesiphontem (*) certe in provinciis habens. Cum ergo Judaeam pene totam armis occupasset Assyrius, Aegypto, ut Herodotus narrat (**), bellum illaturus, sed claustris antea potiturus Asiae, mentiebatur fama, Taraconem ex illa Cuschaecae parte, quae in

(*) Jes. X, 9. Vide quae infra ad versum 10. de כלנה scribemus.

(**) libr. II. c. 141.

in Arabia sita est, per deserta Arabiae agmen ducentem intima Assyriae invadere. Id vero credi rumori poterat: per deserta enim, quae felicem Arabiam inter et finum Persicum sunt, iter faciendum erat Taraconi, ex quibus certus nuntius frustra expectabatur. Ad suum ergo regnum tutandum, non fugam sed iter, festinabat Assyrius, confecto ad Euphratem bello rediturum se in Judaeam, Hierosolymamque eversum, jam non ridicule minitans.

- 9) Ad auctores sententiae devenio, in quibus commemorandis iniquus quodammodo sibi ipsi fuit Bochartus. Primo enim solum nominat Pseudojonathanem, qui pro Cusch Arabes posuerit (*). Addi vero et alii testes possunt: Chaldaeus chronicorum interpres, qui 1 Paral. I, 8. 9. pro Hebraico כּוּשׁ habet עִרַב, *Arabem*, (verum illa versio tempore Bocharti nondum typis vulgata erat): deinde Chaldaicus prophetarum interpres, verus Jonathan. Hic enim aliquoties כּוּשׁ Indiam vertens, Arabiam Felicem intellexisse videtur, veteribus, Syris maxime ac Chaldaeis, ita dictam, ut infra de Joctanitis agens exponam copiosius. Exemplo sit, Jes. XI, 11. et Sophon. III, 10. ubi pro Hebraico כּוּשׁ Chaldaice הִינד *India* legitur. Denique et Syrus 2 Paral. XVI, 8. eo quidem loco, ubi de adcolis Indi nemo somniet, סִינִי *Indos* pro Cuschaeis reposuit.

Deinde qui ex veteribus Aethiopiam nominant, non ideo Arabiam repudiare existimandi sunt: cum
du-

(*) Posteriorum e veteribus, quod paraphrasi Genes. X, 6. pro Hebraeo sciam, SOLUS Jonathan, in cujus Chus est עִרַבִּיא Arabia.

duplex sit, cis et ultra sinum Arabicum, Aethiopia. Non bene ergo rem suam gessit Bochartus, hos omnes suae sententiae opponens, ac pro sola testimonium dicere Abessiniam autumans.

Hae mihi fere rationes sunt, Cuschaeae nomine partem Arabiae complectendi: quarum aliquas et Bochartus commemoravit, sed admittis levioribus aut falsis, quare quae aliquid momenti facturae videbantur, eas repetendas, meisque verbis explicandas censeui. In falsis habeo, quod loco Ezechielis, c. XXX, 8. 9. *ibunt nuntii navibus ad terram Cuschaeam*, adscripsit: (p. 212.) *de Arabia hoc commode intelligi posse, in quam Aegyptii navibus per mare rubrum saepe commeent; de Aethiopia nequaquam, in quam ne per Nilum quidem adversum navigetur, ob catarrhactas propter Syenen.* Atqui omnino ex Aegypto in Aethiopiam navigari constat, nec obstare catarrhactas: namque aut rates terra portant, ubi ad catarrhactas ventum est, aut illis superatis pedestre unius diei iter emensi, alia trans catarrhactas navigia conscendunt. Legant, qui volunt, NORDENII commentarios itineris per Aegyptum, ne mihi credere opus habeant, sed viro, qui ipse cis et trans catarrhactas inferiores, Aethiopiam petens navigavit, donec feritas illum incolarum Nubiae reverti cogeret. Mercatores quidem ex Aethiopia in Aegyptum navigantes, supra maiorem catarrhacten ad urbem Jalac adpellunt, indeque terra XII dierum iter Syenen faciunt, iterum ibi naves conscensuri, ut Nubienfis geographus tradidit (*): vel sic tamen supra Jalac et infra Sye-

(*) *Climatis I, Parte IV, p. 17.* versionis latinae, seu Arabici operis, quamquam illi paginae non adscriptae sunt, vicesima. Verba adscribo

Syenen navibus utentes. Verum ex Nordenio certum, unius diei itinere supra Syenem naves jam iterum conscendi posse: quod qui faciunt, bis illis, ad minores majoresque catarrhactas, ex navibus egrediendum, uniusque diei iter terra faciendum.

Idem autem nomen כוש, Abessiniam quoque, seu Africanam Aethiopiam complecti, his argumentis certum et indubitabile habeo:

- 1) Primum locum dabo insigni Josephi testimonio, suo adhuc tempore Aethiopiam hoc nomine vocitam adfirmantis. Praefatus enim, aliqua nomen, quibus Chami posteros Moses indigitet, in desertum abiisse, כוש et מצרים ex hoc numero excipit: χουσόν μιν, inquit, οὐδὲν ἐβλαψεν ὁ χρόνος, Αἰθίοπες γὰρ, ὧν ἤρξεν, ἔτι καὶ νῦν ὑπὸ ἑαυτῶν τε καὶ τῶν ἐν τῇ Ἀσίᾳ πάντων, χουσαῖοι καλοῦνται: *Chuso nihil tempus detrivit. Aethiopes enim, quorum conditor fuit, vel in hunc usque diem et ipsi se Chusaeos dicunt, et ab omnibus in Asia ita appellantur.* L. I. c. VI. §. 2. De Ae-

scribo auctoris, diu mihi desiderati, et quo nunc primum uti incipio, ex Clewbergiana bibliotheca nuper admodum emto. Naves Nigrorum, ubi ad Salac processerunt, usque ad montem Ganadel, cum nequeant ulterius progredi ad terram Aegypti, redire coguntur. - Catarrhactas deinde describit, pergitque: quare postquam Nubarum a-

liorumque Nigrorum naves ad istum Nili locum appulerunt, - - mercatores de ventre navium ad dorsa camelorum merces suas convertunt, et per desertum iter faciunt ad urbem Asuan, (Syenen) quae ab hoc monte distat spatio XII stationum. Et paulo deinde: eadem quoque ratione Aegyptiorum naves non ascendunt, nisi usque ad urbem Asuan.

Aethiopibus Africanis eum loqui, nemo in dubium vocaverit, qui aut reliqua, quae sequuntur, aut ea, quae de expeditione Mosis Aethiopica habet, legerit. Hanc ergo si universa Josephi tempore Asia כוש vocabat, si ipsi adeo eodem se nomine insigniebant: dubiumne esse poterit, quin ad Cuschaeos Mosis referendi sint.

- 2) Nec temere id Josephum scripsisse, usus linguae Syriacae confirmat. Ut enim ea non repetam, quae supra de Cuschaeis Thebaidem attingentibus ex Syro scriptore retuli; Candace, quod nomen reginis Meroës commune fuisse novimus, femina certe Africana, *Cuschaea*, ejusque eunuchus *Cuschaeus* est Syro Novi testamenti interpreti. Vide eum Act. VIII, 27. ubi Graeca, ἀνὴρ Αἰθίοψ, δυναστής Κανδάκης βασιλίσσης Αἰθίοπων, reddit, *ثم انما وجدته بجنداء بخدمتك فخلصنا وضممنا*, ex quibus Syriacis Arabs, suae gentis nomen non ignorasse credendus, *Habessinios* reddidit. Ergo in vulgari Syrorum lingua *Cusch* erat Abessinia. Urbem *Cuscha* (كوشه) in Nubia sitam, et a Nubienfi geographo commemoratam, non nisi obiter commemoro; ad alia forte illa usurus. Verba tamen adscribo, فمنها مدينة كوشه الواعلة وبينها وبين مدينة فوابه ستة ايام وهي تبعد عن النيل بسبيل وموضعها فوق خط الاستواء, *ad Nubiam pertinet urbs Cuscha, quam inter et Nuvabiam urbem sex dierum intervallum est. Non procul abest a Nilo, estque sita ultra lineam aequinoctialem.* (In uno errat, quod nimis facit australem regionem. Sed de

de hoc errore, dudum a geographis castigato, non est hic dicendi locus.)

3) Jesaias c. XVIII, 1. et Sephanias c. III, 10. *flumina Cuschaeae* (כּוּשׁ) commemorant, haec ergo Cuschaea Arabiae esse nequit, fluminibus nullis nobilitatae, et in qua vix aliqui ostendi rivi possunt in mare influentes.

Huic argumento quod reponit Bochartus (*), *terram intelligi mediam inter Judaeam et Aegyptum, cujus flumina sint, Besor, in mare mediterraneum, Rhinocorurae torrens, in lacum Sirbonidem, Trajanus amnis in mare rubrum et Heroum urbem influens, et Corys, e quo regem Arabum tres aquarum elices in viam deduxisse, qua Babylone in Aegyptum ierit Cambyses, testetur Herodotus*, vanum est: pro celebribus enim et magnis, quos lectorum expectationi debebat, fluviis, ignobiles rivos, atque adeo torrentes aestate aridos, reponit, a quibus nemo Aegyptum, ut regionem ultra flumina sitam, prouti Bochartus vult, descripserit. At Aethiopia Africana et Nilum, ingentem fluvium reliquorumque in Africa principem, et alios fundit alitque.

Hunc in Jesaiae locum cum inciderim, quaeri ex me posse video, quid de eo sentiam, cum totus sit geographicus. Ac displicet vero ea Aegypti descriptio, quam plerique hic inveniunt, Bocharto obnitente, *terra trans flumina Aethiopiae*, i. e. trans
Ni-

(*) pag. 212.

Nilum. Non est Aegyptus trans Nilum, sed ad Nilum: nec attinebat, hunc fluvium in describenda Aegypto ab Aethiopia denominari.

Ego vero non Aegypto adclamari a propheta putem, sed intimis ultra Abeffiniam Africae regionibus, forte eo tempore parum cognitis: sed has adclamations poëtae amant. Nuntium de clade Afsyrii regis, illustrique Dei facto, ad omnes perferri cupit, remotissimas gentes,

ultra anni solisque vias.

Primo ergo ad eum audiendum advocat, *terram* צֶלֶל כְּנָפַיִם, quam ego interpretari auiam, *terram tinnitus alarum*: צֶלֶל enim *tinnitum* significare, quis ignorat? Alas autem et soli, et aurorae, Hebraei dederunt, ut Graeci atque Latini currum. Vide Malach. III, 20. Ps. CXXXIX, 9. Harum alarum acutum stridorem, qualis in summa celeritate audiri solet, in regione orbitae solis subiecta percipi fingunt, fere ut TACITUS sonum emergentis solis trans Sviones audiri narrat (*), (quamquam ut rem fabulosam) Juvenalisque cecinit,

Audiet Herculeo stridentem gurgite solem.

Haec ergo mihi verborum interpretatio: *heus terra stridoris alarum, quae sita es ultra fluvios Aethiopiae!* hac sententia: *audies haec, ultima terrarum, ultra solis et anni orbitam, atque ultra Aethiopiam fontesque Nili sita.*

Sephaniae verba eodem modo accipio. Non ex Aegy-

(*) German. cap. 45.

Aegypto, ut volunt, sed ex remotissima ultra fontes Nili Africa munera Deo et sacrificia promittit.

- 4) Ex Jeremiae loco cap. XIII, 23. paret, Cuschaeorum alium colorem esse, quam reliquorum mortalium, cujus nigredo nulla aquae copia elui possit. *Cuschaesusne*, inquit, *mutabit cutem, aut pardus maculas suas?* Hoc unum praeviderat telum Bochartus (*), satis se violenter contorquens, ut illud exeat. Arabes intelligi jubet, qui subfusci sint, Judaeorum similes. Non animadvertibat, suo se jam telo jugulari: si enim Judaei eodem subfusco erant colore, quo Arabes, non potuit Jeremias, homo Judaeus, hunc colorem in Arabibus tanquam peregrinum sibi illisque peculiarem notare, sed de populis omnino nigris loqui existimandus est.

* * *

מִצְרַיִם *Et Aegyptus.*

Cum de significatione nihil dubii relictum sit, grammaticas modo minutias, vacat enim, persequemur. Singulariter nomen scribitur, מִצְרַיִם 2 Reg. XIX, 24. Jes. XXXVIII, 25. XIX, 6. Mich. VII, 12. ubique plene. In hujus nominis forma errari a philologis, veteranis quoque, video. Bochartus enim putat, munitum locum significare, vel etiam coarctatum, a צֹרֶר vel צָרֶר (**), memor tamen, ex legibus grammaticis ita nomen duale non מִצְרַיִם sed מִצְרַיִם punctandum fuisse (*): Simonis,

no-

(*) pag. 215. unum habent, quod opponant.

(**) Libr. IV. c. 25. pag. 259.

(***) Misrajim puto factum per

nomen singularis numeri aliter concipiens, quam scriptum legitur, מִצְרַיִם, derivat tamen ab eadem radice צִיר, et, quo etymo vix aliud veri dissimilius fingi possit, vertit, *pressionem matris geminam, i. e. ab utraque parte* (*). Hoc quid sit, ipse non exposuit: si ad pressionem embryonis in utero matris refert, scire cupiam, aline embryones altera parte ex utero matris existant? si de compressione matris a marito facta, magis etiam miror, Chammum, hominem ut opinabimur suspicionibus indulgentem, in diarium suum fastosque retulisse, quo modo quavis nocte cum uxore concubuerit, utrum cum semilupina, an supina.

Obstat autem utrique derivationi singularis forma, מִצְרַיִם, quae, sive a צִיר sit sive a צָר, non poterat alium dualem habere, quam מִצְרַיִם, *Mesoraim*. Puncta autem erroris arguere, ac nomen aliter quam *Misraim* (מִצְרַיִם) appellare, nec per eos licet, qui diu ante Masorethas Graecis Latinisque literis nomen scripserunt, nec per reliquas Orientis dialectos. Syris enim מִצְרַיִם Aegyptus est, Arabibus مِصْر (non sola, ut voluit Bochartus, Aegypti metropolis): nomen autem Hebraicum his literis Graeci Latinique scribunt, *μεσραιμ* LXX, *μεσραιμ* Hexapla Origenis Hof. X, 1. *Mesraim* Vulgata, *μεσρα* - - - Josephus, isque praefatus, suo adhuc tempore Aegyptum ita vulgo adpellari. Monens enim, ut

compendium ex *Mesorajim*; nam
singulare est, MASOR.

(*) Onomasticon, pag. 294.

jam supra dixi, plerorumque Chami posterorum nomina a Mose prodita intercidisse, manere alia, horum exemplum מצרים ponit: ἐτηρήθη, inquit, καὶ Μεστρά-
οις ἢ κατὰ τὴν προσηγορίαν μνήμη. Τὴν γὰρ Ἀγυ-
πτον Μέστρην, καὶ Μεστράλους τοὺς Ἀγυπτίους ἄ-
παντας, οἱ ταύτην ὀνομαζέμενοι καλοῦσι.

Malim ergo מצר a verbo מצר derivare, ut sit for-
mae גר, cuius pluralem constructum facimus גר, duallem גר facturi, si duali opus esset. Unde ita dicta regio ignorare me non pueret. Certum est, מצרים Aegyptum esse, nec multum ignorabo si id unum ignorem, unde nomen habeat. Certe ne patriae quidem gentisque meae nomen, Deutsch et Deutschland quisquam ita ad origines revocavit, ut etymo fidere audeam: Aegypti ergo nomen satis habeo, si vel sine etymo intelligam, donec de patriae nomine constet. Quid? si Aegyptium nomen sit, non Hebraicum? ne tum quidem derivationem ab Hebraico verbo desperabimus? Si tamen Hebraicum est, ut sonus prope ipse et inflexio prodit, suspicari ausim, Mem radicale esse; dictamque putem Aegyptum a termino, quem facit, Asiae Africaeque. Arabibus enim مصر terminus seu limes est, nec aliud significare videtur adpellativum Hebraicum מצר Thren. I, 3. Habac. II, 1. quae loca verto, alterum intra suos eam fines hostes assequuti sunt, non amplius longinqua gerentem bella, sed Palaestinae illarum moenibus propulsantem, alterum: in specula consisto ad fines seu terminos terrae, procul venientem hostem prospiciens. Quod enim

nim plerique in Threnis habent, *intra castella Sionem assequuti sunt*, impeditius, quodque in Habacuco, *in castello confisto et speculor*, aliene dictum videtur. Nec primus hunc significatum Hebraico vocabulo vindicare conor, sed praeivit jam Chaldaeus, Thren. I, 3. vertens, **בֵּין תְּחֻמֵּי**.

Unde autem factum sit, ut Aegyptus dualiter plerumque **מִצְרַיִם** vocetur, de eo conicere malim, quam sententiam dicere. Pertinetne dualis ad Asiam Africamque, quarum terminus est Aegyptus? an ad superiorem et inferiorem Aegyptum, illam antiquam et orbi condito coevam, hanc olim sinum, sed limo Nili exaggeratam, ut ex mari mediterraneo emergeret?

Nomen **מִצְרַיִם** non viri, sed regionis esse, ex ipso duali numero probatum ivit Bochartus, vere ille, nec tamen recte argumentum instruens. Apertum enim latus dedit Relando, Ephraimi illi nomen, quod ipsum duale est, opponenti (*). Quod si ita disputationem instituisset Bochartus, Aegyptum jam singulariter **מִצְרַיִם**, jam dualiter **מִצְרַיִם** dici, idque in virorum nominibus insolitum esse, vix futurum Relando fuisset, quod ei responderet.

* * *

וּפֶטַח *Et Phut.*

Primo ad lectionem quod attinet, Vau praefixum omisit Samaritanus, pariagentium pro more suo copulans, cui hic consentiunt LXX.

Prae-

(*) p. 62. Palaestinae.

Praeterea per D scribunt LXX ΦΟΥΔ, non hic solum, sed et in libro Judithae, c. II, 23. his enim duobus locis nomen Hebraicum Graecis literis scribunt, alibi interpretantur. Nec tamen hoc ad varietatem lectionis referre ausim: accidere enim potuit, ut interpreter ט Arabum more, ubi literae punctum inscribunt, (ط) mollius efferret.

Libyes sunt Alexandrino prophetarum interpreti, Jerem. XXVI, (Hebraice XLVI,) 9. Ezech. XXVII, 10. XXXVIII, 5. quarto autem loco, quo idem nomen in prophetis occurrit, Nahum. III, 9. adpellative reddidit, Φυγής, videturque פֶּלֶשׁ, pro פֶּלֶשׁ legisse. Compara Hebraica, פֶּלֶשׁ אֵין קֶצֶה פֶּלֶשׁ, Graecis, οὐκ ἔσται πέρας τῆς Φυγῆς, et mecum consenties. Libyes etiam latine vertuntur in Jeremia et Ezechiele: uno autem Nahumi in loco, c. III, 9. ubi cum פֶּלֶשׁ componuntur לוֹבִיִּם, sonum Libyae referentes, non ausus est Hieronymus, Libyam et Libyam componere, ideoque לוֹבִיִּם פֶּלֶשׁ vertit, *Africam et Libyes*, Africae nomine pro פֶּלֶשׁ usus. Libyam hic Africam esse circa Carthaginem, non, ut Arabicus Jeremiae et Ezechielis interpret voluit Nubiam, geographiae antiquae peritos docere non est necesse.

Hos auctores citare placuit, quia video a Bocharto omitti, licet cum illis consentiat, Africamque ultra Tritonidem, sed argumentis ductus quae nihil momenti faciunt, intelligat. Nempe in quaestione historica minus, quam par erat, testibus, plus conjecturis tribuebat. Unum tamen probō, quod Josephum sententiae auctorem citat, cujus verba lectu dignissima, quoniam de illis consulere eruditos, eosque omnes qui Africam Occidentalem adeunt, lubet, praeter morem meum adscribo, postquam ea Bochartus descripsit: ἔκτισε δὲ καὶ Φούτης τὴν

Λιβύην, Φούτους ἀπ' αὐτοῦ καλέσας τοὺς ἐγχωρίους. Ἔστι δὲ καὶ ποταμὸς ἐν τῇ Μαύρῳ χώρᾳ τοῦτο ἔχων τὸ ὄνομα. Ὅθεν καὶ τοὺς πλείστους τῶν Ἑλληνικῶν ἱστοριογράφων ἔστιν ἰδεῖν μεμνημένους τοῦ ποταμοῦ, καὶ παρακαμένης αὐτῷ χώρας, Φούτης λεγομένης. Μετέβαλε δὲ ὁ νῦν ἔστιν ὄνομα ἀπὸ τῶν Μεστραΐμου υἱῶν ἐνδὲς, Λίβυος λεγομένου: i. e. *Phutes Libyam condidit, cujus incolae ab illo Phutaei vocantur. Superest fluvius in Maurorum regione, hoc nomen habens, cujus et multi mentionem faciunt historici Graecorum, adjacentisque regionis, quam Phuten dicunt. Nomen autem mutavit, illudque, quod nunc est, sortita est regio à Libye Mesraimi filio. Ad quae verba haec mea notata numeris distinguam:*

- 1) Josephus nomina gentis, regionis, fluminis, Φούτ scribit, unde liquet, Hebraica eum, non Graeca consuluisse, alioquin enim Φουδ per D scripturus erat.
- 2) Verisimilem Josephus conjecturam facit. In Africa enim Phutaei, post Aegyptios nominati, quaerendi videntur, quos ubi nomen concinens arguit, quis repudiet?
- 3) Fluvium cognominem demonstrat, Φούτην. Ilabitur ille ex regno Maroccano in mare Atlanticum, atque a Plinio his verbis describitur (*): *indigenae tradunt, . . . amnem, quem vocant, FUT, ab eo ad Dyrin (hoc enim Atlanti nomen esse eorum lingua convenit), ducenta millia passuum, inter-*
ve.

(*) libr. V. c. I. pag. 242. lin. 23. editionis Harduinianae.

veniente flumine, cui nomen est VIOR. Harduinus illum regni Maroccani fluvium intelligit, ad cuius ostium sita *Azafia*.

4) Multos Graecorum huius fluminis ac gentis mentionem facere scribit, idque ex eo repetit Hieronymus. Hi vero qui sunt? Utinam eos consulere ipsos possimus! Periisse videntur illi, in quibus Plinius id legit: qui enim in Mauretania describenda ΘΥΘ ποταμοῦ ἐκβολὰς, laudat, Ptolemaeus (*), eundem quidem fluvium designare videtur, librariorum errore ex ΘΥΘ in ΘΥΘ mutato nomine, sed Plinio junior ab eo legi non potuit.

Hanc ergo ultimam ad mare Atlanticum Africam Phutaeam esse, Josephi testimonio et argumentis credo, donec certius quid adferatur. Quae de etymo nominis stabilis sententiae addidit Bochartus, dispersos ac vagos Numidas a γη dictos autumans, ea in quaestione geographica, ut saepe professus sum, displicent. Alii aliud etymon commenti, ut Simonis p. 45. Onomastici, *extendit*, quod Phutus fuerit *augmentatio familiae*. Quis autem nobis spondebit, remotissimum extremae Africae populum nomen sibi ex lingua Hebraea adscivisse? Quod si omnino lubebat, inutilem de nominis etymo disputationem suscipere, de eo fuisset ante omnia dicendum, quod Hieronymus ad Ezech. XXVII, 10. prodidit, *Phut OS sonare scribens. Libyes, inquit, qui Hebraico sermone PHUT appellantur, et vertuntur in OS, (ab Ore, non ab Offe)*. Id vero cum ~~non~~ neutiquam significet, suspicioni locus esse potest, ~~non~~ eum in Ezechiele legisse,

ac

(*) geogr. L. IV. c. V. pag. 93.

ac latine quoque PHUM scripsisse, sed verba ejus ad versionem receptam latinam mutata esse a librariis. Quamquam ne de hoc quidem aliquid adseveraverim, fieri enim potuit, ut Hieronymus vocabula sono cognata confunderet: suspicionem tamen variae lectionis, ut in critica scriptione, indicandam putavi.

Caeterum et hoc notatu dignum, Phutacos a nullo illorum scriptorum, qui a Mosis tempore usque ad Hiskiam vixerunt, nominari, ut pene interiisse videantur: brevi autem post tanquam ab inferis existere, atque aliquoties a prophetis, Nahumo, Jeremia et Ezechiele, nominari, et vero semper ut mercenarios aliorum populorum milites, Aegyptiorum maxime et Tyriorum. Vide Nahum. III, 9. Jerem. XLVI, 9. Ezech. XXVII, 10. XXXVIII, 5. Videntur ergo illo tempore stipendiis apud externos factis in Oriente inclaruisse: nec id a Maurorum ingenio, quale bellis Romanorum et Carthaginensium cognitum habemus, abludit. Aegyptii ergo et Tyrii cum conductum ex Mauretania militem haberent, ad eorum exemplum Gogo quoque, undique exercitus conscribenti, Ezechiel tribuit, futuri populi mores sui temporis moribus adcommodans. Non haec observata interpretibus, sed de his locis differentes, aut arcum aut clypeos laudant Africanorum, quasi vero arcus aut clypeus in indiciis populi numerari possit, nec fuerit plerisque antiquis gentibus communis.

Si quid certius et exploratius sperari possit, ex Syrorum illud monumentis eruendum arbitror. Syri enim et Chaldaei ubique nomen Phutaeorum, ceu notum in sua lingua, retinent.

In Judithae libro c. II, 23. Phutaeorum nomen Graece et Syriace legitur: sed qui illud inseruit (abest enim a Latina versione), situs regionis ignarissimus nomina credo gentium, victoris Holofernis currui praeferenda, undecunque conquirebat. Ad Phutaeos enim, qui illicunque sint, Holofernes in ea, quae narratur, expeditione pervenire non potuit. Quod ideo monendum arbitror, ne quis illo loco in disputatione de terra Phutaeorum, aut ad novam inveniendam, aut ad refellendam Iosephi sententiam, utatur.

Arabicus Moſis interpres in polyglottis excusus *تقت* (*Takt*) vel, ut alii scribunt, *تفت* (*Taft*) vertit, quod quid sit adhuc se quaerere aiebat Bochartus. Equidem invenisse mihi videor. Coptos volebat Arabs, non hos qui nobis ita dicuntur, sed superioris Aegypti incolae, in qua et Coptum urbem habemus, nostro tempore *KIFT* dictam (*); et nomen cognominem. Scripserat ergo, ni fallor, *تفت*, sed a quibus literis facilis est, lapsu librarii et punctorum omissione, transitus ad *تقت* vel *تفت*. Solent enim a librariis puncta, quibus literae Arabicae distinguuntur, saepe omitti, atque ab aliis pro arbitrio prave suppleri: literae autem, *ق* et *ت*, in manuscriptis ita similes, ut nonnunquam discernere eas difficile sit, saepe a librariis confunduntur. Conjecturam, quam feci, confirmat Arabicus chronicorum interpres, *Phu-*

(*) HERBELOT *bibliothèque Orientale* p. 1003. et 1004, sub *Kibth* et *Kift*, utroque enim modo nomen ab Arabibus scribi memorat, unde, quod in chronicis legitur *قبط*,

quodque in Genesi *تفت*, unum idemque nomen habendum. A Nordenio *قبط* scribitur, tabula 97. itinerario adjecta, sub hora navigationis Niloticæ 123.

Phutaeos قبط, id est sine dubio Coptos vertens. Ut ergo prophetarum interpret Arabicus in Nubiam, sic Saadias, et qui libros chronicorum Arabicos fecit, in superiorem Aegyptum Phutaeos deduxit.

Mira est Jonathanis hoc loco, et Chaldaici chronicorum interpretis, versio, incognitam nobis gentem אליזרק (*Aljachrak*) habentium. Ex articulo *Al' Arabicum* nomen facile agnoveris. Matthias Beckius primo tentabat, *Al' Irak*, Asiae regionem, sed memor, ejus nomen per Ain scribi, العراق; hac repudiata conjectura suspicari coepit, אלמרק rescribendum, regnumque Marocco intelligendum esse. Sed et huic conjecturae obstare arbitror, quod Marocco non מרק, sed מראכש (مراكش) scribitur. Regionem ergo *Aljachrak* adhuc me ignorare fateor, alius forte, aliud agens, in scriptis Arabum reperiet.

וכנען *Et Canaan.*

Canaan viri nomen esse, qui gentem sibi cognominem condidit, ob historiam Genes. IX, 18 - 27. credo. Certum quoque, eos qui Graecis Latinisque Phoenices sunt, ab Hebraeis Cananaeos vocari, quo de argumento quae Bochartus disputavit (*), nominis quoque reliquias apud Graecos colligens, non repero, ad ea festinans, quae Bochartianis addenda videntur.

Primo ergo non ab Hebraeis modo, sed sua quoque lingua Cananaei dicti fuerunt, quos Graeci Phoenices adpel-

(*) L. IV. c. 34.

pellant. Constat id ex nummis Phoenicias literas habentibus, quos consulere Bocharto nondum licuit, nostro demum tempore legi et intelligi coeptis. *Joannes Swinton*, Phoeniciae literaturae restaurator, ante hos novem annos nummum et delineari curavit (*), et interpretatione illustravit, Antiochi quarti tempore cūsum, in quō haec literis Phoeniciis leguntur, לל אדכא חנא בכנען, *Laodiceae matris in Canaan*, id vero est, primariae Phoeniciae urbis. Non ergo, ut voluit, Bochartus, *Phoenices ideo in Graecorum monumentis nusquam Chananaei vocantur, quod puduit illos sui nominis, deseruntque ita appellari, ob anathema contortum in patrem suum Chanaan (**):* sed ipsi constanter satis, ac diu post Alexandrum Magnum, nomen paternum retinuerunt, licet a Graecis, ob ubertatem ut puto palmarum, regio Phoenice, ipsique Phoenices dicerentur. Displicet certe, quod Bochartus (***) habet de nomine Graeco ab Hebraico בני ענק (*Bene Anak*) magna literarum strage orto. Nimis ille Hebraicis gaudebat etymologiis: nec meminerat, non paucas gentes apud exteros nominibus vocari, suae linguae ignotis, ut cum Germani Slavis *Nemcy* sumus, aut Africae regionem adventitii Arabes ob eandem palmarum abundantiam, *Baladulgerid* (بلد الجريد) vocitarunt. Sed haec obiter, etymologicas enim quaestiones in geographia non magni a me fieri meminerunt forte lectores, ac commonefaciunt.

Certum autem habeo, quantumvis abnuente Bocharto, quod Herodotus tradidit, primas Phoenicum sedes non

(*) *Gentleman's Magazine*, for Decemb. 1760. p. 360.

(**) pag. 301.

(***) Pars II. libr. I. c. 1. pag. 346. 347.

non in Palaestina et Phoenice, sed in Arabia ad mare Erythraeum fuisse, unde mercaturae opportunitate allekti, colonias in Palaestinam dimiserint, et condiderint emporia, ac tota deinde regione potiti sint. Ipsius verba adscribo, quibus statim in operis initio ut acceptum a Persis refert: Φοίνικας ἀπὸ τῆς Ἑρυθρῆς καλεομένης θαλάσσης ἀπιομένους ἐπὶ τὴν δὲ τὴν θάλασσαν, καὶ οἰκήσαντας τοῦτον τὸν χώρον τὸν καὶ νῦν οἰκέουσιν, ἀντίκα ναυτιλίῃσι μακρῇσιν ἐπιθέσθαι: i. e. Phoenicas a mari rubro ad hoc nostrum profectos, eamque regionem, in qua adhuc habitant, occupantes, longinquis continuo navigationibus se dedisse. Similiter Justinus, L. XVIII. c. 3. Tyriorum gens condita a Phoenicibus fuit, qui terrae motu vexati, relicto patrio solo, Assyrium stagnum (lacum Tiberiadis) primo, mox mari proximum litus incoluerunt, condita ibi urbe, quam a piscium ubertate Sidona appellaverunt.

Haec aliqui damnarunt, Mosis se auctoritatem sequi putantes: ille vero non solum nuspiam contraria tradidit Herodoto, sed et aliud agens magnopere et confirmavit, quae Herodotus habet, et illustravit: qua de re copiosius in commentationibus *de troglodytis Seiritis* §. 3. 4. 5. 6. et *de Nomadibus Palaestinae* §. 4. egi, hic pauca repetam, novumque rei testem ex Oriente addam.

Ipse ergo Moses, bis in vita Abrahami scribens, Cananaeos TUNC in Palaestina habitasse (*), neque illud TUNC suo tempori opponere putandus, quippe quo tota Palaestina Phoenicum erat a Josua demum debellandorum,
ut

(*) Genes. XII, 6. XIII, 7.

ut notum sumit, alias olim Cananaeorum sedes, aliosque Palaestinae incolas fuisse. Deinde troglodytarum aliquam describit antiquissimam gentem, quae ante Esavum in Idumaea habitavit (*), memoratque, ex hac gente fuisse Oholibamam, Anae filiam, neptem Sibeonis (**), quam matrimonio Esavus duxerit (**). Haec autem Oholibama sine dubio Cananaea; namque et pater ejus, Chivvaeus, aut potius Chitthaeus dicitur(**), et Moses ipse narraverat, tres uxores duxisse Esavum, duas Cananaeas, unam Abrahami ex Ismaële neptem. Genes. XXVI, 34. 35. XXVIII, 8. 9. Jam cum nemo Oholibamam, cujus stirps Troglodytica, pater Ana, avus Sibeon, proavus Seir, memorantur, Abrahami neptem filiamque Ismaëlis habiturus sit, sequitur, ut sit ex duabus Cananaeis Esavi uxoribus altera. Quod si est, Troglodytae, qui ante Esavum in Idumaea habitarunt, Cananaei erunt.

Haec scribenti novus se offert, nec antea auditus testis, Abulfeda, ex cujus insigni loco constat, in ea Orientales opinione fuisse, ex Arabia egressos Cananaeos eas Syriae partes, quas deinde habitarunt, occupasse. Syria Arabice شام (*Scham*), i. e. *Sinistra*, vel *Borealis*, dici-

(*) Genes. XXXVI, 20 - 30.

(**) Genes. XXXVI, 25.

(***) Genes. XXXVI, 2.

(***) Genes. XXXVI, 2. vocatur חרר, sed pro quo חרר (*Troglodyta*) legendum suspicatus sum, quia, qui Chitthaeus est, non idem et Chivvaeus esse poterat: duae enim diversae Phoenicum gentes. Chitthaeus autem pater alterius uxoris

Esavi fuisse dicitur Genes. XXVI, 34. quamquam ibi Juditha alio nomine vocatur, quae hic Oholibama, errore librariorum? an quod duplex erat nomen his feminis, quorum altero Arabes utebantur, altero Israelitae? Multi sacris literis celebrati ita binomines, aliter eos Hebraeis vocantibus, aliter Arabibus.

non in Palaestina et Phoenice, sed in Arabia ad mare Erythraeum fuisse, unde mercaturae opportunitate allecti, colonias in Palaestinam dimiserint, et condiderint emporia, ac tota deinde regione potiti sint. Ipsius verba adscribo, quibus statim in operis initio ut acceptum a Persis refert: *Φοίνικας ἀπὸ τῆς Ἐρυθρῆς καλεομένης θαλάσσης ἀπικομένους ἐπὶ τὴν δὲ τὴν θάλασσαν, καὶ οἰκήσαντας τοῦτον τὸν χώρον τὸν καὶ νῦν οἰκέουσιν, αὐτὰ καὶ ναυτιλίῃσι μακρῇσιν ἐπιθέσθαι: i. e. Phoenicas a mari rubro ad hoc nostrum profectos, eamque regionem, in qua adhuc habitant, occupantes, longinquis continuo navigationibus se dedisse. Similiter Justinus, L. XVIII. c. 3. Tyrriorum gens condita a Phoenicibus fuit, qui terrae motu vexati, relicto patrio solo, Assyrium stagnum (lacum Tiberiadis) primo, mox mari proximum litus incoluerunt, condita ibi urbe, quam a piscium ubertate Sidona appellaverunt.*

Haec aliqui damnarunt, Moſis se auctoritatem sequi putantes: ille vero non solum nuspiam contraria tradidit Herodoto, sed et aliud agens magnopere et confirmavit, quae Herodotus habet, et illustravit: qua de re copiosius in commentationibus *de troglodytis Seiritis* §. 3. 4. 5. 6. et *de Nomadibus Palaestinae* §. 4. egi, hic pauca repetam, novumque rei testem ex Oriente addam.

Ipse ergo Moſes, bis in vita Abrahami scribens, Cananaeos TUNC in Palaestina habitasse (*), neque illud TUNC suo tempori opponere putandus, quippe quo tota Palaestina Phoenicum erat a Josua demum debellandorum,
ut

(*) Genes. XII, 6. XIII, 7.

ut notum sumit, alias olim Cananaeorum sedes, aliosque Palaestinae incolae fuisse. Deinde troglodytarum aliquam describit antiquissimam gentem, quae ante Esavum in Idumaea habitavit (*), memoratque, ex hac gente fuisse Oholibamam, Anae filiam, neptem Sibeonis (**), quam matrimonio Esavus duxerit (*). Haec autem Oholibama sine dubio Cananaea: namque et pater ejus, Chivvaeus, aut potius Chitthaeus dicitur(**), et Moses ipse narraverat, tres uxores duxisse Esavum, duas Cananaeas, unam Abrahami ex Ismaële neptem. Genes. XXVI, 34. 35. XXVIII, 8. 9. Jam cum nemo Oholibamam, cujus stirps Troglodytica, pater Ana, avus Sibeon, proavus Seir, memorantur, Abrahami neptem filiamque Ismaëlis habiturus sit, sequitur, ut sit ex duabus Cananaeis Esavi uxoris altera. Quod si est, Troglodytae, qui ante Esavum in Idumaea habitarunt, Cananaei erunt.

Haec scribenti novus se offert, nec antea auditus testis, Abulfeda, ex cujus insigni loco constat, in ea Orientales opinione fuisse, ex Arabia egressos Cananaeos eas Syriae partes, quas deinde habitarunt, occupasse. Syria Arabice شام (*Scham*), i. e. *Sinistra*, vel *Borealis*, dici-

(*) Genes. XXXVI, 20 - 30.

(**) Genes. XXXVI, 25.

(* *) Genes. XXXVI, 2.

(* **) Genes. XXXVI, 2. vocatur חרי, sed pro quo חרי (*Troglodyta*) legendum suspicatus sum, quia, qui Chitthaeus est, non idem et Chivvaeus esse poterat: duae enim diversae Phoenicum gentes. Chitthaeus autem pater alterius uxoris

Esavi fuisse dicitur Genes. XXVI, 34. quamquam ibi Juditha alio nomine vocatur, quae hic Oholibama, errore librariorum? an quod duplex erat nomen his feminis, quorum altero Arabes utebantur, altero Israelitae? Multi sacris literis celebrati ita binomines, aliter eos Hebraeis vocantibus, aliter Arabibus.

citur, septentrionem enim a laeva manu habere olim sibi videbantur Arabes, faciem orienti soli obvertentes (*). Hujus ergo nominis rationem redditurus ABULFEDA, ita dictam putat Syriam, quod Cananaei ab Austro in eam intrarint, utpote sibi antea borealem, sitam enim Arabiae regionique Meccanae versus septentrionem. Verba ipsius, pagina 5 descriptionis Syriae, haec sunt: *وانما سمي شاما لان قوما من بني كنعان تشاوموا اليها اي تباشروا اليها لانها عن يسار الكعبة*, *nominata est SCHAM, seu SINISTRA, quod coloniae filiorum Canaan sinistrorsum in illam migrarunt, utpote Caabae (**) a sinistra (septentrione) sitam.*

Hic quoque locus est de Amalecitis (עמלק) dicendi, populo sacris literis celebratissimo, quem eundem cum Cananaeo esse arbitror; hoc uno discrimine, quod qui ejus stirpis Palaestinam Syriamque incolebant, *Canaan*, qui Arabiam, *Amalec* dicerentur. Nec sola Amalecitas nominant Hebraica monumenta, sed saepius etiam atque honorificentius Arabica, quibus *عمليق* (*Imlic*), vel pluraliter *عماليق* (*Amalic*) vocantur; historicis, poetis, poetarum scholiastis, et genealogiis Arabum, plurimam eorum mentionem facientibus: supererantque seculo post Christum quinto, atque adeo septimo, quo Muhammedes ortus est, non gentes quidem, sed tamen fami-

(*) Vide patris mei, *Christiani Benedikti Michaelis, diff. de antica et postica, dextra et sinistra apud Hebraeos*, quam, si fieri potest, multis auctoris adnotationibus auctam, cum

reliquis ejus dissertationibus junctim recudi faciam.

(**) Caaba proprie est templum Meccanum, deinde tota regio circumjecta. Syriae opposita est Arabia, aut pars ejus Occidentalis.

familiae Arabum Amaleciticæ, a caeteris satis distinctæ, ex quibus aliqui insignes viri memorantur.

Ante omnia autem refellendus error, aliis jam, et maxime Relando (*), his suspectus, illis damnatus, qui Amalecitas ab Amaleco Esavi nepote, (Genes. XXXVI, 12.) ortos sumit, eadem prope fiducia, qua quis aliquando Francorum gentem inclitam fuisse legens, et Augustum Hermannum Franckium orphanotropheum Halensæ condidisse, ut certum sumet, Franckium illum Francorum, qui Galliam Romanis eripuerunt, progenitorem fuisse, suoque artificio gaudens, Svevis quoque, et Saxonibus, et Polonis, et nescio cui non genti, aliquem ex *Joecheri indice eruditorum* cognominem patrem inveniet. Quale si quid aliquis nostris in rebus tentaret, rideretur sane ab omnibus: sed eo valuerunt prava eorum exempla, a quibus Hebraica discimus, ut in sacris literis illustrandis talia primarii quoque interpretes errent.

Amalecitarum diu ante Esavum, atque adeo ante natum Esavi patrem Isaacum, mentio fit, Genes. XIV, 7. ubi reges ex Oriente venientes *omnem Amalecitarum terram* caedibus vastasse dicuntur. Prolepsin praetexunt interpretes, qui Amalecitas ad Amalecum Esavi nepotem referunt, denominata ab his regione qui eam Mo-
 sis tempore incolebant. Non is sum, qui nullam prolepsin patiar: haec autem vix videtur ferri posse. Si enim
 per

(*) Palaestinae libro I, c. XIV. quod totum caput legi ab his, qui mea legunt cupio, ne semper opus habeam monere, quibus in rebus cum Relando consentiam, in quibus

dissentiam, quid ex eo sumam, quid addam. Non enim licet omnia ab eo dicta omittere, quibus si ubique Relandi nomen adscribam, molestum erit lectoribus.

per prolepsin ager Amalecitarum dicitur, omnino non adparet, qui homines, cujus gentis, victi aut caesi sint. Id vero non solum sua sponte est bono historico indignum: sed et a reliquo totius narrationis tenore abludit, non sitis modo locorum, sed et nomina gentium victarum, indicantis. E regione haec ponam, ut statim in oculos incurrant. Victi dicuntur

<i>Riphaei</i>	-	in	-	<i>Aschtheroth Karnaim</i>
<i>Susaei</i>	-	in	-	<i>Ham</i>
<i>Emaei</i>	-	in	-	<i>Schave Kirjathaim</i>
<i>Choraei</i> seu				
<i>Troglodytae</i>	-	in	-	<i>monte Seir</i>
<i>Amoraei</i>	-	in	-	<i>Chasafon Thamar.</i>

Quos inter medios cum legis, victores pervenisse ad *fontem Cades*, omnemque percussisse *agrum Amalecitarum*, poterisne dubitare, quin situm loci per prius indicet scriptor, gentem per posterius? Sed fac, prolepsin admitti posse, tamen Amalecitae referri ad Edomitas nequeunt. Cum his enim Israëlitae per deserta Arabiae iter facientes pacem coluerunt, fines illorum non attigerunt, innoxium quidem transitum petentes, sed illo negato alia via in Palaestinam euntes: lege etiam lata hanc finium fraternorum abstinentioniam Deus praeceperat, nullaue re laedi Idumaeos voluerat (*). Contra Amalecitae primi Israëlitarum in deserto hostes, extremum eorum agmen populantes, ideoque bello a Mose impetiti, ac Josua duce caesi (**): unde lege lata aeternum Amalecitis atque internecinum bellum decernitur, nulla unquam pace finiendum (**).

Acce-

(*) Dent. II, 4 - 7.

(**) Exod. XVII, 8 - 13.

(**) Exod. XVII, 16. 1 Sam.

XV.

Accedit aliud argumentum, quo, quantum equidem scio, nemo adhuc usus est, licet in medio positum fuisse videatur. Mosis tempore antiquissima jam habebatur gens Amalecitarum, Bileamo, *primitiae gentium* dicta: (רֵאשִׁית גֵּוִי Num. XXIV, 20.) ab Elavi autem nepote conditus populus, si modo Mosis tempore populus jam fuit, antiquis accenferi non poterat, sed recens vix prima pueritia pubescebat.

Nec minor Amalecitarum antiquitatis gloria apud Arabes, ut non Ismaëlitae solum, sed et ipsi Joctanitae recentes illis videantur, Amalecitis comparati. Primo enim cum antiquissimis Arabiae populis, Aditis et Themudenis, Amalecitas componunt: deinde cum Arabiae incolae in duo genera dispescant, *Arabum Aboriginum* (العرب العاربة) et *Arabum factorum*, (المتعربة) in eo omnes consentiunt, ut Amalecitas in Aboriginibus numerent, Ismaelitas in factis Arabibus; quin aliqui ita divisionem gentis instituunt, ut septem modo tribus, in quibus Ad, Themud, et Amalec, Aborigines dicant, ipsosque Joctanitas ad factos Arabes referant (*). Jam si Ismaëlitis antiquiores Amalecitae, non possunt nepotem Elavi conditorem habere: Joctanitas autem sic demum antiquitate vincent, si Cananaei sint: Canaan enim tertius a Noacho est, Joctan sextus.

Denique si quid Arabum historicis fidei in populo Arabiae indigena, non possunt Amalecitae ad Abrahami posteros referri: a Chami enim filio Amaleco, progeniti feruntur (**).

Hos

(*) POGORII *Specimen historiae* bibliotheque Orient. p. 110.
Arabum, pag. 39. HERBELOT bi-

(**) Herbelot, bibliotheque O-

Hos ergo Amalecitas, Arabiae aborigines, Cananaeos fuisse arbitror, his ductus argumentis. Primo Arabes incolas Palaestinae, quos Israëlitae expulerunt, Amalecitas vocant, quorum et volunt coloniam in Africam ad mare mediterraneum iisse (*), quod de Phoenicibus a Josua fugatis Procopius memoriae prodidit.

Deinde pro rege Maachae (מעכה) seu Epicaeri, quam urbem Cananaeorum fuisse ex Deuteron. III, 14. Jos. XII, 4 5. XIII, 11. 13. certum est, LXX interpretes *regem Amalecitarum* ponunt: quod indicio est, Cananaeos qui ibi terrarum habitabant, Amalecitas vocatos fuisse. Concinit psalmus LXXXIII, in hostibus Davidis Amalecitas numerans, non nominatos ab historicis sacris, nisi Maachatenses sint. Sed id uno verbo innuisse sufficit, copiosius expositum in historia belli Nesibeni §. XV. XVI (**).

Est hic quoque Philonis facienda mentio, cui Amalecitas Phoenices vocari Relandus scripsit. Exstat locus in libro de vita Mosis, pagina 115. Tomi II. editionis Man-

rientale, pag. 110. *Amlak, fils de Cham, fils de Noë, père d'Ad, et Ayeul de Schedd.*

(*) Herbelot ibidem: les Musulmans donnent le nom d'Amalecca ou d'Amalecites aux Geans, qui habitoient la Palestine ou terre de Chanaan, lorsque les Israélites en prirent la possession. -- Les Orientaux prétendent, que ceux qui habitent la Barbarie descendent aussi des Amalecites. Cela est conforme au Senti-

ment de quelquesuns de nos auteurs, qui parlent d'une colonne trouvée en Barbarie avec une Inscription qui témoignoit, que ces peuples étoient de ceux, qui avoient été chassés par Josué le Conquerant de la Palestine. Vide et Relandi Palaestinam p. 82.

(**) Vide commentationes meas Societati Scientiarum annis 1765 - 1768. praelectas, pag. 99. 103. 104. 105.

Mangeyanae, ubi bellum cum Amalecitis, quod Moses Exod. XVII, narrat, allegorice interpretatur. Ut tamen candide agam, non dissimulabo, posse verba Philonis aliter accipi, illosque Phoenices intelligi, in quorum terram Israëlitae contendebant. Nec enim cum Phoenicibus pugnassee Israëlitae, Mose manus ambas ad coelum elevante, narrat, sed, ἤδη πολλήν, inquit, καὶ ἀπόρευτον διεξέληλυθόντων, ὅροι τινὲς ἀναφαίνονται γῆς οἰκουμένης, καὶ προάστια χώρας, εἰς ἣν μεθωρμίζοντο· νέμονται δ' αὐτὴν Φοίνικες: i. e. *inviis locis diu peragratis, fines tandem adparebant terrae cultae, (Amalecitis) et tanquam suburbana illius regionibus, in quam migrabant: habitant autem ILLAM Phoenices.* Dubium hic, utrum, *habitant illam Phoenices*, ad terram cultam quam in deserto inveniebant, an ad regionem in quam migrabant, referendum sit: quare hunc testem ut incertum cito.

Sed majorem forte substituere licet, Moſen, qui Numer. XIII, 29. exploratores Palaestinae haec de ejus incolis retulisse scribit: *Amalecites habitant in terra Australi, (נֶגֶב) Chitthaei, Jebusaei et Amoraei in montano tractu, et Cananaei* (angustius sumto nomine, de quo videndus Relandus pag. 139.) *ad mare et Jordannem.* Hi vero omnino de Phoenicibus in plures gentes minores dispartitis loquuntur, nec enim vicinos sed incolae ejus terrae, quam Cananaeis erepturi erant Israëlitae, exploratum missi fuerant. Quin eundem illum australem tractum, נֶגֶב dictum, Cananaeis eripuit Josuas, tribuique Judae assignavit.

Denique quae de Amalecitis tradunt Arabes, optime Cananaeis conveniunt. Aborigines illi feruntur Arabiae, qui eam ante Ismaëlem, atque adeo ante Joctanem habitaverint. Verissimum hoc de Cananaeis, quorum patriam et primaevae sedes Arabiam fuisse, supra mihi perfecisse videor: Canaan autem, tertius a Noacho, et Jocrane, sexto, et Ismaële, duodecimo, multo antiquior. . . Amalecum Chami filium faciunt Arabes, Moses Canaanem. . . Philistaeos ad Amalecum referunt Arabes, ipsumque adeo Goliathem (*). Id quidem Mosi contrarium, qui Philistaeos ex Aegypto arcessit: sed tamen vel ex hoc ipso errore adparet, Phoenices Arabibus Amalecitas visos esse, ad hos enim verisimillimo errore Philistaei referri poterant. . . Licetne et hoc addere, cum Cananaeis et Amalecitis, nec ulla alia cum gente, bellum nullo seculorum decursu finiendum a Mose sanciri.

Ortos autem a Canaane cum dico Amalecitas, non id volo, nihil omnino discriminis Cananaeos inter et Amalecitas fuisse, quod loca Num. XIV, 43. 45. arguere fateor: sed cum una origine gens esset, puto, eos qui in Syria et Palaestina habitabant, Cananaeos, qui in Arabia, Amalecitas appellatos esse. Nuspiam enim Amalecitarum nisi in Arabia: nuspiam Cananaei nisi in Palaestina et Syria, solis Esavi uxoribus exceptis (Genes. XXVIII, 8.). Quae forte nominis diversitas inde orta, quod ipse gentis progenitor duplici apud posteros nomine vocaretur. Multi enim ex illustribus viris, in sacro codice commemoratis, ita sunt binomines, ut aliter ab Hebraeis inque Palaestina vocentur, aliter ab Arabibus: qua de re forte erit agendi locus. Hic obiter monere liceat, quae de uxori-

bus

(*) Herbelot pag. 110.

bus et foceris Esavi Moses habet, contradicere sibi visa, Genesi XXVI, 34. XXXVI, 2. 3. conciliari inter se facillime posse, si sumas altero loco nomina poni apud Hebraeos, altero apud Arabes usitatiora.

GENES. X, 7.

וּבְנֵי כוּשׁ מֶרֶוֶ

*Et posterii Aethiopum erant, primo,
Sabaei, etc.*

De his Sabaeis ita egit, magnus multis in rebus, Bochartus, libr. IV. c. 8. ut eum legisse poeniteat. Nihil enim omnino dixisse videtur; nihil certe, quod ad quaestionem, quae hic tractanda est, pertinere possit: id unum pro certo sumens, nullam Cuschaeorum coloniam in Africa quaerendam esse, quia Cuschaeos ipsos Africae abjudicaverat. Hic illum primus error ubique transversim egit.

Nempe tres in hoc uno capite memorantur Sabaeorum populi,

1) מֶרֶוֶ qui Cuscho filii assignantur,

2) מֶרֶוֶ hoc ipso in versu, Cuschaei illi quoque, sed Rhegmaeorum colonia, atque, ut ita dicam, nepotes Cuschi.

3) מֶרֶוֶ versu 28, Joctanis posterii, quibus sine dubio in Arabia Felice patria est concedenda:

hique populi in latina scriptione non a se invicem dignoscendi, nisi lubeat et Germanorum more scribere, Salomonis adhuc tempore nominum diversitate noscitan-

bantur. Testis est locus psalmi LXXII, 11. סכא מלכי
 וסכא, *reges Schabaeae et Sabaeae munera offerent.*

Haec cum ita sint, nostro populo, סכא, a Cuscha-
 is orto, sedes Bochartus in ea Arabiae parte fortitur, quae
 ad sinum Persicum pertinet, geographisque Arabicis *O-*
man vocatur, nullo alio ductus argumento, quam quod
 Omanitae vicini sint Jemamitarum, Jemamitae autem, te-
 ste Camuso, genus ad *Sebam Chusi filium* referant (*).
 Fac, id verum esse, consequens erat, ut in Jemama,
 non ut in vicina Jemamae Omanitide Sabaei nostri quae-
 rendi sint. Verum testis a Bocharto excitatus nihil omni-
 no earum rerum dicit, quas referre perhibetur. Haec
 enim ejus verba ex Giggeo describit Bochartus: סכא *vir*
quidam, qui tribus Jemamitarum collegit, quod ipse
 pro arbitrio interpretatur, qui gentem eorum condidit.
 Ego vero facile concesserim, aliquem in Jemamitis Sa-
 bam fuisse, qui tribus eorum collegerit: isne vero condi-
 tor gentis? isne progenitor? Tribus dispersas qui colli-
 git, eo tempore vivit, quo populus in plures jam tribus
 crevit, unde progenitor populi neutiquam esse potest.
 Ve-

(*) Verba ipsa excerpo, ne con-
 fingere videar, quae Bocharto exci-
 dere potuisse vix est verisimile. *O-*
manitis, quorum sedes est circa Om-
annem, - - confines esse Jemami-
tas, Nubiensis docet. - - Hi genus
suum referunt ad Sebam Chusi fili-
um, cujus nomen scriptum per Sa-
mech. Hoc quoque, quod de scri-
 ptione habet, erroris est grammati-
 ci, ac forte fons reliquorum erro-

rum. Sin Arabum (س) cum Sa-
 mech Hebraico contulit, licet ea lex
 sit utriusque linguae, ut mutatis
 quasi stationibus Sin Arabum ponatur,
 ubi Hebraei Schin habent, ac
 contra Schin ponant Arabes pro Sin
 et Samech; quae quidem non sine
 exceptione, sed tamen regula est.
 Id non observasse multis ac magnis
 viris fraudi fuit.

Verum haec est illa molesta ratio, quam non Bochartus solum, sed plerique in Hebraicis tenent, ut, si de populo disputetur, statim aliquem quemcunque arripiant eodem nomine appellatum, huncque patrem populo praeficiant, Amalecum, ut supra vidimus, Esavi nepotem, multo antiquioribus Amalecitis. Ego vero in tanta geographiae antiquae Arabicae obscuritate ignorare malletm, ubi Sabaei Cuschaevi a Joctanitis diversi habitarent, quam fatui ignis indicia sequens deludi.

Ille tamen unus, quem adeo sprexit Bochartus, ut ne verbis quidem ejus relatis, nec refutatum, repudiaret (*), Josephus, in aliqua veri vestigia ducturus videtur: nec eo quidem loco, ubi origines gentium explicat, capitisque decimi Genesis interpretem agit, sed obiter, vitam Moysi ac facta exponens. Aethiopes enim bello ab Aegyptiis Mose duce impetitos, ultimum confugisse narrat in urbem Sabam, quam postea Meroen in honorem sororis Cambyse adpellaverit. Καὶ τέλος, inquit L. II. Antiqu. c. X. §. 2. συνελαθέντες εἰς Σαβὰ, πόλιν βασιλίου οὕσαν τῆς Αἰθιοπίας, ἣν ὕστερον Καμβύσης Μερόην μετωνόμασαι, ἀδελφῆς ἰδίας οὕτω καλουμένης, ἐπολιορκοῦντο. Hic, ut concedam, atque ultro largiar, bellum illud Aethiopicum ad fabulas Judaicas referendum esse, et ad interpretationem loci Numer. XII, 1. confictum (quia enim Cuschaeam in matrimonio habuisse Moses dicitur, Tharbis ei apud Josephum nubit, regis Aethiopum filia, amore hostis regiam urbem oppugnantis deperiens), id tamen vel ex fabula liquet, Judaeos

(*) Libr. IV. c. 3, in initio.

os partem Aethiopiae Africanæ intimam, Meroen dictam exteris, Sabam appellasse. Nec veri dissimile, Aethiopes Africanos, qui ex Arabia trajecerant, suam quoque Sabam habuisse, cognominem Arabicæ, ut solent coloni urbibus, regionibus, fluminibus, nomina ducere ab his, quibus in patria adveverant. Id quidem certum, ut Arabes Sabææ suæ, rivo olim nobilitatæ ac fertilis, primariam urbem Maribam dicunt, ita et Aethiopes suum Maribam, fluvium arenis haustum, habere (*). Nihil ergo veri dissimile cum narret Josephus, nec videri possit, nostri loci explicandi gratia aliquid confingere, sed aliud agens tradat, Meroën olim Sabam fuisse: quid est, cur illi fides non sit habenda? Quod si autem aliqua Aethiopiae Africanæ aut urbs aut regio Sabæ nomen habuit, eam hic intelligendam esse arbitror, ubi colonias Cuschæorum Moses enumerat, quos ex Arabia in Africam trajecisse vidimus.

Meroën cum Sabam fuisse Josepho credam, non possum omnino de ejus situ filere, licet longam ingredi disputationem haud lubeat. Notum ex veteribus, Meroën (insulam Nili dicunt), reginis paruisse, quarum commune ac perpetuum nomen *Candace* fuit, unde eunu-

(*) Voyage historique d'Abessinie du R. P. Jérôme Lobo, par Mr. le Grand, T. I. p. 269. *Le Mareb*, verba sunt patriarchæ Alexandrini, a Grædîo in compendium redacta, *prend sa source à deux lieux de Debaroa, et apres un assez long cours, il tombe d'un rocher de trente coudées de haut, et se cache sous terre. Mais l'hiver*

il prend son cours entre les provinces de Saroa et d'Assa, d'Harve de Tooat, passe au pied du monastere d'Alleluya, et apres avoir parcouru une partie de ces pàis barbare, il se perd. Invenies eum in delineatione Abessiniae ei libro adjecta, longit. 67 - 70. latit. 15, 16,

nuchum Candaces reginae Aethiopum, cujus Aët. VIII, 27. mentio fit, Meroënsē fuisse constat. Jam Jobus Ludolphus in historia Aethiopica negat, eunuchum illum Abessinum fuisse, quod Abessini feminam regnare non patiantur (*). Contra Tellezius, ac nostro quoque tempore LE GRANDIUS in dissertatione quam Lupi itinera-rio Abessiniae subjunxit (**), in ea sunt sententia, Meroën, insulam antiquis visam, eam esse peninsulam, quam Nilus a fonte suo recens efficit, ac prope totam flexuum am- bagibus complectitur, quaeque unum est ex Abessiniae regnis, uni jam Neguso subjectis, *Gojam* dictum, quo de argumento dignus est, qui ab omnibus harum litera- rum cupidus legatur.

Mihi quidem haec tota lis mensurando ac computan- do componi debere videtur. Peninsula *Gojam*, non dubia pars Abessiniae, in delineatione geographica Lupi itineri- bus

(*) L. II. c. 4. *Sub Bazenō Christum natum minus ambigitur. Nulla hic mentio fit reginae Candaces, quam Aethiopum nonnulli pro sua agnoscunt, in eo sibi contrarii, quod nullam feminam sceptri Aethiopici sapacem ex statuta supra allegato censent. Potius est ut locum illum Aët. VIII, 27. de alia Aethiopiae parte Aegypto contermina, speciatim de insula Meroë accipiamus, in ea enim quondam regnasse feminam Candacen Plinius testatur. Grave, non diffiteor argumentum: respon- deri tamen poterat, Abessiniam, ut*

nunc in plura regna dividatur, ita forte olim et plures reges habuisse, ex quibus Bazenus unus fuerit, alia Candace, Meroënsis Abessiniae regina. Quid? si recentior sit illa Abessinorum lex, feminas regno ar- cens? aut unius modo ex illis re- gnis, quae postea in unum coierunt?

(**) Copiosius hoc argumentum tractat, sententiamque dictam contra Tellezium defendit Ludolphus, in commentario ad historiam Aethio- picam antea editam, pag. 88 - 93.

bus adjecta, atque ex Jesuitarum observationibus, a gradu decimo usque ad $12\frac{1}{2}$ pertinet; tota autem Abessinia a decimo usque ad decimum quintum porrigitur, sub quo gradu limites sunt regni Sennaar. Jam cum Meroë ad Nilum sit, id unum quaerendum, in hosne gradus latitudinis ex veterum narrationibus incidat, de longitudine enim prorsus non laboro, quam veterum libris, Ptolemaeoque, ubi de intima Africa quaeritur, nemo crediderit. Jam haec occurrunt latitudinis ac climatis indicia:

- 1) Plinio auctore constat, 873 passuum millia supra Syenen sitam fuisse Meroën. Sic ille, praemissis incertis aliorum relationibus, certa et explorata daturus (*): *verum haec omnis nuper finita disputatio, quoniam a Syene DCCLXXIII mill. Neronis exploratores renuntiavere, his modis. A Syene Hieran Sycaminon LIV millia passuum. Inde Tama LXXIV millia passuum. Regionem Euonymiton, Aethiopum primam CXX. Acinam LIV millia. Pitarum XXV, Tergedam CVI millia. Insulam Gaggandem esse in medio eo tractu. Inde primum visas aves, psittacos, et ab altera, (quae vocatur Artigula), animal Sphingion, a Tergedo cynocephalos. Inde Napata LXXX millia, oppidum in parvum, inter praedicta solum. Ab eo ad insulam Meroën CCCLX millia. Herbas circa Meroën demum viridiores, silvarumque aliquid adparuisse, et rhinocerotum elephantorumque vestigia. Ipsum oppidum Meroën ab introitu insulae abesse LXX millia passuum, juxtaque aliam insulam, Tadu,*
dex.

54

74

120

54

25

106

80

360

873

70

943

(*) T. I. edit. Harduin. p. 345.

dextro subeuntibus alveo. Aedificia oppidi pauca. Regnare feminam, Candacem, quod nomen multis jam annis ad reginas transit.

Haec si ad gradus mathematicos referas, ac sumas, nullis viarum ambagibus recta semper via versus meridiem ivisse Neronis exploratores, regno Gojam conveniunt. *Octingenta enim septuaginta ac tria passuum millia*, (873000), quibus ab initio insulae abesse Syene dicitur, *undecim circiter gradus ac dimidium* ($11\frac{1}{2}$) faciunt (*): cumque urbs Meroë LXX millia passuum ultra initium insulae, atque adeo 943 passuum millia supra Syenen sita fuisse dicatur, Syenen inter et urbem Meroën duodecim circiter gradus et dimidius ($12\frac{1}{2}$) interfuerint. Jam si Syene, ut fere a geographis sumitur (neque hic nisi perquam modice errari (**)) potest, cum fontem habuerit solstitiali die totum soli patentem, nulla umbra), inter gradum 23 et 24 posita: subtractis $12\frac{1}{2}$ et $11\frac{1}{2}$ gradibus, Meroë pen-

(*) Meis rationibus cum in mensuris non confiderem, nec vellem solum Hasaeum sequi, 75 millia passuum uni gradui assignantem, illustrem Kästnerum interrogavi, et vel sic intellexi nihil magni erroris in $11\frac{1}{2}$ gradibus esse. Docebat enim mille passus Romanos aequare 767 aut 765 perticas Parisienses (toises), gradui autem modici erroris periculo dari posse 57107 perticas. Ita prodibunt, si curiosius quam opus est computem, $11\frac{361}{7107}$ gradus.

Intervallum Syenen inter et Meroën urbem ultra Nilum in media insula sitam, si computes, 943 millia passuum facient $12\frac{341}{87}$ gradus, id vero circiter redit ad XII gradus et dimidium.

(**) Modico errori locum relinquendum arbitror, ob fractionem radiorum, qui in puteum humores exhalantem incidunt, quod a nemine geographorum moneri mirum est. Consultus a me hoc de erroris metu Käst-

peninsula ubi incipit in duodecimum, urbs Meroë in undecimum gradum incidet, id vero est in ipsissimum regnum, peninsulamque orientis Nili, Gojamam.

Atque haec quidem pro Gojama dici possunt: verum non eo pertinent, ut Meroën Gojamam esse necesse sit, sed ut possit Gojama esse, nisi aliud quid obstat. Quis enim tam sit audax, ut nullo teste sumat, primo, Meroën sine ulla declinatione perfecte versus Austrum sitam, seu, ut aliis verbis utar, sub eodem meridiano positam esse, sub quo Syene (*)? deinde exploratoribus Neronis nullas unquam omnino viarum ambages faciendas fuisse, idque in horrido et inculto deserto, nunquam eorum iter a recta linea deflexisse? Horum autem si alterutrum est, si ambages in deserto faciendae fuerunt, nec via aliqua tanquam ad regulam munita fuit, aut si Meroë alium quam Syene meridianum habuit, omnino nequeunt illa 873 et 943 millia passuum certa aestimatione ad gradus latitudinis referri. Cogita tibi Africae intima, jam abrupta montibus, jam alia ratione invia, et per quae proficiscentibus necesse est, magna saepe declinatione loca exquirere, in quibus scaturigines, aut aliquid pabuli, aut homines: atque

Kästnerus iustum illum esse censebat; quod addo, ne lectores mathematicum expertes, eum protinus damnent; idem tamen confirmabat, non nisi perquam modicum esse posse.

(*) Ne veteres quidem id dicunt: Ptolemaeo enim pag. 108. et 113. Meroë est sub longitudine 61 grad. 30 min. Syene 62 graduum. Ac forte majus etiam discrimen. In longitudinibus Ptolemaeo parum tuta fides.

que suspicari incipies, magnis ambagibus exploratores Syene Meroën ivisse.

Ergo quae exploratores de 873 et 943 millibus passuum habent, ea situm Meroës non definiunt, Potuit in Gojama fuisse, potuit et extra illam.

- 2) Clima primum, sub quo dies maximus XIII horarum est, Ptolemaeo aliisque veterum ΔΙΑ ΜΕΡΟΗC dicitur, quod per urbem Meroën ille transire circulus credebatur: poli ergo altitudinem cum ex dierum longitudine rationibus efficerent, urbi de qua quaerimus, altitudinem poli, seu latitudinem, 16 graduum et 26 minutorum assignarunt. Sic quidem non solum Gojama esse nequit, sed omnino extra Abessiniam quaerenda erit: sub gradu enim circiter decimo quinto Nilus ex Abessinia in regnum Sennaar influit. Sed falsas illas esse Ptolemaei rationes mathematicorum nemo ignorat, maxime quod refractionem in calculis suis omitteret (*), unde Ricciolus ita correxit, ut sub gradu 15, min. 36. sita Me-

(*) Ricciolus, L. VII. geographiae reformatae, c. 8. *erroneam, inquit, inde altitudinem poli deduxit, ob refractionem omissam, usumque horarum primi mobilis potius quam solarium, et ob assumptam nimiam obliquitatem eclipticae; praeter errorem qui saepe latet in observatione diei maximae, crassiuscule observatae.*

In longissimo autem Meroënsium

die eo magis diffido observationibus, quod ignoti, mathematici dicam? an hominis? sunt, paucique Meroën adierunt, de quibus Plinius eodem in capite, cujus partem supra excerpti, retulit. Simonidi minori, quem quinquennium in insula Meroë moratum narrat, cum de Aethiopia scriberet, uni omnium maxime crederem: sed quid ille scripserit, omnino ignoramus.

Meroë videatur. Sed vel sic Gojama esse nequit, quae ante gradum 13 definit: possit tamen si velis in vicinia Abessiniae illa in peninsula sita fuisse, quam Maleg fluvius ab Occidente in Nilum influens circa gradum decimum quintum efficit, aut ad fluvium Maribam.

3) Alter locus Plinii L. II. c. 70. §. 71. qui aliquid astronomici de situ Meroës promittit, ita vagis conceptus est verbis, ut mathematico latitudinem inde computaturo, desperandum sit: *in Meroë solstitio Canopus vesperti paulisper adparet*, (hoc, paulisper, quid est? quod temporis spatium exacte significat?) *paucisque ante exortum Arcturi diebus pariter cum die cernitur*. Consului tamen, ne quid intentatum omitterem, illustrem Kaestnerum, sed idem mecum de definienda inde latitudine desperabat. At supeditavit

4) alium Plinii locum, observationem astronomicam Meroënsensem habentem, quae, licet ipsa sibi quodammodo contradicat (Plinii culpa? an librarii?), aliqua tamen fervare videtur veri vestigia. *Rursus*, inquit libro II. c. 73. §. 75. pag. 110. *in Meroë, (insula haec caputque gentis Aethiopicae, quinque millibus stadiorum a Syene in amne Nilo habitatur:)* *bis anno absumi umbras, sole duodevicesimam tauri partem, et quartam decimam leonis obtinente*. Monebat me Kaestnerus, si prius de decima octava tauri parte verum sit, prodire inde latitudinem paulo majorem quam XVII graduum, sin posterius de decima quarta parte leonis, sequi, ut sub latitudine XVI graduum et XL minutorum Meroë

roë sita fuerit. Sumam, si licet posterius, quia observato secundo de longitudine solstitialis diei convenit. Videbitur ergo modici erroris cum beneficio sub gradu decimo sexto Meroë quaerenda esse.

Jam ex his quid efficiam exponam. Primo peninsula Gojam, a gradu latitudinis XVII, XVI, atque adeo XV, nimis remota, atque ne ad gradum quidem XIII pertingens, non potest esse Meroë, si qua fides delineationibus geographicis optimis. Dabo, delineationes Abessiniae non ubique adcuratas ac veras esse: nimis tamen magnus error, si Gojama, a 10 usque ad 12½ gradum delineata, decimo quinto, aut decimo sexto, sive adeo decimo septimo gradui subiecta sit. Certe ii ipsi Jesuitae, qui Gojamam volunt Meroën esse, his eam gradibus non subjecerunt, sed aliam a suis latitudinem observatam memorant, hac parte *αὐτοκατάληπτοι*. Sed haec mea dubia confestim damnabo, si quis me doceat, alium situm regni Gojam esse, quam qui in ipsa LE GRANDII delineatione expressus est. Sed LE GRANDIO aliis omnibus argumentis pro Gojama uso, ne in mentem quidem venit, gradus latitudinis Gojamae cum his conferre, quos Meroë ex observationibus astronomicis habitura erat.

Ipsane Axuma potest alio nomine Meroë esse? Latitudo non multum abludit, est enim, ut habet Ludolphus L. II. historiae Aethiopicae, c. II. *sita in decimo quarto et dimidio gradu latitudinis*. In vicinia ejus fluvius est, Mariba, ut Sabam Africanam hic sperare possis. At non est insula! nec peninsula! Fateor, sed hoc me in Abessiniam dubium parum habebit sollicitum. Magna enim Abessiniae pars, advenis ex Aegypto insula videri potuit, quod aestivis pluviis innumeri rivi in flumina crescunt: ipseque

ille Mariba fluvius, si aestivis pluviis tumidus per aliquot menses arenas, quibus plerumque ebibitur, superans, in Tacazam influeret, peninsula foret illa regni *Tigr* pars, in qua Axuma sita. Nilus non alluit Axumam; et hoc fateor: sed in Abessinia nullus, ut ita dicam, Nilus, sed plures fluvii in unum Nilum confluentes, monentque, qui eam descripserunt, extra Abessiniam demum hos fluvios omnes in unum majus flumen confusos, Nili nomen accipere. Sed hoc utcumque sit, Axumam a Meroë distinguunt veteres, estque apud Ptolemaeum, libro IV. c. VIII. p. 113.

	Longitudo		Latitudo
Meroës -	61.30	-	16.26
Axumae -	65.30	-	11.

ingenti utriusque urbis intervallo, sed latitudine Axumae sine dubio vitiosa, si quae nunc id nomen habet urbs regni *Tigr* Axuma veterum fuit.

Nihil adfirmo. Forte in ea, quae nunc ita dicitur Nubia, nimis nobis incognita, quam ut negare quidquam aut adfirmare audeas, aut in regno Sennaar, sub gradu 15 aut 16, aut si malis 17, sita illa Meroë fuit, quam Josephus Sabae nomen habuisse volebat. Nec obstrepo Vossio, qui urbem *Baroo* sub gradu latitudinis 16, et 23 minutis, Meroën volebat: sed in tanta geographiae illarum terrarum obscuritate et ignorantio, dubito, donec aliquid certae lucis adfulgeat. Nec tamen nihil actum puto, erroribus refutatis, exclusaque Gojama et Axuma.

Ad סבא revertor post longum divergium. Pseudojonathan in Pentateucho, atque Chaldaeus chronicorum interpres, *Sinraeos* (סינראי) vertit, quod mendosum, atque a Beckio felici conjectura restitutum est,

סינראי

סינדי , *Sindi*. Solent nempe Orientales *Sind* et *Hind* componere, eoque nomine Indiam complecti ab utroque Indi fluminis latere sitam (*). Ut ergo Hindiam et Sindiam Orientales componunt, ita hic statim post סינדי apud Chaldaeum interpretem sequuntur הנדקויה *Hindicoje*, i. e. Indi, ut facile agnoscas, non ignotos eum Sinraeos, sed Sindos, nominasse.

Nulla quidem ratio adparet, cur Sabaei nostri, *Sindi*, et qui sequuntur *Chavilaei*, Indi haberi debeant. Sed in sequente etiam versu videbimus, plures ex Orientalibus in eo consensisse, ut *Sindos* *Indosque* *Cuschaeorum* colonias facerent, in quo nigredinem coloris eos secutos existimo. *Abulpharagius* quoque pagina 17. historiae dynastiarum, *Chami* filiis cessisse ait, *quidquid versus Austrum est, tractus nempe Africae, et Zing, Aegyptumque, Nubiamque, Abessiniamque, atque Sind et Hind:* (والسند والهند) idque, ex eo? an aliunde sumtum? Perfici quoque scriptores tradere solent.

* * *

וחילה *Et Chavila.*

Duplex eodem nomine populus, noster, aliusque *Jostane* ortus (v. 29.), in genealogia gentium *Mosaica* memoratur: neuter autem illam habitasse *Chavilam* videtur, quam *Phasis* paradisi fluvius circumibat, atque a reliqua sejungebat *Asia*. *Genes.* II, 11.

Jonathan in versione nostri capitis, ac paraphraestes *chronicorum*, ut jam antea dixi, *Indos* intellexit, partim,

(*) *HERBELOT* biblioth. Orient. p. 447. et 804.

tim, ut videtur, cutis similitudinem sequutus, ac credens, omnes Nigritas ejusdem stirpis esse, partim locum Genes. II, 11. explicare cupiens. Cum enim Chavilam paradisi ut auri ditissimam, magnoque praetentam fluvio Moses descripsisset, Arabia autem fluminibus careat, de India ibi Jonathan cogitavit, vertitque: *nomen fluminis primi est Phison, qui omnem Indorum terram (הַיְכָלִי) ambit, ubi aurum est. Aurum vero illius terrae est letissimum.* Conjectura non inepta, et plerisque reliquis praefereunda: Indus enim ex eodem oritur montium jugo, auri ditissimo, ex quo et Gihon, in fluviis paradisi numeratus, erumpit. Obstat tamen primo quod nimia futura sit paradisi magnitudo, si Euphrate et Indo rigabatur: deinde, quod nullum nominis *Chavilae* in India, ac *Phison* in Indo, vestigia hucusque reperta sunt, nisi forte Hyphasin, qui in Indum ab Oriente illabitur, Phisonem facere tentes.

Gaetulos intellexit Josephus, in qua explicatione praeter conjecturam quidquam esse non video.

Arabicus interpres, cum noster tum chronicorum, *Zavila* (زفلا) vertit, quod nomen et Genes. II, 11. XXV, 18. pro Hebraico *Chavila* posuit. Quam autem *Zavilam* intellexerit, pro certo non adfirmem. Est aliqua Nigritarum Occidentalium *Zavila* (*), de qua cogitare potuit, Cuschaeorum coloniis sedes quaerens: est et *Zablestan* (**), Indiae interioris, quam *Sindiam* vocant, regio, quam si voluit Arabs, cum *Jonathane Chavilam* in India, ejusque amoenissima parte, paradiso apta, quaesivit.

(*) *Herbelot* p. 924.

neatione Asiae d'Anvilliana inveni-

(**) *Herbelot* p. 918. In deli-

es sub gradu long. 85. lat. 35.

vit. Nec obstat, quod *Zablestan* per B scribitur: saepe enim Vau et Be Arabibus permutantur, ipsumque verbum Arabicum, sono proximum, promiscue زابل et زابل scribitur.

Bochartus L. IV. c. XI. Chaulataeos Arabiae intellexit: ne ipse quidem certi quid adferens. Ut enim concedam, Chaulotaeos ad Chavilam pertinere, quis quaeso nos docebit, utrum ad Cuschaeorum coloniam, de qua hic agimus, an Chavilam Joctane ortum (v. 29.) referendi sint. Id vero utcumque sit, verisimiliora reliquis Bochartum disputasse arbitror, ac malim quoque Chaulotaeos ad Cuschi posteros quam ad Joctanitas referre, quia Chaulotaea extra felicem Arabiam sita.

Genes. XXV, 18. et 1 Sam. XV, 7. Chavila, regio Arabiae memoratur, sed iterum incertum, utrum nostra sit, an Joctanica.

* * *

וּסבּתָה Et Sabtha.

Samaritanus pro more suo, סבּתָה omissa alternis copula.

De hujus nominis non solum vera explicatione despero, dum hae sunt geographiae Africanae tenebrae, sed et laboro in intelligendis interpretibus.

Josephus, *Sabathes*, inquit, *Sabathenos* procreavit, qui a Graecis *Astabari* (Ἀσταβάρου) nominantur. Hi vero Astabari quinam? aut ubinam? Num forte, qui ad Astaboram colunt, Aethiopiae fluvium, cum Nilo confluentem? Id si voluit, conjecturam fecisse videtur, non pro teste dixisse.

Quae

Quae regio fit زغارة (*Zogava*) ab Arabico interprete pentateuchi et chronicorum nominata, adhucdum ignoro. Scripsitne زغارة, *Zogara*? eoque nomine, aut antiquos Sodomorum incolas intellexit, aut accolae maris mortui? regio enim circa mare mortuum, a Zoara urbe Arabum geographis زغرة et زغار dici solet, ut, in Abulfedae Syria pag. 8. 9.

Pseudojonathan et Chaldaei chronicorum interpretes, סמרא habent, id vero est, *qui circa urbem Samaram colunt*. Est autem *Samara*, seu alio nomine *Sermenrai*, urbs ad Tigrim, sub gradu latitudinis 34, quam Motassenus octavus, Chalifa, regiam sibi condidit, cum Bagdadensium civium moribus et adfectu parum delectaretur. In hujus autem Samarae vicinia, sunt, qui turrim Babylonicam conditam putent, magno quidem errore, cum Babylone ingente intervallo distet: sed videtur interpreter Chaldaeus, eodem errore imbutus, viciniam turris Babylonicae uni ex posteris Cuschi assignare voluisse, quod auctor ejus turris aedificandae, simulque totius populi rex, Nimrodus Cuschaeus fuit. Vide Herbeloti bibliothecam Orientalem pag. 752. et 808. atque Abulpharagii historiam dynastiarum, p. 18. conditam turrim agentis, بارض شنعار وهي السامرة *in terra Sinear, quae est Samara* (*).

Bochartus c. X. Sabataeos in Persiam traducit, mutationibus literarum usus, et plura de transpositione literarum

(*) Aliquid verae interpretationis per transfennam vidit Beckius, in eo tamen falsus, quod Samaraeos putavit esse Babylonios. Sio il-

le ad 1 Paral. I, 9. סמרא cum Resch, Jonathan סמרא per Dath. Sed melius noster legere videtur. Ceterum quale hoc nomen sit, apud

rarum, deque Persis equitandi peritia nobilitatis, quam de Sabataeis, commentatus.

Malim Sabataeos ignorare, quam illos ita fingere. In mentem mihi venit castelli felicitis Arabiae, *Sabtan*, a Büschingio p. 548. memorati; sed non recordor, illud me nomen Arabicis literis scriptum unquam legisse, unde nec existimare possum, sitne cum nomine סַבְתָּן conferendum. Invita enim orthographia nihil tentaverim: solus vocabulorum sonus in Orientalibus saepe nos deludit.

* * *

רַעְמָה *Et Ragma, vel, Raama.*

De hoc nomine, in Ezechielis quoque capite XXVII, v. 22. obvio, ne disputatione quidem opus futurum mihi videbatur, cum de eo commentari inciperem. Certissimam enim et unice veram sententiam a LXX interpretibus dudum dictam, atque a Bocharto ornatam, arbitrabar: illis in Pentateucho Περύμα vertentibus, et hoc eam versionem libro IV, c. V. defendente, Rhegmamque, Arabiae urbem ad sinum Persicum illustrante. Concidunt omnia, situs in Arabia in qua Cuschaei habitarunt, et nomen, nec artificio aliquo grammatico depravatum, sed plane illis Graecis literis scriptum, quibus רַעְמָה exprimi fas erat. Qua de urbe utinam plura ex geographis nostri medique aevi sciremus! Qui ex antiquis ejus mentionem faciunt, (quamquam ipsi pauci sunt, ac frustra evolvas, qui-

apud neminem expositum video, nisi quod Abulpharagius, turrim Babylon in regione quadam אֶלְסַמְרָה dicta excitatam fuisse, quam alio

nomine שַׁנְעַר dicit. Ex quo colligo Thargumistas huc quoque colligere, et per סַמְרָא Babylonios significare velle.

quibus forte adfvevisti, Strabonem ac Plinium) eos Bochartus nominavit.

Ignorasse Rhegmam, vel, ut aliter scribitur, Rhegammam, plerique etiam veterum videntur. Certe LXX in Ezechiele *Ραμμα* reponunt, solas literas Hebraicas qualicunque scriptione reddituri, cum quae ista esse Ramma ignorarent. Josephus quoque, Rhegmae ut videtur ignorance, *Rhagmaeos* vocavit, eoque nomine Africae aliquem populum intellexit, quippe cui extremos versus Occidentem Aethiopas pro coloniis assignavit. *Ραγμὸς*, inquit, *ραγμαίλους ὤκισε, καὶ δύο παῖδας ἔσχευ, ὧν Ἰουδάδας μὲν Ἰουδαδαίλους, Αἰθιοπικὸν ἔθνος τῶν ἐσπερίων οἰκίσας, ἐπώνυμον αὐτοῦ κατέλιπε*: i. e. *Rhagnus Rhagmaeos condidit, duoque filios habuit, ex quibus Judadas Judadaeos, gentem occidentalium Aethiopum, sibi cognominem reliquit*. Jonathan *לִיבָא*, *Libyes* habebat: chronicorum paraphrastes, primo *Libyam*, ac deinde, ubi in eodem versu recurrit, *FILII RAGMAE SUNT*, Mauretaniam (*), utraque versione unam fundente sententiam. Arabicus cum pentateuchitum chronicorum interpres obscurum nomen, *فاكو* (*Phaku*) posuit, quod quam gentem significet, ignoro, ne lectioni quidem satis fidens. Phe enim et Kuph in nominibus propriis Arabum saepe vitio ponuntur, jam inter se permutatae, jam pro *ت*, *ب*, aliisque scriptae. Suspicabar aliquando, urbem regnumque Kucu, quod sub ipso cancri tropico ad occidentem Nubiae et Aegypti invenies, intelligendum, corrigendumque esse, *فاكو*: sed Nubiensem geo-

(*) De varietate lectionis praeter Beckii notas etiam Wilkinsii edi-

tionem consule, *מוריאתינים* habentem.

geographum nuper nactus, ex pagina 16. textus Arabici
 scriptionem illius nominis, *رحما* discens, conjecturam
 meam statim damnavi.

Quam ergo Bochartus habet Rhegemam, ea pleris-
 que antiquorum hunc locum interpretantium ignota fuisse
 videtur. Quin Hieronymus ad Ezech. XXVII, 22. *Rea-
 ma*, inquit, *sive juxta septuaginta Rhegma, in nullo
 alio scripturarum loco invenire potui, nec quae regio sit,
 quidve significet; nisi quod manifestum est, et ex eo quod
 jungitur Saba, vicinam huic provinciae esse regionem.*

Haec postquam scripseram, primum nactus sum
 Büschingii geographiam Arabiae, in qua dum Rhegmam
 urbem, Josepho Hieronymoque ignoratam, et a paucis
 nominatam geographis antiquis, quaero, scire cupidus,
 quo loco sita fuerit, idemne adhuc nomen an aliud habe-
 at, urbs an rudera supersint: nihil horum omnium inve-
 ni. Nullam ad sinum Persicum Rhegmam habet, non
 magis quam delineatio d'Anvillii: ut prope dubitare inci-
 perem, de urbe a Ptolemaeo et Stephano prodita, ac
 certe vereri, ne aut in nomine describendo lapsi essent li-
 brarii, aut *رحما* (sic Stephanus scribit), Graecum no-
 men fuerit urbis Arabicae, aliter ab indigenis, antiquiori-
 busque appellatae. Quod autem non quaerebam, id ul-
 tro se mihi obtulit, conjectura, quam de *رحما* pag. 551.
 fecit, veri adeo similis, ut de his subdubitare inciperem,
 quae supra de Rhegma, asseverantius prope quam soleo,
 scripseram (*). Suspiciatur enim, *Reamam*, Arabiae fe-
 licis

(*) Scripseram primum: de hoc nomine vix ulla disputatione opus.
 Sed id molliendum censui.

licis urbem, quam Barthema descripsit, ut magnam mercaturam facientem, incolasque valde nigros habentem, esse Mosis Raamam. Probabiliter ille sane, sive situm urbis spectes, sive colorem Culchaeorum colonia dignum, sive denique mercaturae celebritatem, a qua Ezechiel Raamam laudat: ac potest רעמא ab Europaeo aequè recte *Reama* et *Rhegma* efferri. Quod si nomen urbis huius رعماء per Ain Arabibus scribitur, rem exploratam puto: sed de orthographia Arabica Barthema, ut plerique, fileat. Forte ubi prodierint commentarii itineris in Arabiam Felicem iussu Regis Daniae suscepti, certi quid habebimus: urbem enim Remam, non procul a Sanaa versus Austrum, sub latitudine 15½ gradus, Niebuhrium invenisse scio, eodem circiter loco, quo Barthema Raamam habet: descriptionem nominis Arabicam et reliqua adhuc ignoro.

סבתכא Et Sabtheca.

Per He finale, וסבתכא, scripsit Samaritanus, concinente Onkeloso. Sitne et hoc ad varietatem lectionis referendum, quod Josephus Sabactam vocat, (ὁμίσσει δὲ Σαβάκτας Σαβακτηνοῦς) ac si esset וסבתכא, an auribus Graecis id dederit, incertum. Extra hanc populorum genealogiam nomen nusquam in codice Hebraeo occurrit: unde non potest non valde obscurum esse.

Conjectura et literarum permutatione Sabatcaeos in Caramaniam, Persiae provinciam, migrare iussit Bochartus, L. IV. c. IV. in qua Stephanus urbem habeat *Samydacen*. Ego, ut facile concedo, saepe Arabes M et B per-

permutare, tamen nullo alio indicio, ac cum ne constet quidem Cusehaeos in Persia habitasse, minus firmam hanc puto sine teste conjecturam, cui duplici literarum permutatione, B in M, et Th in D, opus est.

Jonathan זנגאי, *Zingitas*, vertit, et paraphraestes chronicorum רנגאי, *Dingitas*, quod eodem redit, nec est nisi orthographiae Arabicae et Chaldaicae diverfitas. Abulpharagius quoque pag. 17. الزنجج, *Zingitas*, Chamo posteros assignat. Sunt autem Arabibus Nigritae ad mare Indicum, quorum patriam *Zanghebar* dicimus, ut Nubiensis geographus docet in climatis primi parte septima statim ab initio. Ptolëmaeo quoque (Libr. IV. pag. 117.) Zingis, urbs est extremae Aethiopiae Orientalis, quae Aegypto subjacet. Hi quidem, si parum certi, nihil tamen inepti tradiderunt, cum *Zanguebar* vicina sit Aethiopiae.

Arabicus chronicorum interpres دمس (Dams) reddidit, quod nomen quid in geographia significet, adhuc dum ignoro: appellative *densas tenebras* sonat. Succurrebat, Oceanum Occidentalem, nobis Atlanticum, *mare tenebrarum* ab Arabibus vocari: verum non nomine Dams utuntur, sed *Thulumath* (بحر الظلمات), ut verear illius nominis comparatione solari ignorantiam.

ובני רגמה שבה

Et filii Ragmae, Saba.

Hos Sabaeos ad sinum Persicum quaerit Bochartus, quod ibi montes sint Saba dicti, aut, ut ab aliis scribuntur, Afabo vel Pafabo. Hoc vero si sufficiat Sabaeis in-

veniendis, quae orbis terrarum regio illorum non plena erit? Evolve, cujuscunque Europae Asiaeque regni lubuerit, indicem geographiae Büschingianae, nec erit, ubi non in S, A, et B incidas. Mihi vero, cum illa in literis ludendi temeritas displicet, tum ipsa non omnino probatur Bocharti diligentia et confidentia in triplicibus Sabaeis sola conjectura dispertiendis: quasi vero nihil sit, quod ignorare virum doctum deceat. Atqui, si vel in ipsa Felice Arabia duplex mihi monstraretur Sabaeorum gens, tamen nisi alia accederent argumenta vix dignoscerem, utra ad Raggmam referenda sit, utra ad Joctanem.

Quid? si utraque gens שָׁבָא una? id est, si eorundem Sabaeorum aliquae familiae Joctanem, aliae Raggmam, generis auctorem referebant, unum in populum coalescentibus Raggmaeis et Joctanitis? Hanc sane explicationem Moſis verba non abnuunt. Nec equidem quidquam adfirmo, sed in exemplo novae interpretationis pono, quam sit haec tota quaestio dubia, ne certo quidem, his Sabaeis extra Sabaeam Joctanitarum proprias sedes assignandas esse. Quo magis abhorret a verecundia hominis, solum verum quaerentis, adseverantius pronuntiare, maxime si pro testibus et argumentis satis dissonae vocabulorum sunt consonantiae. Nihil ergo ipse aut statuens, aut conjiciens, Bochartique sine teste sententiam nec refellens nec verisimilem putans, ad antiquos interpretes pergo, qui de nostris Sabaeis sententiam dixerunt.

Arabica versio in polyglottis evulgata, سند, *Sindos*, hic habet, ut postea pro Dedan هند, *Indos*. Jam supra dixi, plures in eo consentire interpretes, ut Indos velint in Cuschi posteris numerari.

Pseudojonathan זמרן *Smaragdum* habet, pro quo nomine versio Chaldaica chronicorum vitiose זמר in Beckiana, et mutato ad Chaldaicam regulam nomine זמרן in Wilkinsiana habet. Nomen זמרן et in Jobi libro c. I, 15. VI, 19. pro שֶׁמֶשׁ poni, monet Beckius, incertus, quae sit, *Smaragdi* illa regio (*). Mihi quidem, recordanti, Orientalibus *Smaragdos* Aegypti prae reliquis laudatos fuisse (**), quos viridiores et duriores reli-

(*) Sic ille: „ubi terrarum haec exsisterit, de eo divisa sunt auctorum sententiae. Car. Stephanus in dictionario geographico scribit: „*Smaragdites est nomen juxta Carchedonem, ubi Smaragdus gemma legitur.* PLINIUS.” (Interpellare liceat. Locum Plinii invenies L. XXXVII. cap. V. §. 18. pag. 775. lin. 35. Sed pro Carchedone, quae Carthago est, libri manuscripti habent Chalcedonem, Bithyniae urbem, sicque edidit Harduinus. Jam ergo hic *Smaragdites* nihil ad nos: in Bithynia enim nemo Sabaos quaesiverit. Pergit Beckius): „Bochartus vero, *Smaragdum montem esse in Ichthyophagis, Arabiae populo*, scribit P. I. geograph. S. L. IV. c. 3. Quae posterior sententia ideo magis placet, quod *Smaragditidem*, perinde atque *Jonathan* Job. I. et VI. Chaldaee et Ussitidi vicinam facit.” - - Mihi non succurrit, ubi in *Ichthyophagis* *Sma-*

ragdum montem invenerit Bochartus, nec ipse prodidit. Locumne Strabonis, libr. XVII. pag. 1125. al. 779. spectabat? λέγεται καὶ διότι ὁ σμάραγδος καὶ ὁ βήρυλλος ἐν τοῖς τοῦ χρυσοῦ μεταλλοῖς ἐγγίνετο: fertur (in Arabia) *smaragdum et beryllum in auri minera nasci.*

(**) Chardin T. IV. des Voyages en Perse, p. 69. 70. edition en 12, de l'année 1711. J'ajoute à ce chapitre, que les Persans font une distinction entre les *Emeraudes*, comme nous faisons entre les *Rubis*. Ils appellent la plus belle sorte, *Emeraudes d'Egypte*, la sorte suivante, *Emeraudes vieilles*, et la troisième, *Emeraudes nouvelles*. Avant la découverte du nouveau monde les *Emeraudes* leurs venoient de l'*Egypte*, plus hautes en couleur, à ce qu'ils prétendent, et plus dures, que les *Emeraudes de l'Occident*. Ils m'ont fait voir plusieurs fois de ces *E-*
me-

reliquis putat, voluntque, circa Syenen inveniri; Plinium praeterea Aegyptios laudare Smaragdos, qui circa Copton, oppidum Thebaidis, ex cautibus eruuntur (*), aliosque Aethiopicos acriter virides, trium dierum itinere a Copto inventos; denique Nubiensem geographum fodinam Smaragdi circa Syenen impense laudare (**); verisimile videtur, Smaragdi nomine Chaldaeos regionem supra Syenen, id vero est, Nubiam, intellexisse, consentaneae certe, cum רעמה Libyam verterint, rectene vero an secus? an omnino quo indicio? nemo dixerit, antequam Nubiam cognitam habeamus. Illi tamen nominis רעמה explicationi, quam supra probavi, magis consentaneum, Sabaeos a Ragmaeis ortos in Arabia, quam in Nubia quaerere. Non ignoro, nullos hoc tempore ex Aegypto Smaragdos adferri, nec id quisquam mirabitur in tanta superioris Aegypti ac Nubiae perturbatione ac vastitate. At Prosperi Alpini tempore Smaragdi adhuc pretiosissimi in Gait, Aegypti meridionalis provincia, ex fodina *Bir el Smerud* dicta effodiebantur, quibus de divitiis copiose in *rerum Aegyptiacarum* libro III. cap. IV. retulit. Non ergo erat, cur Chardinus de veritate eorum, quae

merandes, qu' ils appellent, Zemeroud Mesri, l'ancien nom de l'Egypte, et aussi, Zemeroud Asvani, d'Asvan, ville de la Thebaïde, nommée Syene par les anciens géographes. Mais quoique elles me parussent très-belles, d'un verd fort enfoncé, et d'un poliment fort vif; il me sembloit, d'avoir vu d'aussi belles des Indes Occidentales.

(*) Libr. XXXVII, cap. V. §. XVII. pag. 774. lin. 20. et §. XVIII. pag. 775. lin. 15. 16.

(**) p. 18. versionis latinae: non procul ab urbe Asvan ad latus Nili meridionale est etiam mons altus, cujus in radicibus exstat fodina Smaragdi in deserto ab aedificiis remoto. Nec reperitur in toto terrarum orbe Smaragdus, quam ex hac fodina,

quae a Persis audierat, dubitaret, suspicareturque, Aegyptiis Smaragdos, quos deinde aliis vendebant, per mare rubrum ex India, Persis multo propinquiore, allatos fuisse (*).

Non inepta haec Chaldaei sententia: sed testis nimis recens ac minutus, quam ut ei sine argumentis credi possit. Ergo aut hos Sabaeos et v. 28. nominatos unum populum putemus, ex duobus concretum Arabiam Felicem habitantibus, aut ignoremus Sabaeos Ragmaeis ortos, donec aliquid novae lucis adfulgeat,

* * *

דדן *Et Dedan.*

Idem nomen quater adhuc occurrit, Jerem. XXV, 23. XLIX, 8. Ezech. XXV, 13. XXVII, 15. Sed ex his locis duo, Ezechielis c. XXV, et Jeremiae c. XLIX, nihil omnino ad gentem de qua quaerimus: qui enim ibi memorantur Dedanitae non Cuschaei sunt, sed Abrahami posterius, incertum, utrum natalibus Idumaei, an ab illo Dedane, qui Genes. XXV, 3. Abrahamo nepos scribitur, orti, et cum Idumaeis confociati. Primus Jeremiae locus c. XXV, dubius. Ezechielem autem capite XXVII, 13. de nostris Dedanitis loqui, ex mercium enumeratione colligo.

Sed

fodina, (Nempe reliquis smaragdis nomen hoc abjudicat Nubiensis, quod aut minus virides, aut molliores sint, aut alia de causa vitiosi.) quae fossoribus perfrequens est, ex

hac enim eductus distrahitur postea in partes universas.

(*) loco citato, i. e. T. IV. itinerum p. 70. 71.

Sed antequam qui sint nostri Dedanitae expediam, de lectionis varietate nonnihil praemittendum. Primo ergo Syrus DORON scribit, (דָּרֹן) ac si esset דָּדָן (*), nec hoc solum loco, sed ubique. Nullam autem inde puto varietatem lectionis Hebraicae exsculpendam: in Syriacis D et R multo facilius quam in Hebraicis confunduntur, quia solo puncto diacritico discerni possunt, cui omittendo librarii pene adseverunt; videbimusque infra, insulam Daden in libris Syriacis, scriptionis ut credo errore, frequenter DIRIN (דִּירִין) dici.

At pro דָּדָן, omisso Nun, Vau pro parte vocabuli habito, et Jod praeposito, יִדָּד legisse in suo codice Josephus videtur, aut, si minus mutari lubeat, יִדָּדָן. Sic enim ille L. I. c. VI. §. 2. Ἰουδαῖδας μὲν Ἰουδαδαίους, Αἰθιοπικὸν ἔθνος τῶν Ἑσπερίων, ὀνόμας, ἐπὶ νῦν μὲν αὐτοῦ

(*) Inversam lectionis varietatem in Ezechielis loco, cap. XXVII, 15. ex versione Graeca LXX viro- rum discimus, דָּדָן, seu, ut ingratiam eorum, qui Hebraica non legunt, latinis literis exprimam, omi- ssis tamen vocalibus, RDN. Cum enim reliqui omnes, quos habemus, Graeci interpretes consuetae lectio- ni דָּדָן concinant, Aquila, Sym- machus, Theodotio; Hieronymusque eam literis quoque Latinis DADAN expresse- rit: LXX interpretes soli Rhodiorum (Ῥοδίων) nomen ha- bent. Observavit, castigavitque his

verbis Hieronymus: *nescio quid vo- lentes LXX filios Rhodiorum inter- pretati sunt, nisi forte primae lito- rae falsi (decepti) similitudine, ut pro DADAN legerent RADAN, quae et ipsa Cycladum maxima est.* Id quidem certum, Rhodi mentionem ab Ezechiele expectari hic non pos- se: merces enim eas laudat, ex דָּדָן Tyrum allatas, quas Rhodus nunquam Tyriis miserit, Indicas at- que Aethiopicas. Est ergo manife- stum sphalma ejus codicis Hebraici, quo in vertendis Ezechielis vatici- niis usi sunt Septuaginta.

αὐτοῦ κατέλιπεν, *ex quibus (Ragmae filiis) Judadas gentem sibi cognominem Judadaeorum, quae Aethiopiae Occidentalis est, a se conditam reliquit.* Hos Judadaeos, ut alios non paucos Africae antiquae populos, ignoro, id unum ex totius paragraphi serie colligens, nomen gentis Josephi tempore adhuc viguisse, Graecisque scriptoribus fuisse frequentatum. Consentient mecum, qui ipsam Josephum inspicient.

Arabi Polyglottorum Dedanaeos Indos esse, (هند) jam supra monitum. Pseudojonathan 170 vertit, Chaldaeusque chronicorum interpret 170, de quo obscuro nomine conjecturas tentavit Beckius, nos certi nihil habemus.

Verissimam dixisse sententiam videtur Bochartus, L. IV. c. VI. p. 219. urbem Daden ad sinum Persicum intelligens: quam in tabula Asiae d'Anvilliana invenies extra ostium sinus Persici non procul ab ipso mari Indico, inter *Daban* et *Koursékian*, auctore situs ODOARDO BARBOSA. Id unum molestum initio videbatur, quod minus de hac urbe, quam vellem, a Bocharto edocerer, silerentque de ea Abulfeda, lexica Arabum, et Herbelotus. Consultus ergo a me per literas Büschingius, in eadem mihi bibliotheca Assemani Orientali, quam toties citatam hic neglexeram, eam ipsam, quam cupiebam, Dadenam demonstravit: jam in Asiae geographia pag. 456. 457. ita de ea egit, ut ablegare ad eum lectores possim. Sed quia paucis Assemani bibliotheca ad manus est, praecipua excerptam. Habet illa Dadenam, literis Arabicis دادن scriptam, T. III. P. II. p. 744. dicitque, insulam esse maris Persici, ab Arabibus Catarensis habitam, Syris dictam دارين? DIRIN. Tomo III. P. I. pag. 145. 146. Thomas
Cc 2 Ma.

Maragenfis narrat, *Ananjesum monachum tegumenta altari attulisse texta in Dirin insula Catarenfium* (*Dirin* : *Catarenfium*). Idem pag. 513. iterum legitur. T. III. P. II. p. 184. episcopus Dirinae, insulae Catarenfium, laudatur, subjungiturque, eam in quibusdam codicibus manuscriptis *Dadianam* dici. Est autem Catara, ut idem docet T. III. P. II. p. 604., emendans quae in parte prima scripserat, urbs mediterranea Arabiae Felicis contra Persidem, a qua Plinio populi Cataraei dicti. Quod autem *Dirin* Syriace vocatur, non duplicis nominis esse putem, sed vitii librariorum, qui punctum diacriticum male posuerunt, cum *Dirin* scribendum fuisset. Scriptio Arabica *دادن* sufficit naevo Syriacae corrigendo, quod apud Arabes D et R a librariis confundi non facile potest.

Antequam hanc disputationem finiam, de mercibus dicendum, quas Dadena Tyrios petiisse Ezechiel narrat, c. XXVII, 15. Ac de ebore quidem, *dente* (*שן*) dicto, res manifesta est. Ex India illud adventitium Tyriis Dadenenfes vendebant, exque loco Ezechielis adparet, Dadenam illo tempore mercaturam Indiae fecisse, opportuno situ, qui diu postea Ormum ditavit. At de *קרנותר* et *הובנותר*, quid significant, dubia sane et anceps disputatione.

קרנותר, *cornua*, non pauci cum sequente *שן* construunt, voluntque ebur dici *cornua dentis*. Praeiverunt illis, LXX, Vulgata antiqua, Hieronymus, Arabs, Kimchius. Inconcinna dictio, ac mirum, si ita et redundanter, et vitiose, et contra usum Hebraeorum de ebore scripsit Ezechiel. Ebur enim si quis *dentem* dicat, quod verum

verum est et naturae consentiens rei vocabulum, laniarii enim dentes exserti elephantorum ebur sunt, quid est, cur eodem halitu *cornua* vocet? idque ea in lingua, quae *dentis* nomini adfueverat? Nec video, quomodo illa defendi versio possit, nisi forte hoc discriminis inter *ebur*, et, *cornua eboris*, fingamus, ut illud sit ebur factum et elaboratum, cornu autem eboris ipsi laniarii dentes, nondum manum artificis experti, sed quales a natura *cornua* rudi plebeculae simulant.

Cornua alii, et dentes distinxerunt. Ita aliqui Graecorum biblicorum codices, aliter quam impressi exhibentes: THEODORETUS enim haec textus, quem explicandum suscipit, verba habet, κέρατα καὶ ὀδόντας ἐλεφαντίνους, *cornua, dentesque elephantinos*. Nec tamen quae haec sint cornua, ab ebore diversa, satis adparet. Chaldaeus interpres discrimen signavit, *cornua ibicum* (*) interpretatus. Sequitur illum Raschi. Non inepta interpretatio, nec tamen, me arbitro, verisimilis. Ibices enim cum Palaestina et Syria haberet, frequentemque adeo mentionem codex sacer injiciat, quid opus erat, *cornua ibicum* longinque ab iisdem litoribus adferri, quae ebore abundabant.

Probabilem conjecturam tentavit, consultus a me de hac re Büttnerus, cornu piscis monocerotis; quem *Nahr-wal*

קרנן ריעלן ושן דפיל (*). De Ibice (Steinbock, Etainbouc) vide quaestionem 81, exploratoribus Arabiae propositam: ad quam responsum illustris Halleri tuli, qui ipse

ibicem, Helvetium animal, domi suae habuit, moresque et figuram ita descripsit, ut uni, quod me adhuc urebat, dubio, sit satisfactum.

mal vocant, designari, quod ebori simillimum est, inventumque ac venditum fabulae de monocerote terrestri, solis noto antiquis et a recentioribus ubique frustra quaesito, dedit occasionem. Est ille piscis maris Indici indigena. Non dissimulo, hanc mihi explicationem verisimillimam videri.

Nec tamen licet solum verum quaerenti variae lectionis mentionem omittere, quamvis eam non probem: fas enim est, nihil eorum, quae dubitaturus scire cupiat, subticere. Syrus habet, *قُرْنًا بِضْمًا*, *cornua unguenti*, seu cornua unguento plena, ac si legisset, קרנות שמן. Phrasin Hebraicam invenies 1 Sam. XVI, 1. 1 Reg. I, 39. ubi vas unguento plenum cornu dicitur. Indica aut Arabica merces, unguenta: sed unius interpretis fide nolim in textu Ezechielis contra reliquorum omnium consensum verbum mutare.

הובני, vel ut est in Keri, *הבני*, hebenum intelligunt recentiores, Fullerus in miscellaneis sacris libr. VI. c. 14. eoque multo copiosior Bochartus, P. II. hierozoici L. I. c. 20. p. 140. seqq. Ducuntur illi et soni convenientia, et quod hebenum in Indicis et Aethiopicis mercibus laudatur. Virgilius:

*sola India nigrum
Fert hebenum.*

Nec obstare pluralem docent, in lignorum nominibus, ut *עצי שטי* aliisque, frequentem. Laudant quoque auctores sententiae antiquos, Symmachum (*), et Hieronymus.

(*) In Montfauconii quidem Hexaplis Origenianis nihil de Symmacho notatum est: at ex Theodoretō

disco, eum de hebeno cogitasse. Τα κέρατα, inquit ad h. l. ὁ Συμμάχος ἐβένους ἡρμηνεύσας, ἀφ' ὧν τὰ

nymum (*). Idem sensit, et ex Arabica lingua probari posse putavit, Kimchius, sed hac parte falsus, quod Arabicam vocem existimat, quae a Graecis adventitia ex terminatione intelligitur: חֶעֶץ שִׁנְקָרָה בְּעֶרְבֵי אֲבֵנוֹס, *lignum, quod vocatur Arabice Ebenos* (أَبْنُوس).

Equidem non obnitor; parum tamen certam interpretationem, nec gravia argumenta puto. Ἐβενος enim, nomen mere Graecum, et linguis Orientalibus ignotum, non potest illustrando vocabulo Hebraico adhiberi, nisi et velis, Hebraeos, ipsosque adeo, Tyrios, primam hebeni notitiam, cumque ea nomen, a Graecis habuisse: quod huic ipsi Ezechielis loco, de hebeno accepto, contradiceret. Nec India, hebeni locus natalis, multum ad rem facit, namque nec Daden in India sita, sed in sinu Persico, unde et alias merces praeter Indicas potuit Tyriis mittere, et India, hebenum habens, aliis praeterea naturae donis dives est, quae אֲבֵנוֹס esse possint.

Facile tamen hanc interpretationem praefero Chaldaicae, *pavones* intelligenti, nullo, quantum mihi liquet, argumento. Sequitur eam Raschi, et plures, quos Bochartus nominat.

Aliam lectionem, אֲבֵנוֹס, vel potius, אֲבֵנוֹס repperisse videtur Syrus, thus vertens. Thure quidem nihil ad hunc locum aptius, cum Daden emporium sit Arabiae, quae sola thus habuit: atque etiam hoc accedit, quod

τὰ ἐβένια καλούμενα γλυκερά, i. e. *cornua Symmachus ebenos interpretatus est, ex quibus sic dicta ebenina sunt. Ergo hebeni nomen*

in hoc versu apud Symmachum legit, sed male ad קֶרְבֹּת retulit.

(*) ligna hebenina, quae nigri coloris pretiosissima sunt.

quod in toto capite alia thuris expressa mentio non fit, viderique possit, in mercibus illud Tyriorum omitti non debuisse. Est ergo lectio non spernenda.

Sed non uno modo in hoc vocabulo codices antiqui diffidebant. Graeci verterunt: καὶ τοῖς ἐισαγομένοις ἀντὶ δόλου τοὺς μισθοὺς σου, i. e. *pro illatis mercibus alias dedisti, ac paria cum mercatoribus fecisti*. Negari nequit, secus eos legisse, quam nunc Hebraica edita sunt: nec tamen, ut Fullerus Bochartusque volunt, דָּבָאִים, quae vox quidem Hebraica est, debuissetque מִדָּבָאִים scribi. Legeruntne, וְלִבְנֵי הַשֶּׁבֶת, *et ingredientibus reddidisti*? Sic et Lamed, quod Syrus in Hebraico textu, iidem repperint. Comparemus lectiones,

Hebr.	- - -	וְלִבְנֵי הַשֶּׁבֶת
Syr.	- - -	וְלִבְנֵי הַשִּׁיבֹו
LXX.	- - -	וְלִבְנֵי הַשֶּׁבֶת

ut sententiam de illis ferre certiore, aut verisimiliorem, detur.

Nec duplici hac varietate contentus, tertiam quoque, suspicionem, quae animum sollicitat, expendi a lectoribus velim. I Reg. X, 20. in simili argumento, merciumque Indicarum aut Africanarum enumeratione, שְׁנֵהָבִים legitur. Estne nostrum שְׁנֵהָבִים idem cum illo? locusne libri regum ex Ezechiele, an Ezechielis ex libris regum corrigendus? Utrique vocabulo explicando nihil adhuc praeter conjecturas adlatum. Non liquet!

GENES. X, 8.

Possem hunc versum, nihil geographici continentem praetermittere: sed quia totum reliquum caput mihi pertrahendum est, nolim hac una lacuna ejus interpretationem divelli, maxime cum historiae antiquae nonnihil lucis ex philologia, eaque ipsa, quae alias mihi minuta videtur, etymologia adfundi possit, ex qua si vel hoc unum didicerimus, Nimrodi nomen adscititium, et ab Hebraeis tyranno inditum esse, sufficit.

* * *

וכוש ילר את נמרד

Et Cusch genuit Nimrodem.

Pro ילר Samaritanus codex habet חליר magis propriam conjugationem ponens. Ita enim nonnunquam differunt hujus verbi Kal et Hiphil, ut illud sit, *parere*, dicaturque de matribus, hoc, *gignere*, quasi diceret, facere, ut femina pariat, gravidam illam reddere. Nec tamen ideo reprehendenda aut damnanda Hebraica lectio: persaepe enim, quod docere Buxtorfii concordantiae quemque possunt, ילר in Kal latius sumtum de patribus ponitur. Mihi lectio Samaritana suspecta, grammatici correctionem, ut multa in codice Samaritano, redolens.

Pro נמרד plene נמרד habent codices Samaritani, et ex Hebraicis nonnulli, de quibus vide varias lectiones biblicorum Halensium. Scriptio indifferens.

Hic demum aliquis non populus, sed homo unicus, ac proprie ita dictus sive filius sive nepos, Cuscho progenitori

D d

nitori tribuitur: isque ita a reliquis, qui versu praecedente nominati erant, a Mose ipso distinctus, ut vel ex hac filiorum disjunctione suspicari necesse sit, reliquos non proprio verbi sensu filios, sed populos esse Cuscho ortos. Si enim eodem modo, quo Nimrodus, Saba quoque et reliqui filii Cuschi fuerunt, quid erat, cur non ita potius Moses scriberet: *et filii Cuschi sunt, Saba, et Chavila, et Sabiba, et Ragma, et Sabthecha, et Nimrod*? Non placent ergo, qui VI. Cuscho filios tribuunt, nec, qui illis Ant. I. c. VI. §. 2. praeivit, Josephus. Quinque populos ab eo ortos scio, Nimrodum Cuschaeum fuisse scio, Mose utrumque teste: quot autem filios habuerit Cuschus, Nimrodusne filius ejus fuerit, an nepos, an pronepos, ignoro, deque ea gloriolior ignorantia.

De nominis etymo supervacanea videri disputatio posset, nisi et loquaces hic essent veteres, eaque scripsissent, quae passim a recentioribus inopia linguae Hebraicae non intelliguntur, atque injuste damnantur: et verisimile esset, nomen Nimrodo non a parentibus impositum, sed inditum a posteris. Solent enim Orientales non paucos nobiles viros nominibus compellare, non quae dum viverent gesserunt, sed post fata inditis, unde mirus nonnunquam inter nomina et res gestas consensus. Ex his ergo nominibus Nimrodi quoque esse suspicor: quod eo pertinebit, ut mirum videri non debeat altum Graecorum Latinorumque scriptorum de Nimrodo silentium, maxime si hoc nomen ita sit contumeliosum, ut non a civibus, sed ab his, quibus odio fuit ejus tyrannis, inditum videatur. Quod si est habuisse quidem Nimrodum, sed alio sub nomine, Babyloniorum videbitur historia.

Omitto

Omitto autem etyma a recentioribus excogitata, ut, cum Simonis, invita sane grammatica, נֶן מְרֹדֶר, *filium rebellem* interpretatur (*), aut Perizonius (**) nomen ei ductum putat, quod semper ingeminaret, נֶמְרֹד, *rebellemus contra Noachi consilium!* Quis credat, rebellionis iuasorem atroci hac voce usum esse? Accusatoris illa, et contra rebellionem dicentis fuisset: magni autem et immanis sceleris auctores mollire illud verbis, non in invidiam adducere solent.

מֶרֶד *rebellare* esse, nemo ignorat. A rebellionem si nomen Nimrodo duxerunt Hebraei, *rebellem Deo* nominasse videntur, quod et turrim Babylonicam invito Deo exstruere conatus est, atque, ut narrare Orientales solent, idololatriæ auctor ac promotor fuit. Talem Josephus L. I. c. 4. §. 2. Nimrodum descripsit, sumpta forte ex nomine viri historia. Ἐξήρην, inquit, αὐτοὺς πρὸς τὴν ὑβρίν τοῦ Θεοῦ καὶ καταφρόνησιν Νεβρώδης, - - ὃς ἐπειθὲν αὐτοὺς, μὴ τῷ Θεῷ διδόναι τὸ δι' ἐκεῖνον εὐδαιμονεῖν, ἀλλὰ τὴν ἰδίαν ἀρετὴν ταῦτα παρέχειν αὐτοῖς ἡγείσθαι. *Ad Dei autem contemptum animum illis addidit Nebrodes, - - docens, non Deo acceptam referendam felicitatem, sed cuique suam virtutem praestare omnia.* Addit statim, sperasse eum, occupata tyrannide ἀποστήσειν ἀνθρώπους τοῦ φόβου τοῦ παρὰ τοῦ Θεοῦ *abducturum se homines, quo minus a Deo quidquam metuerent*, ipso eo verbo usus, quod saepe LXX pro Hebraico מֶרֶד ponunt: quin et fabulas Orientalium sequutus addit, Nimrodum eo consilio turrim aedificasse, ut Deo bellum indiceret. De quo talia fere-

(*) Onomast. Sacr. p. 472. (**) Origines Babylon. c. 8.

ferebantur, eum nomine proprio REBELLEM dixisse posteris, non mirum.

Ad rebellionem redit, quod lexicon nominum Hebraicorum in operibus Hieronymi editum pag. 227. primo habet, *ἀνταρσιον*, *insurrectionem*, ac deinde, *ἀντομόλησιον*, *fugam*, vel, *profugium*. Sumtum posterius ex Philone, qui in libro de gigantibus, T. I. editionis Mangeyanae pag. 272. *redditur*, inquit, *Nebrod ἀντομόλησις*. *Nec enim miserae animae sufficiebat, neutrarum partium esse, sed accedens hostibus manifestum cum amicis bellum gessit*. Forte haec significatio profugi vel transfugae non spernenda, eximie apta Jobi loco, cap. XXIV, 12. Quid enim in sceleratos verius his dici potest: *fugiunt a luce, nec ambulant in viis ejus*. Chaldaeis onagri מררין dicti, incertum, utrum a fuga hominum, quae in hoc animali maxima, an quod sint contumaces et indomiti.

Lexicon Hieronymianum *tyrannum* quoque reddit. Nec id ab usu linguarum Orientalium, historiaque Nimrodi abludit, licet vocabularia recentiorum illam significationem ignorent. Arabibus enim مرید est, *valde contumax ac superbus*, inque historia martyrii christianorum Syriaca tyrannus Judaeus, qui multos christianos Nagraenses saevissimis suppliciis adfecerat, vocatur, *رَجُلٌ قَلْبًا فَجِيرًا*, *rex hic crudelis*. (Assen. bibl. Orient. T. I. p. 369.) Primus autem mortalium post diluvium regno per vim potitus Nimrod legitur, seu ut Hieronymi verbis utar a Josepho mutuis, *arripuisse primus insuetam tyrannidem*: eundemque ut crudelem, quique veri Dei cultorem Abrahamum in fornacem ignis conjecerit,

rit, Orientalium fabulae describunt. Quin et Nimrodus nomen suum tyrannis ita commune reliquit, ut, نمرود *Nimrodi*, idem sit, quod, tyranni, teste Herbeloto p. 669. bibliothecae Orientalis.

Haec ergo sententiae meae summa, Nimrodum alio primum nomine fuisse, sed sive ob Dei contemptum, sive ob arreptam tyrannidem, ab his, qui idololatriam ab eo invec̄tam, aut regnum oderant, Nimrodum dictum fuisse. Nec dubium, quin alio nomine nihil opprobrii habente in Babyloniorum olim annalibus vocatus sit, quos sequuti scriptores Graeci Nimrodi nomen ignorant.

* * *

הוא החל להיות גבר בארץ

Hic coepit tyrannus esse in terra.

i. e. hic primus per vim tyrannide potitus est, humanoque generi, quae hucusque fratrum aequalium societas erat, libertatem eripuit. Verbis Josephi eandem repetere sententiam lubet: *τολμηρὸς, καὶ κατὰ χεῖρα γενναῖος, - - περιστά κατ' ὀλίγον εἰς τυραννίδα τὰ πράγματα: audax manuque promptus rem publicam in tyrannidem mutavit.*

גבר, seu ut iterum pro more suo plene scribit Samaritanus, גבר, ut notum suaque lingua usitatum, Onkelos, Syrus et Arabes retinuerunt, interpretatione in supervacaneis habita: lexicographi nostri *fortem, validum*, reddere solent. Non male hi quidem, alia loca si spectes, sed huic versui ea significatio parum apta. De ge-

nere enim humano quis tam male speret, ut putet, primum Nimrodum virum fortem fuisse, omnibus ante illum, qui tot diluvii pericula emensi erant, ferasque edomuerant, aut cum illis, ut necesse initio fuit, pugnaverant ac bella gesserant, imbellibus? Incogitantius Abenesra vult eum primum fortitudinis humanae specimina edidisse contra feras: sine qua fortitudine ne salvi quidem esse potuissent, qui ante eum nati sunt.

Tenendum ergo, גבור vituperii quoque esse, et ad vim injustam praedonis, parricidae, tyranni referri. Arabibus quidem جبار et parricidam et praedonem, sonat: ut in Sura Corani XXVI, v. 130. cum inciditis in viatores, prehenditis illos جبارين praedones facti, et Sur. XXVIII, 18. visne me occidere, Moses, ut heri aliquem occidisti? visne fieri جبار parricida in terra? an bonus? Unde et Golius, praeceuntibus Arabum lexicographis, vertit, superbe se efferens, contumax, quem ira ad caedem impellit.

Nec haec significatio Hebraeis inusitata. Psalmus LII, 3. Doegum, nulla fortitudine insignem, sed ex delatore carnificem inermium, גבור compellat: quid de malo, inquit, gloriaris parricida? Psalmo CXX, 4. verba obtrectatoris dicuntur, חצי גבור, sagittae, non fortis, quis enim fortitudinis laudem obtrectatori ut criminis propriam concedat? sed, praedonis, vel sicarii. Nec defuerunt, qui גבור in deterius acciperent interpretes, ut Chaldaeus Ps. LII, 3. fortis ad effundendum sanguinem innocentem, et I Paral. I, 10. coepit esse fortis in peccato, effudit sanguinem innocentem, et rebellavit coram Jehova;

va: quamvis in eo filum potius orationis, quam linguae antiquae notitiam; hos interpretes sequutos fuisse, si quis dixerit, non obnitur. Clarius enim et sine istis ambagibus interpretaturi erant, si nominis vim ex usu Arabici جبار satis cognitam habuissent.

Haec ergo, ni fallor, sententia, vi et caedibus in fratres grassatum Nimrodum, armatorumque stipatum manu, eo pervenisse, ut primus tyrannide potiretur.

LXX interpretibus *gigas* est, quo et nomine Genes. VI. 4. Hebraicum גבור reddunt. Figurata acciperem, de violento ac crudeli, tyrannidemque saevius exercente (*), nisi certum esset, Orientales Nimrodum ad gigantes retulisse (**), atque etiam ex usu linguarum non omnino haec significatio vocabulo גבור abjudicanda videretur.

Arabibus enim *procerior palma* جبار dicitur, verbumque Hebraicum Genes. VII. 18. 19. 20. de altitudine invalescentis aquae ponitur. Sed quidquid sit, gigantis significatio nostro loco non apta: quid enim, *coepit* gigas esse?

(*) PRIDES de Chosroë apud Svidam: γιγαντιῶ δὲ, καὶ τυραννίδος γέλει, gigantem agebat, tyrannidemque exercere audebat.

(**) Baal Hattur ad hunc locum monet, verbum יאמר ter poni, v. 9. de Nimrodo, et Pl. LXXXVII. 5. de filiis Sionis, propterea quod omnis in ea natus sit גבור et statura arduus, ut Nimrod. In astronomia Orientali Orionis sidus ad Nimrodum refertur: vocaturque, jam

Gibbor (גבור) a Judaeis, جبار

Syris, الجبار Arabibus) jam גפילא, *gigas*. Vide Castelli lexicon sub כסיל, Kircheri Oedipum P. II. p. 202. et Hydii notas ad Ulugbeigh tabulas fixarum p. 44. fqq. Fabula quoque, quae montem intrinseasse tradit, in quem Nimrodus excussus erat, ab Herbeloto p. 669. bibliothecae relata, sumit, gigantea eum statura fuisse.

esse? idque, *in conspectu Dei*? aut, quis *gigas venationis*?

לפני יהוה *Coram Jehova.*

i. e. vidente et indignante Deo. Nempe eo pertinet, ut in conspectu omniscii numinis, excusso ejus metu ac reverentia, vi fraternalium opprimere genus auderet. Vide cap. VI, 11, 12.

Male hic Abenesra fingit, Nimrodum altaria aedificasse, inque illis feras, quas capiebat, Deo immolasse, atque hac de causa fortem in conspectu Dei dici. Feras immolare, ita Hebraeis insolitum, ut si id factum a Nimrodo esset, velletque Moses intelligi, multo dicendum clarius et expressius fuisset.

GENES. X, 9.

הוא היה גבר ציד לפני יהוה

Hic ex venatore factus est tyrannus in conspectu Jehovae.

Antequam ad sententiam accedam, de verborum lectione atque appellatione haec praemittam.

- 1) Noli suspicari, pro הוא היה Latinum interpretem legisse, והיה. Vertit quidem, *et fuit*: cum autem solus omnino pro ILLE habeat ET, libertatis id potius

tius, qua interpretes uti aliquando solent, quam variae lectionis esse putem.

2) Pro גבר iterum plene גבור habent codices Samaritani, inque fine versus כנמרוד.

3) ציד (Said) habent biblia masorethica, quod verendum, *praedo*, vel, *tyrannus venationis*, id vero est, ex venatore praedo vel tyrannus factus. Eadem sententia, sed diversa fuisse videtur plerorumque ex veteribus appellatio, ציד (Sajjad) *praedo venator*, in quam plures pene consentiunt, quam ut ad merum casum, interpretandique libertatem referri possit. *Venatorem* enim habent, LXX, Vulgata, Syrus: alii non venatoris quidem, sed tamen personae nomen ponunt, non actionis, ut Onkelos, חקק, *fortis*, anonymus Graecus βίαιος, *violentus*. Arabs polyglottorum مخوف *terrorem incutiens*. Quas significationes nescio unde arripuerunt, id tamen certum, nomen eos concretum ציד, non abstractum ציד, in animis desitum habuisse. Pauci abstractum habent, et recentiores, Pseudojonathan, Arabsque ab Erpenio editus, (جبار في الصيادة *fortis in venatione*) punctis consentaneae. Non magna lis est, nec ejus mentionem fecissem, nisi notatu dignum videretur, antiquos interpretes omnes punctis contradicere, idque eo in loco, ubi vel puncta nulla legens tamen cum illis consensurus fuisse videtur: aurium enim iudicio ציד facile vincit,

4) Post **לֹאֵלֹהִים** LXX, ut saepe, addunt **אֱלֹהִים** (ἐν-
αντίον Κυρίου τοῦ Θεοῦ) quod utrum ad licen-
tiam interpretis referam, an ad varietatem lectionis,
ambigo. Saepe quidem in Graeco pentateucho re-
currit, nec, licet sensu eodem manente, nullius mo-
menti est, varietas, postquam nominum divinorum
iudicio investigasse sibi visus est Astrucius fontes, ex
quibus Moses historiam hausit (*). Sed ejus omnes
rationes Graecus pentateuchus, de quo non cogita-
verat, turbat.

Sed his omiſſis ad lectionem consuetam explicandam me
confero.

Praedo, vel tyrannus venationis fuisse dicitur Nim-
rodus, id vero est, nisi me omnia fallunt, ex *venatore*
praedo, aut *tyrannus*. Venationi se dans, primo feras,
deinde homines domare didicit, est enim fortitudinis bel-
lique rudimentum venatio: jamque formidatus aliis, et
coacta aut fervorum aut sui similibus manu, qui virum
fortem ducem sequerentur, primo latrocinia et caedes ex-
ercuit, ultimumque, favente fortuna, tyrannidem inva-
sit. Aliorum explicationes omitto, jamdudum cupiens,
ad geographica cursum reflectere.

עַל־כֵּן יֵאמָר
Propterea dicitur: ut Nimrod, ex venatore
tyrannus, in conspectu Jehovae.

Ple-

(*) *Conjectures sur les memoires la Genese. Vide relationum de li-*
originaux dont il paroît que Moÿse bris novis fasciculum XI. num. VIII.
s'est servi, pour composer le livre de

Plerique proverbium citari putant, ut, Vulgata, et ex Judæis, Raschi, Abenesra, aliique. Mirari autem subit, si proverbium illud fuit, nuspiam in sacris literis occurrere, (reliquis enim linguis Orientalibus quod ignotum est, antiquitati forte rerum tribuetur) nec video, in quem dici potuerit. Pauci enim praeter Nimrodum a veneratione ad tyrannidem gradum faciant. Non casus rariores complecti proverbia, sed de quotidianis loqui solent.

Jonathan audacter supplet: *propterea dicitur: a die creationis mundi non fuit ut Nimrod.*

Ephraemo formula est salutationis, qua adclamatum sit regibus: *esto ut Nimrod.* In bonam ergo partem accepit (*), homo, in illa Mesopotamia natus, in qua olim Nimrodi regnum fuit, mitiusque adhuc de eo sentiebatur.

Mihi verisimile, carminis historici, noti Israëlitis, verbi citari, in qua alius tyrannus, nescio quis, Nimrodo comparabatur.

GENES. X, 10.

וְהָיָה רִאשִׁית מַמְלַכְתּוֹ בְּבָבֶל

Et fuit initium regni ejus, Babylon etc.

Vi imperium fundavit Nimrodes, quod ut notum sumit Moses, initia ab incrementis distincturus.

Pri-

(*) Duplicem habet interpretationem locutionis, גְּבוּרָה צִיד. In primo enim ac breviori in Genesim commentario, venatorem Dei fuisse

Primo loco urbs ponitur ex reliquis maxime meridionalis, Babylon; de qua non disputabo. Antiqua enim satis nota: hoc tempore quae urbis sint rudera, ac de situ ejus certiora, ex Nieburii, qui Babylonem adiit, itinera-rio discere aveo.

Vulgari errore Babylon cum Bagdad confundi solet: hinc factum, ut Arabs Erpenii, et Persa, بغداد verterent.

* * *

אֶרֶךְ *Erech*, i. e. *Edeffa*.

Non nisi hoc uno loco nomen urbis occurrit: gentilitium tamen, *Edeffenus*, Ezr. IV, 9. legitur, interpre-ribus nostri loci non observatum. Varie ibi scribitur; in *Ctib.* אֶרְכִי, in Keri אֶרְכִי, in codice Cassellano אֶרְכִי, et a Syro interprete, cujus in nomine geogra-phico Mesopotamiae praecipua auctoritas, אֶדְסֵן. Edef-senos Syris אֶדְסֵן dici, infra monebo, nec in vocalium exigua diversitate laboro: vocales enim bibliorum Syria-corum non sunt ex codicibus fideliter descriptae, sed ab editore correctae, quo in negotio saepe imperite versatus videtur.

Ipsius nostri nominis אֶרֶךְ vocales diversimode ab in-ter-

<p>se ait Nimrodum, quod mortales, uno in loco confidere cupientes, coëgerit, eas terras occupare, quas cuique familiae Deus attribuerat: solum enim Babylone regnare volu-</p>	<p>isse. At in secundo commentario (T. I. p. 153.) venatione victum quae-fivisse ait Nimrodum turris Babylo-nicae conditoribus,</p>
---	---

terpretibus antiquis efferuntur. ERECH Masorethae voluerunt: LXX Ὀρεχ habent, *Arach* Vulgata, et qui ei concinit, Syrus. Hic enim אֶרֶךְ habet, quod ex Orientalium Syrorum appellatione ARACH est, et secundum Occidentales ORÓCH. In Aramaca urbe cum Syris credi fas sit, accedatque Vulgata, et quodammodo Graeca Versio, in prima syllaba O habens, ex Occidentalium illud Syrorum appellatione: praetulerim punctis masorethicis hanc nominis scriptionem, אֶרֶךְ, inque Ezrae loco, אֶרֶכְיָא. Sed de his appellationis punctorumque minutiis non multum laboraverim, si quis fortiter neget: quae urbs a Mose אֶדֶסָס dicta fuerit, id vero est, quod maxime quaeritur.

Edeßam, nobilem Mesopotamiae urbem, ii omnes in אֶדֶסָס invenerunt, in quorum aut sententia aut testimonio aliquid auctoritatis residet, quod regiones circa Euphratem adcuratius cognitae habere poterant. Solet autem pluribus Edessa nominibus vocari, quod ideo mone- re necesse est, quia interpretes jam hoc utuntur jam illo. *Edeßam* Graeci dixerunt, ab Edessa Macedoniae, iidem- que ob vicinos fontes rivosque, Καλλιπόρην, quod no- men detruncatum Syri in *Urhoi*, (اُرْهَوِ) Arabes in *El-raba* (الرها) mutarunt. Recentioribus plerumque *Orfa* (اَرْفَا) dicitur, quo de nomine placet conjectura auditoris mei, cum geographiam antiquam tractarem, Schulzii, Wertheimensis, *Orfa* ex *Orha* ortum more Aeolum suspicantis, qui et pro spiritu Graecorum F Latinum ponunt, atque in medio quoque vocum aliquando hoc spiritus labialis signum inferunt. Quibus de nomini- bus, si placet, consule Assemanum T. II. bibliothecae

Orientalis. Nullum eorum Alexandro Magno haberi potest antiquius: unde sequitur, ut ante illum aliud urbi nomen, Syriacae originis, fuerit.

Jam ergo utrumque Thargum sequioris aevi, ܐܕܝܢ ܐܕܝܢ ܐܕܝܢ *Edeffam* vertit. Ephraemus Syrus, qui ipse Edessae vixit, nec nomen urbis suae ignorasse videtur, pagina 15. nomini adscripsit, ܐܕܝܢ ܐܕܝܢ ܐܕܝܢ, *quae est Urhoi*, et p. 58. ܐܕܝܢ ܐܕܝܢ ܐܕܝܢ, *in Oroch, quae est Edessa*. Hieronymus, qui a magistro suo, Judaeo, discere potuit, quae urbs Mesopotamiae ܐܕܝܢ diceretur: *in Arach, hoc est, in Edessa*. Abulpharagius quoque, sed is sine dubio Ephraemum sequutus, pagina 18. historiae dynastiarum *El-raham* (ܐܪܚܐ) interpretatus est.

In tanto veterum, et vero Syrorum, consensu, parum me movet recentiorum, in quibus maxima quoque nomina Salmasii, Bocharti, Hydii, Bayeri, dissensus: Bayero tamen largiente, Edessenos ipsos se ܐܕܝܢ (Arachenses vel Orochenses) vocare. Atque illorum quidem, qui ante editam Assemani bibliothecam scripserunt, dissensum nec miror nec aegre fero; soli enim Hieronymo, et sequioribus Chaldaeis credere, intutum putabant: Bayeri, qui ex Assemano didicerat, ipsum ita prodidisse Ephraemum, pene inverecunda est cum veteribus pugna. Nec argumenta illis opponit, sed sine argumentis adfirmat, de Edessa eos, *Urhoi* dicta, scripsisse, quae de alia urbe cognomine vera sint, scribique debuissent. Miror, eruditissimum hominem tam sui in initio elaboratissimi operis fieri potuisse dissimilem. Nulla uspiam alia *Urhoi*, quae cum nostra confundi a veteribus potuerit, nisi quod eam conjecturis et literarum permutatio-

tionibus Hydius, Bayerusque creaverant: sed fac fuisse! suspicari licuisset, utramque a veteribus confundi potuisse; non debebat sine argumento edici, esse confusam. Sed de Bocharti Bayerique sententia disputemus curatius.

Bochartus ergo, qui quantique viri ܐܕܥܝܬܐ Edessam fuisse testarentur ignorans, argumentis tamen usus est, in hac opinione refellenda. *Nec nomina convenire*, ait, *nec situm* (*). Situs vero egregie convenire videtur! Habemus urbem Mesopotamiae: nec obstat, quod illa sit a Babylone versus boream paullo remotior. Nec enim soli circa Babylonem tractui Nimrodum imperitasse, quicumque affirmavit, velitque Bochartus: quaeque versu sequente trans Tigrim quoque condita dicitur Ninive, aliaeque Assyriae urbes, certe non suburbanae Babyloni fuerunt. De nomine minus etiam laboraverim, testes habens. Constat enim, multas Orientis urbes post Alexandri victorias nomina mutasse; inque his sine dubio Edessa censenda. *Edessa* enim, et *Callirrhoe*, Graecam originem ultro fatentur: ex Callirrhoe, *Urhoi* et *Raba* depravata sunt, *Urfa* nomen prorsus recens, ac veteribus ignotum: et tamen ante Graecorum tempora aliquo nomine barbaro Edessam, si qua ibi locorum urbs fuit, appellatam fuisse necesse est. Quidni ergo et pluribus testibus, et vero civi Edesseno, Ephraemo, credamus, *Arach* ei nomen fuisse? Sed nec nominis monumentis caremus, cum ipsi sibi Edesseni *Aracceni* (ܐܪܥܝܢܐ) sint.

Vult autem Bochartus, Salmasium, ut dixi, sequutus, ܐܕܥܝܬܐ *Areccam* esse Ptolemaei, in Susianae et Babyloniae

(*) Libr. IV. c. 16.

niae confinio sitam. Nec obstreperem, si quem ex antiquis testem haberet, nec potius omnium testium auctoritati solam opponeret ex concentu nominis ductam conjecturam. Hac enim sola, in tanta nominum propriorum multitudine, quorum aliqua casu convenire necesse est, uti periculosum, maxime, si nomen Orientale habeas latine aut Graece scriptum, cuius Orientalem orthographiam ignores. Forte enim *Areccae* nomen illis literis scribitur, quibus parum cum אֶרֶץ commune.

Haec vero, modesta adhuc et verecunda, conjecturis et literarum mutationibus mire auxerunt Hydius et Bayerus. Areccam Babyloniae primo confert cum *Irac* (عراق) regionis nomine: deinde vult, Uram esse Chaldaeorum, (אֶרֶץ כַּשְׁדִּי) Abrahami patriam, ab igne dictam, quod ignicolae eam Chaldaei habitaverint: tertio, nullo auctore, narrat, אֶרֶץ Syriace אררט dictam fuisse; idque nomen tandem ita detorquet, ut Ὀρχηνοῖς Strabonis inde prodeant. Hic vero quot sententiae, tot ruinae. Namque

1) אֶרֶץ (عراق) nomen provinciae cis ac trans Euphratem, per Ain scribitur, nostrae urbis nomen per Aleph: nec habet omnino literam cum nostro nomine communem praeter R. Compara אֶרֶץ et אֶרֶץ, intelligesque conjecturae temeritatem.

2) Ex אֶרֶץ nunquam אֶרֶץ, nec ex אֶרֶץ fieri אֶרֶץ potest, quia litera Caph non ex his est, quas addere aut demere Orientales solent.

3) Nec nisi conjectura est etymologica, Uram ab ignicolis nomen accepisse. His autem conjecturis fidere, historiamque aut geographiam ex etymologiis hau-

haurire, intutum, cum plerorumque nominum priorum origines causasque ignoremus. Certe non Chaldaei ignicolae, sed Persae: nec ignis cultus in toto codice sacro commemoratur ante Ezechielem, ut veri dissimile sit, ignicolarum religionibus Abrahami majores innutritos fuisse.

4) Nec אֶדֶסָא in אֶרְחֵי (*Urhoi*) mutari potest. Fingit quidem, totus jam etymologicus, Bayerus, אֶדֶסָא esse pronomen pro verbo positum, IGNIS EST: sed ita אֶרְחֵי (*Uri*) dicendum fuisset: nec nomen proprium geographicum eodem modo compositum, totus nobis Oriens dederit.

5) Nec ullo teste constat, aliam urbem praeter Edeßam, אֶדֶסָא vocitatam fuisse: Areccae enim hoc nomen sine teste, solo ingenio et benevolentia largitus est Bayerus.

6) Nec אֶרְחֵי et Ὀρχηνοί, adfinia nomina sunt. He enim Orientalium a Graecis plerumque omittitur, non in אֶדֶסָא mutatur.

De sola Saadiae versione Arabica ut dicam, restat. Verit ille, اَلْبَرْسَ (Elbars) quod nomen nuspiam reperire potui. Suspicio, vitiosam scriptionem esse, restituendumque اَلْبَرْسَفَ, ut sit *Borsippa*, urbs Babyloniae, Thalmudicis בֹּרְסִיפָה. Vide Cellarium pag. 749. et Buxtorffii lexicon Thalm. col. 362. Nempe cum ignoraret Saadias, in Aegypto vivens, quae אֶרְחֵי esset, videretque eam cum Babylone componi, ejus urbis nomen ex conjectura posuit, quam frequentissime magistri ante vel post Babylonem nominant, ut, cum dicunt, *Babylon et Borsippa mali ominis sunt legi.*

וְאֶחָד Et *Accad*.

Primo triplex notanda lectionis varietas. Hebraicae scriptioni, נֶסֶבִּיבִּיבִּי, consentiunt, Samaritanus, Onkelos, Vulgata, Arabs uterque, et Persa.

Soli LXX habent Ἀρχὰδ, ac si esset אֶרְכָּר, quod unum, repudiatis reliquis omnibus, ac nescio quam ob causam verius habitum, explicandum sibi desumfit Bochartus (*), nec quasi lectionem probaret, sed quod putabat, *Arcad* pro *Accad* more Chaldaeorum scribi, cujus quidem mutationis grammaticae exempla non omnino desiderantur. Nullum autem urbis *Arcad* vestigium in tota reperiens geographia antiqua, ad fluvium recurrit *Argadem*, cujus Aelianus, L. XVI. de animalibus c. 42. his verbis mentionem injecit: Κτησίας γε μὲν ὁ Κνίδιος λέγει, περὶ τὴν Περσικὴν Σιττάκην ποταμὸν εἶναι, Ἀργάδην ὄνομα, Ctesias Gnidius refert, ad *Sittacen Persicam fluvium esse, Argadem nomine*. Huic fluvio cognominem urbem quis neget esse posse? Id tamen multis exemplis probat, eaque urbs, quae esse potuit, Bocharto est, nullo teste aut indicio. Hanc ergo urbem, unam ex possibilium numero, *Arcadam* facit a Nimrodo conditam, ac, quasi id parum temeritatis esset, addit, alio eam nomine *Sittacen* dici, deliberans, unde ita vocari potuerit. Denique ex hac sua conjectura locum Strabonis emendat. Quae quidem ita sunt ruinosae, ut sola enarratione convellantur. Geographiae equidem Orientalis fortunam doleo, quod has sibi conjecturas Bocharti quoque permittere sustinuerunt,

Syrus

(*) L. IV. c. 17.

Syrus per Resch אַכַר scripsit, ut אַכַר (*Achar*) legisse videatur. Haec vero una lectio sententiam praestat, cum Accad et Arcad urbes ignoremus. Nempe, ut jam ad ipsam geographiam accedamus, *Achar* (אֲכַר) antiquum fuit nomen urbis nobilissimae, quae deinde, forte a praefidiis ibi collocatis נְצִיבִין (quasi tu *Praefidia* dices) Latine *Nesibis* appellata fuit. Ita Mesopotamiae peritissimus interpres, Ephraemus, סְכָלָהּ בְּנִיבִין, et in *Achar*, quae est *Nesibis*: eumque sequutus Abulfaragius. Similiter Hieronymus, a magistro suo nisi fallor edoctus, et in *Achad*, quae nunc dicitur *Nisibis*. Nomen urbis, secus quam Syri solent, per D scripsit, incertum, utrum ita in Hebraicis legens, an ab editoribus ad vulgarem lectionem correctus. Thargum quoque Hierosolymitanum et Jonathanis Nesibin (נְצִיבִין) habet, ut videri possint per Resch אַכַר legisse.

Pro certa haberem hanc explicationem, a Syris, et Chaldaeis traditam, confirmatam ab Hieronymo: in Mesopotamiae enim geographia Mesopotamiae incolis et Chaldaeis plurimum fidei haberi fas est. Aliquid tamen dubii movet alius ex Chaldaeis interpretibus, Jonathan verus, qui כְּנַה Ezech. XXVII, 23. Nesibin vertit: nec enim verisimile est, urbem, antequam Nesibis vocaretur, duo jam antiquiora nomina habuisse, ergo si prophetarum interpretem sequutus primum ejus nomen *Canne* facias, non videtur Mosis tempore *Achar* fuisse. Hoc tamen dubium diluetur, si כְּנַה non antiquius urbis nomen facias, sed synonymum nominis נְצִיבִין adpellative accepti. Nempe his vocalibus, כְּנַה, lectum nomen, *stationem mili-*

tum interpretatus Jonathan videtur, eoque nomine urbem, נְצִיבִין i. e. *stationes* dictam intellexisse, quod insolitum non est Orientalibus, nomina propria appellativorum more vertere, ac synonymis appellativis mutare. In quo quam aut recte conjecerit aut prave, aliud erit iudicandi tempus locusque, nunc sufficit, interpretem Ezechielis Chaldaicum his non contradicere, qui antiquum Nesibis nomen *Achar* fuisse testantur.

* * *

כְּלֶנֶה *Et Calne.*

Ad scriptionem nominis et appellationem quod attinet, primo consuetudini Rabbinoꝝ Arabica literis Hebraicis scribentium, tribuendum, quod Saadias علي per *Cha* habet: melius Maurus כְּלֶנֶה retinuit.

Graecis est χαλάννη, et Vulgatae *Chalanne*, ex quorum appellatione puncta vocalia haec erunt כְּלֶנֶה, secus quam leguntur in bibliis masorethicis. Hieronymus quoque, ubi aliquid Graecae lectionis corrigit, tamen CHALANN retinet, ut videantur omnino hae vocales masorethicis, CHALNE, praestare. Ad Jesaiae enim locum, c. X, 9. adscripsit: *primo sciendum, quod in Hebraico non habet CHALANE, sed CHALANNO. Ultima enim nominis hujus litera non est Jod, ut LXX putaverunt, sed Vau, quae literae sola inter se distant magnitudine.* Chalannen ergo potius, quam Calnen, vocitemus.

Major lectionis diversitas in Syriaca versione, ܟܠܢܐ, seu, ut in editione Romana operum Ephraemi expressum est,

est, כְּלֶחָ habente. Nec tamen quisquam, libris Syrorum adfverus, putabit, interpretem in textu Hebraico כְּלֶחָ legisse, sed manifestum mendum erroremque librariorum Syriacorum statim agnoscet, qui literas Jod et Nun, figura apud Syros simillimas, frequentissime confundunt. Confirmat ea quae dixi editio Romana Ephraemi, Jes. X, 9. et Amos VI, 2. cum enim biblia polyglotta in Jesaia כְּלֶחָ, inque Amoso כְּלֶחָ, utrumque per Jod, habeant, in Ephraemi commentariis utrobique per Nun, כְּלֶחָ et כְּלֶחָ legitur.

Samaritanus textus כְּלֶחָ habet, quod appellative posset accipi, *et hae omnes urbes sunt in terra Sinear*, estque ita ab interprete Samaritano intellectum, כְּלֶחָ, *et omnes illae sunt in terra Sopha*. Nempe כְּלֶחָ Samaritanis *omnes* significat, et ין suffixum est plurale femininum; quod si quis ignorat, testemque desiderat, inveniet in CASTELLI lex. pag. 1688. et CELLARIi horis Samaritanis pag. 80.

Nobilem esse, regiamque olim urbem, ex Jes. X, 9. et Amos VI, 2. discitur, ubi jam per He, ut hic, jam per Vau כְּלֶחָ scribitur. Quam autem tertiam scriptiōnem ex Ezech. XXVII, 23. Bochartus addidit, כְּנָה, non argumentis nititur, sed sola conjectura. Cum enim, quae esset illa Ezechielis Canna ignorarent, nec quidquam ignorari a se posse confiderent interpretes, Chalānnam ex illa fecerunt. Male illi certe: nec enim Lamed ex literis est, quas abjici grammatica Hebraeorum concedit; nec variae lectionis ullum vestigium. Omnes enim sine Lamed habent, LXX Χαναα, Vulgata Chene, Hieronymus in commentario Channe, Syrus כְּנָה, Chaldaeus-

que, ut paullo ante dixi, *Canna*, quod Nefibin interpretatus est.

Haec quidem de scriptione. Ad interpretationem nominis quod attinet, omnino sequor Bochartum, qui libro IV. c. 18. erudite et copiose disputavit, כְּתֵסִיפֹן Ctesiphontem esse, pagum antiquissimum et nobilissimum ad Tigrim, in ea Assyriae parte, quae Chalonitis dicitur situm, nomine quoque regionis nomini Hebraico urbis continente. Atque de hac quidem Ctesiphonte, e regione Seleucia sita, soloque ab ea flumine Tigri ita diremta, ut Ctesiphon Occidentalis fluvio sit, Seleucia Orientalis, legi omnino velim Affemanum T. III. bibliothecae Orientalis P. II. p. 622. 626. Seleucia ipsa eo loco a Seleuco Nicatore condita, ubi ignobilior olim Coche fuit, aut certe proxime a Coche: urbem autem utramque, Seleuciam et Ctesiphontem, uno nomine Arabes المدائن (*Madain*) Syri صيناء, id est, *urbes*, vocant.

Hanc autem urbem כְּתֵסִיפֹן esse consentiunt omnes, qui regionum circa Tigrim periti videri possunt: ex quibus Chaldaeos interpretes, seu, ut distinctius dicam, Thargum Hierosolymitanum et Jonathanem (*), Hieronymumque (**) et Eusebium nominavit Bochartus. Sed majores addere testes possum, Ephraemum Syrum et Abulpharagium, quorum ille صيناء (*Ctesiphontem*) hic مدائن (*Madain*) interpretatus est.

Id

(*) כְּתֵסִיפֹן

(**) et in Chalanne, quae postea verso nomine a Seleuco rege est dicta Seleucia, vel certe, quae nunc Κτησιφών appellatur. Quaest. in

Genes. Ambigebat ergo inter vicinas urbes, Ctesiphontem et Seleuciam. Fidentior idem ad Anos VI, 2. transite omnes in Chalanne, quae nunc appellatur Ctesiphon.

Id unum adhuc monendum, de Seleucia et Ctesiphonte Graecos quoque Jesaiae interpretes cogitasse videri, cum Jes. X, 9. haec scriberent: χαλάνη, ὅϋ ὁ πύργος ἀποδομήθη, *Chalane, ubi turris exstructa est*. Nempe Seleucia et Ctesiphon, postquam regia facta est Seleucidarum, totiusque Babyloniae metropolis, Babylonis nomen sibi arripuit (*): unde factum est, ut interpres, antiquae geographiae imperitus, circa Chalannam crederet turrim Babylonicam conditam fuisse, quod ab illo ad patres Graecos fluxit. Lege Bochartum libr. I. c. 9. qui locum Jesaiae attigit, sed fontem erroris, Seleuciam Babylonem vocitatum, non invenit, alia conjiciens.

* * *

בְּאֶרֶץ שֵׁנַר *in terra Schinear.*

Vide Bochartum L. I. c. 5. Dubio vacat, nomen esse regionis circa Babylonem, quod eam Genes. XI, 2. in planitie Sinear conditam legimus: sed quousque illa exportecta fuerit, id vero quis in tanta rerum antiquitate dixerit? Mihi quidem, qui supra Nesibin et Edessam inveni, necesse est, omnem cum Babylonia Mesopotamiam campestem sub Sinearitidis nomen cogere. Quod nec ab his abludit, quae jam de nominis reliquiis dicam.

Josephus in ipsa Babylonia vestigia ejus apud Hestiaeum historicum invenit. *Planitiem*, inquit, *Sennaar in Babyloniorum regione, commemoravit quoque Hestiaeus, his verbis: "qui vero de sacerdotibus servati, erant, cum Jovis Enyalii sacris in Sennaar Babyloniae*
,,con-

(*) Vide, Einleitung in die göttlichen Schriften des neuen Bundes, pag. 1637 - 1642.

„concefferunt. (Περὶ δὲ πεδίου τοῦ λεγομένου Σενναῖρ ἐν τῇ Βαβυλωνίᾳ χώρα, μνημονεύει Ἑστιάϊος, λέγων οὕτως· “τῶν δὲ ἱερέων τοὺς διάσωθέντας, τὰ „τοῦ Ἐνυαλλίου Διὸς ἱερώματα λαβόντας, εἰς Σενναῖρ τῆς Βαβυλωνίας ἐλθεῖν.” libr. I. Ant. c.IV. §. 3.) Borealis est, in Mesopotamiae tamen planitie ab Austro Nesibis sita Singara urbs, quae et ipsa videri possit antiquum nomen servasse, Ain Hebraeorum per Gamma Graecorum expressio: quamquam et Arabes ac Syri nomen urbis per Gimel scribunt, سنجار, et مِسْجَر (*), seu, ut corrigendum puto مَسْجَر. Nec obstat Singaris, quod obvertit CELLARIUS (**), circa Babylonem potius, quam in remotiore Mesopotamiae parte iudicio veterum terram Sinear quaerendam esse. Potuit enim utramque, et Babyloniam et Mesopotamiam complecti, estque sine dubio complexa, cum urbes, Babylonem, Edessam, Nesibin et Ctesiphontem habuerit.

Arabica versio, quae in polyglottis expressa est, sine G et Ain nomen scripsit, شينور, licentiane interpretis? an librarii vitio? an per opprobrium, quod Babyloniam aliis quoque ignominiosis notatam nominibus, infamem aut malignam detorto nomine dicerent? Est enim شينار dedecus, et شينير malignus. Ea quam Erpenius edidit, ab imprimientis manu habet, prorsus Hebraicis consentaneae, شنعر, sed quod ipsa Erpenii manus (**) correxit adscripto in margine, سنجار. Nempe

(*) Assen. bibl. Or. T. III. P.
II. p. 779.

(**) pag. 722.

(***) Illud testor exemplum libri,

pe qui typographo praeivit Arabica, festinantius, calamo oculis praecurrente, Hebraicorum recordatione, שֵׁנִי descripsit: errorem serius, finita jam parte libri intelligens editor, ex ipso codice Arabico شني restituit.

Duplex superest apud veteres nominis interpretatio, quam nondum satis illustratam video. Samaritanus, suis ille nominibus geographicis uti solitus, ארעא סופא, *terram Sopha*, vocavit: per errorem enim factum est, ut Castellus pag. 3149. sui heptaglotti ei *Aram Supha* tribueret. Haec autem terra *Sopha*, quae? ipsane Babylonia, ab his, quorum coloniae Samariam olim deductae sunt, ita dicta? an Syria Soba, quam Nefibin esse, alibi (*) disputavi? an denique terra speculae Babylonicae? Posterius praeplacet: a צפה *speculari*, turri Babylonicae nomen duci potuit. *Terram turris*, Babyloniā dicere, Judaeis frequentissimum.

ארעא דפונטוס *terram Ponti*, cum hic, tum c. XI, 3. XIV, 1. vertit Jonathan: mire, cum ea regio, in qua Babylon, Edeffa, Nefibis, et Ctesiphon sitae, Pontum Romanis sic dictum nulla parte attingat. Ergo de illo cogitari Ponto nequit, quem inter et Mesopotamiam tota interposita est Armenia et Cappadocia. Pro Βοττανή *Pon-*

bri, quod olim Erpenii fuit, habetque nunc bibliotheca academica Goettingensis, copiosius a me descriptum in dissertatione de chronologia Moſis post diluvium, p. 177. not. **** commentationum, quas

Societati regiae per annos 1763 - 1768. obtuli.

(*) In commentatione *de Syria Sobaea, quam Davides sub jugum misit*. Vide commentationes nostras ab anno 1763. ad 1768. Societati regiae oblatas.

Ponti nomen positum conjiciebat Bochartus, ita Chaldaeam vocatam fuisse ex etymologico magno asserens: sed unius modo literae T similitudine hoc quidquid est conjecturae nititur, ut malim adhuc fateri ignorantiam. Mihi quidem in mentem venit, et Pundae, urbis Babyloniae a Ptolemaeo commemoratae, et Euphratis Tigridisque, magnam Babyloniae partem Augusto mense maris in morem inundantium (*), unde ponti regio dici poterat. Sed malo et haec ad conjecturas ablegare, quibus tum denique lectores utentur, cum nova verisimilitudo accesserit.

GENES. X, II.

מִן הָאָרֶץ הַזֹּאת יֵצֵא

Ex hac terra egressus est.

* * *

Sententia, ex hac terra quae Tigride et Euphrate includitur, egressum esse, sive Assyrium, sive Nimrodum, (hoc enim adhuc in dubiis ponemus) superatoque Tigrideas, quae deinde nominantur, urbes in Adiabene condidisse. Verbum exeundi apte positum: est enim Mesopotamia separata a reliqua Asia regio, et aliqua tanquam insula, quo et nomine Orientalibus vocatur.

Pro הָאָרֶץ, pronomine generis communis, Samaritanus ut solet femininum הָאָרֶץ posuit; quod hic nec laudo, nec vitupero, eos tamen audiendos non puto, qui textum Hebraicum ut manifesti vitii grammaticalis reum ob-

(*) Büsching pag. 175. Asiae.

objurgant, ubi מֶלֶךְ feminine ponitur. Ignorantne viri docti, pronomina generis communis dari?

* * *

אֲשׁוּר *Affur.*

Dubitatur, quomodo reddendum sit, utrum in nominativo, *Affur*, ita, ut ex terra Sinear egressus Affur sit, an, *in Assyriam*, ut Nimrodus ex terra Sinear in Assyriam egressus dicatur. Prius faciunt omnes pene veteres, LXX, Vulgata, Arabs uterque, Onkelos, et Thargum Hierosolymitanum, adduntque et causam Judaei, nihil ignoraturi, cur ex regno Nimrodi Affur exierit. *Cum Affur*, inquit Raschi, *videret, filios suos Nimrodo aures praebere, Deique obedientiam exsuere, ita ut turrim aedificarent, egressus est ex medio eorum.* Ex alia traditione, cujus infra mentionem faciam (*), tyrannidem Nimrodi fugisse dixeris.

Posterius Bocharto placuit, L. IV. c. 12. et diu ante illum Jonathani. Hic quidem et fabulam addit; noluisse Nimrodum, hominem ut videmus valde pium, participem fieri consilii ejus aetatis, id vero est, noluisse consentire ad turrim Babylonicam aedificandam; urbes ergo, quas in Babylonia possidebat, ultro reliquisse, ejusque rei praemium a Deo novum in Assyria regnum habuisse. Ita Nimrodus magnum ac primum exemplum relictarum Dei causa possessionum omnium, earumque magno cum foenere receptarum. Altera fabula cum impium Nimrodum fingat, haec ejus honori consulit, inque gratiam primi Mesopotamiae regis excogitata a Syro aliquo videtur. Vide simile quid supra pag. 219. observatum.

Mihi

(*) pag. 238.

Ponti nomen positum conjiciebat Bochartus, ita Chaldaeam vocatam fuisse ex etymologico magno asserens: sed unius modo literae T similitudine hoc quidquid est conjecturae nititur, ut malim adhuc fateri ignorantiam. Mihi quidem in mentem venit, et Pundae, urbis Babyloniae a Ptolemaeo commemoratae, et Euphratis Tigridisque, magnam Babyloniae partem Augusto mense maris in morem inundantium (*), unde ponti regio dici poterat. Sed malo et haec ad conjecturas ablegare, quibus tum denique lectores utentur, cum nova verisimilitudo accesserit.

GENES. X, II.

מִן הָאָרֶץ הַזֶּה יָצָא

Ex hac terra egressus est.

* * *

Sententia, ex hac terra quae Tigride et Euphrate includitur, egressum esse, sive Assyrium, sive Nimrodum, (hoc enim adhuc in dubiis ponemus) superatoque Tigri eas, quae deinde nominantur, urbes in Adiabene condidisse. Verbum exeundi apte positum: est enim Mesopotamia separata a reliqua Asia regio, et aliqua tanquam insula, quo et nomine Orientalibus vocatur.

Pro הָזֶה, pronomine generis communis, Samaritanus ut solet femininum הַזֶּה posuit; quod hic nec laudo, nec vitupero, eos tamen audiendos non puto, qui textum Hebraicum ut manifesti vitii grammaticalis reum ob-

(*) Büfching pag. 175. Asiae.

objurgant, ubi אַשּׁוּר feminine ponitur. Ignorantne viri docti, pronomina generis communis dari?

* * *

אֲשׁוּר *Assur.*

Dubitatur, quomodo reddendum sit, utrum in nominativo, *Assur*, ita, ut ex terra Sinear egressus Assur sit, an, *in Assyriam*, ut Nimrodus ex terra Sinear in Assyriam egressus dicatur. Prius faciunt omnes pene veteres, LXX, Vulgata, Arabs uterque, Onkelos, et Thargum Hierosolymitanum, adduntque et causam Judaei, nihil ignoraturi, cur ex regno Nimrodi Assur exierit. *Cum Assur*, inquit Raschi, *videret, filios suos Nimrodo aures praeberere, Deique obedientiam exsuere, ita ut turrim aedificarent, egressus est ex medio eorum.* Ex alia traditione, cujus infra mentionem faciam (*), tyrannidem Nimrodi fugisse dixeris.

Posterius Bocharto placuit, L. IV. c. 12. et diu ante illum Jonathani. Hic quidem et fabulam addit; noluisse Nimrodum, hominem ut videmus valde pium, participem fieri consilii ejus aetatis, id vero est, noluisse consentire ad turrim Babylonicam aedificandam; urbes ergo, quas in Babylonia possidebat, ultro reliquisse, ejusque rei praemium a Deo novum in Assyria regnum habuisse. Ita Nimrodus magnum ac primum exemplum relictarum Dei causa possessionum omnium, earumque magno cum foenere receptarum. Altera fabula cum impium Nimrodum fingat, haec ejus honori consulit, inque gratiam primi Mesopotamiae regis excogitata a Syro aliquo videtur. Vide simile quid supra pag. 219. observatum.

Mihi

(*) pag. 238.

Mihi vero prior interpretatio, *ex ea terra Assur egressus est*, multo videtur altera verisimilior, cum quod prima legenti succurrit, tum quod, *egressus est in Assyriam*, dicturus Moses, non אַשּׁוּר, sed אַשּׁוּרָא cum He locali scripturus fuisse videtur. Scio, omitti illud He locale posse: hic vero perspicue et distincte scripturi erat, non omittere. Ex argumentis Bocharti nullum, quod vel minimam habeat vim probandi, idque solum sufficere poterat, ut veterum potius omnium consensum, quam novam sequamur Bocharti opinionem. Enarrabo, quae pro argumentis habet.

- 1) *Primo alienam putat ab hoc loco mentionem Assuri, filii Semi, quia genealogia texatur Hami non Semi.*

Pro certo ergo sumit, de eo Assuro, quem Semus genuit, Moſen hic loqui; quod ipsum est valde incertum. Abenesra quidem Assurum nostrum Japhetitam facit, ab Assuro Semi filio diversum. Sed ut concedam Bocharto, quod equidem serio negare nolim, Assyrios Semo ortos fuisse, poterat tamen in Nimrodi historia id quoque commemorari, Assyrios, sive voluntate et auspiciis Nimrodi, sive ab eo deficientes, ex Mesopotamia egressos sedes ultra Tigrim posuisse.

- 2) *Non pati ordinem historiae, ut Assuri gesta referat Moſes versu undecimo, et nativitatem versu vicesimo secundo.*

Historiam ordine ac serie scriptam si hic legemus, aliquid diceret Bochartus: at in genealogia eum obiter dataque occasione nominari, cujus nativitas

vitas ob stemmatis rationem narrari nondum potuit, nihil vitii habet. Quamquam ne in historica quidem descriptione reprehendendum, si, ut exemplo utar, Svecicas res exponens narres, Carolum cum Petro Magno bellum gessisse, antequam de nato Petro verbum dixeris, quod ubi ad Russica perveneris facies. Mirum, quas leges historiae scribendae comminisci soleant sacri codicis interpretes.

3) *Non fuisse peculiare Assuro, ex Sinearitide egredi.*

Facile id concedo: sed nec Nimrodo peculiare fuit. At egressum illas urbes condere, quae a Mose nominantur, id vero peculiare.

4) *Babylonem, aliasque urbes, PRINCIPIUM dici regni Nimrodi, unde consequi, ut aliud priori regno regnum addiderit in Assyria.*

Addiderit vero! Idne obstabit huic versioni: et egressus est ex hac terra Assur? Potuerunt enim iussu et auspiciis Nimrodi exire Assyrii, inque colonias ultra Tigrim deduci. Quamquam et haec possit esse verborum sententia: *initium regni Nimrodi fuisse Babylonem; reliquas urbes, Edessam, Nisibin, Ctesiphontem, serius ab eo conditas.*

5) *Assyriam a Micha c. V, 5. dici terram Nimrodi.*

Id vero valde dubium: potest enim eo nomine Babylonia quoque et Mesopotamia intelligi. Sed fac, de Assyria Micham loqui, nihil illud ad litem de nostri loci versione decidendam. Nimrodi enim iussu et auspiciis si Assur colonias in Assyriam duxit,

quis dubitabit, quin Assyria terra Nimrodi dici possit?

- 6) Idem reponendum sextae Bocharti objectioni: *secundum historiam Graecam Assyriae et Babylonii ultimis temporibus eosdem reges fuisse*. Quamquam, ut verum fatear, in antiquis Assyriorum rebus exigua mihi est Graecorum auctoritas, quos saepe mendaces deprehendi, quod barbara nimis contemnerent, ac raro linguas barbaras discerent.

Fueritne autem Assur progenitor eorum, qui ex Sinearide in Assyriam ierunt, an dux, de eo nihil certi habeo dicere, malimque aliquid a Mose non proditum ignorare, quam res tam antiquas aut comminisci, aut fidiculis ex verborum, quam putant, proprietate extorquere. Nec satis liquet, jussu et voluntate Nimrodi, Adiabenenses occupare cupientis, egressus sit, an rebellaverit, fugeritque cum suis insolitam novi domini tyrannidem. Armenios hoc fecisse, ex antiquo chronico, chaldaice scripto (*) jussuque Alexandri in Graecum sermonem verso, Marius Catinensis, a Mose Chorenensi excerptus, memoriae prodidit. Narrat quippe: *Haicum contra Belum rebellasse, Belo autem victore, Haicum, servire nolentem, cum suis in terram Ararat aufugisse, nec Belo revocanti paruisse. Hinc factum, ut ipsi Armeniae bellum inferret Belus, sed in quo Haici manu interemptus sit*. Vide Mosis Chorenensis historiam Armeniae libr. I. cap. 9. et 10. Quod ergo Armeni, idem forte et Assyrii fecerint.

Pro

(*) Mosis Chorenensis p. 23.

Pro אשון Samaritanus interpres *Aston* (עסטון) ponit, quod quid sit, nescio: nomen forte Assyriorum, quo a majoribus Samaritanorum vocabantur. Multa ejusmodi nomina geographica, Hebraeis aliisque Orientalibus ignota, in Samaritanis occurrunt. *Aston* in omni quidem geographia earum terrarum, de quibus hic agitur, invenire non potui: quem enim fluvium Arabiae *Astan* circa insulam Bahrain sinui Persico se miscentem habet delineatio d' Anvilliana, quid ille ad Assyrios?

Mosen Chorenensem legenti, ex eoque discenti, Persicum استان (*Ostan*) ultra Assyriam quoque in Armeniam immigrasse, conjectura subnata, עסטון Samaritanorum et استان Persarum idem esse posse vocabulum: nec obstare videbatur orthographiae diversitas, Persico verbo per Ain, Samaritano per Aleph scripto; adeo enim frequens harum literarum apud Samaritanos permutatio, ut soluta pene legibus orthographicis lingua eorum hac parte videatur. Nec multum quidem huic conjecturae tribuo: in tanta tamen vocabuli obscuritate non omnino illam reticendam, sed timide ac verecunde, ut conjecturam decet, exponendam esse arbitror. Plura autem استان significat: ut, *desertum*, forte a libertate et quod nullius est, dictum, Deut. XXXII, 10. *limen ostii*, *aulam seu palatium regis*, Castello teste, inque Armenia, ut Moses nos Chorenensis (*) docet, *libertatis perfugium*. Quin et *praesidium regum* sonat, ut alio ex loco Mosis Chorenensis (**) discitur: *Ad regiam, inquit, custodiendam quatuor cohortes constituit, quas cohortes* VERUM OSTANUM nominavit,

(*) libr. I. c. 29. quod totum qualicunque conjectura judicabunt.
caput legi ab his velim, qui de mea

(**) pag. 93.

navit, quae deinde per multas aetates oppida et villas, avitas opes tenuerunt. Jam vero Persarum reges alias cohortes instituere, quibus idem Ostani nomen indidere. Possis ergo, prout sive hanc, sive illam significationem nomini aptes, triplicem versioni Samaritanae sententiam subjicere: primam, ex Mesopotamia Nimrodum in desertam tunc, vacuumque ab habitatoribus, Assyriam egressum esse: alteram, ex Mesopotamia egressos in Assyria asylum sibi libertatisque perfugium quaesivisse: tertiam: ex Mesopotamia praesidium regium egressum esse. Sic Assyrios Nimrodi satellites faceret Samaritanus. Sed ohe jam satis est, pudetque pene conjecturarum, cum aliorum conjecturis saepe fuerim severior. Praestat fateri ignorantiam.

* * *

את נִינוּה *Niniven.*

De hac urbe nihil dico, quod nihil de illa habeo, praeter occupata ab aliis.

* * *

ואת רַחֲבֹת עִיר

Et Rechoboth Ir.

Plene Samaritanus, רַחֲבֹת, pro more suo: sed consentientem hic nactus Syrum, رَحْبَة habentem.

Dubitari autem potest, primo, nomen רַחֲבֹת proprie sit, an appellative accipiendum? deinde, quid adjectum עִיר, (*urbem? an, urbis?*) sibi velit?

Pla.

Plateas civitatis, appellative, habet Vulgata, idque ab Hieronymi manu, sententiam verborum ita declarante: *quod autem ait: Niniven et Rooboth civitatem: (ita nempe ante Hieronymum habebat Vulgata) non putamus, duas esse urbes: sed quia Rooboth plateae interpretantur, ita legendum est; et aedificavit Niniven et plateas civitatis.* Plateas ergo ipsius urbis Nini intelligebat: male, ut opinor. Quid enim opus dictu, Assurum non solum urbem Niniven, sed ejus quoque plateas, condidisse? aut quis, רחבת media inter urbium nomina, eodemque modo constructum legens, non ipsum quoque nomen esse proprium existimabit? Ac ne satis quidem grammatica est versio: Moses enim si plateas Nini dicere voluisset, scripturus erat, ורחבתיה *et plateas ejus*, aut certe cum He articuli, רחבת העיר, *die Strassen der Stadt.*

Nec tamen puto vertendum, *et Rechoboth urbem*: quid enim opus erat addi illud, URBEM, quod per se clarum in reliquis nominibus omnibus tacetur? Suspicio potius, partem nominis proprii עיר fuisse, urbemque nostram *Rechoboth Ir* dictam, ut ab alia urbe, *Rechoboth Hannabar* (*), seu fluminis, ad Euphratem paulo infra ostium Chaborae sita, distingueretur. Sic et Onkelos habet

(*) Genes. XXXVI, 37. ex hac fluminis *Rechobetha* ortus fuisse dicitur Saulus Idumaeae rex. Vide Schultensii indicem geographicum, ex quo disces رحاب (Rahabam) sitam fuisse ad brachium Euphratis, Said dictum, tribus a Circesio para-

fangis. Vicus erat tempore Abulfedae, sed turres antiquas aliaque monumenta servans, nocturnumque hospitium praebens ex Syria in Iracam euntibus. Habet eundem vicum Büschingius p. 215.

bet in statu constructo, רחובי קרתא, et Thargum Hierosolymitanum פלטיה דקרתא, *plateam civitatis*. Huic quidem quid rationis fuerit, pro רחבת synonymum recens Graecae originis פלטיה (*Platitha*) ponendi, non intelligo. Itane a Graecis, nomina barbara interpretari inque suam linguam vertere solitis, vocabatur?

Jam dispiciamus, quae sit haec Assyriorum sive Rehaba, sive, ut Graeco nomine dicam, *Plataea*? סתכן reposuit Samaritanus interpres, id vero est sine dubio, *Sittacen*, oppidum et regionem Assyriae, licet de situ non prorsus constet (*). Sed cur Rechoboth hanc potius, quam aliam Assyriae urbem denotet, ejus quidem rei rationem, praeter exiguam Samaritani interpretis auctoritatem, nullam invenio.

Thalmudici in tractatu Joma פרת דמישון verterunt, suspicante Bocharto, Phrath Mischon Misenen esse. Hoc vero non dubium, sed certum prorsus et exploratum videbitur, lectis quae Assémanus habet, T. III. P. II. pag. 415. 728. 764. bibliothecae Orientalis. *ܦܪܬ ܕܡܝܫܝܢ* (*Euphrates Maischon*) Syris est regio circa Bassoram, ab urbe episcopali *ܦܪܬ ܕܡܝܫܝܢ* (*Maischon*) nomen sortita, quin et ipsa Bassora, postquam caput regionis facta est, Euphrates Maischon vocari coepit. Ergo quid Thalmudici dicant, video: cur id dicant, causam reddere nullam possum; namque nec nominis Hebraici ullum in Mesene vestigium, nec verisimile est, de urbe ad ipsum Tigridis ostium hic loqui Mosen, cum in eo sit, ut Assyriae urbes antiquissimas describat.

Si

(*) Vide Cellarium T. II. p. 773.

Si quid lucis sperandum, Syri id nobis accensuri videntur. Interpres quidem, non explicans, sed vertens, habet, רֹחֶבֶת מִבְּלָחַי *Rochebuth civitatis*, sed id nomen interpretatur, earum regionum cognitor Ephraemus, כַּדְיָב *Chadjab*, seu *Adiabenen*. Est autem כַּדְיָב, quo de nomine consuli velim Bochartum (*), Affemanum (**), et Schultensium (**), primo fluvii nomen, quem Lycon vocarunt Graeci, Orientales כַּדְיָב Syriaceque כַּדְיָב *lupum*, vel etiam כַּדְיָב *(Chad-dib) lupum celerem*, quod rapido maxime cursu fertur: *Zabus* est recentioribus, quod ex כַּדְיָב ortum. Duo autem eodem nomine cum fluvii sint, qui ab Oriente in Tigrim influunt, major et minor, illa Assyriae pars, quam *Zabus* uterque et Tigris complectuntur, ipsa quoque כַּדְיָב (*Chadjab*) dicitur, quod Graeci in *Adiabenen* mutarunt, Graecum quoque, ut solent, etymon commenti. Ita fluvium habemus *Chadjab*, regionem *Chadjab*, sed quae non sufficiunt urbem quaerentibus: urbem enim eo nomine aedificatam in Assyria Ephraemus referebat. Sed et hanc Amiano monstrante inveni, licet in tabulis geographicis locum ei satis certum adsignare nequeam. *Reges Ninive*, inquit L. XVIII, *Adiabene ingenti civitate transmissa, in medio pontis Auzabae hostiis caesis, extisque prospectantibus, transiere laetissimi*. Habemus ergo hic *Adiabenen*, ingentem civitatem, in Assyria maxime propria non procul ab aliquo Zabi fluminis ponte sitam, sed nostris geographis ignotam, et cujus rudera nemo adhuc, quantum scio, descripsit: pauci enim illuc terrarum penetra-

(*) L. IV. c. 19.

(**) T. III. P. II. p. 414.

(**) In indice geographico sub fluvio *Zaba*.

trarunt. Nec certum, ubi ille pons Zabi quaerendus sit, a quo prope Adiabene aberat. Büfchingii Afiam nuper legens, ad pontes Zabi, de quibus retulit, attendi curiosus. Habet autem pagina 169, primo sub numero 4, *Altun-Kieupri, seu pontem aureum, qui sit pons lapideus flumini cognomini impositus*, sed quem ipsi Zabo dat Danvillius; deinde sub numero 6, *Schirkzul, non procul a Zabo majore, qui magnum hic pontem fert, lapide quadro constructum*.

Quidquid sit, donec nova aliqua lux adfulgeat, Ephraemo et Ammiano testibus contentus, credo, *Rechoboth Ir*, Adiabenen esse, non procul ab aliquo Zabi ponte sitam: de qua et conferri velim, quae in historia belli Nesibeni pag. 100. 101. scripti, verisimile habens, ejus regem in hostibus Davidis numerari.

Bochartus, qui Ephraemum testem audire non potuit, conjecturis pro suo more usus est. *Beritha* (בריתא) inquit, apud Chaldaeos plateam significat: ergo fortasse רחבת, quod ipsum plateam sonat, *Birtha* erit Ptolemaei *Virta* Ammiani, ad Tigris occasum sita. Ut autem reliquas ruinas non attingam, urbem quaerimus non ad occasum Tigris sed ad ortum, in Assyria sitam, non, ut *Virta* Ammiani, in Mesopotamia.

* * *

וְאֵת כֶּלַח *Et Celach.*

In ea et Bochartus est sententia, et sequutus illum Cellarius, eandem hanc urbem esse cum כֶּלַח (*Hhalach*), 2 Reg. XVII, 6. commemorata. Id quidem si verum sit, non aliquod ad Tigrim oppidum, quod nullo auctore aut teste
in

in sua Mesopotamiae ac Babyloniae delineatione posuit Cellarius, sed ipsa Holvana intelligenda erit, celeberrima medio aevo urbs, ac Chalipharum aestivos per menses regia, quam apud Hasaeum in tabula secunda aetiologica regni Davidis, inque d'Anvillii delineatione Asiae sub gradu longitudinis 35, latitudinis 63, invenies. Holvanam enim Arabum (حَلَوَان), Syris jam حَبْلُون (*Hbulon*) dici, jam حَبْلَب (*Hbalach*) ex Syrorum monumentis docuit Assémanus, T. III. bibl. Or. P. II. pag. 418, 419. Sitne ab ea dicta Calachena Assyriae provincia, in incertis relinquo, situ Holvanae, ut ab Hasaeo et d'Anvillio ponitur, adversante.

Sed hanc Hhalacham in libro regum memoratam, Syrisque et Hebraeis per Chet, חֶת et חֶבֶל scriptam, cum nostra Calacha, a Caph incipiente, (כֶּלֶח) conferre, per leges grammaticas non licet. Nuspiam enim in sacro codice Caph et Chet literae permutantur, quibus distinguendis alias, quam nos, aures habent Hebraei. Utcunque ergo ab homine Europaeo pronuntiata concinant חֶלֶח et כֶּלֶח, diversarum tamen urbium nomina sunt.

Ephraemus, quem in his rebus maxime auctorem sequor, כֶּתְרוֹ (*Chetro*) interpretatus est, seu, ut latino nomine dicam, Hatram. Id vero a Mosis narratione multum videri possit abluere, urbes trans Tigrim describentis: Mesopotamiae enim urbs Hatra est, quam in Hasaei regno Davidis tab. IV. sub gradu longitudinis 60, latitudinis 36, e regione Zabi in Tigrim influentis, conspicias. Vide quoque Cellarii geogr. pag. 737. 738. in fine capitis XV, quod de Mesopotamia agit. Verum de hac Hatra non intelligendus Ephraemus, sed de alia כֶּתְרוֹ,

nunc vico, trans Tigrim in regione Maragae sito, quem descripsit, atque ab Ephraemo innui docuit, Assemanus T. III. P. I. p. 485. P. II. p. 709. simul monens, eandem videri urbem cum *Chatracharta* Ptolemaei (*), quod nomen *Chatram urbem* (**) sonat. Ab hac Hatra, olim Calacha, si quis Calachenen Assyriae provinciam dictam putet, non me habebit repugnantem, modo non ad Tigrim, ut fecit Cellarius, sed in Maraga atque ultra Lyci fontes versus orientem locum ei assignet.

Ignotum hic nomen habent Chaldaei sequiores, diversimode scriptum, Thargum Hierosolymitanum חֲרִית, vel, ut est in polyglottis, חֲרִית, Jonathan in hoc versu פִּרְיֹת, at in sequente חֲרִית, per Daleth. Mendis haec plena esse, ipsa arguit discordia. Consenseruntne cum Ephraemo et חֲרָא scripserunt?

Obollam (أَبْلَّة) vertit, in hac parte geographiae auctor non gravis, Saadias. Est vero Obolla et vicus quarta parasanga supra Bassoram, ad Tigrim, seu Schat-el-Areb; et fluvius seu canalus juxta hunc vicum ex Tigride derivatus, Bassoramque fluens. Vide Assemani bibl. Or. T. III. P. II. p. 706. 719. et Büschingii Asiam, pag. 193. 196. Forte autem non de hoc vico cogitavit Saadias, sed de ipsa Bassora, quae facile confundi cum Obolla potuit. Quidquid sit, non video, quo ductus argumento Obollam Saadias interpretatus sit, nec concinere videtur situs Obollae, ab Assyria nimis remotae.

Ignor.

(*) libr. VI. c. I. pag. 147. Cellarius in Mesopotamiae delineatione Chatrachartam nimis facere occi-

dentalem Tigridique propinquam videtur.

(**) חֲרָא קֶרְתָּא

Ignotum, ut saepe in geographicis, nomen ponit Samaritanus, לִקְסָה, *Lacsa*. Urbemne aliquam ad Lycum fluvium ita vocabant? Graecum certe lupi nomen, λύκος, civitatem Chaldaicam adeptum est, לִיקִיס.

GENES. X, 12.

רֶסֶן וְחָת *Et, Resen.*

* * *

Per Daleth legisse videntur LXX, רֶסֶן, habent enim, aut ΔΑΣΗ, aut ΔΑΣΕΜ. Reliqui omnes hebraicae lectioni concinunt.

Haec tanta olim urbs, Mosisque tempore Assyriae ac forte totius Asiae maxima, quae fuerit, obscurum. Bochartus, L. IV. c. 23. audaci literarum permutatione ex Resen *Larissam* fecit, a Xenophonte commemoratam, adque Pigretum amnem in Assyria sitam, moenia centum pedum altitudine, XXV latitudine, ambitu duarum parasangarum, habentem (*). Putat autem Resen in Larissam a Graecis mutatam, quod forte interrogantibus, cujus urbis rudera haec essent? Assyrii homines, addito γ genitivi indicio responderint, לִרְסֵן, *ad Resen pertinentia*. Haec quam caduca omnia! Quod autem addit: *fateri se, hanc magnitudinem cum magnitudine Ninives non esse comparandam: sed nec conferre Mosen: id vero vix ferendum est, cum ipse fateatur Bochartus, verba,*
haec

(*) In Hasaei regno Davidis in- (tab. IV.) sub gradu longitudinis
venies in typo aetiologico primo, 60, lat. 36.

haec est urbs magna, seu maxima, non de Ninive, sed Resena accipienda esse. Aedificavit, inquit Moses, Resenam, Niniven inter et Calach: haec est urbs maxima. His lectis quis dubitare poterit, Niniven cum Resena comparari? Sed conjecturis, quas semel in clientelam suscepit Bochartus, ita favebat, ut nulla eum res turbare aut ad dubitandum inclinare posset.

Nomen iisdem literis scriptum ex Orientalibus retinent Onkelos, Syrus, et Arabs ab Erpenio editus: quorum forte duo priores urbem eo nomine cognitam habuerunt, nobis tamen eam non demonstrant, nec situm indicant. Ephraemus in commentario suo duobus verbis, ܪܝܫܐ ܕܝܢܝܒܐ, *Rassa est Rischaina*, quod copiosius explicat Assemanus, T. III. biblioth. Or. P. II. p. 709. *Rese, inquit, quae Ephraemo Rhesaina, non ea est, quae in Mesopotamia tumulo Gordiani junioris nobilitata fuit, (Cellar. L. III. c. 17. pag. 122.) sed altera in Assyria ultra Tigrim inter Niniven et Calach, quae Thomae Margensi in historia monastica dicitur, ܪܝܫܐ ܕܝܢܝܒܐ ܕܝܢܝܒܐ, Rhesin vicus Saphsaphae, in regione Margae. In chronico Dionysii Jacobitarum patriarchae ad annum 772, inter urbes regionis Mosulanae, quas Arabes depopulati feruntur, recensetur, ܪܝܫܐ (Resin) quam esse Resen scripturae nullus dubito. Ibi enim conjungitur cum Bethgarma, Hasa, Marga, Chonizapor, Coch et Salacha, quae sunt urbes Assyriae. Adsensior omnino Assemano, nec ullus dubito, quin haec Syrorum ܪܝܫܐ, a Dionysio commemorata, Resena sit Mosaica. Eademne et Rischain, ܪܝܫܐ ܕܝܢܝܒܐ, Resaena, vocitata ob vicinos fluminis alicujus fontes fuerit, de eo nihil certi habeo:*

habeo: crediderim tamen locorum perito Ephraemo, donec erroris arguatur. Id unum cavendum, ne utrumque nomen idem putemus, ac *Resen* ex *Rischain* vel *Refaena* ortum: quantumvis enim latinis literis scripta nomina Resen et Refaena conveniant, sunt tamen orientalibus ita diversa, ut alterum ex altero, Moſis certe tempore, oriri non potuerit. רֶסֶן, *Rischaino*, *Rhesaina*, *Refaena*, vel ut ſemel ſcripſit Aſſemanus, *Rheſin*, Hebraicis literis eſt, ראש עין, *caput fontis*, ſeu locus, ubi fluvius primum e terra erumpit, unde multis urbibus vicisque Orientales nomen duxerunt, illique maxime Rhesainae Meſopotamiae, ad quam Chaboras oritur: at רֶסֶן, Syriacumque رَسَّ (*Reſſin*), aliis omnino literis ſcribitur, adpellative *capistrum* ſignificans; nec per leges linguae Hebraicae veteris fieri poteſt, ut, Ain litera omiſſa, ראש עין in רֶסֶן vel רֶסֶן contrahatur. Ergo ſi utraque urbs eadem, nomina tamen diverſa ſunt, alterumque ראש עין ſerius a ſitu ad fontes fluminis alicujus accepit.

Situm urbis nondum me accurate cognitum habere fateor, nec recentior, quantum equidem ſcio, geographia, Reſenam aut Riſchainam inter Niniven et Maragam prodiſcit. Si tamen ex Ephraemo tuto ſumere liceat, Reſen alio nomine Riſchaino, caput fontis, dictam fuiſſe: ſuſpicari auſim, non procul eam a Scherezur eo loco quaerendam eſſe, quo Diala fluvius ex terra erumpit: iſ enim locus Niniven inter et Maragam fere medius eſt, quem ſitum noſtrae urbi Moſes aſſignat (*). Suntne ibi tractuum magnae urbis rudera? Sed quis eſt, ex quo haec

(*) hoc ipſo verſu: *inter Niniven et Calack.*

haec quaeram? Pauci enim nostrorum Assyriam veterem adierunt, pauciores de ea retulerunt, peragravit nemo, sed si qui illuc aut delati aut profecti sunt, trita ac tuta viarum sequenti, interiora et reposta non viderunt.

Cum Resina Coch urbem conjungi supra ex Assemano audivimus, quae aut ipsa est Seleucia, aut Seleuciae proxima (*). Nempe Dionysius patriarcha, ab eodem Assemano T. II. p. 115. excerptus, narrat: *Arabes Taalabitas et Maaddenos anno 1083*, id vero est, anno Christi 772, *e finibus suis egressos, regiones Mosol, Bethgarmae, Hczae, Margae, Cannisaporae, Resinae, (ܐܪܝܢܐ) Cochae et Salachae occupasse*. Pro extenuando errore Saadiae adferri id possit, in hac vicinia Resenam quaerentis, et *Madainam*, (ܡܕܝܢܐ) id vero est, Seleuciam et Ctesiphontem vertentis. Ab erroris tamen culpa absolvi non potest: Madaina enim inter Niniven et Calach sita nullo modo dici potest, si modo Calach Hatra est Maragae. Sed eum magnae urbis nomen decepit, quo Resenam nostram Moses cohonestavit; idque unum sequutus eam urbem nominavit, quae, Judaeorum rebus ad Euphratem ac Tigrim florentibus, earum terrarum fuit maxima. Ita in antiqua geographia cum nostro tempore comparanda saepe obliviscimur, quam fluxae sint et mutabiles res humanae, easque urbes, quae nostra majorumque memoria aut ignobiles sunt, aut vici, aut ruinae, ante aliquot millia annorum maximas fuisse orbis terrarum.

Samaritanus, ut saepe, ignotum, ac solis forte accolis usitatum nomen urbis ponit, ܐܪܝܢܐ, *Asfa*, quae ubi sita, aut quo alias nomine vocata fuerit, ignoro: indico tamen,

(*) Vide pag. 230.

GEN. X, 12. OBITER DE THELASSARA AGITUR. 251

tamen, quod possit forte alios urbis nostrae situm investigaturos, juvare. *Osfanam* (عسفان) quidem Arabiae, Meccam inter et Medinam in provincia Higaz sitam (*), aut *Asfunam* (اصفون) Aegypti urbem (**), nemo intellexerit, Mose de Assyriae urbibus loquente. De Isphahana forte quis cogitaverit, quamvis sit et valde remota versus Orientem, aliisque literis اصفهان scribi soleat: sunt enim in orthographia solutiores Samaritani, maxime in gutturalibus. Nolim tamen errorem ab interprete tam turpem admissum esse: Isphahana enim nullo modo media inter Niniven et Calach dici potest.

Thelassaram habent sequiores Chaldaei, תלסר Thargum Hierosolymitanum scribens, et Jonathan sine Aleph תלסר. Quod quo indicio fecerint, atque utrum jure an injuria, existimare non possum, quae sit Thelassara ignorans. Hanc tamen occasionem nactus obiter de Thelassara dicam.

Thelassarae nomen, ut urbis aut regionis ab Assyriis victae, 2 Reg. XIX, 12. תלסר et Jes. XXXVII, 12. תלסר scriptum legitur: habet praeterea Jonathan pro Hebraico תלסר, Genes. XIV, 1. vereor ut recte, causam enim nullam video, cur תלסר et תלסר pro uno eodemque nomine habenda sint. Syrus tamen utrumque nomen pro synonymo habet, atque دلافسر (*Dolassur*) reddit: sed haec Syri Dolassara aequae ignota, ac Thelassara, et Ellassara. Est

(*) Vide ABULFEDAE descriptionem peninsulae Arabum pag. 51. et 53. editionis in folio.

(**) Voyage d'Égypte fait par Norden, planche CXIV. sub hora itineris 141.

Est autem ex obscurissimis nominibus geographicis Thelassar. Nihil de eo Bochartus: Clericus ad Gen. XIV, 1. occasione Elassaræ de eo disputans, male rem egit. Sumit nomina synonyma esse. Situm urbis putat inde definiri posse, quod Jesaia teste filii Eden in Thelassar habitaverint. Hic ut taceam, nomen Eden multis regionibus urbibusque in Oriente commune esse, potuerunt filii Eden in coloniam deducti longe a patria sua habitare, nec de situ Thelassaræ ex situ Edenis colligi quidquam potest. Quid? si quis Carthaginem Tyro, aut Salisburgensem episcopatum Borussiae et Georgiae vicinum putet, quod eo coloniae iverunt? Nec vero antiqui interpretes certiora de situ Thelassaræ adferunt. Syrum obscurius ܬܠܫܪ, reponere, jam dixi. Vulgata Genes. XIV, 1. regem Ponti habet pro rege Ellassaræ; forte תלסר, quod pro אלסר legebatur, cum Graeco *Θαλασσα* conferens. LXX in Jesaia *Θεμεαθ*, in libro regum *Θαεθεα* scripserunt, quae nomina nunquam alias aut legi aut audiui. Arabici pentateuchi interpretes אל in אלסר pro articulo Arabico habuisse videntur, unde hac syllaba omissa scribunt, Maurus quidem سر, et Saadias سريات. Ne haec quidem nomina agnosco, nisi forte per ش scripta fuerunt ab interpretibus, cogitaveruntque de Schara (*شراء*) (*). Arabiae provincia, quam descriptam invenies in Büschingii Asia, pag. 515. 518. Quamquam si id fecerunt, erroribus adnumerandum est: cum enim quatuor reges, quorum unus est rex Elassaræ, per Damascum in patriam redierint (**), manifestum est, Elassaram non Scharam esse posse, proximam Palaestinae ab Austro et Oriente.

Id

(*) Vide Abulfedae Syriam ex
KOELERI editione pag. 8. 11. 14. 15.

(**) Genes. XIV. 14. 15.

Id quidem certum, multas Syriae, Mesopotamiae, Assyriae urbes, nomina habere ab initio cum תל composita. At תל אשר et תל אשר sitne punctis consentanee *Thelassar* adpellandum, an תל אשר, תל אשר, aut utcunque volueris, urbisne nomen Assar, Aschar, Lassar, Ellassar fuerit, nemo docere nos potest, antequam novae quid lucis ex geographia adfulgeat. Quod donec fiat, quae Elassara ac Thelassara sit, ignorare malim, quam comminisci: inquirere tamen pergam, et si quid aut certi aut vero similis invenero, in tomo tertio spicilegii prodam.

* * *

הוא העיר הגדלה

Haec est urbs magna.

Pro הוא, pronomine olim generis communis, Samaritanum היא habere, vix opus est ut moneam: fert enim ita mos librarii, quae vetustate ignota erant, ad vulgatum et notiozem Hebraismum mutantis.

De Resena Mosen loqui, nullus dubito, licet aliqui ad Niniven haec referant. Resenam describit, ut inter Niniven et Calacham sitam: jam cum addit, *haec est urbs maxima*, loqui putandus est de ea urbe, quam describere coeperat, non de alia obiter nominata, atque omnium minime de Ninive. Quod si enim ad alteram urbium, inter quas sita Resena, eximiae magnitudinis laus referenda esset, Calacha potius proxime praecedens hunc sibi honorem vindicare, quam Ninive, posset. *Urbs magna*, cum He articuli, est, reliquarum maxima. Latina versio ambigua, culpa linguae articulum non habentis,

tis, at si germanice vertas, *dis ist die grosse Stadt*, auri-
bus etiam sine artis ope percipietur verborum sententia.

Incredibile videri possit, urbem, cujus nomen vix
reperire nobis licuit, majorem fuisse celebrata Assyriorum
regia. Sed de Ninive, qualis Mosi tempore fuit, con-
jectura non facienda est ex his, quae Jonas aut Graeci scri-
ptores de ejus magnitudine retulerunt. Crescunt urbes
ac decrescunt, potuitque illa Ninive, quae adulto Assyrio-
rum regno quotannis quadraginta nascentium millia habe-
bat, mediocris adhuc esse, multumque a Resena vinci,
cum Moses haec scriberet. Sic superiore adhuc seculo
Berolini mediocritas multum Koenigsbergae concedebat:
nostro tempore immensum crevit, longoque post se inter-
vallo omnes ditionis Borussiae urbes relinquit.

GENES. X, 13.

Haec, quae sequuntur, nomina, non singulorum homi-
num esse, sed populorum ex Aegypto egressorum, indi-
cio est pluralis numerus, ut recte monuit Abenesra. Li-
cet enim et virorum singulorum nomina nonnunquam plu-
raliter terminentur, est tamen veri dissimillimum, unius
patris omnes filios nomina pluralia habituros fuisse.

Plerosque autem populos, quorum originem Moses
ad Aegyptios retulit, penitus ignoramus, inque maxima
versamur antiquarum ac nimis remotarum rerum obscuri-
tate: idque omnino necesse habeo praefari, quod ignora-
tionem potius profiteri, quam conjecturis uti audacibus,
statutum habeo. Intellexit hunc geographiae defectum
suo

suo jam tempore Iosephus, Pálæstina Libyaeque
 exceptis, reliquas omnes urbes gentesve interiisse mo-
 nens, cujus rei causam in bellum Aethiopicum deri-
 vat, ducere, ut vult, Moise ab Aegyptiis gestum,
 quo everstae sint. *Reliquorum*, inquit, *nihil prae-
 ter nomina novimus, bellum enim Aethiopicum,
 de quo deinceps dicemus, urbes eorum evertit.*
 Παρὰ τῶν ὀνομάτων οὐδὲν ἴσμεν. Ὁ γὰρ Αἰθιο-
 πικὸς πόλεμος, περὶ οὗ δηλώσομεν ὕστερον, ἀνα-
 στάτους αὐτῶν τὰς πόλεις ἐποίησεν. L. I. Ant. c. VI.
 §. 2. Male ille quidem. Bellumne enim, quod victores
 Aegyptios cum Aethiopibus gessisse narrat, colonias Ae-
 gyptiorum ita vastaverit, ut nulla earum memoria super-
 esset? Quod si autem Aethiopico bello istae omnes colo-
 niae perierunt, quid erat, cur hic in libro serius scripto a
 Moise commemorarentur? Bellum enim Aethiopicum Mo-
 se duce gestum vult, antequam ex Aegypto in Arabiam
 fugeret.

Rectius dixisset, interiora Africae, ac tanquam in-
 sulas vasta inter deserta arenarumque aequora interjectas,
 incognita esse. Quod vel in hunc usque diem fateamur,
 necesse est. Intima enim Africa quid ignotius? Sola per-
 tentavimus litora, illisque proxima, aut quo nos flumina
 deduxerunt: nec novimus, ut exemplo utar, ubi habitat
 populus, cujus mercatores per immania deserta magno agmi-
 ne Cairum adire solent. Adde, Graecorum geographos no-
 mina urbium gentiumque Aegyptia aut ignorasse, aut me-
 moriae non prodidisse, Graecis usos: LXX autem interpre-
 tes, Aegyptiae alioquin geographiae probe peritos, multam-
 que ei lucem adfundentes, nihil hic habere praeter nomi-
 na Mosaica Graecis utcunque literis scripta; forte quod
 colo-

coloniarum aliquae in interiorem Africam, ipsis quoque incognitam, deductae essent.

לוריים *Ludim.*

In Paralipomenis cum duplici Jod scribitur, לוריים, male notantibus masorethis, Jod superfluum esse. Redundat quidem, si vocales sequaris; sed hoc ipsum vocales vitii arguit, estque indicio, לוריים, inque libro Mosi לוריים legendum esse (*). Sic et LXX interpretes appellari voluerunt, in Genesi λουδεῖς, in Paralipomenis λωδεῖς scribentes.

Gravior lectionis varietas in Samaritano textu et versione, hac לוריים, illo להריים habente. Suspiciatus aliquando sum, hanc lectionem ex alia, הריים, *Indi*, ortam fuisse: possint enim, nisi Indi in universum, magnates tamen eorum Bramanes, ob magnum morum opinionumque consensum, Aegyptiae haberi originis: sed tamen audacior justo conjectura videtur.

Hebraicam lectionem si sequutus *Ludijim* efferas, duplices a Mose memorabuntur Ludaei, seu, ut volunt, Lydii; nostri, Aegyptiorum colonia, et versu 22. alii à Semo orti. Frequens praeterea populi in sacris literis mentio, Jes. LXVI, 19. Jerem. XLVI, 9. Ezech. XXVII,

10.

(*) Nempe a formis עבריי pluralis flexi potest עבריים et עבריים, licetque posteriorem formam plenius scribere, עבריים, sed quam scri-

ptionem saepe ut redundantem notarunt masorethae, quod vocalibus adversaretur. Vide Esther VIII, 13. IX, 18. 1 Paral. XIV, 10.

10. XXX, 5. sed ut certa notitia Ludaeorum inde peti nequeat. Id tamen verisimile, de nostris haec loca Ludaeis accipienda esse, non de alteris Semo ortis, quod cum Africanis populis, Aethiopibus, Phutaeis, superiorisque Aegypti incolis, componuntur. Jesaiae quidem gens sunt valde remota, cujus mentionem cum Tarteſſo et פִּתְרַי, id vero est, Philis, Nili circa catarrhactas insula et urbe, conjungit. Apud Jeremiam et Ezechielem cum Aethiopibus et Phutaeis componuntur, suntque mercenarii Aegyptiorum et Tyriorum milites. Unde consequi videtur, ut gens sint Africana, fortitudinis laude aliquando nobilitata, valde a Palaestina remota, nec tamen in intimis Africae recessibus, sed forte ad Occidentem quaerenda: fac enim, ultra Philas in Aethiopia aut Nubia Ludaeos habitasse, verisimile non est, stipendia eos Tyriis facturos fuisse.

Si quid ultra haec quaeras, nihil quod probari, ac ne quidem quod aequis auribus ferri possit, ab omnibus illis responderi audies, qui in hunc usque diem sententias dixerunt. Aethiopiam, et vero illam ejus partem, quae nobis Abessinia dicitur, interpretatur Bochartus L. IV. c. XXVI, decem argumentis usus, sed ex quibus vix unum refutatione dignum est. Nec credo quemquam, iis lectis, quae paginis praecedentibus scripsimus, in ejus sententiam concessurum: ac si vel ei dederim, quod dari per Ezech. XXVII, 10. non licet, in intima Africa Ludaeos habitasse, non tamen apparet, cur Abessini potius quam alii sint Africae mediterraneae habitatores.

Qui antiquis Hetruriae monumentis linguaeque nuper in Italia studium addixerunt, eorum aliqui valde sibi in hac Aegyptiorum colonia plaudunt: Hetruscae credo

linguae peritiores, quam, quas in subsidium vocant, Copticae et Hebraicae. Lydios intelligunt, eosque ex Aegypto egressos Moſis jam testimonio efficiunt: a Lydiis Hetruſci oriundi; ergo et hi natalibus Aegyptii, eorumque monumenta ex lingua Aegyptia illustrari poſſunt. Hanc vero cum Hebraicae putent cognatam, Hebraicorumque verborum ſignificationes vocabulariorum deterrimis credant: magna uſi literas detorquendi et mutandi licentia Hebraica prave intellecta Hetruſcis comparant; ignari, nihil veteri linguae Aegyptiae cum Hebraica cognationis intercedere.

Arabicus pentateuchus in bibliis polyglottis expreſſus Tanienſes, (تنيسون) habet, id vero eſt, Taniticos, urbs enim Tanis Arabibus تنيس scribitur: Paralipomena Arabica, صعيدون, *ſuperioris Aegypti incolae*: utrumque ex conjectura, ex quibus prior manifeſti erroris rea eſt. Tanis enim Hebraeis טַנִּיס dicitur. Jonathani, ſed et huic nihil praeter conjecturas habenti, Ludaei ſunt נִיטַי, ſeu, ut recte explicat Bochartus, *incolae nomi Neut.* Eſt ille nomus in inſula ſitus, quam Taniticum Mendesiumque oſtium ambeunt, nec procul a Tani, - ut uno fonte derivata Jonathanis et Arabis interpretatio, nec re diverſa, ſed nominibus, videri poſſit. In Aegypto ergo, atque adeo in Delta, coloniam Aegyptiorum quaerebat, cum Saadias, tum Jonathan: quorum ſi patrociniſm ſuſcipiendum eſſet, dicerem, Delta Aegypti ſerius e mari emerſiſſe, limo quem Nilus devehit, et regum operibus exaggeratum; nec ergo abludere a vero, earum inſularum quas Nilus nunc efficit incolae, filios Aegyptiorum, id vero eſt, colonias ex ſuperiore
Aegy-

Aegypto deductas, dici. Sed nolo hac fraude uti. Jesaias Ludaeos ut valde remotam gentem nominavit: non erga circa Tanin in vicinia Palaestinae fedes habere potuerunt. Cujus Jesaias loci immemor si quis conjicere voluisset, non vere quidem, verisimilius tamen, Lyddam Palaestinae, nomine consonantem, et Philistaeis ortu Aegyptiis vicinam, coloniam Aegyptiam facere potuisset. Sed vel hanc nominis interpretationem Jesaias damnat: reliquae omnes ita sunt comparatae, ut malim Ludaeos ignorare, quam ullam earum, non dicam meam facere, sed omnino dignam putare, de qua anquiratur.

Haec ipsa cum in collegio critico, caput Genesis X, geographiamque veterem explicans disputarem, auditorum unus, Gustavus Murray, philosophiae magister, conjecturam tentavit reliquis omnibus multo verisimiliorum. Quaerebat enim ex me, possitne de eo populo cogitari, quem *Luday* dictum in Africae Occidentalis litore ab Austro regni Maroccani sub gradu latitudinis 25 habeat delineatio Africae Haseana, ac diu ante Ludovicus Marmolius (*), sub gradu 23. et 24. Situm locorum non obstare agnovi, cum Phutaei et Ludaei aliquoties, ac semel etiam Lud et Tharschisch jungantur. Sed vereor, ne ille populus *Luday* et *les Ludayes* dictus, Arabicae sit originis, quod si est, non potest a Mose ut colonia Aegyptia commemorari: qui enim Africam occiden-

ta-

(*) In descriptione Africae. Parisiis prodiit. In hujus editionis Prodiit Hispanice Tomus I. et II. anno 1573. Granatae, tertius Malagae 1599. Ego vero non nisi versionem Gallicam nancisci potui, quae 1667.

talem habitant Arabes, post Muhammedem demum ex Asia se in illam effuderunt. Marmolius quidem ipse bis Ludayos suos ad Arabes refert: p. 5. *elles souffrent beaucoup des courses des Arabes du desert, qu'on appelle Bérébéches, Sénégues, et Lucayes*; et pag. 7. *ils sont sujets aux Arabes des Ludayes*.

* * *

ענמים *Ananim*.

Ab hoc inde populo nomina in Graecis bibliis transponuntur, hoc ordine, נפתחיים ענמים להבירים. Est tamen varia in bibliis Complutensibus lectio, ad Hebraicum textum, ut suspicor, ab editoribus correctā.

Samaritanus scribit ענמים, cui scriptioni concinit Graecus pentateuchi interpres (*), Ἐνεμετιεύμ, vel Ἀνεμετιεύμ habens, nisi quod T quoque addito ענמטי in suis exemplis legisse Graeci videri possint. Est quidem haec lectionis varietas non contemnenda, partim quia Bocharti sententiae intercedit, ex etymologia populum Anamaeorum invenientis, quae tota perit, si ענמים scribas: partim quod his literis compositum nomen explicationem admittit non omnino reprehendendam. Habet enim Palaestina urbem ענאם (*Aenam*) Jos. XV, 34. in vicinia ipsorum eorum Philistaeorum, quos ex Aegypto adventitios Moses narrat. Quidni ergo et urbs Aenam colonia fuisse Aegyptiorum potuerit?

Quod

(*) In Paralipomenis Graecus masorethicus recedit, appellatque, Ἀναμειν ponens, nullam habet lectionis varietatem: a punctis tamen ענמים ac si ענמים effet. Vide notata de לוריים pag. 256.

Quod Syrus habet **בְּחַבִּים** (*Jaabim*) nec interpretatio esse videtur, nec ex varia lectione textus Hebraici ortum, sed mendum versionis Syriacae. In *g n* is ignotae nomine errari facile a librario potuit: pro Nun Syriaco saepe per errorem Jod pingi, jam aliquoties monui, Beth autem et Mem Orientalibus similitudine soni confunduntur. Forte ergo pro **עַנְמִי** primo transpositis literis **בְּחַבִּים** scriptum, indeque **בְּחַבִּים** existit.

Varie interpretantur, qui conjecturae periculum fecerunt.

- 1) Bocharto L. IV. c. 30. sunt Nomades circa templum Jovis Ammonis, quos solo ductus etymo, ab ovibus, Arabice **عَنَم**, invenit. Quid autem, si nomen sit Aegyptium, nec ex Hebraica Arabica-ve lingua derivandum? aut, si lectio Samaritana **עַנְמִי** sit Hebraica verior?
- 2) Saadias in versione Arabica *Alexandrinos* vertit.
- 3) Paralipomenorum interpres Arabicus Bahisanianos, **بَهْسَنِيَّوَن**, mihi ignotos, reposuit: sed suspicor, mutatis punctis diacriticis **بَهْسَنِيَّوَن** scribendum, quod nomen sub sequente **לְהַבִּים** explicabo.
- 4) Jonathan, Thargum Hierosolymitanum, interpresque Chaldaeus chronicorum, **מְרִדְמַי**, vel **מְרִדְמַי** habent, id est, ut dudum alii monuerunt, Mareotidis incolas.

In his cum nihil sit solidi, nec interpres interpreti concinnat, malim ignorantiam profiteri.

להבים · *Lehabim*.

In appellatione nominis, vocalibusque, non omnino veteribus cum codice punctato Hebraico convenit. Vulgata enim *Lababim* habet, ac si esset להבים, non agnita lege grammatica, quae abjici vocales crescentis in plurali nominis jubet, ac LXX Λαβιβιμ, quasi cum Jod mobili scribendum sit, להבים.

In aliis libris aliquoties Lubaeorum mentio fit, populi Africani, cujus nomen iisdem prope literis להבים scribitur, Nahum III, 9. Dan. XI, 43. 2 Paral. XII, 3. XVI, 8. *Libyes* ubique vertunt LXX et Vulgata, atque, quod eodem fere redit, *Nubienses*, Arabs in Nahumo et Daniele. Hi ergo להבים si iisdem cum nostris להבים, ut supra Ludaeorum nomen להרים et להרים scribi vidimus, interpretationem certe aliquam nominis habemus, sed multo, quam optarem, latiore; nihil enim ex ea colligi potest, praeter hoc unum, sedes genti in aliqua Africae parte extra Aegyptum assignari. Quod enim Bochartus (*) addit, *Libyaegyptios* esse, *Melae* (**), *Plinio* (**), et *Ptolemaeo* (***) memoratos, lusus est in nomine. *Libyaegyptii* his auctoribus sunt gens mediterranea Africae incognitae, qua parte *Libya Aegypto* erat, ut

(*) L. IV. c. 28.

(**) L. I. c. 4.

(***) L. V. c. 8. *versus superque Gaetulos intervenientibus desertis primi omnium Libyaegyptii*. Ex his verbis nemo situm agnoverit.

(***) L. IV. c. 5. p. 104. Gradum non notat, interponit tamen inter

long. 59 : 30. lat. 29 : 30.

long. 62 : 40. lat. 29 : 15.

ut in tanta vastitate et solitudine, contermina: quae nec ubi sita fuerit ita describunt, ut inveniri possit, nec constat, Aegyptiosne colonos habuerit, an alios. Hic vero Libyam quaerimus, non qualicunque de causa ab aliquo cum Aegypti nomine compositam, sed ab Aegyptiis habitatam. Melius forte de ipsa cogitari occidentali Aegypto potuisset, maximeque de vallibus ejus ultra arenosa deserta, immisso per ingentes aquae ductus Nilo foecundatis(*). Strabo quidem testis est, ut ea, quae ab Oriente Nili sunt, Arabiam, ita Occidentalia huic flumini Libyam, appellari consuevissent: *ἐν τεῦθεν ὁ Νεῖλος ἐστὶν ὁ ὑπὲρ τοῦ Δέλτα. Τούτου δὲ τὰ μὲν δεξιὰ καλοῦσι Λιβύην ἀναπλέοντι, ὥσπερ καὶ τὰ περὶ τὴν Ἀλεξάνδρειαν, καὶ τὴν Μαρεώτιν· τὰ δὲ ἐν ἀριστερᾷ Ἀραβίαν.* (L. XVI. p. 806. al. 1160.) Quin Ptolemaeus L. IV. c. 5. Marmaricam inter et Aegyptum Libyae nomen interponit: vallesque illae occidentales, trans montes arenosos, quibus reges Aegypti Nilum arte induxisse putantur, sine dubio nova aliqua Aegyptus erant, in quam colonias deductas fuisse nemo dubitabit. Mihi verisimillimum, nostram Libyam ab Aegyptiis habitatam, his in partibus quaerendam esse: a qua immensi deinceps Africae Occidentalis tractus Libyae nomen mutuum sumserunt.

Libyae enim nomen antiquum esse, ex Hebraeorum monumentis constat, atque si *לִיבִי* et *לִיבִי* iidem, ex nostro loco collegeris, primo alicui Africae parti ab Aegyptiorum coloniis habitatae proprium fuisse, atque dein-

(*) Vide Paul Lucas *Voyage de la haute Egypte*, L. V. p. 103. 104. 105. et tabulas geographicas

Hasaei regni Davidis adjectas, sub gradu $26\frac{1}{2}$ latitudinis, 48 et 49 longitudinis.

deinde latius pro magna Africae parte usurpari coepisse. Servarunt idem nomen ut notum, suisque linguis receptum versiones, Syriaca Dan. XI, 43. haecque et Chaldaica Nahum. III, 9. itemque Chaldaica sola 2 Paral. XII, 3. XVI, 8. Arabibus quoque iisdem literis radicalibus لوبه dicitur, licet in biblicorum versione hoc me nomen legere non meminerim, sed ejus loco Nubiam.

Etymologiae alias parcus cultor, ubi de re geographica quaeritur, dissimulare tamen non debebo, Libyae, five להב five לוב scriptae adpellativam significationem, non posci, sed ultro offerre linguas Orientales. Si enim להבי scribitur, potuit dici a להב, *flamma* solis, qua uritur,

torrida semper ab igne,
ut vel finxerint exteri, aliquos Africae interioris populos soli Orienti et Occidenti maledicere, quod ipsis agrisque suis exitialis sit (*). לובי si malis, dici potuerunt a لوب *sitire*, tanquam, *terrae sitientis incolae*. Forte ergo hoc nomen non fuit Africanum, gentibusque quas designabat domesticum, sed ab Asiaticis, five Phoenicibus five Hebraeis, illis inditum.

Ad versiones antiquas accedo, quae להבי interpretari aufae sunt:

- 1) Jonathan hic habet ליוקאי, quod Libycos (ליוקאי) legendum censet Bochartus. Ab interprete, chronicorum לנקאי scribitur, quod, nisi depravatum a li-

(*) Plinius hist. nat. L. V. c. 8.
Male in etymo investigando lussit Kimchius, interpretationis loco

ad Genes. X, 13. adscribens: *quorum vultus sunt flammae similes.*

a librariis sit, non potest Libyam sonare, licet quid significet ignorem. Correxerit in sua editione Wilkins: quo jure? non pro certo statuerim. Interpres quidem chronicorum alio jam loco (*) Libyam, לִיבָה scriptam, memoraverat, ut a posteris Cuschi occupatam; unde verisimile non est, hic quoque eum, alias literas habentem, de Libya loqui, eamque Aegyptiorum assignare coloniis. Nihil tamen adfirmo: accidere enim potest, ut ignarus interpres, plures compilans, turpiter quoque erret, eundemque populum diversimode scriptum in duo populos dispertiat.

- 2) Lycios ex sola etymologia extundit Hillerus, pag. 281. onomastici, inque dissertatione de Philistaeis pag. 14. quod לִיבָה *flammam* significet, Lycia autem *locorum nominibus* (ad Hebraicam nempe originem detortis) *multa ignium et flammarum argumenta contineat, ut Chimaeram, noctibus flagrantem, a כֶּמֶר dictam*, etc. Haec etymologica omnia in quaestione geographica non digna erant commemoratu, nisi Chaldaicae interpretationes, לִיבָה et לִיבָה, Lyciam sonare, si velis, possent.

- 3) *بَهْنَسِيَّة* *Bahanisenses* Arabi sunt in polyglottis expresso. Vere interpretatus videtur Bochartus (**), urbem بَهْنَس , a Nubiensi commemoratam, licet porro eum sequi non audeam, Bahnas pro Panopoli habentem. Bahnasam descripsit Nubiensis (**), ut urbem ad Nilum septem supra Cairam die-

(*) 1 Paral. I, 9.

(**) p. 263.

(**) clim. II. Part. 4. p. 43. et
clim. III. part. 3. pag. 106.

dierum itinere; eandem, nunc vicum, vidit Nordenius (*), nomenque minus orthographice Arabicis literis scripsit, باحانين, i. e. *Bachanes*, pro quo per errorem latinae literae *Baghanes* habent. Sed hanc Panopolin veterum dubito. Illa enim ad Orientem Nili sita dicitur (**), Bahanafam et Nubiensis (**), et Nordenius, occidentalem faciunt. Verum ista de Panopoli quaestio parum ad nos; de Bahanafam, Aegypti urbe, quaecunque veteribus fuerit, interpretem Arabicum, qui ipse in Aegypto vixit, intelligo, simulque ejus sententiam damno; displicet enim, Aegyptiorum colonias in mediam Aegyptum deduci. Mallem equidem, de Banassa Tingitanae urbe intelligi posset, quam Ptolemaeus L. III. c. I. pag. 93. sub longitudine 6 grad. 30. minut. et latitudine 34. grad. 20 minut. ponit: sed forte ne nomen quidem illius Banassae Saadias audierat.

4) Thargum Hierosolymitanum *Pentapolitanos* (פִּנְטָפּוֹלִיטָאִי) nominavit. Est autem Pentapolitana regio pars Cyrenaicae, quinque urbibus, Berenice, Ar-

(*) Voyage d'Egypte et de Nubie pag. 154. Vide et delineationem nonagesimam quartam libro adjectam, sub 108 a Caira milliari, in qua nomen Arabicum reperies: his enim, quae latino charactere scripsit Nordenius nonnunquam parum tuta fides, ob describentium errores.

(**) Ptolemaeus libr. IV. c. 5. pag. 107.

(**) Nubiensis p. 43. *Albah-nasa, quae jacet ad ripam occidentalem. Nordenius: vis à vis de Gjesfret Abdelkadir sont deux autres villages, Bâganes et Beniberfa. Le premier est situé sur la rive Occidentale du fleuve. Sic et delineatio habet cursus Nili.*

Arfinoe, Ptolemaide, Apollonia, ipsaque Cyrena illustris. Vide Plinium L. V. c. 5.

נפתחים ואת *Et Naphthuchaeos.*

Ad lectionis varietatem non refero, sed ad libertatem cuius interpreti concessam, quod Vulgata praefixum Vau non vertit, aut Maurus plene نفثوحيم scripsit. Syriaca versio نפתوحيم cum hic tum in chronicis habet, errore librariorum manifesto, Jod et Nun Syriacum confundere solitorum. Nec nisi mendum Graecorum librariorum puto, quod LXX Νεφθαλειμ in Genesi, inque Paralipomenis Νεφθαλιμ habent; pro ignoto sono, quem non intelligebant librarii, notius nomen. Ergo in lectione Hebraica nihil dubii aut diversi.

Saadiae sunt قَرْمَانِيُون *Caramanii*, quo nomine quam gentem intellexerit, non prorsus liquet. Putem tamen, Cilices, Arabibus enim قَرْمَان et قَرْمَان est Cilicia regionesque adjacentes (*) Hosne ergo Aegyptiorum faciebat coloniam? Garamantas quidem, intimae Africae populum, eum in animo habuisse non putem, cum nomen sit solis Graecis Latinisque scriptoribus usitatum.

Verissime huic nomini et acutissime Nephthyn Aegyptiorum contulit Bochartus, L. IV. c. 29.

(*) Vide Golii lex. p. 1894. et, pfit, Büfchingium pag. 90. Asiae. qui curatius fines regionis descri-

c. 29. Est nempe Nephthys et Dea, uxor Typhonis mali genii, et teste Plutarcho extrema Aegypti ora ad mare. *Nephthyn*, inquit (*), *vocant terrae extrema ac limitanea, quae mari alluuntur. Unde et Nephthyn cognominant ULTIMAM, dantque Typhoni uxorem.* (Νέφθυν καλοῦσι τῆς γῆς τὰ ἔσχατα καὶ παρῳρία, καὶ ψαύοντα τῆς θαλάττης. Διὸ καὶ τελευταίαν ἐπονομάζουσι τὴν Νέφθυν, καὶ Τυφῶνι δὲ συνοικεῖν λέγουσι). Hanc autem Nephthyn Aegyptiam malim ad limites Asiae Casiumque montem ponere, quam cum Bocharto ad mare rubrum aut in Marmarica. Est enim in illo ipso Asiae Aegyptique confinio lacus Sirbonis, quem *Typhonis exhalationes* vocabant, inque eo delitescere Typhonem fingeant. Hic ergo, ubi Typhonem habemus, terram quoque uxori ejus sacram quaerere fas est. Ergo mihi Nephthys sunt limitanea Aegyptum inter et Asiam deserta (**) in Sirbonidis vicinia, ubi paulatim arenae versus montem Casium ita eriguntur, ut Nilo, nisi supra modum exundante, mergi nequeant. Sic quidem Plutarchus statim post illa verba, quorum initium solum descripserat Bochartus, parte praecipua, (ejus enim sententiis repugnabat) neglecta: "Ὅταν δὲ ὑπερβαλὼν καὶ πλεονάσας ὁ Νεῖλος ἐπέκεινα πλησιάζῃ τοῖς ἔσχατεῦν, ταῦτο μίξιν Ὀσίριδος πρὸς Νέφθυν καλοῦσιν, ὑπὸ ἀναβλαστανόντων φυτῶν ἐλεγχομένην. Ὡν καὶ τὸ μελίλωτόν ἐστιν, οὗ, Φησὶ μῦθος, ἀπορῥύεντος καὶ ἀπολειφθέντος αἰσθῆσιν γενέσθαι Τυφῶνι τῆς

(*) libro de Iside pag. 96. editionis Squirianae.

dicuntur, inveniesque in Danvillii Asia sub hoc nomine *al Giofar*.

(**) Arabico nomine nunc 𐤁𐤍𐤏𐤍𐤕𐤍

τῆς περὶ τὸν γάμον ἀδμίας. i. e. Nilus autem cum valde exundans ad extrema accedit, stuprum id ab Osiride Nephthyi illatum vocant, quod herbis propullulantibus prodatur. In his quoque melilotus, qua defluente et relicta, ut fabula vult, Typhon intellexit, stupratam esse uxorem. Haec quidem descriptio quomodo Marmaricae suae, immensum a Nilo remotae, aptari possit, nunquam dixerit Bochartus: illi deserto, quod in Sirbonidis vicinia leniter se attollit, et humilia aliquando largiori Nilo submittit, perfecte convenit.

Cum mea explicatione ex medii aevi scriptoribus, quos verum vidisse prope miror, consentiunt Jonathan et Chaldaeus chronicorum interpretes, Pentaschoenos (פנטשכנאי) habentes: sita enim Pentaschoenus Pelusium inter et Casium montem, lacumque Sirbonidem, ac quodammodo jam extra fines Aegypti, ut possit in coloniis numerari. Eodem quoque refero לוֹסְטָאִי, *Lystaeos*, ab interprete Hierosolymitano nominatos, quo nomine non dubito quin latrones intelligendi sint (*). Graecum enim Ληστές omnes fere linguae Orientales in suam civitatem receperunt, Chaldaei לוֹסְטָאִי, Syri لُصُّوּن , Arabes لُص , et لصوص habentes. Fuerunt autem, qui paludosa Aegypti circa mare colebant, latrociniis infames, bucolia pro refugiis habentes, ut ex Heliodori Aethiopicis notum: inque harum paludum vicinia circa Pentaschoenum sensim

ea

(*) Primus, quod sciam, latrones intelligendos esse conjecit Bechius ad 1 Paral. I, 11. aliorum quoque conjecturas narrans. Bochar-

to, לוֹסְטָאִי efferenti, Libystii seu Libyes iterum erant, toties jam nominati.

ea attollebantur arenosa deserta limitanea, quae Aegyptiis Nephthys fuerunt. Mirum, interpretes tam et recentes et indoctos, in tam verisimilem conspirare sententiam. Illorumne adhuc aevo nominis antiqui memoria in Aegypto superfuit? an solo casu feliciore verum coniecerunt?

GENES. X, 14.

Tria, quae hic sequuntur, populorum Aegyptiorum nomina, plene פתרוס , כסלוחים , et כפתוריים , scripserunt, Maurus interpretes et Syrus. Id vero non est variae lectionis indicium, sed nomina antiquitate obsoleta, Syrisque et Arabibus ignota, in usum lectorum maluerunt distinctius scribere.

Mirari possis, Samaritanum contra morem suum in defectiva lectione cum Hebraicis exemplis consentire; licet et ex Graeca versione certum sit, in secunda horum nominum syllaba ejus generis vocalem, quae potest per Vau quiescens designari, auditam fuisse, nec insolitum fuerit, plene פתרוס scribere, ut ex Jes. XI, 11. Jerem. XLIV, 1. 15. Ezech. XXIX, 14. discimus. Sed hic ipse forte cum Hebraico Pentateucho consensus indicio est, Samaritanos librariorum matres lectionis addidisse, non ut scriptas in antiquioribus exemplis invenerant, sed ex analogia, in his autem nominibus propriis ideo non addidisse, quod eorum appellationem nescirent, et, ut in barbaris, analogia destituerentur.

פֶּתֶרֶסִים *Phathrusim.*

Πατροσωμεν vocant LXX, nescio unde accepta litera Nun: Josephus, quem hic Hebraici codicis lectorem, non asseclam Graecorum invenies, φαρύσιμον.

Nomen provinciae, singularis numeri, פֶּתֶרֶס aliquoties apud prophetas recurrit, Jes. XI, 11. Jerem. XLIV, 1. 15. Ezech. XXIX, 14. XXX, 14. ita quidem, ut Jesaias quodammodo ab Aegypto distinguat, Jeremias autem et Ezechiel partem Aegypti, ac patriam, ut putant, Aegyptiorum faciant. Quare omnino non audiendi, qui longe ab Aegypto Phathrusaeos quaerunt(*).

Ad interpretes quod attinet

- 1) Παρούσης LXX habent Jerem. LI, 1. 15. Ezech. XXIX, 14. XXX, 14. (in Jesaia enim פֶּתֶרֶס non legerunt) et *Phaturen* Vulgata in Jeremia et Ezechiele, eademque in Jesaia nomen barbarum *Phetros* retinuit. Ex his quidem de situ Phatures colligi nihil potest.
- 2) *Pentapolitanos* habet interpres Chaldaeus chronicorum, quos alii Chaldaei supra pro לְחִבְרִים ponebant. Male hic quidem, quia partem Aegypti Phaturen faciunt Jeremias et Ezechiel.
- 3) *Pelusiotas* dat Thargum Hierosolymitanum, quod licet minime probem, nolim tamen eo argumento re-

(*) Phaurusios in interiore Libya, non procul a mari Atlantico, intelligebat anonymus, Bocharto poenas dans: Arabiam Petraeam A-

rias Montantis, jure et ipse a Bocharto refutatus. Sed haec, Bocharto occupata, praetermitto.

refelli, quo usus est Bochartus, *Pelusii nomen Hebraicum* פֶּלֶשׁ *esse*: id enim gratis sumi, Pelusiumque Hebraica lingua פֶּלֶשׁ dici, infra, ubi ad פֶּלֶשׁ ventum erit, videbimus.

4) Male Hillerus Delta intelligit, nullo argumento, praeter etymologicum, nómine Aegyptio ex lingua Hebraica derivato. Vult enim Pathros contractum ex פֶּתַח רֶסֶס, *angulo rorationis*, in qua descriptione Delta agnoscere sibi videtur. Si Delta Pathros, non video, quomodo Phaturen ab Aegypto distinguere Jesaias potuerit.

5) *Nesiotas*, (נֶסִיּוֹתַי) nescio quos, Pseudojonathan reposuit. De Delta eum loqui Bochartus sumit: posset tamen et de Heracleotica insula, et de his quae per mare mediterraneum Aegyptum inter et Graeciam atque Asiam sparsae sunt, accipi. Quid dicere voluerit, exploratum non habeo.

6) Mire Saadias et Arabicus chronicorum interpretes, بِمَنْبُوت , i. e. *Jemanenses* habent. Potuitne tantum non a vero solum, sed et a verisimili aberrare, ut regionem, quam partem Aegyptiorum Jeremias et Ezechiel faciunt, in Arabiam felicem transferret? Suspicio, seu ut rectius dicam, sperare auisim, Jemanitas non intelligi Arabiae incolas, sed superioris Aegypti versus Aethiopiam: بِمَنْبُوت enim primo *dextrum latus*, ac deinde *australia* notat, a quo situ et felici Arabiae Jemanae nomen ductum.

Otium fecit aliis veramque sententiam de Phature dixit Bochartus L. IV. c. 27. Phaturiten nomum esse, quem Plinius Thiniten inter et Coptiten in superiore Aegypto, ponat. Verba Plinii sunt: *Dividitur, (Thebais) in praefecturas oppidorum, quas nomos vocant, Ombiten, Apolliniten, Hermonthiten, Thiniten, Phaturiten, Coptiten, Tentyriten, Diospoliten, Antaeopoliten, Aproditopoliten, Lycopoliten.* Libr. V. c. 9.

Atque his paucis contentus equidem esse malim, cum nemo praeter Plinium Phaturiten nomum commemoraverit, quam conjecturis incertis rem certam obscurare: nec satis placet, quod Bochartus, ne urbem cognominem ignorare videretur, *Tatbyrin* Ptolemaei non procul a Thebis sitam, nullo alio mendi indicio in Pathyryn mutat. Fateor Π et Τ librariorum errore permutari posse, sed cur hic illum errorem admisisse credendi sint qui Ptolemaeum descripserunt, ejus rei causam adferri nullam video. Si quod geographiae Aegyptiae nomen proprium, mihi notum, quodammodo cum Phaturite consonat, *Fatira* est (*فتيرة*) vicus nunc ignobilis ad Nilum, juxta montes *Salsalae* seu Catenae, paulo supra Apollinopolim veterum, infraque Syenem, quem Nordeonii tabula CXVII. sub hora itineris 160 habet. Sed vicus Phaturiten nomum quaerenti non sufficit: nec putem, terram Pathros toties prophetis memoratam solum Phaturiten nomum complexam esse, sed nomen late olim per Thebaidem patuisse, cujus memoria in hoc solo nomo haesit.

Unus superest, de quo aliquid dicendum videtur, Ezechielis locus, c. XXIX, 4. quod ex consveta interpre-

tatione acceptus Phaturen primam facit et antiquissimam aboriginum Aegyptiorum sedem. Adscribam verba, non ex mea versione, (dubito enim) sed ex Vulgata: *reducam captivitatem Aegypti, et collocabo eos in terra Phatures, in terra nativitatis suae, et erunt ibi in regnum humile.* Clarius etiam et copiosius, nec tamen testis aut historicus habendus sed commentator, Hieronymus, ad hunc ipsum Ezechielis locum: *reducetur in antiquum solum universa captivitas, et collocabitur in urbe metropoli, quae appellatur Phatures, ubi orta est et unde profecta est.* Haec ita dicta, ut Phature antiqua videatur Aegyptiorum patria: forte quod Thebais prima fuerit habitata, antequam inferior Aegyptus satis ex mari emergeret. Non iniquus sum huic sententiae, a qua verisimilitudinis historicae laudem non abjudico; sed tamen suspicor, eam verbis Hebraicis non contineri. מכוררם enim non ex usu linguae, nec ex legitima aliqua derivatione, sed ex consensione Judaeorum *solum natale* significat (*). At si vocabulum, semel omnino in codice sacro obvium, non ex conjectura, nec literarum permutationibus, sed ex notissimo verbo primitivo unde fluxit, explicemus, a מכר *vendidit* מכורות erunt *venditiones*, prodibitque haec potius sententia: *reducam captivos Aegypti, et habitare eos faciam Phaturen, terram venditionis suae, i. e. in qua victi sub corona venierunt.* Nec primus ego sic interpretor, sed praeivit Syrus, גלגל , in terra, ex qua emti fuerunt.

כסלחם

(*) Chaldaeus: *terram habitationis ipsorum.* Rabbinii non pauci, quos secuti christiani sunt, *terram nativitatis ipsorum*: sed alii, ut ipse

Kimchi, contrario plane sensu, *terram peregrinationis eorum*, Caph pro Gimel positum fingentes.

כסלחים *Cashuchaeos*.

Χασμωνιειμ, *Chasmonaeos*, in Genesi habent LXX, ut omnino videantur כסמני legisse, qui Ps. LXVIII, 32. Aegypto tribuuntur: Chasmonaeos enim ex Aegypto venturos, Deumque adoraturos, regius vates canit. Plerique, fateor, interpretes כסמני in psalmo pro nomine adpellativo habent: potest tamen aequo jure ut proprium accipi, quod Elias Levita in Thisbi fecit, forte etiam Chaldaeus psalmi paraphraestes.

In libro tamen chronicorum Graeca versio Χασλωνιειμ habet: quin ipsa in Genesi vetus Latina, *Chasloim*, et Complutenfis editio, *Χασλωνιειμ*. Sed hanc correctionem esse suspicor (*) editorum, in illa artis criticae infantia Graeca ad Hebraicum textum castigantium. Ad Hebraicum inquam: Latina enim versio, cujus auctoritati tantum dedisse putat Summe Venerandus Semlerus, ut Graeca ad illam refingerent, in Complutenfi editione vitiose *Celluim* habebat.

Josephus Χέσλοιμον, Chesloemum reddidit, ut hic non Graeca biblia, sed omnino Hebraica, legisse sequutusque fuisse videatur.

Ergo insignem lectionem כסמני, quam nondum ex geographia illustrare, Chasmonaeorumque aliquem populum ostendere possum, (nihil enim ad Chasmonaeos nostros כסמני Arabiae, Num. XXXIII, 28. 29.) Graeco pentata-

(*) Potest tamen pro Complutenfibus dici, Copticam versionem, non quidem χασλωνιειμ ipsum, sed

tamen ortum inde χασλωνιειμ habere Δ errore librarii in Α mutato.

tateuchi interpreti soli relinquens, ad consuetam כסלוחי, non minus obscuram, revertor.

Pentaschoenitas habet Thargum Hierosolymitanum: *Pentapolitanos* Jonathan: *Nesiotas* Thargum chronicorum: *superioris Aegypti incolas* (معبدین) Saadias: *Alexandrinos*, interpretes Arabicus chronicorum. Nempe hi interpretes, de vero non valde solliciti, urbes Aegypti sibi notas arripiunt, easque pro lubitu ac tanquam talorum jactū inter nomina Mosaica dispersiuntur, unde fit, ut eadem urbs vel regio huic Casluch sit, alii Pathros, tertio Naphthuch; ut cuique prius aut posterius nomen Hebraicum legenti in mentem veniebat,

Bochartus copiose et erudite de Casluchaeis disputans, capite 31, libri IV, Colchos esse jubet, gentem sine dubio ortu Aegyptiam: sed id non sufficit, ut nemine antiquorum teste, trium literarum similitudinem sequuti, quartaque, quae dissimilis est, neglecta, ex Casluchaeis Colchos recte faciamus. Cupiens tamen sententiae Bochartianae, suspicari aliquando coepi, Mosen כלחסי (*Colchusim*) scripsisse: sed nullo codice aut interprete suffragante, non textu Samaritano, non chronicorum auctore, non Josepho hanc lectionem habente, conjecturam mihi adblandientem repudiare malui; quique sint Casluchaei, adhuc me ignorare fateor.

* * *

אשר יצאו משם פלשתים

Unde egressi sunt Philistaei.

Grammatica est observatio Abenesrae, ex adverbio loci, UNDE, consequi, ut quae praecedunt nomina sint po-

populorum, non personarum. Quod enim obvertit Salomon Ben Melech, ממש (unde) etiam de patribus poni, ex quibus ortus sis, exemplo dubiae interpretationis, Genes. XLIX, 24. nititur.

Sed majoris momenti quaestio, unde egressi sint Philistaei, in historia illi sacra nobilissimi? Verba, ut scripta sunt, si sequamur, nec in interpretando utamur artificii, Casluchaeorum videbuntur colonia fuisse. Inane enim, quod Judaei UNDE ad Casluchaeos et Phaturaeos junctim referunt, quos sive adfinitatibus, sive usu promiscuo uxorum, unam in gentem coaluisse fingunt (*). Poterant quidem eodem jure ad omnia, quae praecedunt, nomina coloniarum Aegyptiarum referre. Haec autem vana et futilia ut mittamus, id quaeritur, sintne omnino Casluchaeorum colonia Philistaei? Obstare enim reliqua omnia loca videntur, Mosis ipsius, Amosi, et Jeremiae, Caphthoraeis potius ortos Philistaeos testantia. Moses enim Deut. II, 23. *Caphthoraeos, ex Caphthor egressos*, deletis aboriginibus tractum circa Gazam, id vero est, Philistaeam occupasse, prodidit: Jeremias, c. XLVII, 4. Philistaeos vocat *reliquias terrae Caphthor*: apud Amosum, c. IX, 7. haec leguntur: *nonne Philistaeos ex Caphthor ascendere feci?*

Haec ita conciliat Bochartus (**), ut Casluchaeos dicat et Caphthoraeos in unam gentem coaluisse, cujus colonia fuerint Philistaei. Sed aegre illam sententiam verbis Mosis aptaveris.

Sus-

(*) Raschi ad h. l. *ex ambobus, Casluchaeis et Phathrusaeis, egressi* bus utebantur. Abenesra modestius: *adfinitatibus juncti erant.*

(**) L. IV, c. 32. in ipso capituli initio.

Suspicio ergo verba transposita esse, et sic rescribendum: **וְאֵת כְּסֻלְחָיִם וְאֵת כְּפַתְרִיִּים אֲשֶׁר יִצְחָק מֵשֶׁם** **פְּלִשְׁתִּים**, et *Casluchaeos et Caphthoraeos*, ex quibus (sc. Caphthoraeis) *egressi sunt Philistaei*. Valde antiquum tamen errorem (si modo errorem vocare auserim) esse fateor, qui et textum Samaritanum et omnes versiones invasit. Loca tamen parallela tam illum manifeste arguunt, ut si simile quid alio in scriptore legerem, non dubitanter correcturus mihi videar. Quidni ergo potius in Mose, et summae antiquitatis, et divinae inspirationis habita ratione? Per hanc enim fieri nequit, ut Moses ipse erraverit, unde sequitur, ut manifesti errores ac contradictiones librariis potius quam auctori imputandi sint. Per illam tot seculorum decursu non ab omnibus mendis immunis manere pentateuchus potuit, quorum aliqua verisimile est, non solum omnibus versionibus, sed et Samaritanorum a Judaeis secessione esse antiquiora.

* * *

פְּלִשְׁתִּים *Philistaei*.

Ergo Philistaei, qui toti apud exteros Palaestinae nomen dederunt, non aborigines in illa sed advenae. Ante eos, ut ex Deut. II, 23. discimus, aliquis Nomadum populus, **אֲוָאִים** (*Avaei*) dictus, illos tractus tenebat, sed qua ille stirpe ortus fuerit, qua lingua usus, quo denique tempore pulsus, ignoramus. Nomadum populum eum dixi, quod Moses in **חֲצִירֵי** habitasse Avaeos refert, non in urbibus. Sunt enim **חֲצִירֵי** proprio vocabuli sensu *pagi mobiles Nomadum ex tentoriis compositi*; licet deinde et latius nomen sumi coeperit.

Philistaea intra eos fines sita, quos Israëli Deus promiserat, Palaestinae accensetur, cujus terminus fluvius erat Aegypti. Ultra hunc terminum ergo evagatae Aegyptiorum coloniae.

Sunt qui putant, Philistaeos in patriarcharum historia memoratos aborigines, exque illo Avaeorum populo fuisse, qui ante coloniam Aegyptiam Philistaeam habitavit, unde et regis nomen, *Abimelech*, sit Hebraicum: addunt de iisdem Avaeis I Chron. VII, 21. agere, cum *virri Gathae, nati in terra*, memorantur. Sed haec ad incerta ablegamus: gratis enim sumitur, *natos in terra* non alios dici posse, quam Aborigines; Abimelechos vero non sola illa ante Mosen Philistaea, sed et recentior tempore Davidis, reges habuit. Pf. XXXIV, 1.

Quae fuerit lingua Philistaeorum ex Caphthoraea advenarum, nuspiam traditur. Hoc tamen ipsum nomen regis אֲבִימֶלֶךְ cogitanti, Goliathique, et Davidis inter Philistaeos exsulis historiam legenti, verisimile fit, Caphthoraeos in Palaestina patriae linguae oblitos Phoeniciam adscivisse; servatis forte paucis dignitatum nominibus avitis, in quibus si סְרִיִּם censeas, linguis Orientalibus ignotum, deque solis Philistaeorum regulis usurpatum, non contradixerim.

Philistaeorum nomen unde acceperint, qui ante ingressum in Palaestinam Caphthoraei vocabantur, incertum. Sunt qui existiment, gentem a terra, in quam immigravit, dictam fuisse: פֶּלֶשׁ enim Hebraica lingua idem significasse, quod שָׁפֵל, *humilis fuit*, hinc tractui ad mare quem exteri occupaverant פְּלִשְׁתַּי nomen ductum, ut vicino, qui ad tribum Judae pertinuit, transpositis modo

do literis **שפל**. Non damno conjecturam, incertis tamen, ut pleraque de nominibus propriis etymologica, adnumero. Transpositionibus enim literarum ad investigandam verborum significationem nihil fallacius: nec quod vocabularia Hebraica habent, **שפל** *humilis fuit*, et **שפלה** *humiliavit se, volutavit se in pulvere*; certum et exploratum. Caeterae quidem linguae Orientales hanc significationem literis **שפל** non subjiciunt: Hebraica loca, Jer. VI, 26. XXV, 34. Mich. I, 10. admittunt illam; fateor, sed non probant. Possit enim et *effodiendi* notio, quam verbum apud Chaldaeos Syrosque habet, illis aptari, ita ut *fodere sibi in pulvere*, sit, totum se in pulvere abscondere, metuque aut tristitia cavernas et specus subire.

Graecis interpretibus librorum historicorum Philistaei plerumque sunt, **οἱ Ἀλλόφυλοι**, *Alienigenae*, seu *Barbari*, ut, Judic. III, 3. XIV, 1. etc. Nempe Aethiopibus verbum **שפל** significat, *migrare*, ut, *ex una regione in aliam*: eaque significatio illorum interpretum tempore in aliis quoque linguis Orientalibus superfuisse videtur, licet nunc prope interierit nisi quod putant Samaritanam linguam aliqua ejus servare vestigia (*). Ergo cum Philistaei plane essent in Palaestina exteri, ortuque nec Phoenices nec Israëlitae, nomine tanquam proprio eos *Barbaros* dici autumarunt.

Incircumcisi erant Philistaei, idque in convicio jactare Israëlitae solebant. 1 Sam. XVII, 6. 2 Sam. I, 20. Inde

(*) Vide Castelli lex. Samaritanum **פליטה** *peregrinationem* ver- tentis, ex conjectura tamen potius, quam certo significationis exemplo.

Inde viris doctissimis, ipsique adeo Jablonskiø, visum, ante circumcisionem receptam progenitores Philistaeorum ex Aegypto egressos esse: quod eo tandem deducunt, ut circumcisionem Aegyptii non ante Abrahamum haberint. Et hoc incertum. Potuit colonia Aegyptiorum, in terras boreales, Cyprum aut Cappadociam, deducta, circumcisionis in novo climate inutilis, inque migrationibus molestae, oblivisci, ut ipsi Israëlitaë in deserto pueros non circumcidebant. Adde, Aegyptios non omnes circumcisos fuisse, sed solos sacerdotes: quod si apud Philistaeos obtinuit, recte Israëlitis praeputiati dici potuerunt.

Dissertationem de Philistaeis (*) ingeniosam, quaeque per aliquot me annos in partes traxit, commentariis in priorem librum regum praemisit Calmetus; in qua, repudiata quam olim de Cypro tentaverat conjectura, Philistaeos ortu Cretenses facit, ac nomen Caphthor Cretam interpretatur. Placuit aliquando, ut dixi, sententia, sed adcuratius perlecta dissertatione, expensisque argumentis, laborare videbatur ac ruere: illa autem quae de moribus diisque Philistaeorum et Cretensium iisdem Calmetus collegit, ita displicuerunt, ut causae quam ornabat paulo etiam me facerent iniquiorem.

Unicum argumentum, in quo aliquid residet roboris, illud est, a quo totam disputationem sapienter orditur Calmetus, quodque primum posuit. Loca citat codicis Hebraici, in quibus Philistaei כרתי, id vero est ipso interprete, Cretenses adpellentur, 1 Sam. XXX, 14. Ezech.

(*) *Dissertation sur l'origine et sur les divinites des Philistins.*

Ezech. XXV, 16. Sophon. II, 5. qua admissa interpretatione nihil dubii supererit. Addit, satellites Davidis ex Philistaeis conductos, *Crethaeos et Plethaeos* dici, hoc quoque nomine ortum gentis ex Creta indicante. Interpretum denique antiquorum auctoritate utitur, ex quibus LXX et Syrus in Sophonia et Ezechiele כרתִי *Cretenses* verterunt, affeciam in Ezechiele nacti Arabem: quin et כרתִי Sophon. II, 6. LXX et Syrus pro Cretae nomine habuerunt.

Est hoc certe non contemnendum argumentum: quamquam potuerunt Philistaei, aut omnes, aut aliqui ex illis, כרתִי dici, licet Cretenses non essent, forte quod nomen, ut infra suspicabor, *extorres, et a solo patrio tanquam recisos*, sonaret. Sed dispiciamus antea de locis singulis. In Ezechielis et Sophoniae vaticinio nomen כרתִי a plerisque ante Calmetum adpellative acceptum est: nec video, quid eorum interpretationi aut opponat Calmetus, aut opponi omnino possit. A Sophonia ut ordiar, haec habente, *vae incolis tractus maris, populo כרתִי! Verbum Jehovahae contra vos: Canaan, terra Philistaeorum, vacuam te habitatoribus faciam*: nihil est, quod in versione Vulgata reprehendi possit, adpellative *gentem perditorum*, i. e. gentem internecioni destinata, vertente: ac si quis Calmeto contingat paulo acrior adversarius, sententiaeque iniquior, urgere possit, de Philistaeis et Cananaeis Sophoniam vaticinari, quorum certe hi Cretenses non fuerint, rectius ergo כרתִי adpellativum nomen haberi, quam proprium. Alter locus, Ezech. XXV, 16. וּכְרַתִּי אֶת כְּרִיתִי, quidni adpellative verti possit, sive, *exscindam exscindendos*, (populum inter-

internecioni devotum), sive, si solas consonantes demtis punctis sequamur, ut fecit Vulgata: *interficiam interfectores?* Horum igitur locorum dubia interpretatione, omnia ad 1 Sam. XXX, 14. redeunt, ubi Amalecites qui Siklagam combusserant, effudisse se dicuntur, על כנב, הכרתי, i. e. *super Austrum Crethaeorum*. Sed hujus ipsius loci lectio dubia: nomen enim, de quo agitur, הכרתי, Syrus non legit, nec Arabs, Syri affecula, expressit, LXX autem pro illo in exemplis Hebraicis כרתו invenerunt.

Sed esto Philistaeorum proprium nomen כרתו, ut mihi quidem 1 Sam. XXX, 14. Ezech. XXV, 6. Sophon. II, 5. junctim legenti videtur verisimilius, licet de singulis separatim dubitari possit: atque, ut sim liberalior, in sexto quoque versu capitis secundi Sophoniae כרת nomen esto proprium Philistaeae, nec secundum vocales, quas nimis religiose sequitur Calmetus, כרת, sed *Creth* (כרת) efferendum: non tamen ideo Philistaei statim Cretenses erunt. Ne literas quidem Hebraicas satis attente inspexit, qui id ut certum sumit; Cretenses enim, nisi quid permutationis literarum accedat, Hebraeis כרטי erunt, non כרתו, unde et Syrus interpres Sophon. II, 5. 6. כרטי per Tet scripsit. Suspiciari potius licebit, ut LXX Philistaeos tanquam nomine proprio Ἀλλοφύλους, *Exteros*, vocant, ita Hebraeis ob duplicem migrationem, ex Aegypto in Caphthor, exque hac nova patria in Palaestinam, כרתו, *recisos a patria et extorres*, dictos fuisse. Certe, si Philistaei ideo כרתו vocantur, quod ex Creta venerunt, insulaeque hujus nomen antiquum apud Hebraeos כרת fuit, mirum videri debebit, quod

Moses hoc ipso in versu eo nomine non usus est, Creten-
sesque כפתרי nec potius כרתים adpellavit.

Crethaei et Plethaei Davidis probationis loco adferri
ne a Calmeto quidem debuissent, nisi videri volebat incer-
tum ex magis incerto probare: nostro autem tempore,
postquam IKENII *dissertationem de Crethi et Plethi* (*)
habemus, minus etiam licebit illo argumento uti. Cre-
thaeos et Plethaeos Davidi corporis custodes fuisse, pleri-
que consentiunt, nec res dubia videtur: unde autem no-
men acceperint, de eo tot sunt tamque diversae veterum
et recentiorum sententiae (**), quibuscum bene agitur si
in conjecturis verisimilibus locus illis conceditur, ut una
ex tot incertis etymologiis gratis sumpta, nullisque dum
argumentis confirmata, pro argumento adferri in dispu-
tando nequeat; quod si quis nimio suarum opinionum
amore faciat, in promptu erit secus sentientibus, reponere,
aliam sibi derivationem videri meliorem. Calmetus vero
eo loco, ubi de Crethi et Plethi egit (**), ne periculum
quidem fecit suae de illis sententiae probandae, sed omni-
no gratis sumit id, quod est unum omnium sumtu auda-
cissimum, atque ab omni veri specie remotissimum, Da-
videm, tyrannorum more, corporis custodiam non ci-
vibus, sed barbaris, atque adeo cohorti ex infestissimis pa-
triae hostibus coactae, credidisse. Rem vero incredibi-
lem! sed de qua plura non addo, quod pleraque, quae
opponi possunt, Ikenius paragrapho IV. ejus, quam cita-
vi, dissertationis, occupavit, ad quem lectores remitto.

Meam

(*) Nona est ex illis, quae an-
no 1749, Lugduni Batavorum recu-
sae sunt, hoc titulo: CONRADI I-
KENII *dissertationes philologico-the-
ologicae in diversa sacri codicis loca.*

(**) Multas earum collegit di-
judicavitque Ikenius, nec tamen o-

mnes. Praetermisit enim, ut exem-
plum adscribam, quod Syrus 2
Sam. VIII, 18. *nobiles militesque*
(*سلاة فكيه*) vertit.

(**) 2 Reg. (i. e. 2 Sam.) VIII, 18.

Meam si quis de Crethis et Plethis sententiam exquirat, primo ut certum sumo corporis custodes Davidi fuisse, quod et Ikenius vult cum plerisque, et vero Iosephus Ant. VIII, 5, 4: deinde adstipulor Ikenio, cum cursoribus, (רצי) qui in historia regum inferioris aetatis commemorantur, eos comparanti, et ex moribus Orientalium docenti, Asiae reges corporis custodibus pro tabellariis uti: adsentior denique, פלתי Celeres explicanti, idque ex Arabico فلت confirmanti. Una displicet illius ipsius, de quo hic vel maxime quaerimus, כרתי, derivatio, in qua Ikenius omni adliterationum (ut vocare Schultensius solebat) licentia abusus est, radicesque adscripsit, duas literas similes habentes, tertiam dissimilem. Mihi vero opus non esse videtur, ad intutas has philologorum Hebraeorum artes devenire, cum facillima in promptu sit derivatio, modo punctorum masorethicorum religione non teneamur, audeamusque כרתי punctis activis pro passivis instruere, כרתי, si lubet, aut utcunque placuerit. Praeivit sane Hieronymus, punctis masorethicis antiquior (*). Verbum כרת est, *exscindere, occidere*: hinc corporis custodes כרתי, *exscindentes*, dicti, quod illorum manibus reges Asiatici uti solent in suppliciis capitalibus sumendis. Res ex itinerariis Asiaticis, antiquitatisque memoria (**), satis nota, illeque ipse Benajas Jojadae filius, quem Crethis et Plethis praefuisse legimus, 2 Sam. VIII, 18. cum hoc militari imperio, et sacerdotio, (mi-

(*) Ad Ezech. XXV, 16. *Duarum legionum David, quarum una appellabatur Phelethi et altera Cere-thi, ultima ab eo quod interficerent et jugularent, CHORETHIM, hoc est,*

interfectorum, nomen accepit.

(**) Vide patris mei, Christiani Benedicti Michaelis, dissertationem de suppliciis capitalibus Hebraeorum.

(mirum) carnificis primarii munus conjunxit, unde ejus manu omnes, a quibus Salomon 1 Reg. II. supplicium sumfisse dicitur, ceciderunt. Pharaonis quoque et Nabochodonosaris praetoriani milites, Hebraeis טבחים (*) dicti, nomen a suppliciis sumendis accepisse mihi videntur: namque טבח aut *maſſatorem* sonat, aut eum *qui igne alios excruciat*, ut apud Arabes angelus damnatorum tortor طابخ⁹ adpellatur. Horum et praefectus, שר הטבחים, *princeps satellitum?* an, *carnificum?* dictus, Aegypti et Babylonis regi a suppliciis fuit: Potiphar, eorum praefectus, domi suae carcerem habuit, in quo captivi regis detinebantur (**); Nabochodonosaris jussu cum magi philosophique Chaldaeorum occiderentur, idem (רב טבחים) *princeps satellitum* jussa regis exsequitur (**): Hierosolymis denique captis Nebusaradan satellitum princeps eo mittitur ad urbem comburendam, et supplicia a rebellionis auctoribus sumenda, reliquosque in exilium ducendos (**). Recte ergo Hebraicum טבחים Onkelos קטריא¹² *interfectores*, id vero est, *carnifices* reddidit, atque uterque Arabicus Pentateuchi interpres, سبائون¹³; quasi diceret, *gladium gestantes*, quo ipso nomine Arabicus Novi testamenti interpres usus est, Marc. VI, 27. de eo *spiculatore*, id vero est corporis regii custode (***), qui Joannem Baptistam jussu Herodis in carcere obtruncavit. Sed satis de טבחים dictum: in viam redeamus.

Ut

(*) Genes. XXXVII, 36. 2 Reg. XXV, 8. Dan. II, 14.

(**) Genes. XL, 3. 4. coll. c. XXXIX, 20. XLI, 10.

(***) Dan, II, 14. 15.

(***) 2 Reg. XXV, 8. seqq. 18 - 21.

(****) Vide Wetstenii notas ad locum Marci.

Ut ergo satellites regum Aegypti et Babylonis טבחין, *carnifices*, dicebantur, ita custodibus corporis Davidis nomen כרתי ופלתי fuit, *suppliciorum sumtorem et celorem* significans, non Cretenses, nec Philistaeos.

At auctoritatem interpretum antiquorum, Graeci, Syri, Arabis, interponit Calmetus, qui in Ezechiele et Sophonia כרתי non solum ut nomen proprium Philistaeorum acceperunt, sed et *Cretenses* verterunt! Ex horum numero, si modo numero et auctoritate res agitur, demi velim Arabem: in prophetis enim non Hebraica interpretatus est, sed Graeca, quare hoc ex teste nihil discimus, nisi quod cognitum jam ante habebamus, Graecos hic de Cretensibus cogitasse (*). Graeci autem interpretis, ejus qui prophetas vertit, exigua auctoritas: vix enim illo indoctior ad codicem sacrum accessit. Ergo ut magni facerem, si Pentateuchi Graecus interpret, vir doctissimus, Philistaeos Cretenses dixisset: ita Graecae propheta-

(*) Mirum videri possit, Arabem in solo Sophonia Cretenses habere, in Ezechielis autem capite XXV, v. 16. a Graecis, ut videtur, recedentem ac suum, واستأصل القضا, quod latinus interpres, *extirpabo racemationem*, vertit. Arabicis autem libris manuscriptis ad vetus, variis lectionibus Graecorum librorum inspectis statim quid acciderit conjiciet. Nempe pro Κρητας codices nonnulli Graeci Κριτας, *judices*, habuerunt, facili lapsu librarii,

Est ex hoc numero ipse Alexandrinus, cum editionibus ex illo factis, nisi quod addito etiam Sidonis nomine dupliciter falsam lectionem habet, εξολοθρεύσω κριτας Σιδωνος, *exterminabo judices Sidonis*. Ejusmodi ergo in codicem Graecum incidens Arabs, القضا^٢ *judices* verterat. Omissione punctorum diacriticorum in libris Arabum nihil frequentius; sic ex قضاء factum قضا vitium non animadvertente editore.

phetarum versionis in quaestione, quae tota est historica, vix ullam rationem habeo, satis ei tribuisse mihi visus, si varias lectiones textus Hebraici, aut notas olim, nunc vetustate oblitteratas, significationes vocabulorum Hebraicorum, ex illa decerpam. Hic vero eo minus audiendus, quod quae in Sophonia habet, a mente prophetae aliena videntur. Integra verba adscribam: *Ὁυαὶ δι κατοικοῦντες τὸ σχολίσμα τῆς θαλάσσης, πάροι- κοι (*) Κρητῶν. Λόγος Κυρίου ἐφ' ὑμᾶς, Χαναάν, γῆ Ἀλλοφύλων, καὶ ἀπολῶ ὑμᾶς ἐκ κατοικίας. Καὶ ἔσται (**) Κρήτη νομὴ ποιμνίων, καὶ μάνδρα προβάτων. Vae vobis habitantes tractum maritimum. Verbum Domini contra vos, Canaan, terra Alienigenarum: perdam vos ex domicilio; eritque Creta pascuum gregum, et caulae ovium.* Haec verba ipsi Cretae vastitatem minantur, non solis in Palaestina Cretenfibus, ita ut a Nomadibus pererretur, cultoribus vacua. Ei autem qui praecedentia et sequentia legerit, aegre pervaseris, prophetam de Cretae ipsius satis vaticinari: nec verisimile, quantumvis illa vastetur, Nomades Palaestinae Arabiaeque eam, mari divisam, cum gregibus suis invasuros. Syrus, interpres bonus et diligens, sed et saepe in vertendo LXX in consilium vocans, et a Jacobo Edeffeno in non paucis ad Graeca correctus, ipse quoque minus hic momenti facit, quod non

(*) Pro גרי legebant in Hebraico exemplo גרי, ut jam observavit Hieronymus.

(**) Omisissis verbis **חבל הים והיתה נורת כרת רעים**, atque construxerunt, *eritque mansio, Creta, pasto-*

rum, quam transpositionem latinae aures aequae ferunt, non Hebraicae. Nomen enim regens, seu, ut grammatici loquuntur, in statu constructo positum; Hebraei a genitivo suo non avellunt.

non suus esse, sed Graecam versionem sequutus videtur. Verum de hoc utcumque statuas, interpretem egit, non testem: id est, putabat cum Graecis, Hebraicum כרתים, ab aliis aliter acceptum, *Cretenses* hic designare, non aliunde ex historia noverat, Philistaeos Creta ortos esse: id enim ita in ipsa Palaestina ignotum, ut Hieronymus ad Ezech. XXV, 16. scribat: *pro quo LXX, nescio quid volentes, Cretenses interpretati sunt, cum et Aquila, et Symmachus, et Theodoro, ipsum verbum Hebraicum CHORETHIM vel interfectores, vel interfectionem verterint, non solum in praesenti loco, sed etiam in Sophonia.* Nihil ergo unquam audierat de Philistaeis ex Creta advenis: non magis quam Iosephus, Caphthoraeos coloniis annumerans, de quibus nihil praeter nomina sciat (*).

Si quid adhuc ex his argumentis in animis lectorum haereat, quod eis sententiam Calmeti, non quidem ut veram, sed tamen ut veri aliquam speciem habentem, commendat: audiant, pero, cur illa quoque veri species repudianda sit. Philistaei sine dubio ex Caphthor oriundi: quare et necesse fuit Calmeto, Caphthor Cretam interpretari. Id vero nullo teste, omnibusque facit antiquis interpretibus contradicentibus: nulloque nominis indicio, nisi quod ad etymologias ex male intellectis vocabulariis se recipit, a quibus deceptus כפרת pro nomine mali aut Punici aut Cydonii in arboribus nascentis habuit. Nullum quidem Cretae nomen aut novimus, aut ille nobis indicavit, quod cum Caphthor conveniat. Sed de hac re statim plura, cum ad Caphthoraeos pervenerimus.

Caetera Calmeti argumenta, a lingua, moribus, diis, Cretensium et Philistaeorum desumpta, adeo sunt levia, ut
refelli

(*) Ant. I. c. 6. §. 2.

refelli singula non mereantur. Exempli tamen causa unum alterumque expendam.

Qui primi Cretam incoluerunt, barbari fuerunt, non graeca, sed alia lingua utentes. Ex his aliquem populum, et vero, si ipsi optio detur, Pelasgos, nomine quoque Philistaeis consonantes, Phoeniciam seu Hebraicam linguam patriam habuisse conjicit Calmetus, quod non pauca nomina geographica Cretensium sint a Bocharto ex lingua Hebraica explicata. Philistaei et ipsi Hebraice loquuti. Linguam ergo uterque populus communem habuit.

Non vero in his rebus is est Bochartus, cui tuto credas, omnia alienissimarum gentium nomina ad originem Hebraicam revocare solius: qui tanquam morbus est viri caeteris in rebus magni. Quamquam ex his etymologiis Hebraicis non id efficiebat Bochartus, ut lingua Hebraica omnibus illis populis avita et domestica fuerit, quod si ex illis sequeretur, non solis Cretensibus, sed Asiae, Thraciae, Graeciae, Italiae, Galliae, Hispaniae, Britanniae incolis, communis fuerit lingua Hebraica: sed a Phoenicibus, qui illuc navigabant, coloniasque ducebant, Phoenicia nomina regionibus, fluviis, urbibus exterorum indita putabat.

Sed fac Cretenses antiquos Hebraice loquutos fuisse, non solum id Calmeti sententiam non stabiliet, sed et evertet. Philistaei enim linguam Hebraicam non ex Caphthorae cum detulerunt, sed in Palaestina ab indigenis acceperunt, plane ut Israëuitarum patres, in Chaldaea antea Chaldaice loquuti. Caphthoraei enim, si Aegyptiorum colonia sunt, Aegyptiam sine dubio linguam habuerant, quae nulla Hebraicae cognatione tenetur. Sed video, quid hic Calmeto fraudi fuerit: putabat cum multis, Copticae linguae imperitis

ritis, Aegyptiam linguam Hebraicae cognatam fuisse: cui errori occasionem dedit, sive nimius Hebraicae linguae amor quam cupiunt ubique audire ejus studiosi, sive vocabula Arabica, quae post occupatam a Saracenis Aegyptum in Copticam linguam recepta sunt, peregrinitatis tamen facile arguenda. At postquam Copticarum literarum principes, la Crozius et Jablonskius, constanter negarunt, Hebraicae linguae dialectum, aut ei cognatam esse Copticam, fas est, his potius credere, quam aut rei de qua quaeritur plane ignaris, aut Coptica legere incipientibus, eaque cum Hebraicis ex vocabulario sumtis omni allicerationum licentia comparantibus. Quamquam si quis vel legere Coptica possit, intelliget, vetera ac domestica vocabula ab Hebraicis esse plane diversa, ipsamque adeo grammaticam ita sejunctam, ut nec filia Hebraicae, nec soror, nec neptis, nec cognata Coptorum lingua existimari possit.

De Pelasgis nihil dicam, quos trium literarum indicio, quarta dissonante, ortu Aegyptios, Philistaeorum patres, et sermone Hebraeos, Calmetus fecit.

Mendaces et malos fuisse Cretenses ait, nec Philistaeorum mores a scriptoribus sacris laudari. Hoc si indicium est ortae ex Creta gentis, vereor, ne late per Europam, Asiam, Africam, atque Americam, Creta colonias dimiserit.

Quod autem de matrimoniis utriusque gentis habet, ita est comparatum, ut malim ipsius verbis exponere, quam meis latinis, ne ipse mendax, injuriamque Calmeto facere existimer. *Dans les mariages les Crétois suivoient assés les manières des Lacédémoniens, et les jeunes gens*

étoient partages par troupes, qui vivoient et qui mangeoient ensemble. Ces troupes de jeunes gens reviennent à ce que l'Ecriture nous apprend des quarante jeunes hommes des Philistins donnez à Samson pour l'assister pendant la sollemnité de son mariage. Atqui paranympsi sunt, de quibus historia Simsonis loquitur, pro more Hebraeorum, ut ipse ad Jud. XIV, 11. docet Calmetus, Simsoni dati, et ad convivium invitati; quibus nihil cum Lacedaemoniorum concubitu promiscuo commune: sponsae solum se sufficere putabat Simson, non thori contubernalibus opus habere.

Dagon, Philistaeorum Deus, isque ubique masculini sexus, Calmeto fit *Dictynne* Cretensium, seu Diana, quam a pisce vult nomen accepisse דג, *piscis cetacei*. Mira metamorphosis. Masculini sexus numen dixi Dagonem, non ob solam terminationem, sed quod 1 Sam. V, 4. cum verbis suffixisque masculinis construitur.

כפתרים ואת Et Caphthoraeos.

Ad nomen jam difficillimum accedo, idemque, modo fieri ejus possit, explicatu necessarium, quod ex Caphthoraeis nobilissimus in historia sacra Philistaeorum populus egressus est. Nec hoc solum loco, inque parallelo chronicorum, sed et Deut. II, 23. Jerem. XXXVII, 4. Amos IX, 4. Caphthoraei, eorumque patria, Caphthor, memorantur.

Circumspexi ante omnia varietates lectionis, quod in magno consensu veterum, Caphthor Cappadociam verentium, suspicabar, aut כפתקים, in codicibus quibusdam scriptum explicationi occasionem dedisse, aut כפתרים, libra-

librario per errorem Chet ex כֶּתִים versus praecedentis huc transferente: utrumque enim nomen reliquis literis ita simile, ut facile oculo scribentis aberrante confundi possit. Sed nihil ejus, quod quaerebam inveni: nominis כֶּתִים ultima litera ubique Resch, in Genesi, Deuteronomio, Chronicis, Jeremia, Amoso, textu Samaritano, Graeca interpretatione nostri loci, Aquila et Iosepho. Nihil ergo mutandum esse censeo.

In prima litera varia est lectio, non Hebraici textus, sed versionis Graecae, aliis editionibus mollius Καφθοριεμ (*) exhibentibus, aliis Χαφθοριεμ, magis Hebraicis consentaneae. Sola Complutensis Καφθοριεμ habet, ex codicibus? an ex correctione ad Vulgatam? Illud verisimilius: si enim ad Vulgatam corrigere voluissent editores, ad suum textum latinum correcturi videntur, is autem habet *Capturim*, tribus literis P, T et U a Graeco diffidens. Ut tenue id omissem, nisi hoc ipso tempore multa esset de Complutensi editione ejusque fide disputatio. Iosephus Χαφθόριμον appellavit populum.

In Pentateucho cum Hebraico tum Samaritano, inque Paralipomenis, defective nomen scribitur: at plene כֶּתִים in Jeremia et Amoso. Sed et hoc exigui momenti, nisi quod adpellationem masorethicam, in secunda syllaba Cholem habentem, fulcit.

Ad interpretationem me conferens, ante omnia etymologias Hebraicas deprecor, nec illa solum de causa, ob quam saepe alias, quod derivationes nominum propriorum

(*) De IEM punctis masorethicis, contrario vide pag. 256.

incertae plerumque sunt, et raro indicia habent ex quibus situm urbis regionisque agnoscas, quodque Aegyptii populi nomen Aegyptium forte, non Hebraicum fuit: sed maxime, quod falsam vocabuli כפר significationem adpellativam sumunt, qui ab ea ad propriam argumentantur, nec hi mediocriter eruditi, sed viri quoque primarii. Nempe cum et lexicographi et recentiores interpretes, כפר *malum Punicum* vertere soleant, idque illis concedi possit modo recte intelligatur, vocabuli Latini ambiguitate decepti alii de fructu arboris cogitant, cui putant כפר nomen fuisse. Male ille sane, et contra mentem lexicographorum, ex quibus doctiores, (exempli causa Castellum et Simonem nomino) addere solent, de artefacto se malo punico loqui. Perlectis enim locis omnibus, in quibus כפר adpellative occurrit, Exod. XXV, 31. 33. 34. 35. 36. XXXVII, 17. 18. 19. 20. 21. 22. Amos. IX, 1. Zephan. II, 14. adparebit, nuspiam poma in arbore nata, nuspiam mala Punica, aut ut volunt alii cydonia significare, sed ubique, *ornamenta sphaerica ex lapide, tigno, metallo*, ut in candelabro sacro, aut quae capitibus columnarum imponi solent. Haec si quis nostro more *poma* velit, aut *mala punica* adpellare (quamquam id ex interpretibus nemo ante Saadium fecit, تفاحة vertentem), facile illi concedi potest, modo ne putet, haec poma ex arboribus decerpi, aut Hebraeos sphaerica ornamenta a malis Punicis veris denominasse. Antiqui certe interpretes Exodi nihil de malo Punico, sed habent, LXX σφαίρας-τηρας, Vulgata *sphaerulas*, Syrus כדורים, Onkelos iisdem literis scriptum nomen כדורים. Samaritanus, pro suae linguae more Chet in Ain mutato, כדורין, quae omnia sphaeram significant. In Amoso et Sophoniae in diversa

versa abeunt, nemo tamen vel per figuram *pomi* aut *mali* nomen posuit. Malum Punicum in arbore nascens alio nomine Hebraei vocant, תפוח. *Rimmon*, cydonium, תפוח *Thappuch* (*).

Haec cum ita sint, quis erratum in re manifesta putet a viris doctis, et vero, incredibile a Bocharto? Sed eum nimius etymologiarum amor transversum egit. Probatum, Caphthor esse Cappadociam, nominisque Hebraici indicia in ipsa quaerens Cappadocia, *unum*, inquit (**), *afferam, ex quo constabit, nos recte conjectasse. Malum Punicum Hebraei Caphthor vocant, et Graeci siden σιδην. In iis porro locis urbs fuit Side Σιδη, a qua Sidene regio dicta.* . . . (Testimonia veterum ab eo adlata hic omitto, ut in re nota). *Hi Sidenes a Side dicti, quae est ipsissima urbs Caphthor, velata nomine diversae linguae.* Calmētus contra, Caphthor Cretam interpretatus, suam sententiam, Bochartianae oppositam, eodem ex etymo probat, nisi quod pro malo Punico (Granatapfel) aliquando cydonium (Quitte) substituit, iudicio? an utriusque pomi confusione? non dixerim. Caphthor, inquit pag. 321, *en Hébreu signifie une pomme, ou une grenade; la pomme de coing en Grec se nomme Cydonium: or les peuples Cydones, et la ville Cydonia, sont très-célèbres dans cette Isle; ils en occupoient une bonne partie. Les Grecs appelloient apparemment Cydones, ou Cydonie, ceux que les Hebreux appelloient Caphthorim.* Et paulo post pagina sequentē: *Jupiter, qui étoit adoré sur le mont Castus, situé entre la Palestine et l’Egypte, étoit représenté tenant à la main une grenade, nommée en Hebreu Caphthor,*

et

(*) Celsii hierobotan. T.I. p. 255.

(**) L. IV. c. 32. pag. 291.

et en Grec Rhoia. Nempe hoc totum genus de geographicis quaestionibus disputandi etymologicum ita sua natura anceps est, ut contraria ex eo confirmare haud sit difficile.

Recentiorum varias de Caphthor opiniones, ipsas quoque sola nixas etymologia, in Onomastico V. T. pag. 441. collegit Simonis, cujus verba describo, cum quod ex illis disci potest, quid aliqui, quos excerpere non soleo, de Caphthor statuerint, tum, ut in exemplo ponam, quam sit lubrica, inque omnes partes ductilis, in quaestionibus geographicis, etymologia. כפתור *Caphthor*, *insula, ut diserte vocatur (*) Jer. 47, 4. Amos. 9, 7. mari undique tecta et cincta, ex כפר, texit, et כתר, cinxit. Non ergo Cappadocia, ut cum BOCHARTO in Phaleg l. IV. c. 32. vulgo volunt: quod dudum monuit HEINIVS in Obs. S. l. II. c. 6. §. 10. qui unam ex insulis Nili intelligit. Alii aliter. CLERICO est Syrtis major, q. d. latus circulari, ex כה; latus, et תור, circulus. VITRINGA in Jesh. 14. nomen כפתור, quod alias malum Punicum vel Cydonium significat, ad figuram insulae refert, cumque nomine, Carpathus, convenire putat. Cretam, ubi Cydonii populi, intelligit CALMETUS in diff. de origine et numinibus Philistaeorum. Eandem esse cum רהב, sive Ribbi, i. e. pyrum, et Caphthor sive malum granatum dici a forma situs, statuit ABEL in historia monarchiarum l. I. c. 4. §. 1. et in Antiq. Hebr. p. 151. Ex כה et תור, latus tauri, componit HILLERUS in Onomast. et Hierophyt. p. 148. sed ex כפת, latus Hori montis in Syntagmate hermen. p. 168.*

Ejus-

(*) Tu vero vide, quae pag. 131. telligesque, minus certum esse, seqq. de nomine כה scripsimus: in- quod ut certum fumebat Simonis.

Ejusmodi alia multa, si ludendi animus esset, comminisci possem, et sane quaedam veri ac serii similia: ut, Cyprum a כפר *texit* et כתר *circumdedit* Caphthor dictam fuisse, quod totam silvistectam (*) primi incolae invenerunt. Sed haec omnia solis fulta etymologiis, et sua sponte corruunt, et mutuis concidunt ictibus. Mittamus ergo ea: mittamus et Damiatam, quam Arabicus Pentateuchi et Chronicorum interpret solus, sine argumento, pro Caphthor posuit.

Tres omnino sententias, reliquis aut verisimiliores aut celebriores, dignas habeo, quae sub examen vocentur: exque his unam, minus hucusque ab eruditis ornatam, a suo inventore desertam et abdicatam, veram esse sperare ausim. Prima, eademque et antiquissima, praeter consensum veterum pene omnium Bocharto quoque defensore gloriatur, Cappadociam intelligens: altera, a Calmeto in prima editione commentarii in Genesin prodita Cyprum: sed hac brevi post abdicata, in dissertatione de Philistaeis Caphthor Cretam esse coniecit, utque sibi videbatur, perfecit, commentarium quoque in Genesin corrigens, haecque tertia est earum, quas expendendas mihi sumo, sententiarum.

I) Cappadocia.

Cappadocia testium antiquorum consensu ita defenditur, ut difficile sit, contradicere: a veterum auctoritate si discefferis, nihil habet, quo se sustineat. Primo de testibus videamus, quorum plerosque indicavit Bochartus: sed sunt curatius audiendi.

A LXX ut incipiamus, primus Cappadociam vertit graecus Pentateuchi interpret, Deut. II, 23. quem et ob

P p

antiqui-

(*) Vide pag. 303.

antiquitatem et eruditionem viri reliquis praefero omnibus. Consentit, impar doctrina, graecus prophetarum interpres, in Amoso, ex quo et Arabs Cappadociam (قبادوقية) expresse. In Jeremiae autem capite XXXXVII, quod Graecis vicesimum nonum est, שארית אי כפתור LXX. verterunt τοὺς καταλοίπους τῶν νήσων, *eos qui ex insulis supersunt*, nomine *Caphthor* aut non lecto, aut, quod potius reor, pro spurio habito, quod absurda prodire videbatur sententia, *insula Cappadociae* (*). Haec ipsa tamen omissio est indicio, aliam explicationem nominis *Caphthor* non notam fuisse prophetarum interpreti, homini, fateor, non nimis docto.

A Graecis nihil manasse ad antiquos interpretes Chaldaeos, certum est: eoque major habendus Chaldaeorum interpretum omnium cum LXX consensus, constanter קפוטקא, i. e. Cappadoces, vertentium. Sic in Deuteronomio Onkelos, utrumque Thargum sequius in Genesi et Deuteronomio, Jonathan in Jeremia et Amoso, et Thargum chronicorum.

Syrus, testis a Bocharto omissus, ubique قفطوقيا idque Ephraem in Jeremia interpretatur. Forte ex Graecis sumfit.

Vulgata in Deuteronomio, Jeremia, et Amoso, Cappadoces Cappadociamque posuit, sed ejus exigua hic est
ac

(*) Habet quidem Complutensis editio τῶν νήσων τῆς Καππαδοκίας, sed suspicionis plena res, editoribus forte Cappadociam non ex codicibus manuscriptis fumentibus, sed Graecam versionem ad textum He-

braicum ac Latinum corrigentibus. Hi ubi consentiebant, non mirum, in ea artis criticae infantia eos hanc sibi legem fixisse, ut graeca facerent fonti Hebraico conformia.

ac prope nulla auctoritas. Antiqua enim latina versio ex LXX facta, non Caphthoraeos interpretata Cappadoces est, sed Cappadocum nomen ex graeca versione retinuit: Hieronymus autem, latinam cum Hebraico textu conferens et ad illum refingens, de Caphthoraeis adeo nihil certi aut sui habuit, ut obvium quemque sequens ipse sibi contradixerit. Cum enim his, quae indicavi, locis, Cappadoces aut poneret (*) aut ex antiquiore latina relinqueret, in quaestionibus in Genesin, caput decimum interpretatus, Iosephumque exscribens, Caphthoraeos populis annumeravit Aethiopico bello ita deletis, ut nihil praeter nomina illorum noverimus.

His testibus contentus, alios omitto, a Bocharto productos, Graecos scriptores qui LXX senum versionem, Gorionidemque et Judaeos recentiores, qui Thargumim sequuti sunt. Mihi quidem, in quaestione geographica veterum auctoritati plurimum tribuere solito, vel soli LXX et Chaldaei tanti futuri erant, ut vix dubitare auderem, nisi Iosephus, Graecis bibliis multum usus, et cui Onkelosi versio, modo ejus aetatem attingat, vix potuit ignota esse, aperte contradiceret. Caphthoraeorum solum se nomen nosse ait, nec quidquam praeterea, quod gens, ut putat, Aethiopico bello deleta sit. Verba ipsa adscribo: Νεδέμου, καὶ Φεδρωσίμου, καὶ Χεσλοίμου, καὶ Χεφθορίμου, παρὰ τῶν ὀνομάτων οὐδὲν ἴσμεν· ὁ γὰρ Αἰθιοπικὸς πόλεμος, περὶ οὗ δηλώσομεν ὕστερον, ἀναστάτους αὐτῶν τὰς πόλεις ἐπόησεν. Ant. I. 6. 2. Qui essent

(*) *Possuisse* videtur Jer. XLVII, 4. ubi non puto antiquam latinam Caphthoraeos habuisse. Certi quid

statuere nequeo, hiat enim his Sambatierii antiqua Latina.

essent Caphthoraei, adeo ignorabat, ut suspicaretur, in intima illos Africa Aegyptum inter et Aethiopiam habitasse ac Moſis jam tempore deletos eſſe: ergo interpretationem a LXX adlatam falſam putabat, nec ejus tempore Cappadociae nomen apud Judaeos Caphthor erat, quod ſi non fuit, conjecturam feciſſe LXX putandi ſunt, non ut teſtes audiendi. Liberum ergo jam eſto noſtrum de eorum interpretatione judicium, ita tamen, ut ſi defendi poſſit, omnibus illam reliquis praeferamus.

Ornavit eam, magnaſque ex difficultate expediſcit Bochartus capite 32. libri quarti. Mediterranea enim cum ſit Cappadocia, quo nec Aegyptii penetraſſe, nec inde in Palaefthinam rediſſe coloni videbuntur, Ponticam monet Cappadociam intelligendam eſſe, quae mari alluitur, eſtque Colchidi vicina, hoc quoque lucratus, ut Caſluchaei, quos Colchos interpretatus erat, Caphthoraeis fierent vicini. Argumentum pro Cappadocia, praeter veterum conſenſum, ab incommodis petit, quae alias interpretationes premunt: reliqua omnia, quae diſputat, exceptis etymologicis ſupra reſutatis, non eo pertinent, ut probet, Caphthor Cappadociam eſſe, ſed ut objectiones refellat, oſtendatque, poſſe Cappadociam intelligi.

Jam diſpiciamus, quid in hac probatione Bochartiana inſit roboris. Caſluchaei ſi Colchi ſunt, veriſimilem eſſe fateor eam ſententiam, quae Caphthoraeos in eorum vicina quaerit, licet Moſes nuſpiam dicat, utramque coloniam vicinas fedes habuiſſe: verum id ipſum, quod de Caſluchaeis Colchidem tenentibus habet Bochartus, quam ſit dubium, vidimus. Reliquas interpretationes, quas excerptis damnavitque, non ſolum magnis premi difficultatibus

tatibus, sed et falsas esse, lubens largior: at inde non sequitur, ut haec, Cappadociam nobis ostendens, vera sit; fieri enim potest, ut aliquid veri ignoremus. Cyprum autem, quae mihi Caphthor videtur, et de qua nec cogitavit, nec suo tempore cogitare potuit Bochartus, nullae, quod sciam, difficultates premunt.

Jam dicam, quid in Cappadocia displiceat: non sane quod insula non est, (quod a plerisque objicitur) mea enim sententia ~~in~~ insulam antiquitus non significabat, potestque Jerem. XLVII, 4. verti, *regio Cappadociae*; sed primo situs locorum. Cappadocia, nec mediterranea solum, sed et Pontica, tam est ab Aegypto et Palaestina remota, ut difficile creditu sit, Aegyptiorum coloniam in tam longinqua loca deductam, tanto intervallo in Palaestinam renavigasse. Nec est, quod obvertat Bochartus, Colchidem coloniam Aegyptiorum habuisse: hoc enim testimonio veterum credo, de Cappadocia nulli testes sunt; nec tam mihi coloniae deductio, quam integrae gentis tot per maria in Palaestinam reditus incredibilis. Deinde nullum omnino nominis Caphthor vestigium in Cappadocia demonstratur: non Judaei illam Josephi tempore Caphthor dixerunt, non quisquam Graecorum Latinorumque consonans cum Caphthor Cappadociae nomen servavit. Quod enim de Sidene disputavit Bochartus, quam sit a vero remotum vidimus: nec CAPHTHOR et CAPPADOCIA ita sono conveniunt, ut idem nomen haberi possint. Vocalium diversitatem, et pro Th molliorem litteram D positam, facile ferrem, si nomen regionis *Cappadocia* esset: at R quoque in C mutatum nemo auribus persvaserit, nisi quae lusibus etymologicis detorsionibusque literarum probe adsvenerunt.

Ergo nullo prorsus nominis aliove indicio sola veterum auctoritate, Caphthor Cappadocia esse creditur, ubi minus diffitam regionem expectasses. Hic quis non potius veteres aliquando damnet, aliamque opportuniorem situ Caphthoram circumspiciat?

Miratus aliquoties, qui fieri potuerit, ut veteres pene omnes in sententiam veri adeo dissimilem consentirent, tamque longe ab Aegypto et Philistaea Caphthoraeos summove-
rent; jam de lectione Hebraica suspicari (*), jam deliberare apud me ipsum coepi, isne qui primus Cappadociae nomen posuit, aliam Cappadociam minus nobis cognitam intellexerit. Sed nulla succurrit, praeter urbem in Beryti vicinia, medio aevo ita vocitatam (**): ejus autem nomen recentius est, quam ut veterum quisquam de ea cogitare potuerit, natumque ex confusione duarum de dracone interfecto fabularum. Nempe circa Berytum Georgius eques regis filiam a dracone liberasse ab accolis creditur: qui Georgius cum Cappodox ex communi opinione fit, urbem Beryto vicinam Cappadociam credula plebs, eripique sibi Georgium nolens, vocare coepit (**).

II) *Cyprus.*

De Cypro primus cogitavit Calmetus, errore feliciore ad verum inveniendum abreptus. Cum enim נ, insulam significare crederet, ex Jeremiae capite XLVII ut certum sumebat, Caphthor insulam fuisse, idque unum maxime Cappadociae opponebat (**). Insulam ergo quae-

(*) Vide scripta pag. 292. 293.

(**) Vide Büschingii *Asiam* p. 286.

(***) Vide *Acta sanctorum* ad diem XXIII Aprilis, pag. 105.

(***) *Comment donner le nom d' Isle à la Cappadoce? Ne fait-on pas que cette province est une terre ferme? Il est vrai, dit-on, mais elle touchoit*

quaerebat a Palaestina non nimis remotam (*): quam circumspicienti cum Cyprus se offerret, eam in prima editione commentarii in Genesin Caphthoram esse coniecit. Quam conjecturam quibus argumentis confirmaverit, ignoro, prima editione carens: sed id modice fero, a Bocharto errante doctior recedere adſvetus, quam a Calmeto vera defendente. Quaecunque illae fuerint, ipsi deinde Calmeto non gravia ac probantia fuerunt visa: unde mutata sententia pro Cypro aliam insulam, Cretam, minus feliciter substituit. Quid enim erat, quod in Cypro displiceret, quam situs tantopere commendabat? Ita enim est et Aegypto et Palaestinae vicina, illique adeo objecta, ut nemini mirum videri possit, primos eam sibi Aegyptios vindicasse, eorumque posteros Cypro aut parum delectatos, fuit enim diu silvis, in quibus extirpandis multum laborarunt incolae (**), horrida, aut cum insula incolis non sufficeret, Palaestinae maritima occupasse ac colonias eo deduxisse.

Sed quae initio conjectura erat Calmeti, ab ipso repudiata inventore, eam nummi antiqui auctoritate ex conjectura-

par un de ses Côtes à la mer Noire, ou au Pont Euxin, et les Hébreux donnent le nom d'Isle, non-seulement aux p̄ys qui sont environnez de l'eau de tous côtes, mais aussi aux p̄ys maritimes. C'est ce qu'il ne seroit pas trop aisé de prouver en général. Car en ce sens, la Palestine, la Phénicie, l'Arabie, l'Egypte même pourroient porter le nom d'Isle: on doit donc limiter cette maxime aux p̄ys, qui sont fort éloignez de la Pa-

lestine, et où l'on n'alloit de là que par mer, et que les Hébreux peu instruits de la Géographie regardoient comme autant d'Isles. Mais rien de tout cela ne convient à la Cappadoce. etc. Dissert. sur l'origine des Philistins pag. 321.

(*) Nous désirons une Isle à portée de la Palestine. *ibid.*

(**) Lege omnino, quae Strabō habet libr. XIV. pag. 684. al. 1003.

jecturarum numero exemit, atque, ut nobis quidem videtur, pene ad certum perduxit JOANNES SWINTON, pag. 78-85. dissertationis de nummis Phoeniciis et Samaritanis (*). Nummum ipse possidet, delineatumque exhibet, *cujus*, (Swintoni verbis utor) *unum latus caput exhibet Bacchi, vel potius, Swintono iudice, Antiochi Epiphanis, pro Aegyptio more cincinnatum: ab altero clavam Seleucidarum insigne, inscriptionemque Phoeniciam.* Rarior cum sit Swintoni liber, nummi delineationem ex eo sumtam in fine (**) adjici curavi.

Literas Phoenicias Swintonus legit

לכרץ
כבר

Labedutz Cubdr, interpretaturque, *Lapetus Cypri*, urbi adjectum censens regionis nomen, quo ab aliis urbibus distingueretur: Leptis enim utraque Africae, Phoeniciis literis iisdem scribenda erat. Aetatem nummo assignat 170 circiter ante Christum natum annorum, quod annis 171, 170 et 169 A. C. Antiochus Cyprum tenuit. Haec quidem omnia ab eo copiosius sunt disputata, ac singulorum literarum reddita ratio.

Has ergo literas si recte legit interpretatusque est Swintonus, ut nobis quidem videtur, si לכרץ כבר, *Labedutz Cubdr*, seu, ut aliis quoque literis Latinis Graecisque

(*) Inscriptiones Citiæ: sive in binas inscriptiones Phoenicias inter rudera Citii nuper repertas conjecturæ. Accedit de nummis quibusdam Samaritanis et Phoeniciis, vel insoli-

tam prae se literaturam ferentibus, vel in lucem hactenus non editis, dissertatio. Auctore Joanne Swinton. Oxon. e theatro Sheldoniano 1750.

(**) Vide pag. 308.

que exprimere possis, *Labedus Cubdor* (*); Λαβηδος Κυβδος, Lapetum (**) Cypri significat: ipsam jam Caphthoram tenemus, Cyprum insulam, a Phoenicibus *Cubdr* vel *Cubdor* dictam. Nec molliores literae B et D pro Ph et Th positaе, ex eo sunt permutationum genere, quod rem suspectam reddat: sunt enim, ipsarum aurium iudicio, permutatu facillimae, quod nos quidem Germani lubentius etiam dabimus, cum Misnica dialectus B a P, D a T distinguere nequeat. Sunt quidem Hebraeorum aures nostris hac parte multo argutiores: nec in vocabulis domesticis uspiam toto in codice sacro memini ב et פ, ד et ת permutari, quidquid ejusmodi permutationis confingant alliteratores philologi; apud Arabes vero et Syros id aliquando quidem, sed rarissime fieri observavi. At alia est ratio nominum propriorum peregrinorum, in quibus exprimendis frequentissime Arabum geographi B et P, D et T permutant, (ut قبادوقية *Cabadocia*, قبرس *Kubros* (*Cyprus*) aliaque infinita:) sive quod nulla esset certa orthographiae Arabicae ratio in barbaris vocabulis, sive quod exterorum appellatio incerta videretur Orientalibus, atque, fere ut Rhenana nobis, inter D et T, B et P, media. Caphthoraeorum nomen, nisi me omnia fallunt, Hebraeis Phoenicibusque exterum, erat enim, ut coloniae Aegyptiae, Aegyptium: non ergo mirum, quod nomen Moses

(*) פ, Tfade Hebraeorum, Graeci et Hieronymus ubique per Σ et S exprimunt. In כפרר secundae syllabae O dedi, quod Hebraicum כפרר illam vocalem habet, breve tamen, quia in nomine Κυπρος, de quo postea, abjicitur.

(**) Unicum dubium aliquoties mihi subnatum, reticere nolo, ne

sententiae Swintonianae studiosior quam veri videar. Quid? si Lamed in לכרץ sit praefixum, quod alii quoque nummi Phoenicii ante nomina urbium habent? nomenque urbis לכרץ? Nullius tamen urbis, ita vocatae, sive adeo cujus nomini hae literae aptari possint, recordor.

Moses in Aegypto vivens durioribus literis scripsit, idem Phoenices, diu post Cypro potitos, Antiochi Epiphanis tempore mollius adpellasse (*).

Nec in hoc solum nummo, sed et apud Graecos scriptores, antiquum Cypri nomen Mosaico Caphthor consonans invenit. Excerptit ex Astynomo Plinius, (L. V. §. 35) Cyprum olim *Crypton* vocatam fuisse, idemque Stephanus de urbibus in vocabulo Κύπρος habet, addita etymologia graecula, inepte conficta, *quod saepe a mari Cyprus occultetur*. (Φησὶ Κρυπτὸν κεκλήσθαι, διὰ τὸ κρύπτεσθαι πολλάκις ὑπὸ τῆς θαλάσσης). Felicissime vero Swintonus coniecit, antiqui nominis veram scriptiōnem non Κρυπτός, sed Κυπρός fuisse: facile enim

ex

(*) Forte et quid Swintonus huic dubio reposuerit scire cupient lectores. Quamquam, (inquit pag. 80. 81) *Lapethi dominante Antiochō Epiphane, istam civitatem LABEDUTZ, LABEDUS vel LEBDIS, quin et Cyprum, KUBDR seu KABDR, appellitarint Phoenices; tamen nullus dubito, quin millenis ante Antiochum annis, LAPTUS vel LEPTIS, KAPTR vel KAPTUR Cypri et Lapheti nomina iidem Phoenices interdum exaraverint. Beth enim et Daleth si ex primigenia eorum, pariter ac Hebraeorum, elementorum classe non penitus exulabant, in scribendo tamen rarius adhibuisse Phoenices, clare admodum testatur Etruscum, Phoenicio mire conveniens, alphabetum, cui hae literae primitus de-*

fuērunt (Franc. Gori mus. Etrusc. Vol. II. dissert. I.). Neque mirandum, Pe et Tau sive Phe et Thau usu magis apud Orientales prioribus mundi seculis invaluisse, cum simpliciores ediderint sonos, cum elementa prolata faciliora et ad loquelae organa accommodatiora aptioraque censeantur. Postrema descripsi dissentiens: in antiquissimo Hebraeorum monumento, Pentateucho, ׀ et ׆ literae non sunt literis ׀ et ׆ minus frequentes. Hetrusci si a Phoenicibus, ut facile concedo, alphabetum acceperunt, forte qui eos primum literis Phoeniciis ditavit, Bēt D omisit, quod illis carere Hetruscam linguam putaret posse, memoriaeque subveniēns cuperet literarum numerum minuere.

ex barbaro *Κυπτός*, eliso T quod duas inter consonantes rapide adpellato nomine vix auditur, *Κύπρος* fieri potuit, non item ex *Κρυπτός*, literas alio ordine, et T bene sonorum habente. Sed videntur Graeci, aut scriptores aut librarii, pro nomine barbarum quid sonante *Κυπτός*, etymologiae studio, (quo morbo et grammatici laborare solent, et vero Graeci prope omnes correpti erant, peregrina ad suam linguam detorquentes) *Κρυπτός* scripsisse. Graecum *Κυπτός* ipsissimum jam nomen Hebraicum כֶּתֶר refert, nisi quod a masorethis aliisque male appellatum, mutatisque punctis כֶּתֶר scribendum, suspicor.

Huic explicationi nihil ad certitudinem deest, praeter veterum interpretum auctoritatem. Nec tamen mirum, eos hic verum non vidisse: Cyprum noverant, sed ex Graecorum ore aut scriptis, ignari, quo nomine ab indigenis Phoenicibus insula vocaretur.

III) Creta.

Cypri loco Calmetus, mutata sententia, in insula tamen quaerenda ob Jerem. XXXXVII, 4. constans, Cretam tandem elegit, quam Caphthoram faceret. Haec vero conjectura, demtis illis quae supra expensa sunt cum de Philistaeis ageremus, nihil omnino habet, quo se sustineat: cum enim Cappadociam inter et Cyprum ita divisi tanquam calculi essent, ut Cappadociam auctoritas antiquorum, Cyprum nomen כֶּתֶר et *Κυπτός* commendarent, Cretam nec testes, nec nomen antiquum cum Caphthor conveniens, juvat. *Apterae* enim, urbi Cretae mediterraneae a Calmeto in subsidium vocatae, prima deest litera C, nec ab Hebraeis nec a Graecis abjici solita: quod autem addit:

addit: on connoit aussi les Villes de Tharra, et de Teraphnae, et le mont Tityrus, et les Satyres de l'Isle de Crete, quid est aliud, quam verbis ludere. Talia nomina si conquiras, nulla orbis terrarum regio non Caphthor fieri poterit. Omnium tamen maxime Satyros miror, qui quid ad Caphthor faciant non video, nisi forte placebat Calmeto rem ita instituere: Caphthor, mutato C in S, fiat Saphthor; abjice inde P, habebisque Sathon, ex quo Satyros tuto facias. Eo quoque devenit, ut a cupressi nomine suppetias petat. Hujus enim arboris patria cum Plinio auctore Creta sit (*), indeque in Italiam venerit, Graecisque arbor non Κυπάρισσος solum sed et Κυπάριττος dicatur, hoc arboris nomen cum Caphthor comparat, cujus transpositas literas utcumque exhibet: aegre auribus persuasurus, Graecos arborem Cretensem ab ignoto ipsis nomine insulae Caphthor, pro Captoria Κυπάριττον appellasse. De malis cydoniis, quae magno errore adfert, supra satis dictum.

Nullam ergo omnino causam videns, cur Creta כְּפָתִיר habenda sit: posterioribus Calmeti cogitationibus priores praefero, maximam Swintono gratiam habens, qui eas ex conjecturarum numero primus exemit, Cyprumque nobis olim Cubdor et Κυπρον dictam demonstravit.

(*) Hist. nat. libr. XVI. c. 33. §. 60.



IOANNIS DAVIDIS MICHAELIS,
EQUITIS STELLAE POLARIS,
CONSILIARII AULICI REGIS M. BRITANNIAE, PROFESSORIS PHILOSOPHIAE
IN ACADEMIA GOETTINGENSI,

SPICILEGIUM
GEOGRAPHIAE HEBRAEORUM
EXTERAE

POST BOCHARTUM.



PARS SECUNDA.

GOETTINGAE,
SUMTIBUS VIDUAE VANDENHOECK
MDCCLXXX.

addit: on connoit aussi les Villes de Tharra, et de Teraphnae, et le mont Tityrus, et les Satyres de l'Isle de Crete, quid est aliud, quam verbis ludere: Talia nomina si conquiras, nulla orbis terrarum regio non Caphthor fieri poterit. Omnium tamen maxime Satyros miror, qui quid ad Caphthor faciant non video, nisi forte placebat Calmeto rem ita instituere: Caphthor, mutato C in S, fiat Saphthor; abjice inde R, habebisque Sathon, ex quo Satyros tuto facias. Eo quoque devenit, ut a cupressi nomine suppetias petat. Hujus enim arboris patria cum Plinio auctore Creta sit (*), indeque in Italiam venerit, Graecisque arbor non Κυπάρισσος solum sed et Κυπάριττος dicatur, hoc arboris nomen cum Caphthor comparat, cujus transpositas literas utrinque exhibet: aegre auribus persvasurus, Graecos arborem Cretensem ab ignoto ipsis nomine insulae Caphthor, pro Captoria Κυπάριττον appellasse. De malis cydoniis, quae magno errore adfert, supra satis dictum.

Nullam ergo omnino causam videns, cur Creta כפרת habenda sit: posterioribus Calmeti cogitationibus priores praefero, maximam Swintono gratiam habens, qui eas ex conjecturarum numero primus exemit, Cyprumque nobis olim Cubdor et Κυπρον dictam demonstravit.

(*) Hist. nat. libr. XVI, c. 33. §. 60.



IOANNIS DAVIDIS MICHAELIS,
EQUITIS STELLAE POLARIS,
CONSILIARII AULICI REGIS M. BRITANNIAE, PROFESSORIS PHILOSOPHIAE
IN ACADEMIA GOETTINGENSI,

SPICILEGIUM
GEOGRAPHIAE HEBRAEORUM
EXTERAE

POST BOCHARTUM.



PARS SECUNDA.

GOETTINGAE,
SUMTIBUS VIDUAE VANDENHOECK
MDCCLXXX.

THE UNITED STATES OF AMERICA
DEPARTMENT OF THE ARMY
OFFICE OF THE ADJUTANT GENERAL
WASHINGTON, D. C.

1917-1918

ADJUTANT GENERAL

ADJUTANT GENERAL


1917-1918

ADJUTANT GENERAL

ADJUTANT GENERAL

ADJUTANT GENERAL

ADJUTANT GENERAL



CHANANAEORUM COLONIAE

GENES. X, 15.

וכנען ילד את צידן בכרו

Et Chanaan genuit Sidonem primogenitum suum.

De Chanaane et Chananaeis satis dictum in Tomo primo ad versum sextum. Miror equidem, fuisse, qui etiam post nummos productos de re manifesta dubitare possent, et negare, Chananaeos eosdem Hebraeis, qui Graecis Phoenices. His si quid respondendum erat, (quamquam contradicendi potius studio, quam veritatis amore ductus videtur adversarius) dictum est in editione secunda juris Mosaici Tomo I. p. 193-204. Hic quidem ipse Moses testis surgit. Sidonii et Aradii sine dubio Phoenices Graecis sunt, hos vero Moses Chananaeis adnumerat. Horum equidem sola hic pono nomina, quod de illis ambigi nequit: sed plures adeo civitates, quae Graecis Phoenissae sunt, in Chananaeis a Mose nominari,

ri, deinceps videbimus; jam tanquam in rem praesentem venientes.

Urbem Sidonem nomen habere a piscium ubertate, *Justinus* prodidit (*), estque id ita verisimile, ut et Bochartus ex eo repetat, licet suae ipse sententiae, de Sidone aliquo Chanaanis filio, contrarium. A piscium enim ubertate, aut a piscando, urbs si dicta est, qui potest a conditore Sidone pronepote Noachi, nomen accepisse? In eo uno errabat *Justinus*, quod putabat, Phoenices piscem *Sidon* vocare; quod nomen potius piscationis erit, a צור, *venari*, et, *piscari*, unde et Chaldaeis ספינת צירין *navis piscatorum*, *Jes. XXXIII, 21.* dictaque, ut jam monuit Bochartus, Bethsaida.

Ergo Sidon non erit nomen viri nec conditoris, sed urbis, sed coloniae, ex Chanaanis posteris deductae. Certe non verisimile, filium Chanaanis statim urbem condidisse cognominem, simulque nomine exprimentem naturae et loci dona. Primogenitus autem cum dicitur, sententia est, primam hanc fuisse Phoenicum coloniam, quam ex priscis ad mare rubrum sedibus procul a patria ad maris mediterranei litora duxerint. Exempla locutionis p. 4. 5. tom. I. proposita non repeto. Antiquus tamen jam error de Sidone, viro, filio Chanaanis, urbisque conditore, a Josepho quoque commissus. Sic ille I. I. c. 6. §. 2. ἐγένοντο δὲ καὶ Χαναανίου παῖδες Σιδώνιος, ὃς καὶ πόλιν ἐπάνυμον ἔκτισεν ἐν τῇ Φοινίκῃ, Σιδὼν δὲ ὑφ' Ἑλλήνων καλεῖται. *Fuerunt vero et Chanaanofilii: Sidonius, qui urbem sibi cognominem in Phoenice condidit, quae Sidon Graecis vocatur.*

Nec

(*) Condita ibi urbs, quam a piscium ubertate Sidona appellavere: I. XVIII, c. 3. §. 4.

Nec orthographia nominis indigna videtur, de qua aliquid dicamus, maxime, quod sunt, qui textum Samaritanum Judaico eam ob causam praeferunt, quod pluribus literis quiescentibus plenius scripta habeat nomina, ut nostrum צִירֹן, voluntque, a Masorethis, cum puncta adderent, incredibilem numerum literarum quiescentium deletum. Hi vero insignem produnt et criticae et numismatice Orientalium ignorationem. Res quidem ita hic se habet. In masorethico textu legitur צִירֹן, sed magna varietate: ex decem enim codicibus צִירֹן enotavit Kennicottus, quod et in libro primo chronicorum c. I, 13. reperies. Sic et Samaritanus habet, צִירֹן, cui tamen ex uno codice צִירֹן, alioque unico צִירֹן, idem annotat Kennicottus. Ex his lectionibus quae Mosaicae manus sit, difficile dictu, nulla enim obnoxia: verisimilior tamen ea, quae pauciores literas habet. In antiquo enim Antiochi Epiphanis nummo Swintonus (*) invenit, לְצִירֹן אֵם צִירֹן, *Tyri, metropolis Sidoniorum* omnibus literis quiescentibus in nomine צִירֹן omisissis (**). Nec tamen Jod ex Mosis scripto dentum velim, suspicor enim, illud initio non quiescens fuisse, sed mobile, צִירֹן, adeoque omitti non potuisse ultimis temporibus. Analogia grammatica hanc formam prope poscere videtur, indiciumque ejus superest in Arabico urbis nomine, صَيْدَا. Ergo scriptionem masorethicam צִירֹן, cum Jod et fine Vau, Mosaicam esse arbitror. Sequi tempore, cum *Sidon* pro *Saidon* urbs vocari coepisset;

(*) Gentleman's Magazine Decemb. 1760. p. 560.

mischte Schriften) T. II. p. 132 - 143 seu §. 21. 22. disquisitionis de puncto-

(**) Plura de hoc argumento cupiens, evolvat, *miscellanea mea* (ver-

piffet, Jod quiescente, צֶרֶן scribi coepit, ut in Antiochini nummo.

In primo jam tomo monui, Chaldaicum chronicorum interpretem haec verba 1 Paral. I, 13. reddere, et *Chanaan genuit ית כותניאם Chuthaneum, qui Sidonem urbem aedificavit*, et Pseudojonathanem Genes. X, 19. pro מצירן ponere, מן כותניים, promissique, hic me hac de versione dicturum. Id quidem manifestum, demta terminatione graeca כותן nomen Chaldaicum Sidonis relinqui, quod alter ex interpretibus ad conditorem urbis retulit. Hic quis fit *Chathanus*, vel, ut ipse vult, *Cataneas*, disquirat Beckius in eruditissimis, quas versioni Chaldaicae chronicorum subjecit, notis, vereor tamen, ut feliciter. Primo de Catanea urbe Siciliae cogitat, suspicari adeo ausus, (portentum historiae!) eundem Chanaanis filium, qui Sidonem condiderat, *postea cum aliis Phoenicibus, expeditione per Oceanum suscepta, et colonia in Siciliam deducta, Cataneam Siciliae urbem sibi cognominem condidisse*. Bochartum quoque sibi quodammodo consentire putat, qua in re magno pere fallitur. Bochartus enim (*) Cataneam a Phoenicibus quidem vult conditam, sed nomen urbis קטנא scribit, literis aliis, interpretaturque, *Parvam*: sed hac conjectura non contentus Beckius, aliam addit multo audaciorem, כותניאם idem esse quod קדמוני, *Cadmi* nomen, rescribendumque קדמוניאם. Ergone Cadmus, is qui literas Graeciae intulit, pronepos fuerit Noachi, idemque et antiquissimae Sidoniorum urbis conditor?

Mihi quidem aliquoties in mentem venit vocabuli Punic *Cothon*, portum arte factum significantis, a quo Sidon nomen

(*) Chanaan I. I. c. 37. p. 530.

nomen accipere, et coloniis quoque suis hereditarium relinquere potuerit. Servius ad verba, *hic portus alii effodiunt*, Aeneid. I, 431: *Carthaginienses Cothone fossa utuntur, non naturali portu. Cothona sunt portus in mari, non naturales, sed arte facti*. Strabo l. XVII, p. 1189. de Carthagine loquens, ὑπόκεινται δὲ τῇ Ἀκροπόλει ὅτε λιμένες, καὶ ὁ Κώδων, νησιὸν περιφερὲς Εὐρίπω περιερχόμενον. (*Sub castello fiti et portus, et sic dictus Cothon, insula Euripo circumdata.*) Nec de solo Carthaginis portu ponitur, sed et de aliis. Hirtius de bello Africano, c. 62. 63. *Adrumeto ex Cothone egressus* — — *Adrumetum in Cothonem se universae recipiunt*. — — *Navibus onerariis, quae erant extra Cothonem, incensis, omnibusque aliis in Cothonem compulsis*. Hoc quidem nomen Hebraicis literis vix aliter scribi potest, quam, sive קוֹתוֹן, sive כוֹתוֹן: quod autem Bochartus tentat (*), a קוֹטם *incidere* derivans, legibus grammaticis est contrarium, וֹ enim Hebraeorum nunquam est Th, nec N radicale temere in M mutandum. De etymo quidem investigando parum sum sollicitus, dummodo constet, lingua Punica portum artificialem *Cothon* dictum fuisse. Possem conjecturas adferre, ut, a tegendo nomen accepisse, quia tegit naves, vestimenti instar, quod כתנת dicitur, sed tali auxilio, ludicro pene, non opus, ubi de significatione constat. Nostrarum linguarum nomina intelligimus, nec dubitat Germanus, quin *Hafen* portus sit, si vel etymirationem reddere nequeat. Reliqua de Chuthaeis, Sidoniis eorumque coloniis, in parte prima p. 106-110 dicta.

Unicum adhuc succurrit, non perficiendum, sed dubitandum, peritioribusque proponendum, ut certum quid assequu-

(*) Chanaan libr. I. c. 24. p. 469.

assequuti respondeant. Chananaeos Armenii *Genthunios* vocant: hocne nomen aliqua cognatione tenetur nostri כורן? Moses Choronenfis pag. 92. narrat, *Valarsacen, Armeniae regem, ex Chananaeorum progenie designasse, qui sibi manus induerent, eosque Genthunios appellasse, se autem causam nominis ignorare.* La Crozius, pro suo more, ingeniosus sed parum cautus, ad Gallicum *Gant* revocat, ideoque multo recentiorem facit historiam; quod mihi quidem veri perquam dissimile. Nec enim puto, impostorem Armenum, suis fabulas obtrudere cupientem, quae circa seculum quintum ita in certissimam veritatem desinunt, ut coevum ejusque seculi scriptorem agnoscas, Gallicae linguae ita adfvetum esse potuisse, ut ex ea, aq vero Francogallica, nomen comminisceretur. כרתנים hoc modo punctatum, כרתנים, idem esse possit, quod כנתנים, sive, Nun eliso et per Dagesch compensato, sive pro more Chaldaeorum Dagesch abjecto et per Nun compensato. כנתנים quis mirabitur ab exteris in *Genthunios* mutari unius literae mitigatione? Verum hae non sunt sententiae, sed quaestiones, doctioribus propositae: linguae enim Armeniae imperitus sum, et ex sola sapio versione latina, quae qualis sit, quam fide digna aut indigna, ignoro.

Supereſt, quod attigit Bochartus, non fatis expediens. Sidon Jos. XI, 8. dicitur, צירון רבה, quod intellectu opus est scire, Orientales, maxime Syros, nominibus propriis geographicis aliquod nomen adpellativum jungere solere, ex quo discas, urbsne sit, an insula, fluvius, mons, regio: cujus moris si quis exempla in promptu habere cupiat, cum textu graeco conferat versionem Syriacam capituli XXVII actuum apostolicorum, videbitque, vel ab interprete haec addi, quae Syros addere dixi. Jam
urbis

urbis plura habent nomina, quantitatem, ut ita dicam, definientia: ex his maximum apud Chaldaeos Syrosque רבֿתָּא, quod non in qualibet magna urbe, sed in sola gentis aut regni metropoli usurpatur. Hinc Regia Ammonitarum nomine etiam proprio, רבֿה, aut plenius, רבֿת בני עמון, dicta. Sic et חמַת רבֿה, *Hamatha metropolis*, atque Babylon Dan. IV, 27. בבל רבֿתָּא *Babylon regni sedes*. Syri recentiores maxime de urbibus metropolitane ecclesiae usurpant, ut de Alexandria et Antiochia. Vide chrestomathiam Syriacam p. 58. סִידוֹן &c. &c. Erit ergo צידון רבֿה, *Sidon, metropolis totius gentis Phoenicum*.

Spelunca etiam Sidoniorum (המערה אשר לצירונים) in sinibus terrae Israeliticae describendis commemoratur, Josuae XIII, 4. de qua recte monuit *Simonis* (*), eandem esse, de qua loquatur *Guilielmus Tyrius* de bello sacro. Sic ille l. XIX. c. II. *municipium quoddam nostrum, in territorio Sidoniensi situm, speluncam videlicet inexpugnabilem, quae vulgo vocatur Cavea de Tyrus, occupat*. Addo locum *Abulfedae*, p. 98. Syriae a celeberrimo *Koehlero* editae, qualis in codice *Parisiensi* legitur, ex quo nonnihil de situ speluncae disci potest. Docuerat, *distinguendam esse Schakif-Arnun, a Schakif Tirun, quae sit castellum in Phoenice, haud pro-*

(*) p. 283. onomastici. Citat auctores, ex quibus profecerat, *Adrichomii theatrum terrae sacrae*, p. 4. *Bisfelum, Dapperum*. Grate ille quidem; hi tamen omnes cum nihil habeant sui, sed cuncta, ex *Guilielmo Tyrio*, nomina sunt, non testes. Idem *Simonis* et *Guilielmi* librum XXII, c. 15. citat,

sed ibi, quantum video, de alia plano spelunca loquitur *Guilielmus*, alio etiam in tractu sita. Caveam de Tyrus expugnasse Saracenos narraverat l. XIX, II. jam qui posset diu post narrare, eandem eos speluncam expugnasse, quae nunquam in christianorum potestatem redierat?

procul Tyro: jam in codice Parisiensi haec addit, وفي قلعه منبعة ناعلة عن البحر وهي علي صفت علي مسيرة يوم في سمت الشمال والشقيف ايضا شقيف ارنون وهو في سمت الشمال عن شقيف طبرون i. e. *Est autem castellum munitum, remotum a mari, unius diei itinere a Safet (*) versus septentrionem. Schakif autem et nomen est Schakif Arnun, quod castellum castello Tirun versus septentrionem est, diei itinere.* Suspicor, belli sacri tempore speluncae urbem cognominem vicinam fuisse, ipsam quoque munitam, sed cujus incolis aut praesidio receptus in specum patebat, quale erat σπήλαιον Ἀρβηλῶν in vita Josephi, de quo vide notas ad 1 Macc. IX, 2. ipsumque adeo castellum Schakif Arnun, de quo Abulfeda in codice Parisiensi: *est autem Schakif-Arnunae pars, spelunca in petram excisa, et pars muro cincta.*

Simonis, quem de geographia bene meritum, nec ut par erat celebrem, honoris et pristinae amicitiae causa nomino, ex Golio urbem quoque معرة (Maarra) commemorat: verum ea non hujus est loci. Destituebatur vir diligentissimus et eruditissimus his geographiae Arabicae praesidiis, quae nunc adepti multo nobis doctiorem corrigere possumus. Duplex est Syriae معرة, descripta ab Abulfeda p. 21. et III. *Maarra Naemanis* et *Maarra Nesrin*, sed neutra nostra, ac ne nomen quidem convenit, معرة enim

(*) Urbs Safet lacui Tiberiadis imminet, non procul a monte Beatitudinum. De ea vide *Abulfedae Syriam*

p. 82. 83. *Maundrellum* p. 115. et *Pocokii itinerarium* T. II. p. 112. seqq.

enim scribitur, specus autem Arabibus, aliis literis, مغارة.

Est Syriae fluvius, haud procul Beryto, Magoras, de quo, id quoque nos admonet Simonis, cogitavit Junius. Habet eum Plinius libr. V. c. 20. *in ora etiamnum Libano subiecta, fluvius Magoras, Berytus colonia* &c. estque, ut recte monent, idem qui Straboni p. 1097. Ταμύρας, Gallis, *Fleuve d'Amour*. Sed nec nomen concinit, Magoras enim erit, מגור, et, cum Speluncam Sidoniorum habeamus, non opus est alliterationis artificio, ne speluncam quidem, sed fluvium dante.

* * *

חַתְתִּי

et Chethum, i. e. Chetthaeos.

Frequens hujus populi Chananaei mentio. Id quidem in verisimilibus, sedes ejus antiquas fuisse circa Hebronem, ob Genes. XXIII, 7. 20. id vero est, ut verbis Justinī utar, ex libro XVIII. c. 3. sumtis, in vicinia *stagni Assyrii*; mari enim mortuo Hebron vicina, urbs, ob summam antiquitatem ab ipso jam Mose laudata, Num. XIII, 22. Hac tamen re dissident Moses et Justinus, seu, quem excerpfit, Trogus, quod Moses primam facit Chananaeorum coloniam Sidonios, secundam Chetthaeos, Justinus contra primo eos Assyrium stagnum, mox mari proximum litus, condita ibi urbe Sidone, incoluisse auctor est. Facilis optio: vel nulla habita adflatus divini ratione, tamen auctorem domesticum, tot seculis superiorem, praeferemus extero, recentiori, insigniumque de Palaestina mendaciorum convicto.

Forte et alibi proprie sic dicti Chetthaei, atque ab aliis Phoenicum tribubus distincti, tanquam aliquas habitarunt maculas: quo refero Judic. I, 26. ubi Phoenicum aliquis Bethelam incolentium, prodita Israelitis urbe, mercedem pactus vitam et liberum discessum, in terram Chetthaeorum migrat, novamque ibi urbem, Luz dictam, condit. Haec vero Luza non in tribu Judae, circaque Hebronem, qua ex regione omnes Chetthaei pulsi erant, sed quantum existimari potest, in vicinia Bethelae condita. Forte et alia borealis fuit Chetthaeorum colonia, cujus reges 1 Reg. X, 29. 2 Reg. VII, 26. commemorantur: est tamen res non plane explorata, forte enim Chetthaeorum nomen nonnunquam latius patuit, pro tota Chananaeorum gente positum, ut Jos. I, 4. ubi omnis Palaestina ab Euphrate ad mare mediterraneum terra Chetthaeorum, (ארץ חתני) dicitur.

Quod de etymo nominis habent, a *terrore* ducto, non alii solum, sed ipse Bochartus, (l. IV. c. 36. p. 304) meum non facio. Nescio, unde dicti Chetthaei, pluresque veri non dissimiliores comminisci etymologias possem, pro-ut sive חַת sive חֶת conferre luberet, sed pudori est. Indoles gentium non ex nominibus aestimanda, quae et casu fortiuntur, ab urbe, a terra, a flumine, &c. et honorifica sibi sumere contemti atque imbelles possunt.

Haec post Sidonios antiquissima Phoenicum colonia diu ante memoriam Graecorum Latinorumque periit, a Josua, seu potius a Calebo deleta. Superfuit tamen aliqua historiae, partim et fabularum, fragmenta, collectu nec inutilia nec injucunda.

Urbem coloniae primariam, Hebron, septennio ante Tanim Aegypti conditam esse, Moses auctor est, Num. XIII,

XIII, 23: antiquior autem urbe populus fuisse, jamque ante in ejus vicinia troglodytico more, [plane ut Chananaei in Seiritide (*)] vixisse videtur. Sunt in Hebronis vicinia magni specus subterranei, quorum unum Abrahamum sepulcro emisisse legimus, Genes. XXIII. His in specubus initio coloniae habitasse Chananaei, ut jam in Seiritide adfueverant, videntur: in vicinia certe urbis troglodytarum posteros, nomen priscae habitationis adhuc servantes, reppererunt Israelitae, *Anacaeos, filios Anac, natos Anac dictos*, Numer. XIII, 22. Hos quidem error ad aliquem Anacum, patrem, refert, grammaticis argumentis, ut jam alibi monuimus (**), facile refellendus. Cum enim nomina propria personarum He articuli non admittant, ענק autem cum He jungatur, ut Num. XIII, 22. 28. Jos. XV, 14 ילירי הענק, et Jos. XV, 14. Judic. I, 20. בני הענק, sequitur, ut nomen adpellativum sit, non viri proprium. Jam cum Arabibus عتق sit, *intrare latibula subterranea*, filii Anac, nati Anac, Anacaei, qui erunt alii, quam troglodytae in specubus nati? Horum ergo Anacaeorum Mo- sis adhuc et Josuae tempore tres tribus, Achiman, Scheschai et Thalmi, supererant, Hebronemque incolebant, Num. XIII, 22. Jos. XV, 14. Jud. I, 10. valde enim inep- tum, tres hos, singulos viros facere, qui exploratoribus secundo itineris Israelitici anno jam terribiles, post quadra- ginta et quod excurrit annos adhuc et vixerint, et senio non imbecilliores tanto adhuc terrori Israelitis fuerint, ut tota terra subacta difficile tamen esset, eos vincere. Ma- gnae, ut dixi, tribus erant, Hebronem quidem incolentes, sed

(*) Vide diss. de troglodytis Seiri- tis et Thenudaeis, septimam partis pri- mae syntagmatis commentationum.

(**) In commentatione de troglo- dytis §. 4.

fed quibus, si hostis ingrueret, vicinum specus tutum praebebat refugium. Nempe speluncas urbesque junctas jam supra p. 8. monui: ipsaque Hebron *Anac* dicitur Jos. XV, 13. et Jos. XI, 27. plures urbes Anacaeorum memorantur.

Partem specuum Hebronensium sepulturae cessisse, vel ex historia Abrahami novimus. Videntur autem praeter illud multo antiquiora ibi sepulcra illustrium Phoenicum fuisse, fabulis nobilitata.

Manifesta sunt, non fabulae, sed mendacia, quod Adamum ibi sepultum aliqui tradunt, quasi vero ejus post tot secula sciri sepulcrum possit, si quod omnino fuit, aut quaeri in Palaestina debeat, cum paradiso expulsus Adamus Orientalia, Indiam aut Sinam petierit (*): deinde, quod nomen urbis polyonymae, קרית ארבע, quasi tu diceret, *urbs Quatuor*, interpretantur de *quatuor ibi sepultis magnis viris, Adamo, Abrahamo, Isaaco et Jacobo*. Error absurdus, cum hoc nomen קרית ארבע antiquissimum urbis dicatur, Judic. I, 10. et jam in historia emti ab Abrahamo sepulcri Genes. XXIII, 2. commemoretur, quo tempore certe Abrahamus, Isaacus et Jacobus nondum mortui, nec dum sepulti erant. Est tamen error antiquus. Hieronymus in libro Quaestionum in Genesin ad caput XXIII: *Dicitur ARBEE, hoc est, QUATTUOR, quia ibi Abraam, et Isaac, et Jacob conditus est, et ipse princeps humani generis, Adam, ut in Jesu libro apertius demonstrabitur*. Hic numerus, ne quid deesset, a posteris etiam duplicatur, nivis instar cadendo crescentis. In cippis Hebraicis, ab Hottingero latinitate donatis, haec p. 28. leguntur:

in

(*) Genes. III, 24.

in qua (spelunca *Macpela*, quam *duplicatam* interpretari solent, qui etymologias nominum propriorum captant) *sepulti patres mundi, Adam et Eva, Abraham et Sara, Isaac et Rebecca, Jacob et Lea*. Vera pleraque, sed non omnia. De Adamo enim, addita quoque Eva, quis sani capitis suspicari audeat, in eodem specu conditos fuisse, quem Abrahamus a Chetthaeis emit, nullam Mose faciente tantorum progenitorum ibidem sepulcorum in emtionis historia mentionem? Ibi si conditi erant, idque ignorabatur eo tempore, quo specus emebatur, unde post multa secula id rescire, praeter stultum, quisquam potuit? Hae ergo naeniae etymologicae, etymologiam quoque duplicantes, ac 2 et 4 ex מכפלה et ארבע extortum multiplicantes, abdicandae.

Aliter vero sentiendum de versione vulgata Latina loci Jos. XIV, 15. de qua nunc copiosius dicendum. Verba, קרית ארבע האדם הגדול בענקים הוא, verti plerumque solent, *urbs Arbae, hominis maximi inter Anacaeos*: in qua versione non dissimulo esse, quod displiceat. Nec enim Hebraei nomen אדם ita ponere solent de homine quocunque, dicturi potius, האיש הגדול. Aliter legisse videntur LXX, μητρόπολις τῶν Ἐνακείμ αὐτῆς, i. e. האדם בענקים הוא, cum hic, tum XIV, 13. XXI, 11. ubi in codicibus masorethicis אבי הענק היא reperitur. At eorundem verborum, quae nos legimus, interpretationem non sane repudiandam dedit Vulgata: *Adam maximus ibi inter Enacim situs est*. Absurda, fateor, sententia, si cum Adamum cogites, quem Moses patrem communem humani generis facit, nec nego, Hieronymum ita vertentem errasse: ipsistamen verbis Vulgatae verissima dari sententia potest, modo de aliquo Chananaeorum Adamo accipias, atque verba Hebraica adcuratius sic reddas: *urbs Arbae, qui est Adamus,*

maximus Anacaeorum. Solent sibi gentes suam, ut ita dicam, Adamum confingere, id vero est, primum hominum sibi arrogare, fabulasque de eo comminisci. Sic forte et Chananaei aliquem proprium habebant Adamum, fabulis domesticis celebratum, cujus sepulcrum aliquo in specu circa Hebronem esse volebant. Sanchoniathon quidem, in fragmento nobis servato: *κατὰ τούτους γίνεταί τις ΕΛΙΟΥΝ (עליון) καλούμενος Ὑψιστος καὶ θήλεια λεγόμενη ΒΗΡΟΥΘ (a qua urbs ברוּת, Baruth, dicta videtur) οἱ καὶ κατοικοῦν κατὰ Βίβλον, ἐξ ὧν γεννᾶται Ἐπίγειος, ἡ Αὐτόχθων, ὃν ὕστερον ἐκάλεσαν Οὐρανόν (*)*. Eorundem tempore natus est aliquis, *Eljun vocatus, i. e. Altissimus, et femina, Beruth appellata, qui circa Biblum habitarunt, genueruntque Terrestrem, aut Autochthona, quem deinde Coelum (**) vocarunt.* Hic ergo Autochthon Adamus Anacaeorum fuerit, Arba illis dictus, incertum, a quatuor plagis mundi, an a quatuor, quos fabula illi tribuebat, filiis. Ipse enim ille Sanchoniathonis Autochthon quatuor filios habebat, *Ἴλον, (τὸν καὶ Κρόνον) καὶ Βέτυλον, καὶ Δαγῶν, (ὃς ἐστὶ Σιτῶν) καὶ Ἀτλαντα. Hilum, qui et Saturnus, et Betylum, et Dagonem, qui et Frumenti praeses, et Atlantem.* Fabula in hunc usque diem Hebrone viget, Adamum ibi ex terra creatum, atque adeo locum ostendunt. Hic non Mosaicus Adamus, sed Autochthon Phoenicum fabulosus. Vide itinerarium Francisci Ferdinandi de Troilo, p. 422. 423.

Tere-

(*) Eusebii Praepar. evang. libr. I. c. 10. p. 36. editionis Coloniae anno 1688 factae.

(**) Obiter dico, me suspicari, le-

gendum esse, Οὐράνιον, *Coelestem*: sic enim exigere videtur prioris nominis oppositio.

Terebinthorum lucum haud procul Hebrone fuisse, inque eo Abrahamum habitasse, ipso Mose auctore novimus; (Genes. XIII, 18): nec dubitari de אֵילֵי תְּרֵבִינִי potest, quercusne an terebinthi sint, cum Josephi (*) quoque et Hieronymi (**) tempore terebinthus eodem in loco fuerit, sitque adhuc nostro (***), ubi antiqui אֵילֵי חֵבְרוֹן habent. An nosa cum sit arbor, multa secula vivendo vincens, (mille etiam annos durare volunt) veri nevisquam dissimile, aliquam earum terebinthorum ad quas Abrahamus tentorium habuit, colonia Chetthaeorum multo fuisse antiquiorem, ibique repertam, cum primum illam in regionem Chanaanici immigrarent: ejusque propago est sine dubio, quae Josephi tempore fuit, nostroque adhuc superest, visa a Francisco Ferdinando de Troilo (****).

Hoc quoque fabula in majus auxit, summam Hebronensibus rebus omnibus antiquitatem assertura: Josephus de bello Judaico l. IV. c. 9. §. 7. Δεικνύται δὲ ἀπὸ σταδίων ἑξ τοῦ ἁγίου τερεβινθος μεγίστη, καὶ φασὶ, τὸ δένδρον ἀπὸ τῆς κτίσεως μέχρι νῦν διαμένειν, i. e. monstratur sexto ab urbe stadio ingens terebinthus, ajuntque, arborem ex creatione mundi in hunc usque diem manere. Autochthonis, seu Adami Phoenicis

(*) l. IV. de bello Judaico c. IX. §. 7. Locum integrum pagina sequente dabo.

(**) 1 Sam. X, 3. haud procul a sepulcro Rahelae terebinthus Thabor stabat: eodemque in loco Hieronymus in commentario ad Jerem. XXXI, 15. mercatum terebinthi memorat, in quo Judaei sub Hadriano venditi sint, lo-

cum suo adhuc tempore Judaeis excrabilem.

(***) Eodem in loco, in quo אֵילֵי תְּרֵבִינִי tempore Samuelis fuit 1 Sam. X, 3. terebinthum Mariae nominant itineratores nostri, Troilo p. 382. Korte p. 93.

(****) Orientalische Reisebeschreibung S. 424.

nicis tempore jam fuisse terebinthum, largior: licet mundo coevam facere, tam recentibus testibus, nolim, idque ad anilia ablegem.

Eandem terebinthum, seu, ut per errorem vocatur, quercum, ab Ogyge dixerunt, non Hebraei puto, quibus nullus Ogyges, sed Phoenices. Iterum testis Josephus, qui Genes. XIV, 13. וְהוּא יוֹשֵׁב בְּאֶלְנֵי מִמְרָא, Antiqu. I, 10, 4. sic graece expressit: "Ἀβραάμος δὲ κατοικεῖ μεντὴν Ὠγύγην καλουμένην δρῦν. Quod *quercum* vocat, quam ubi suus est et αὐτόπτης terebinthum vocare solet, ex LXX interpretibus, quos saepe sequitur (*), est irralatitium: cum enim *Elon* terebinthus sit, *Allon* quercus, hi אלני defective scriptum *Allone* extulerunt, quercumque interpretati sunt. Pro Hebraico מִמְרָא (*Mamre*) Ogygen substituit, incertum quem, Cadmine patrem (**), a quo vetustissima quaeque Graeci Ogygia dicebant, an aliquem Amalecitarum, i. e. Chananaeorum Arabum regem? Quidquid sit, Ogyges Chananaeum quid prodit, Hebraice אגג scribendum: Amalecitarum, i. e. Chananaeorum in Arabia, rex quem Saul debellavit, אגג vocabatur, voluntque, nomen commune Amalecitarum regibus, ex quibus aliquis, Mosi jam notus, *Agagus* (sic enim secundum puncta masorethica literas אגג efferunt) potentia et rebus gestis inclaruerit. Sic certe Bileamus, Num. XXIV, 7. וַיֵּרוֹם מִאֲגַג, *altior erit rex ejus Agago*, aut, si aliis punctis vocalibus efferas, *Ogyge*. Id quidem certum, aliquem aut Mosi aequalem aut superiorem Agagum? an Ogygem? fama

(*) *Orientalische Bibliothek* Tom. V. Num. 84. VII. Num. 116.

(**) Vide Svidam T. II. p. 752.

fama ingente fuisse, cum Bileamus haec caneret: estque forte idem ille Ogyges, qui coloniam Phoenicum in Boeotiam deduxit, Thebis regnavit, filiumque ex se genitum, Cadmum, reliquit. Vide omnino *Gürtleri origines mundi* libr. I. c. XV. §. 9. et libr. II. c. XXIX. §. 17-19. Nec huic Ogygi chronologicae rationes obstant, quin potuerit a Bileamo nominari: ex communi enim computo Jacobo et Esavo coevus habetur, ex meo, qui Jacobum inter et templum Salomonis 215 et 112, id est 327 annos addit (*), in ipsa Mosis tempora, quibus dux Israelitarum in deserto fuit, aut proxime praecedentia, incidit. Sic recens tum fama Ogygis, exterum regnum fundantis. Sed utcumque statuas, non recentior Bileamo Ogyges, potuitque ab eo exemplum magni regis proponi: arbor etiam vetusta in luco Mamre a Phoenicibus huic antiquo Ogygi dicari.

Suspicari interdum coepi, aliquid etiam fabulae antiquae versionis graecae Genes. XXXV, 27. ubi קרית הארבע, πόλις τοῦ πεδίου, q. d. *urbs in planitie vel valle, vertitur, subesse*. Est aliqua circa Hebronem vallis, עמק חברון Genes. XXXVII, 14. dicta, sed eam κοιλάδα τῆς χεβρών vertunt. Quid aut legerint, aut quid spectantes ita verterint, alii inquirent; mihi sufficit, indicasse: ante omnia autem plures conferendi codices, iique adcurate de Πεδίου interrogandi; παιδίου enim si haberent, alia prorsus existeret sententia.

* * *

Antequam ad reliqua nomina pergam, adscribere lubet Iosephi verba, rectius, quam fieri solet, distincta. Sic ille l. I. Ant. c. VI. §. 2. τῶν δὲ ἄλλων ἑπτὰ, Εὐαίου, Χετταίου, Ἰεβου-

(*) *Orientalische Bibliothek* P. IV. p. 177. P. V. p. 81. P. XII. p. 22-40.

Ἰεβουσαιου, Ἀμορρῆσαιου, Γεργεσαιου, Εὐδαιου, Σεινιου, Σαμαρειου, πλὴν τῶν ὀνομάτων ἐν ταῖς ἱεραῖς βίβλοις, οὐδὲν ἔχομεν: i. e. *reli- quorum septem populorum, Evaeorum, Chetthaeorum, Jebu- faeorum, Amorrhaeorum, Gergesaeorum, Eudaeorum, Si- naeorum, Samaraeorum, nihil nobis superest, praeter nomina in sacris literis.* Male alii, commate post ὀνομάτων posito, vertunt, *praeter nomen nihil in sacris literis exstat:* ac si id vellet, nihil praeter nomen in sacris literis legi, de situ, re- busque gestis nihil, quod secus se habere, deinceps vide- bimus. Septem autem populorum nomina promittens, et octo dans, manifeste a librariis corruptus est Josephus: Hevaeos (חוי) Eudaeos vocaverat, jam cum Hevaeos librarius desideraret, notissimam ex Chananaeis gentem, adjecit, primoque adeo loco posuit. Recurremus infra ad hunc Josephi locum. In eo quidem fallitur, quod Sinaeo- rum et Samaraeorum nihil superesse arbitratur, sed erroris causa in promptu. Extra Palaestinam habitabant, geogra- phiae ergo exterae parum peritus Josephus, in Palaestina quaerens, nec inveniens, putabat interiisse.

* * *

GENES. X, 16.

ואת היבוסִי et *Jebusaeos.*

Sunt sine dubio incolae Hierosolymae, olim Jebus (יבוס) dictae: Jud. XIX, 10. 11. &c. &c.

Ebusum, insulam Hispaniae, (nunc Yvicam) a Jebu- faeis habitatam fuisse, ac nomen accepisse, a quibusdam creditum refert Bochartus, Phaleg. l. IV. c. 36. p. 304. Hi quidem erunt, qui literas pro lubitu adjiciunt et addunt, ut etymologiis et sono vocum superstruere aliquid histo-

historici commenti possint, immemores; Hierosolymam esse mediterraneam, cujus colonias in insulis Hispanicis non sine teste quaerere debeas. Ipse quidem Bochartus commento fidem habuisse non videtur, alibi enim Ebusum insulam dictam vult a יבש. (Canaan I. I. c. 36. p. 635.) Sed his in geographia etymologiis parum delector, malimque nescire, unde Ebusus nomen habeat. Nihil certe ad Jebusaeos.

* * *

ואת האמרי

et Amoraeos.

De Amoraeis dixit Bochartus, libr. IV. c. 36. quem legi velim: si qua plura habeo, aut dissentio, hic addo.

Cis Jordanem in montano tractu Judaeae ultimis jam temporibus Amoraeos reperimus, ut circa Chatzatzon Thamar i. e. Engedi, Gen. XIV, 7. circa Hebronem, ubi Mamre tribus Amoraeis accensetur, Genes. XIV, 13. itemque ex relatione exploratorum Num. XIII, 19. Nolim tamen hinc cum Bocharto efficere, has primas fuisse Amoraeorum sedes, quas potius ultra Jordanem statuerim, ubi frequens Amoraeorum mentio, nec mentio modo, sed et describuntur ut populus, quem bello non adgressuri, ut caeteros Chanaane prognatos, Israelitae erant, sed in avitis sedibus relicturi, modo transitum praebuissent. Vide Num. XXI, 13. 21-32. Deuteron. I, 4. (*) II, 24-37. III, 8. Jos. IX, 10. Eadem in vicinia etiam post Mosen et Josuam Amoraeci non superfuerunt modo, sed et fines quodammo-
do

(*) Non imprudens omisi hic ver- tur ad Amoraeos in montano tractu
sum 7. 26. 43. quippe qui mihi viden- Judaeae referendi esse.

do clausos habuerunt Judic. I, 36. Ergo duo regna Amoraeorum transjordanensium devicerat Moses, alios pacatos Amoraeos eo in tractu relinquens, nec illis bellum inferens, quod regionum, quae ab Oriente Jordanis erant, nihil ut suum appeteret.

Amoraeorum quoque nomen latius patere, et nonnunquam pro Chananaeis universim poni videtur. Certe Sichemitae, qui proprie Hevaei erant (*), Amoraei vocantur Genes. XLVIII, 22. Vide quoque Genes. XV, 16. (quem locum recte ad universam Chananaeorum gentem retulit Relandus) 2 Sam. XXI, 2. ubi Gibeonitae, qui Hevaei erant, reliquiis Amoraeorum adnumerantur, forte et Deuteron. I, 19. 20. Thalmudici, ubi aliquid, e. g. mortuos comburere, ritus esse dicunt Amoraei, nomen hoc latiore sensu sumere videntur.

* * *

ואת הגרגשי et *Gergesenos*.

Hanc gentem ab Occidente Jordanis habitasse ex Josuae XXI, II. constat. Josephus loco supra citato inter illas numerat, quarum nihil supersit, praeter nomen in sacris literis, cui hic eo magis fidem habendam puto, quod nullam Palaestinae partem Galilaea melius cognitam habuit: ergo id certum ad lacum Tiberiae ejus tempore Gergesenos non habitasse. Utrumque eo pertinet, ut Gergeseni, qui nunc in evangeliiis leguntur, (**) non ab ipsorum auctorum manu sint, sed ex correctione Origenis nati. Sed ea de re alibi dictum (***). Nec melior est conjectura

(*) Genes. XXXIV, 2.

(***) *Einleitung in das N. T. S.*

(**) Matth. VIII, 28. Marc. V, I. 102. p. 641-644. editionis tertiae.

Luc. VIII, 26.

Etura Bocharti (p. 304. seu Phaleg. libr. IV. c. 36.) Circe-
sium ad Euphratem eos condidisse. Nomen urbis, ut li-
teris Hebraicis scribitur, כרכמיש et כרכמוש, nihil habet
cum גרנשי commune, videturque potius a Camoso, Deo,
ductum.

* * *

V. 17.

וְאֵת הַחַיִּי et *Hevaeos*.

Frequens eorum mentio. Josuae XI, 3. sub ipsis radi-
cibus Hermonis habitasse dicuntur; Judicumque III, 3. in
Libano, i. e. in vallibus ei subjectis: nisi forte post victo-
rias Israelitarum in ipsum Libanum fugerunt, silvas et
specus pro asylo habituri. Sed et alibi per maculas habi-
tabant, ut Sichemi Genes. XXXIV, 2. Gibeae Jos. IX, 7.
XI, 19.

Hevaeorum et Choraeorum, i. e. troglodytarum no-
mina, ob similitudinem literarum (חוי et חרי) nonnun-
quam a librariis permutata esse, ut Genes. XXXIV, 2. ubi
pro חוי LXX habeant, ὁ χορδαίος, inque genealogia Edo-
mitarum Genes. XXXVI, 2. pro חוי rescribendum esse,
חרי, alibi copiosius dictum (*). Similis error hic quoque
in eo Mosis exemplo commissus videtur, quod historiam
scribenti Josepho ad manus fuit: Hevitarum enim loco
Εὐδαίους nominat, i. e. Hebraice חורי, Resch in Daleth
mutato. Ex Josepho suum, Εὐδαίος, ὁνομαζόμενος, sumsit
Svidas, sed nihil praeterea de Eudaeis inveniens.

Thar-

(*) In commentatione de Troglodytis Sciritis §. 3.

Ex crebra confusione factum videtur,
ut et חוי Rabbini Troglodytam inter-

pretarentur, fingentes, nomen a ser-
pentibus ductum, qui foramina sub-
terranea quaerant. Quidquid sit, his
חוי et חרי unus idemque.

Thargum Hierosolymitanum, Hevaeos interpretans Tripolitanos, recte repudiavit Bochartus p. 305. His, quae contra Chaldaeum adfert, indubitabilius etiam addi argumentum potest. Tripolis inde nomen habuit, quod ex tribus esset urbibus composita, quarum quaeque sua moenia habebat, eratque Sidoniorum una, altera Tyriorum, Aradiorum tertia. (Vide Cellarium T. II. p. 376.) Ex hac ipsa urbis origine certum, non potuisse a Mose commemorari, qui diu ante conditam Tyrum vixit, deinde, non esse ex primis coloniis Phoenicum, sed coloniam ex coloniis deductam.

* * *

ואת הערקי

et Arcaeos, seu, Arucneos.

Primo de nomine, ejusque orthographia dicendum. ערקי habet textus Hebraicus, idque et Graeco et Arabico urbis nomini, Ἀρχη, عرقه concinit: at ערוקה est in textu Samaritano, nec minus in versione, eique consone LXX τὸν Ἀρουκαῖον habent. Josephus utrarumque quodammodo partium, nomen enim conditoris, quem putabat, Ἀρουκαῖος, urbis Ἀρχη scripsit. Mihi neutra scriptio damanda videtur, atque urbs olim utroque modo appellata (*), licet *Aruca* deinde in desuetudinem abierit. Certe vix video, quomodo lectio ערוקי, contraria appellationi nominis Graecae et Arabicae, in LXX, Josephum, et textum Samaritanum irreperere potuerit, si Moses ערקי scripserat: inque

(*) Sic et infra videbimus, quae Graecis est *Aradus*, Mose esse ארד cum Vau.

inque nominibus propriis Phoenicum aliquid fidei Samaritanis, ortu Sidoniis, habendum existimem.

Arcen, vel *Arcas*, haud procul Tripoli, designari, jam vidit Iosephus, eumque sequutus Hieronymus. Verba sunt Iosephi, Ἀρουκαῖος δὲ ἔκτισεν Ἀρκην, τὴν ἐν τῷ Λιβάνῳ: Hieronymi, *Aracaeus, qui Arcas condidit, oppidum contra Tripolim, in radicibus Libani situm.* Concinit orthographia Arabica, metuque erroris nos liberat, عرقه. Urbem ex Graecis Latinisque descripsit Cellarius T. II. p. 457. locumque ei in delineatione Syriae haud procul Tripoli versus septentrionem assignavit. Huic contradicere videtur Abulfeda, ut est a Consultissimo Koelero latine redditus, in cujus tabulis Syriae p. 114. haec latina leguntur; *Tripoli australior est duodecim miliaribus.* Verum nullius erroris arguendus Cellarius, namque et αὐτόπτης Pocokius Arcam a septentrione Tripolis habet; sed Koelerus Arabica, quodammodo ambigua, aliter vertit, quam Abulfeda ea intelligi volebat. Ipsa Abulfedae verba adscribere liceat, ex quibus et alia de urbe disci possunt, latinamque versionem addere: عرقه بلدة صغيرة ذات قلعة صغيرة ولها بساتين ونهر صغير قال في العزيري ومن اعمال دمشق مدينة عرقه وهي اخر عيلاها من حد الشمال علي ساحل البحر وبين عرقه وبين طرابلس علي سمت الجنوب اثني عشر ميلا وبين عرقه وبين بعلبك ستة وستون ميلا وي عن البحر

Arca (vel Erca) oppidum parvum est, castellum parvum habens, hortos, et fluvium parvum. Azizi civitatem (non oppidum: major ergo ea aetate fuerat) dicit esse ex ditione Damasci, et quidem hujus ditionis extremam versus septentrionem, ad litus maris. Arcam inter et Tripolim sunt 12 miliaria (Arabica, 2½ germanica) interque Arcam

cam et Baalbec 66 milliaria (15 Germanica) Parasangae spatio abest a mari. Parasangam milliari gallico majori proximam esse sciant lectores. XXII parasangae in uno gradu sunt. Caeterum notae celeberrimi Koeleri, Abulfedae adjectae, lectu sunt dignissimae.

Rudera urbis magnifica, situmque amoenissimum, *αυτόπτης* descripsit Shawius, T. II. p. 270. (versionis germanicae p. 234. 235.)

Rivuli exigui mentionem facit Abulfeda: hunc et Breidenbachius (col. 47. 48. itinerarii) et Pocokius, *αυτόπται*, memorant, urbis nomine fluvium quoque Arcam vocantes. Vide hunc T. II. itinerarii, p. 205. (vers. germ. 298.) Estne hic fluvius Sabbaticus Iosephi, quem Arcaeam inter et Raphaneam Vespasiano monstratum refert, ut mirum memorans, solo sabbato fluere, reliquis diebus siccum. Verba sunt, I. VII. de Bello Jud. c. 5. §. 1. *Θεῶται κατὰ τὴν πορεΐαν ποταμοῦ φύσιν, ἀξίαν ἱστορηθῆναι. Ῥεῖ μὲν γὰρ μέσος Ἀρκαιᾶς, τῆς Ἀγρίππου βασιλείας, καὶ Ῥαφαναίᾶς, ἔχει δὲ θαυμαστήν ιδιότητα. Πολὺς γὰρ ὢν, ὅτε ῥεῖ, καὶ κατὰ τὴν φορὰν οὐ σχολαῖος, ἔπειτα δὲ πᾶς ἐν τῶν πηγῶν ἐκλείπων ἐξ ἡμερῶν ἀριθμὸν, ξηρὸν παραδίδωσιν ὁρᾶν τὸν τόπον· εἰδ' ὥσπερ οὐδεμιᾶς γενομένης μεταβολῆς, ὁμοίος κατὰ τὴν ἐβδόμην ἡμέραν ἐκδίδωσι, καὶ ταύτην· αἰὶ τὴν τάξιν ἀκριβῶς τετήρηται διαφυλάττων· ὁθεν δὴ καὶ Σαββατικὸν αὐτὸν κεκήκασι, ἀπὸ τῆς ἱερᾶς τῶν Ἰουδαίων ἐβδομάδος οὕτως ὀνομάσαντες: i. e. *speclat (Vespasianus) in itinere fluvium, cujus natura digna est relatu. Fluit ille medius inter Arcaeam, quae est ex Agrippae regno, et Raphaneam, habetque mirabile quid sibi proprium. Copiosus enim cum sit, quando fluit, nec cursu segnis, per sex dies (*) inde a fonte deficiens.**

(*) Fuerunt, qui hic corrigendum tendam, quod codicum editionumque lectio Plinio et Rabbini contradicat.

Nempe

fundum siccum spectandum praebebat. Deinde, ac si nihil ei accidisset, septimo die sui similis fluit. Atque hunc ordinem exacte semper ab eo servari observatum est: unde et Sabbaticum eum appellant, a septimo die, Judaeis sacro, nomen illi ducentes. Equidem facile credo Josepho, bono auctori, itinerisque comiti, Titum Vespasianum, ut multas alias praestigias, sic has quoque, vidisse, credidisse et adstupuisse, virum, mirabilibus valde delectatum, cui in Aegypto pervaserunt, ipsum miracula patrare, parata ad omnia obsequia adulatione, miraculisque fallente falli gestientem. Fraudem autem subfuisse, quis dubitet, cum nostro tempore miraculum expalluerit, fluviusque Arcae, amisso etiam Sabbatici nomine, omnibus hebdomadam diebus sui fluat similis? Nec fraudem Judaeorum adcusaverim, quorum in potestate illo tempore vix erat, ejusmodi creare praestigias, sed aut Phoenicum accolarum, Phoenices enim Saturnum maxime omnium deorum colebant, cui septimus hebdomadam dies facer, aut Arabum ab Abrahamo oriundorum, Ituraeorum, similitumve, montana habitantium. In montium recessibus oritur rivus, ut Pocokius tradit; facile, aquam obicibus objectis per sex dies arcere, septimoque die apertis catarrhaetis emittere, copiose sic et

Nempe Plinius libr. XXXI. §. 18. p. 350. lin. 7. *in Judaea*, inquit, *rivus sabbatis omnibus siccatur.* Miracris. Ergone Josephum, ubi ipse itineris comes refert, quae Titus Vespasianus suis oculis in itinere viderat, ex Plinio corrigas, compilatore narrationum sine auctore, atque in hoc ipso loco manifesti erroris convicto, cum

dilectat fluvium in Judaea esse? aut tam omnem sensum veri ac falsi perdideris, ut Rabbinos nescio quarum terrarum, mendaciis imbutos, Josepho opponas? Ergo Josephus scripserit, quae scripsit, eritque miraculum ex arte impostorum multo explicatum facilius, quam sumto contrario.

D

et rapide volvendam. Eas regiones qui adeunt, vestigia fraudis fortassis adhuc invenient, quae quaerere nemini adhuc in mentem venit.

Eadem de Arca Josephum intelligo, Ant. VIII, 2, 3. pro Hebraicis בענא בן חושי באשר וכעלות (*Baena filius Chuschai praefectus erat in Ascher et Aloth*, 1 Reg. IV, 16.) haec Graeca ponentem, τὴν δὲ περὶ Ἀσχη παραλίαν ἔρχε Βααναιῶν. Video, Spanhemium hic distinguere *Arcam ad Libanum*, — et, *Arcam maritimam*, sed causam distinguendi nullam reperio, cum quae ad radices Libani sita est Arca, mari tam sit vicina, una modo parasanga, id est, ne milliari quidem Germanico integro, ab eo remota. Adde, ne Josephum quidem Arcam dicere maritimam, sed de maritima circa Arcam regione loqui. Rectene Hebraica interpretatus sit, jam non inquirō, sed quid spectarit facile assequor. Praefuisse credebat Baenam (rectene, an secus? hic non inquirō) *Baalathae* i. e. urbi *Baalbec*, quae sine dubio sub Salomonis ditione fuit, ב in בעלות pro radicali habens, tribuique Ascher: jam cum haec tribus mari vicinas sedes habuerit, et e regione Baalbecae (Helio-*polis*) ad mare mediterraneum Arca sita sit, urbs, quam ipse Josephus, Vespasiani tum in itinere comes, adiit, hunc omnem tractum maritimum Arcam usque Ascheritidi assignavit.

In nummo aliquo, Phoeniciis literis inscripto, nomen se hujus urbis invenisse putabat Swintonus, sic quidem scriptum, ערך: qua in opinione cur ab eo dissentiam, copiosius exposui in bibliotheca Orientali T. VI. p. 99-102. Primum enim, Arcae nomen non ערך est, sed Hebraice et Arabice (quarum linguarum nimis imperitus erat doctissimus alioquin et aeternum superstes Swintonus) ערק vel

vel עֲרֻקָה, per Kuph; deinde in illo nummo ne legitur quidem עֲרֻךְ, sed עֲרֻךְ, idque nomen navis *Argo* existimo, navigium enim in nummo expressum, quod nihil ad urbem integra parasanga a mari remotam. Sed haec in bibliotheca Orientali legi velim, non hic cum argumentis, ac philologumenis de *Argo*, vocabulo Phoenicio, repetere.

* * *

וַיָּאֶת הַסִּנִּי *et Sinaeos.*

Quamquam parum ad interpretationem interest, dissimulare tamen suspicionem non possum, Mosen הסני sine Jod inter Samech et Nun scripsisse, idque adpellandum, הסני, Jod autem eo more ut matrem lectionis additum, quem in bibliotheca Orientali aliquoties e codicibus enotavi (*). Primi hanc mihi suspicionem injecerant LXX, Ἀσενναίων habentes, videbaturque nomen urbis, de qua deinde dicam, ut a Strabone scriptum est, Σινναῶς, consentire: nec tamen illud secuti LXX, ignorance verorum Sennaeorum He quoque praefixum pro parte nominis habentes, et loco Sinnaeorum Afennaecos dantes. Haec dubitanti jam subvenit editio Kennicotti, qui in quinque codicibus, nescio adhuc quibus? solis enim numeris 5, 18, 168, 251, 256. indicavit, eorumque explicationem nondum dedit, הסני sine Jod mediano repertum fuisse testatur. Consuetae tamen lectioni concinit Josephus, Σενναίων habens, alique veterum, qui nomen non interpretantur, sed iisdem literis exprimunt. Si teneri posset scriptio sine Jod, forte eo pertineret, ut סניִים Chananaeos a סניִים Aegyptiis,

(*) T. II. p. 237. 238. XI. p. 110. XII. 109. XIII. 210.

gyptiis, de quibus infra dicetur, ipsa etiam scriptio-
 minis distinguere detur. Sed hoc utcumque sit: primo de
 Sinaeis Chanaanis posteris agemus, deinde et ad urbem
 aut populum Aegypti cognominem pergemus, quod utros-
 que Bochartus confudit, nec potest recte sive horum sive
 illorum ratio reddi, nisi quaestione conjuncta.

De Sinaeis Chananaeis verissimam jam dudum dixisse
 sententiam videtur Hieronymus in Quaestionibus in Gene-
 sin ad hunc locum: *a quo (Libano) haud procul alia civitas
 fuit, nomine SINI, quae postea vario eventu subversa bello-
 rum nomen tantummodo loco pristinum reservavit.* Ergo id
 quidem negari nequit, Hieronymi adhuc tempore nomen
Sin in ruderibus antiquae urbis, aut adeo vicinis campis
 haesisse: unde nec debebant Sinaei a Josepho ad hos refer-
 ri, quorum nomen in solis servatum est sacris literis,
 quamquam illi venia danda, geographiae Syriae non fatis
 perito, Sinaeosque in Palaestina quaerenti), et vix igno-
 scendum Bocharto, quique eum sequuti sunt, quod ety-
 mologiarum captatores, earumque lusus factis historicis
 praeferentes, verum ab Hieronymo pridem dictum aut
 neglexerunt aut repudiarunt; a quo etymologico morbo
 immunis si fuisset vir magnus, multis erroribus in geo-
 graphiam investis, tanti nominis auctoritate commendatis
 et propalatis, careremus.

Multo sapientior Marshamus, ejusque assecla, Cleri-
 cus, Hieronymo viam monstrante de *Sinna* Strabonis in
 Libano cogitarunt. Integra Strabonis verba ex libro XVI.
 p. 788. (al. 1096.) exscribam: *Τὰ μὲν ὀρεινὰ (Λιβάνου) ἔχουσι
 πάντα Ἰτουραῖοι τε καὶ Ἀραβες, κακοῦργοι πάντες· οἱ δὲ ἐν τοῖς
 πεδίοις γεωργοὶ, κακουμένοι δὲ ὑπὲρ ἐκείνων ἄλλοτε ἄλλης βοηθείας
 δεόνται. Ὀρητηγίοις δὲ ἐρυμνοῖς χρωῶνται, καθάπερ οἱ τὸν Λίβανον
 ἔχον-*

ἔχοντες, ἀνω μὲν ἐν τῷ ὄρει Σινναῶν καὶ Βόρραμα καὶ ἄλλα τινὰ τοιαῦτα ἔχουσι τείχη, κάτω δὲ Βόστρα καὶ Γίγατον, καὶ τὰ ἐπὶ τῆς θαλάσσης σπηλαία, καὶ τὸ ἐπὶ τοῦ Θεοῦ προσώπῳ Φρούριον ἐπιτεθὲν, ἃ κατέσπασε Πομπήιος i. e. *Montanam regionem (Libanum) Ituræi et Arabes habent, latrones universi: qui vero valles habitant, agros colunt, atque ab illis vexati saepe alieno indigent auxilio. Castellis munitis utuntur, ut illi, qui Libanum habitant: superne quidem in monte SINNAM et Borrama et alia habent munimenta, infra autem Bosstra, Gigtum, specusque ad mare, et castellum promontorio Dei Facies impositum; quae omnia destruxit Pompejus. Ergo Hieronymi tempore haec Sinna vel Senna jam diu destructa jacebat, seu, ut ipse ait, vario eventu subversa erat bellorum. In ipso monte sitam dicit Strabo, haud procul a Libano Hieronymus: hic aut alteruter errare potuerit, aut, quod potius reor, uterque verum dicere, urbe ad radices Libani, castello in ipso monte sito. Nec tamen plane, ut videri possit, interiit, sed generosissimus Breidenbachius vicum adhuc ejus nominis seculo XV in itinere vidit. Sic ille p. 47. von dem Floss Archas nicht eyn halb Myl ist eyn Flek, Syn genannt. (Non integro dimidio milliari a fluvio Arca pagus nomine Syn) — — — Daselber ist eyn gross weyd Ebene, fruchtbar und lustlich, gegen dem Schloß Crach, das etwan der Johanniter was, und ist dieselb Ebene wol VI Myl lang, und VI Myl breyt. Sie strecken sich bis zu der Stadt Antarandum, die ytz Tortosa heisst. (Magna ibi planities, fertilis et amoena, versus castellum Crach, quod olim Johannitici Ordinis fuit. Haec planities VI milliarium longitudine, totidemque latitudine, Antaradum usque, cui nunc Tortosae nomen est, exporrigitur.) Pergit deinde in fertilitate, et amoenitate regionis, multis rivis rigatae, describenda, sed haec nihil ad nos. Castellum*

Crach, (quod ipsum nomen proprium castellum significat) castellum Sin esse videtur, in monte situm, olim Pompeji tempore accolarum receptaculum, a Pompejo vastatum; urbs in valle.

Rivum quoque aliquem eodem nomine, sed multo magis versus septentrionem remotum, haud procul Gibla vidit Pocokius, T. II. p. 199. (vers. german. p. 289.) nec obstrepo, quin ad eosdem Sinaeos pertinuerit, qui certe non uno in puncto terrae habitarunt.

Aliqui ex interpretibus medii aevi, re concordēs et verum videntes, cum nomen Sinae obscurum et ignobile esset, aliud vicinae urbis substituerunt, Tripolis hi, illi Orthosiae, non quidem exacte vere, sed ut nomina ex geographia recentiore nota pro antiquis oblivione deletis ponimus. Arabs Polyglottorum cum hic, tum i Paral. I, Tripolitanos (الطرابلسيين) habet, errans sine dubio, si urbem ipsam, multo recentiorem, a Mose nominari credidit, sed venia dignus, si regionem maluit a Tripoli, urbe sui temporis nobili, quam a Senna, lectoribus tantum non omnibus ignota, describere: Chaldaeus chronicorum interpres ארתוסאי, uniusque literae mutatione Pseudojonathan, אנתוסאי habet, male forte uterque descriptus, et de Orthosia (ארתוסיא) loquens, exiguo intervallo a septentrione Arcae sita.

Proximus hic vero, inque eo solo errans, quod de Arethusia cogitat, Beckius, in notis ad Thargum chronicorum, dignus, cujus verba describamus, nobis quoque prima ad Orthosiam investigandam indicia. *Rabbini antiqui in Glossa Magna hic interpretantur*, ארתוסיה, hoc est, Arethu-

Arethusa, quae Syriae urbs fuit. — — Hinc ארתוסא re-scribendum foret, sunt enim literae Hebraeorum נ et ר facile permutabiles. Mirum, quod de ipsa Orthosia non cogitabat, cujus nomen ex Rabbinis, omnibus quibus scribi debet literis exprefferat.

Haec vera, et antiquis interpretibus perspecta, obsoleverunt pene unius culpa Bocharti, qui quam leviter et festinanter de his omnibus retulerit, solis suis etymologiis serviens, ac prope dissimulans, quae alii geographice vera dixerant, non sine indignatione videbunt lectores, magni viri, sed etymologiis nimis dediti, Phaleg. l. IV. c. 36. p. 506. evolventes.

Hic quidem nostros Sinaeos, Phoenices ortu, cum Sinaeis Aegypti eosdem putans, a Jesaia (*) et Ezechiele (**) commemoratis, (eodem quidem ille jure, quo geographiam Bocharti more tractans, *Halam* Magdeburgicam et *Halam* Svevorum, aut *Vienne* Austriae et *Vienne* Galliae, pro una eademque urbe habeat) hosque ex solo etymo, nullo certo teste antiquo, pro Pelusiotis habens, commentus est, Sinaeos nostros Pelusii, urbis Aegypti, incolae esse. Verba ipsa adscribo, ne injuriam tanto viro facere videar: ego *Sinaeorum nomine Pelusiotas intelligo, quorum urbs cur Sin a Syris dicatur, et Πηλούσιον a Graecis, jam diximus, ubi de Pathrusaeis. De his Sinaeis agitur Jes. 49, 13. Fac, id verissime dici de Sinaeis Aegypti, quo jure ad Sinaeos Chanaanis posteros transferetur? maxime, cum Senna Phoenicum proxime ab Arca demonstrari certo possit? Fac, Pelusium aliquando ad Palaestinam pertinuisse, (quamquam id certis argumentis demonstrari nequit, sed*

Raphia

(*) Jes. XLIX, 12.

(**) Ezech. XXX, 15. 16.

Raphia Aegypti et Palaestinae terminus habetur; ipsa adeo Aegyptia, ut ne nomen quidem in sacris literis legatur) incolae tamen urbis Phoenices non fuerunt: atque si iusto liberalior des, fuisse, hic tamen in vicinia Libani versatur Moses, a qua non statim in Aegyptum, Arca Pelusium, transilire putandus est, sed potius a vicina Arca ad vicinam in Libano Sennam pergere.

Haec suffecerint non nimis credulo, ut eum a recepta opinione dimoveant; sed quia nimis inolevit error a Bocharto tralatitius, hoc unum, quod alias in re manifesta superfluum videri posset, addo. Est in Arabia desertum סין (*Sin*) Exod. XVI, 1. XVII, 1. Num. XXXIII, 11. 12. est mons סיני (*Sinai*): hoc desertum, hunc montem, cum Sinaeis Chanaane oriundis non attribueret Bochartus, licet sonus nominum conveniret, quid erat, cur Sin Aegypti patriam Sinaeorum Chananaeorum faceret?

Sed confusio diversissimarum urbium, et error, inde a Bocharto omnes propè tenens, quod post illum paucis geographiae peritis ad sacrum codicem accedentibus plerique implicitam fidem uni magno viro debebant et offerebant, admonet me, hic et de Sin Aegypti agere, quaestione divisa, ac dispicere, sitne Sin Aegypti Pelusium?

* * *

De סין et סיני Aegypti Jes. XLIX, 12. Ezech.

XXX, 15. 16. Syene.

Aliqua Sinaeorum regio, valde, ut videtur, a Palaestina remota, ex qua proselyti expectandi, a Jesaia commemoratur, c. XLIX, 12. *ecce hi e longinquo venient, ecce illi a septentrione et occidente, et isti e terra Sinim.* Consentunt

tiunt fere omnes, advenas secundum quatuor plagas mundi dispesce, occupatoque Septentrione et Occidente terrae Sinaeorum non nisi Orientem et Austrum relinqui, quas inter plagas interpretes ambigunt, his Austrum, illis Orientem, ultimamque adeo Asiae Sinam optantibus. De Sina Chananaea, quae et borealis est et Palaestinae proxima, omnis abdicanda cogitatio.

Sin, urbs sine dubio Aegypti, ab Ezechiele c. XXX, 15. 16. bis memoratur, his, si lectionem consuetam sequamur, verbis: *effundam iram meam super SIN, fortalitium Aegypti, et exscindam multitudinem Diospolis*, (Thebarum Aegyptiarum): *dabo ignem in Aegypto, qui per omnes ejus regiones, ad SIN usque, transibit, et Diospolis expugnabitur*. Hunc locum si Jesaiae compares, facilis erit inter Orientem et Austrum optio, Australemque seu Aegyptiam esse vix negaveris terram Sinaeorum.

Haec sola qui legerit, non poterit non repudiare commenta recentiorum, qui nominis Chinae seu Sinae ex geographia memores, statim illud arripuerunt, locoque Jesaiae aptarunt, conversionem Sinensium ad christianam fidem ex oraculo sperantes. Quamquam ne nomen quidem Chinae his literis scribunt Orientales, sed صين, سین, چین, et omisso per errorem puncto diacritico, حین (qui error eo pertinuit, ut nos quoque, in geographia extremae Asiae Arabum olim discipuli, *Chinam* pro *Dzina* dicamus) estque veri dissimillimum, Chinae vel nomen Jesaiae jam tempore Hebraeis notum fuisse. Qui primi eam terra adierunt, Syri, non Sinam, sed Carajam (ܟܪܝܝܢ) initio vo-

E

casse

casse videntur (*), licet deinde et Sinae (سین) nomen receperint.

Quae de Australi plaga praeferenda diximus, obstant et Persiae, de qua in Jesaia LXX, eorumque sequax Arabs, cogitarunt, non abnuente Hieronymo. *Si autem, inquit, Sinim, ut LXX transtulerunt, Persas intelligimus, qui ad Orientem siti sunt, illud, quod supra dicitur, ecce isti de longo venient, ad Austrum referre poterimus.* Fac etiam, in Oriente Sinaeos quaerendos esse, Persae certe non erunt, qui nunquam hoc vel simili nomine appellati sunt. Mirum, graecum Jesaiae interpretem hic errare potuisse, nec idem vidisse, quod interpretes Ezechielis: est enim plerumque, indoctus licet aliarum rerum, geographiae tamen Aegyptiae, sibi quae patriae, doctior.

Terram Australem (ארע דרומא) late interpretatus est Chaldaeus in Jesaia: nihil erroris admittens, sed parum definiens. Sic et Vulgata, *et isti de terra Australi*, cujus versionis rationem Hieronymus in commentario hanc reddit: *quatuor plagas orbis ostendit, Orientem et Septentrionem, Occidentem et Meridiem. Pro Oriente, longe, posuit, pro Australi plaga in Hebraeo legitur SENIM, quod LXX, Persarum, interpretati sunt. Caeteri ita, ut in Hebraeo legitur, expresserunt SENIM, quod nos interpretati sumus, ab Australi: illud suspicantes, quod mons Sinai ab Australi parte positus sit, juxta Abacuc prophetam: Deus ab Austro veniet, et Sanctus de monte Pharan, umbroso et condenso.* Hanc interpretationem vix quisquam comprobaverit, nec crediderit, ex deserto Sinai, nimis etiam propinquo, advenas promittere Jesaïam. Miror, Hieronymo Sinae Ezechielis in mentem non venisse.

At

(*) Vide Tom. I. p. 113.

At idem Hieronymus, tam dubius ac fluctuans, dum Ezechielem interpretatur facem Bocharto praetulit ad errorem inveniendum, quem plerique post Bochartum suum fecerunt. Habebat ibi Vulgata versu 15 SAIN ex LXX sumtam: hanc, ne quaerens quidem sitne aliqua Aegypti Sais, ex conjectura Pelusium interpretatur. Sic ille: *super Sain, quam nos in Pelusium vertimus, et robur adpellatur Aegypti, eo quod portum habeat tutissimum, et negotiationes maris ibi vel maxime exerceantur. Unde et poetae Pelusiacam adpellant lentem, non, quod ibi genus hoc leguminis gignatur vel maxime, sed quod ex Thebaide et omni Aegypto per rivum Nili illuc plurimum deferatur.* Haec a viro docto et magno, sed nimis festinante, effusa potius quam scripta putem: solebat enim suos commentarios dictare. Ipsa ea, quae de Pelusii portu tutissimo habet, geographiae non sunt consentanea, nisi forte portum, qui sine periculo navigantium adiri nequit, tutissimum dicas.

Hunc auctorem sententiae citans Bochartus, l. IV. c. 27. p. 265. Sin Pelusium esse statuit, aliisque persuasit. Addit etymon, veri (fateor) simillimum, Pelusium a luto (*ἀπὸ τοῦ πηλοῦ*) nomen accepisse, quod lutosum esset et paludosum solum; *ܠܘܬ* Chaldaeis lutum esse, adeoque nomen graecum Chaldaice redditum, ut Arabes simili interpretatione urbem *طينة* (*Tine*) vocent. Sed quae arx causae est, Sin Ezechieli dicitur fortalitium Aegypti, id quod Pelusio, fortalitio contra Syriam ac claustris totius Aegypti eximie aptum esse non dissimulo. Addit, a Jesaia, reliquis mundi plagis occupatis, solum Sinaeis Austrum relinqui, Vulgatumque, ut diximus, et Jonathanem, *terram Austri* vertere.

Haec jam singillatim pertractemus, videamusque, quid in quoque argumento sit roboris.

- 1) In Hieronymi sententia nihil refidet auctoritatis: ipse enim sibi contradicit, ac fluctuat, nec certo nominis indicio interpretatus est, nec audierat Pelusium sive a Palaestinenfibus sive ab Aegyptiis *Sin* vocari, sed sola nititur conjectura: nec *Sin*, sed *Sain* ex LXX arreptam, hanc quidem manifesto errore, Pelusium facit.
- 2) Etymon verisimillimum dixi, et pauca certe aequae verisimilia ac facilia Bochartus tentavit. Sunt tamen in geographia et historia valde lubrica argumenta etymologica: omnisque adeo, non vis modo argumenti, sed et veri species perit, si SIN nomen Aegyptium urbis sit, quo ab indigenis vocabatur (*), id enim ex lingua Chaldaica derivari non poterit.
- 3) Munimentum insigne Pelusium fateor, sed plura habuit Aegyptus munimenta atque adeo claustra, ex quibus unum, Syene, nomine etiam cum *Sin* concinit.

4) Ab

(*) Miratus erat doctissimus et amicissimus Forsterus, p. 33. literarum ad me datarum, (quas ut partem libri meo adjungi Spicilegio velim) quid esset, cur consensum plurium linguarum in Pelusio a luto denominando adsperneret: dumque mihi persuadere voluit Bochartianam sententiam, novam adeo dubitandi causam attulit. Aegyptium Pelusii nomen, ipsum quoque a luto ductum, invenisse sibi videtur apud Hieronymum, T. IV. editionis Benedictinae p. 84. *quinto die venit Pelusi-*

um, visitatisque fratribus, qui in vicina eremo erant, et in loco, qui dicitur Lychnos, morabantur. Hoc ergo nomen refert ad Copticum *Loichinoueh*, Luti habitatio, favetque derivationi lectio varia, a Benedictinis margini adscripta, *Lichognos*. Hoc vero sinomen est, non monasterii, sed Pelusii, certum jam habemus, Pelusii nomen Aegyptium non fuisse SIN: solent autem urbes Aegyptiae plerumque suis nominibus in sacris literis vocari, raro illa Hebraice verti.

- 4) Ab Austro Palaestinae quaerendos Sinaeos fateor, sed non ideo statim סִין Pelusium. Pene dixerim, hanc ipsam ob causam Pelusium esse non posse: est enim Pelusium non ab Austro, sed ab Occidente Palaestinae, et propria maxime vocabuli significatione יָם *a mari*.
- 5) Nil de Pelusio habet Jonathan, Vulgatae autem illud, *terra Austri*, ne potest quidem de Pelusio accipi, cum ipse Hieronymus in commentario moneat, se terram Austri interpretantem montem Sinai ejusque vicina intelligere.

Sic satis concidit geographia sine teste, praeter conjecturam et etymologiam nihil habens. Sed sunt etiam, quae contra Pelusium faciunt. Omitto, quod jam dixi, urbem esse Judaeae occidentalem. Gravius, quod est proxima et vicina: Jesaiam enim legens, quis non videt, in eo esse prophetam, ut ex remotissimis terris novos Sioni advenas ac cives promittat? Langueret sane, pro Aegypto positum nomen urbis Palaestinae proximae, ubi longinqua exspectas. Quin Clasmonaeos, Pathrusaeos, aliosque intimae Aegypti populos nominat? aut, si juvat remotissima ponere, ultimam Aegypti Syenen?

Accedit, quod alio nomine Pelusium Hebraeis vocari videtur, Aegyptio? an Hebraeo? in incertis habeo, sed auctorem adfero, Aegyptiae geographiae satis peritum et antiquum, Josephum. Is quidem שֹׁר (*Schur*) Pelusium interpretatur: pro Hebraicis enim, מַחֲיִלָּה בְּיַם שֹׁר, 1 Sam. XV, 7. graece habet, τοὺς ἀπὸ Πηλουσίου τῆς Αἰγύπτου, ἕως τῆς ἐρυθρᾶς θαλάσσης, *a Pelusio Aegypti usque ad rubrum mare*. Ant. VI, 7, 3. Evolve, quaecunque loca fa-

cri codicis lubuerit, in quibus *Schur* legitur, non displicebit Pelusium. Genes. XVI, 7. Hagaram, Aegyptiam, dum dominam fugit, in via, quae Schuram ducit, invenies: patriam ergo repetit. Celebre in sacris literis desertum Schur ante Aegyptum, jam erit non minus celebre eodem in loco desertum *Gefar*, vel *Gofar*, de quo plura in notis ad Abulfedam (*): hic unum repeto, Arabicum Pentateuchi interpretem in Polyglottis expressum, ipsissimum Arabicum nomen *جفار* ponere, ubi Hebraice legitur, מדר, שור, Genes. XX, 1. XXV, 18. Etymologiis si ludere in seria geographia placeat, שור *murus* erit, i. e. claustra Aegypti, nomen Pelusio dignissimum. Sed quis praestet, nomen urbis Aegyptiae esse Hebraicum? Quod si est, verum etymon arbitror.

Sed ad סין redeo. Vix aliquid certi ac veri de urbe Aegyptia sperare ausim, nisi ex LXX, Aegyptiarum rerum et geographiae plerumque peritioribus. Hi vero סין Ezech. XXX, 15. 16. dupliciter verterunt, incertum, utrum aliis literis in versu 15 quam in 16 scriptum nomen invenientes, an quod putarent, non decere prophetam, bis de eadem urbe loqui. In iisdem versibus et מן bis scriptum dupliciter interpretantur, in v. 16. Διόσπολιν, in 15 Memphin, ac si מן scriptum esset.

Primum ergo in versu decimo quinto habent, ἐπὶ Σαῖν τὴν ἰσχύον Αἰγύπτου (*super Sain, robur Aegypti*) quod nomen, صاين scriptum, habet ex illis Arabs, habebatque Vulgata, antequam ab Hieronymo mutaretur. Contra codex Alexandrinus exhibet hic Τάνιν (**): suspicante Cellario (***), Tanin

(*) not. 141. 148.

(**) Aliquid hujus lectionis, Ja-


cobi forte Edeffeni manu, in Syriacam versionem irrepsit; textus enim Syriacus


Tanin etiam Sain dictam fuisse, quod idem Nili ostium, Strabone teste, jam Taniticum sit, jam Saiticum, Josephusque nomum Saiten ab Oriente ponat fluvii Bubastici. Mihi quidem, utcumque de hac quaestione statuatur, Tanis a manu esse videtur librarii, aut aberrantis, aut corrigentis: Ezechiel certe de Tani non loquitur, quam consueti nomine יִד dicturus fuisset. Sola ergo nobis aut SAIS aut SAIN relinquitur.

Sais, urbs Aegypti in Delta occidentali, vix esse potest יִד Ezechielis, N finale non habens nisi in adiectivo graeco, ac male profecto rem egerunt LXX, N casus cum N radicali confundentes, nisi forte de urbe nobis ignota in nominandi casu Σαῖν cogitarunt. Sais paroxytonon est, Σαῖς, non ut Σαῖν oxytonon: sed quae urbs Σαῖν sit, ignoro.

In versu 16 Syenen ponunt, καὶ ταραχὴν ταραχθήσεται Σουήνη. Est ultima pene Aegypti versus Austrum urbs, jam *Assavan* (اسوان) dicta, descripta ab Abulfeda sub numero 51, ubi nostra vide notata. Et auctoritatem interpretis in re Aegyptia magni facio, et video, Jesaiae et Ezechielis locis Syenen esse aptissimam. Fortalitium Aegypti recte dici possit, atque adeo claustra: ita enim sita ad Nilum, ubi duorum montium juga pene concurrunt, ut has per fauces hosti ab Austro venienti transeundum sit, paulo infra catarractas, ut huc deportari terra ea necesse sit, quae Nilo devehi velis, natura etiam munitissima, praeruptis faxis impositorum moenium rudera adhuc ostentans.

Vide

cus in Ephraemi commentario T. II. Operum Ephraemi p. 190 habet, , in ip.

sis tamen commentariis Ephraemi re-
ctius  expressum.

(*) Geogr. Ant. T. III. p. 25.

Vide delineationem Nordenianam in tabula CXXX, nec dubitabis, quin florente Aegypto ejus firmissimum praesidium contra Aethiopes fuerit. E regione insula in Nilo, Elephantine, nunc El-Sag dicta, pars quodammodo urbis. In hac vero insula olim non tam praesidium Aegyptiorum, quam exercitus stationem habuit Psammeticho rege. Hic enim cum ducenta et quadraginta millia militum, Asmuch dictorum, aleret, in hunc modum dispositos habuit, teste Herodoto, libr. II, c. 30. *Ἐπὶ ψαμμετίχου βασιλέως φυλακαὶ κατέστησαν, ἐν τῇ Ἐλεφαντίνῃ πόλει πρὸς Αἰθίοπων, καὶ ἐν Δάφνησι τῇσι Πελουσίησι, ἄλλη δὲ πρὸς Ἀραβίων καὶ Σύρων, καὶ ἐν Μαρῇ πρὸς Λιβύης ἄλλη* *Psammeticho regnante, praesidia constituta erant, in urbe Elephantine (*) contra Aethiops, Daphnis Pelusis alia contra Arabes et Syros, aliaque Mareae adversus Africam.* Addit, hoc Persas suo adhuc tempore imitari: *ἔτι δὲ ἐπ' ἐμοῦ καὶ Περσῶν κατὰ ταῦτα αἱ φυλακαὶ ἔχουσι, ὥς καὶ ἐπὶ ψαμμετίχου ἦσαν, καὶ γὰρ ἐν Ἐλεφαντίνῃ Πέρσαι φρουρέουσι καὶ ἐν Δαφνήσι: i. e. meo adhuc tempore subque Persis eadem praesidiorum dispositio, atque sub Psammeticho, tenent enim illis Persae Elephantinen et Daphnas.* Romanorum quoque tempore castra ad Syenen fuisse, auctor est Plinius, l. V. §. XI. p. 256. 257. in quibus tres cohortes (i. e. duo aut tria peditum millia et 360 equites) degebant, teste Strabone l. XVII. p. 1148. al. 797. Quin Hieronymi adhuc aetate *castrum* ibi Romanum fuit, ut discetur ex ejus commentario ad Ezech. XXIX, 10.

Remo-

(*) Insulae Elephantinae situm optime discas ex tabula Nordeniana CXXXIV, ipsisque oculis judicabis, non in sola insula exercitum Aegyptio-

rum includi potuisse, sed et Syenem ac vicinam planitiem inter montes tenuisse.

Remotam a Palaeſtina urbem Jeſaiam designare videri, supra monuimus: Syene ultima verſus Austrum Aegypti, ac prope terrae cognitae. Jam et recte Ezechiel dixerit verſu decimo ſexto: *ignem accendam in Aegypto, et circumibit Syenen usque*: qua in verſione ſi cui novum videatur, *circumibit* pro חול תחול poſitum, ſciat, חול Arabibus idem eſſe, quod סין, in orbem ire. Vide chreſtomathiam noſtram Arabicam p. 45. not. 1. et confer Hof. XI, 6. חלה חרב בעריו in orbem ibit gladius per urbes ejus.

Unus me ſcrupulus uſſit, qui et Summe Venerando Doederleino, de Syene ſuſpicari aliquid auſo, moleſtus fuit. *Equidem*, inquit, in notis ad Jeſ. XLIX, 12. *Syenen dicerem, celebratiſſimum apud antiquos regnum, in extremis Aegypti finibus ſitum: ſed סונה ſcribitur*. Nempe Ezech. XXIX, 10. XXX, 6. סונה legitur, idque nomen LXX, Arabs et Vulgata, recte, ut opinor, Syenen interpretantur. Pars magna dubii perit, modo puncta סונה abdicet, bonam ſententiam, geographiaeque aptam, non fundentia: quis enim, quaero, cum Syene ultima ſit Aegypti verſus Aethiopiam, ibique fines utriusque regionis ab antiquis ſtatuantur, dixerit, *Aegyptum vaſtatum iri Syene inde, usque ad terminos Aethiopiae*. Ita fere dictum, atque, *tota Germania, Clivia inde, usque ad fines Belgii foederati*. Ergo potius cum He paragogico locali סונה adpellemus: *vaſtabo terram Aegypti, a Magdolo* (ad finem Arabicum ſita) *Syenen usque terminosque Aethiopiae*, i. e. totam Aegyptum, quam longa eſt. Ita et praeiverunt LXX ἀπὸ Μαγδαλοῦ ἕως Σουήνης. Alteram partem objectionis haud quidem ita diluere poſſum, ut nihil ejus ſuperſit: cum tamen LXX סין Ezech. XXIX, 10. XXX, 6. et סין XXX, 16. Syenen verterint, alterutrum conſequi videtur; ſive, ut

F

ipſis

ipsis arbitris nomen utroque modo scribi potuerit; aliarum urbium Aegyptiarum exemplo, (in exoticis enim orthographia fluctuare solet, ac si literis סין puncta substernas, סין, Syenem apte satis expriment): sive, ut aliter legerint, librariis Vau et Jod permutantibus, quod si in Ezechiele factum, accidere etiam in Jesaia potuit.

Aliud tentavit Summe Venerandus Doederleinus in notis ad Jesaïam latine versum: *forſan*, inquit, סין *confinis Syenae Latopolis est, quam hodie Esnay (אסנה) dicunt, apud Nordenium Voyage Tom. II. Tab. CXV. et antiqui nominis vestigia haud obscure servaret.* Esnen in Abulfedae

Aegypto invenies sub numero 52, ^{أسنا} (אסנה) literis Arabicis scriptam, quae magis etiam a סין diversae, quam סין, ut argumentum Doederleini contra Syenen hanc conjecturam fortius etiam premat. Nec est nisi conjectura, nulla enim veterum auctoritas adfertur, qua in quaestionibus geographicis aegre careo. Nec quo jure *fortalitium Aegypti*, et vero ita ^{κατ' ἐξοχῆς} ^{κατ' ἐξοχῆς}, dici potuerit, urbs non limitanea, (viginti enim et quatuor milliaribus Gallicis supra Assevanam eam habet Nordenius) et quam non memini a munitione laudari, video.

* * *

GENES. X, 18.

ותת הארורי et *Aradios*.


Nomen urbis ארור scriptum recurrit Ezech. XXVII, 8. II.

In explicatione nominis errori vix ullus locus, nec dubitari potest, quin sit Aradus, qua de urbe Bochartus l. IV. c. 36.

c. 36. egit. Infula est, septem stadiorum ambitu, aedificiis angusta, olimque celeberrima, cui e regione in continenti Antaradus. Praeiverunt jam veteres, LXX. Ἀραδίους ubique habent: Josephus, Ἀραδαῖος Ἀραδὸν τὴν νῆσον ἔσχευ, Thargum Hierosolymitanum אַנְטַרִידָנַי, pro insula objectam illi in litore Antaradum ponens.

Aradum ipsam, insulam, delineatam invenies in Tabula XXX. Tomi II. itinerarii Pocokiani. Antaradum describit, brevior hic quam vellem, Abulfeda p. 17. Syriae. Recurrit ejus mentio i Maccab. XV, 23. inter loca, quae legati Judaeorum adierunt, ubi Syrus terminatione Graeca adjecta, et Vau ante Dolath servato, 𐤀𐤓𐤀𐤔𐤁𐤀𐤔 scripsit: alias Syris his ipsis literis, quas textus masorethicus habet, est 𐤀𐤓𐤀𐤔, ut in Assemani bibliotheca Orientali T. III. P. II. p. 14. ubi Barhebraeus in commentario in Matthaeum de Thaddaeo scribit, 𐤀𐤓𐤀𐤔 𐤀𐤓𐤀𐤔 𐤀𐤓𐤀𐤔 𐤀𐤓𐤀𐤔 lapidibus obruerunt illum Aradi, ibique sepultus est.

Numisma, quod *Dutens* delineari curavit, sed male interpretatus est, ad Aradum urbem sine dubio pertinet, de quo vide bibliothecam nostram Orientalem T. VIII. p. 13-15. Legitur in illo literis Phoeniciis מֶלֶךְ לְאַרַר rex *Aradi*, eadem constructione, quam 2 Reg. XIX, 13. alibi-que observabis. En hic delineationem nummi,



in quomirum est, quomodo adhaeserit doctissimis alioqui *Dutens*, primo inverso ordine legens לארר מלך, deinde *Arad* pro nomine proprio regis habens, invitaque grammatica conferens nomen urbis ערר per Ain scriptum, quae *Jos. XII, 14.* commemoratur, cujusque conditorem eum fuisse putat, qui hunc nummum cudi fecit. Antiquioremne ergo nummum facit Josuae temporibus, a quo devictam urbem rex Aradus condiderit, adeoque diu ante Josuam vixerit? Quanto rem egisset expeditius, si ארר de urbe celebri Arado, cujus nomen per Aleph scribitur, intellexisset? *Rex Aradi*, sitne rex proprie dictus, an Deus Aradiorum, (nam et Dii urbium reges dicuntur, coll. *Jes. XXXVII, 13.* cum *XXXVI, 19.*) hic non expedit; prius tamen mihi verisimilius, Alexandri enim adhuc tempore Aradios regem suum, Persarum clientelarem habuisse constat, ex *Arriano de expedit. Alexandri l. II. p. 94. c. 20.* (Γηρόστρατος ὁ Ἀράδου βασιλεύς) Est certe jucundum, urbis antiquae, cujus jam Moses mentionem facit, non modo solum et reliquias, sed et nummum patriis Phoenicum literis impressum, ostendere: sed hoc nummo jam ad alia opus habebimus.

De descriptione enim et adpellatione nominis dicendum, quae aliquid conferet, ad tralatitium errorem ex geographia antiqua eliminandum. In bibliis Hebraicis semper cum Vau scribitur ארר, quod Vau etiam, ut paulo ante monuimus, Syri habent. Masorethae puncta adjecerunt, אררדי, ut nomen urbis sit cum Vau mobili, *Arvad*. Miror, cur non אררד et אררדי cum Vau quiescente praetulerint, ut aliud nomen proprium, iisdem literis scriptum, *Numer. XXVI, 17.* efferri voluerunt. *Josephus* certe, *Arudi* Hebraicas literas adpellabat, Ἀρουδαίων vocans urbis condi-

conditorem: sic et Syrus ܐܪܕܐ, et Arabs Polyglottus ܐܪܕܐ scriptit, itemque 1 Macc. XV, 23. ܐܪܕܐ. Juvat hanc adpellationem, primo graecum nomen, *Aradus*, quod optime scribi ܐܪܕܐ, *Arod*, possit, meminerimus enim ubi una dialectus Syrorum et Arabum A longum habet, alteram O usurpare: deinde nummus, quem exprimi curavi, Vau enim quiescens omittere licet, solentque in nummis omittere Phoenices, neutiquam mobile. Hi, qui puncta adjecerunt, sequiorem sui temporis adpellationem sequuti videntur, jam enim in nomine urbis V consonum aut vocale ante A auditur: *Ruad* illud scripsit Pocokius T. II. p. 201. (vers. germ. 292) Shawius p. 267. *Rouwadde*.

Hinc autem intelligitur, quantopere errent, qui (*Arfad*) ܐܪܦܐ 2 Reg. XVIII, 34. XIX, 13. Jes. X, 9. XXXVI, 19. Jerem. XLIX, 23. pro ܐܪܕܐ habent, Vau, ut volunt, in Pe mutato. Est id jam sua sponte audax, atque vix unum certum exemplum permutationis ו et פ ex toto adferri Hebraismo poterit: at Vau quiescens, Vau quod omitti salva voce potest, quia sonum vocalem habet, cum Pe permutari, plane insolens. Accedit, quod nemo veterum ܐܪܦܐ *Aradum* vertit, aut iisdem literis, quibus ܐܪܕܐ, scripsit: Syrus vero, cui nomen urbis et regni Syriaci non plane ignotum fuisse credideris, ܐܪܦܐ (*Refod*) habet, non descriptis literis Hebraicis, sed illis positis, quibus urbs in Syria noscebatur. De hac ergo *Arpada* vel *Arfada*, regia olim sede, alius erit agendi locus: hic sufficiat criticae et nummi auxilio geographiam errore satis recepto liberare.

Thargum Jonathanis ܐܪܦܐ, et Thargum chronico-
rum ܐܪܦܐ habet, de Laodicea Beckio intelligente. Mi-

hi vero multo videtur expeditius, לַדְּוֹשׁ, *latrones* (*) interpretari. Sic quidem Jonathan de vera Arado ejusque vicinia cogitaverit: juxta Antaradum enim, seu, ut nunc vocatur, Tortosam, incipiebat tractus *Assassinorum*, quorum princeps, *Schaich-el-Gibal*, medio aevo celeberrimus fuit, a Saladino devictus. Vide Büschingii *Asiam*, sub *Ruad*, p. 285. Alterum לַדְּוֹשׁ, lapsum librarii puto: vera autem scriptio si sit, optime eam explicuit *Beckius* ad Thargum I Chron. I, 16. *Hesychius in lexico suo explicat vocem λῆτος, vel, ut Gesnerus legendum esse arbitratur, λίτος, littus, per, λιμὴν ἢ θάλασσα: לַדְּוֹשׁ igitur λιτοσαῖοι maritimi erunt, cujusmodi sane Antaradii fuerunt.* Sed haec deinde abdicat, Laodiceam non bene substituens.

* * *

Est hic forte locus, debitum exsolvendi, pagina 110 tomi superioris contractum, dicendique de Aradiis Tyriisque in sinu Persico, qui se progenitores Aradiorum et Tyriorum mentiebantur. Conferant vero et lectores, ad quem non nisi spicilegium scribo, Bochartum libr. I. Canaanis, cap. XIV. de Phoenicibus in sinu Persico agentem.

De hoc ergo sinu Strabo, l. XVI. p. 1110. III. (al. 766) πλεύσαντι, inquit, ἐπὶ πλεον ἄλλα νῆσοι, Τύρος καὶ Ἀραδός εἰσιν· ἱερὰ ἔχοντες τοῖς Φοινικικοῖς ὅμοια καὶ Φασί γε οἱ ἐν αὐταῖς οἰκοῦντες, τὰς ὁμωνύμους τῶν Φοινίκων νήσους καὶ πόλεις ἀποίκους ἐαυτῶν. *Ulterius naviganti aliae occurrunt insulae, Tyrus et Aradus, templa Phoenicis similia habentes: dicunt incolae, cognomines Phoenicum urbes suas esse colonias.* In hoc quidem sine dubio errarunt, fueruntque ipsi potius Phoenicum

(*) Ortum Chaldaicum nomen ex ληστης. Vide Buxtorffii lex. p. 1148. 1149.

cum coloniae, commerciorum caussa ad sinum Persicum inque ejus insulas ductae: nostram enim Aradum, quam Moses jam descripsit, cumque aliis Phoenices urbibus composuit, nemo in sinu Persico quaesierit. Tyrus autem quod in sinu Persico erat, eo pertinet, ut hae coloniae diu post Mosen, circa Davidis forte et Salomonis tempora, aut ferius etiam, illuc deductae sint, cum Tyrus ipsa plus quam trecentis demum, seu ex communi computo 191 post Josuae mortem annis condita sit. Vide Josephi Antiquit. l. VIII. c. 3. §. 1. et notas nostras germanicas, ad Josuae XIX, 29. Pergit Strabo: Διέχουσι δὲ αἱ νῆσοι αὐτὰς, Τερηδόνας μὲν δεχήμερον πλοῦν, τῆς δὲ κατὰ τὸ στόμα ἀκρᾶς τῆς ἐν Μάκαις ἡμερήσιον. Ἀπὸ δὲ τῆς Καρμανίας εἰσῆλθαι, καὶ Νέαρχος καὶ Ὀρθαγύρας, νῆσον Τυρρηνὴν κεῖσθαι περὶ Νότον, πελαγίαν, ἐν δισχιλίῳις σταδίοις, ἐν ἣ τὰφος Ἐρυθρᾶ δεικνύται, χῶμα μέγα, ἀγρίοις φοίνιξι κατὰφυτον; τούτων δὲ βασιλεύσαι τῶν τόπων, καὶ ἀπ' αὐτοῦ τὴν θάλατταν ἐπάνυμον καταλιπεῖν. Δηλώσαι δὲ ταῦτα Φησὶν αὐτοῖς Μιθρωπάστην τὸν Ἀρηνίου τοῦ Φρυγίας σατραπίου, Φεύγοντά μιν Δαρεῖον, διατρέψαντα δὲ ἐν τῇ νήσῳ, συμμιζάντα δὲ καταχδεῖσιν εἰς Περσικὸν κόλπον, καὶ ζητοῦντα κάθοδον δι' αὐτῶν εἰς τὴν οἰκίαν. i. e. *Distant hae insulae a Teredone decem dierum navigatione, a promontorio vero freti Macensis, unius. Nearchus et Orthagyras referunt, insulam Tyrrhinen (forte et haec a Tyro nomen habet) in alto mari duobus stadiorum millibus a Carmania esse, in qua Erythrae sepulcrum ostendatur, ingens tumulus, palmis silvestribus confitus, hunc Erythram illis in locis regnasse, aque eo mare nomen accepisse. Haec se dicunt audisse ex Mithropaste, Arcini satrapae Phrygiae filio, qui Darium fugiens ea in insula commoratus sit, cumque ipsis in Persicum sinum delatis sermones miscuerit, reditum in patriam quaerens. Sinum Arabicum et Persicum hic confundi, manifestum: nec fabulam de rege Erythra, in quem incuriosa chronologiae et veri oralis traditio Edo-*
mum

hi vero multo videtur expeditius, אַרַדִּי, *latrones* (*) interpretari. Sic quidem Jonathan de vera Arado ejusque vicinia cogitaverit: juxta Antaradum enim, seu, ut nunc vocatur, Tortosam, incipiebat tractus *Affassinorum*, quorum princeps, *Schaich-el-Gibal*, medio aevo celeberrimus fuit, a Saladino devictus. Vide Büschingii *Afiam*, sub *Ruad*, p. 285. Alterum אַרַדִּי, lapsus librarii puto: vera autem scriptio si sit, optime eam explicuit *Beckius* ad Thargum 1 Chron. I, 16. *Hesychius* in lexico suo explicit vocem λιτος, vel, ut *Gesnerus* legendum esse arbitratur, λιτος, *littus*, per, λιμὴν ἢ θάλασσα: אַרַדִּי igitur λιτοσαῖοι *maritimi erunt*, cujusmodi sane *Antaradii fuerunt*. Sed haec deinde abdicat, *Laodiceam* non bene substituens.

* * *

Est hic forte locus, debitum exsolvendi, pagina 110 tomi superioris contractum, dicendique de Aradiis Tyriisque in sinu Persico, qui se progenitores Aradiorum et Tyriorum mentiebantur. Conferant vero et lectores, ad quem non nisi spicilegium scribo, *Bochartum* libr. I. *Canaanis*, cap. XIV. de *Phoenicibus* in sinu Persico agentem.

De hoc ergo sinu *Strabo*, I. XVI. p. 1110. III. (al. 766) πλεῦσαντι, inquit, ἐπὶ πλέον ἄλλα νῆσοι, Τύρος καὶ Ἀραδός εἰσιν· ἰερὰ ἔχοντες τοῖς Φοινικικοῖς ὅμοια καὶ Φασί γε οἱ ἐν αὐταῖς οἰκοῦντες, ταῖς ὁμωνύμοις τῶν Φοινίκων νήσους καὶ πόλεις ἀποίκους ἑαυτῶν. *Uterius naviganti aliae occurrunt insulae, Tyrus et Aradus, templa Phoeniciis similia habentes: dicunt incolae, cognomines Phoenicum urbes suas esse colonias.* In hoc quidem sine dubio errarunt, fueruntque ipsi potius Phoenicum

(*) Ortum Chaldaicum nomen ex ληστης. Vide *Buxtorffii* lex. p. 1148. 1149.

cum coloniae, commerciorum caussa ad finum Persicum inque ejus insulas ductae: nostram enim Aradum, quam Moses jam descripsit, cumque aliis Phoenices urbibus composuit, nemo in sinu Persico quaesierit. Tyrus autem quod in sinu Persico erat, eo pertinet, ut hae coloniae diu post Mosen, circa Davidis forte et Salomonis tempora, aut serius etiam, illuc deductae sint, cum Tyrus ipsa plus quam trecentis demum, seu ex communi computo 191 post Josuae mortem annis condita sit. Vide Josephi Antiquit. l. VIII. c. 3. §. 1. et notas nostras germanicas, ad Josuae XIX, 29. Pergit Strabo: Διέχουσι δὲ αἱ νῆσοι αὐταὶ, Τερηδόνος μὲν δεχήμερον πλοῦν, τῆς δὲ κατὰ τὸ στόμα ἀκρας τῆς ἐν Μάκαις ἡμερήσιον. Ἀπὸ δὲ τῆς Καρμανίας εἰσέλκασι, καὶ Νεάρχος καὶ Ὀρθαγύρας, νῆσον Τυρρηνὴν κεῖσθαι περὶ Νότον, πελάγιαν, ἐν δισχιλίοις σταδίοις, ἐν ᾗ τὰ Φος Ἐρυθρᾷ δεικνύται, χῶμα μέγα, ἀγρίοις Φοίνιξι κατὰφυτον; τούτων δὲ βασιλεῦσαι τῶν τόπων, καὶ ἀπ' αὐτοῦ τὴν θάλατταν ἐπώνυμον καταλιπεῖν. Δηλώσας δὲ ταῦτα Φησὶν αὐτοῖς Μιθροπάστην τὸν Ἀρηνίου τοῦ Φρυγίας σατράπην, Φεύγοντά μιν Δαρεῖον, διατρέψαντα δὲ ἐν τῇ νήσῳ, συμμίζαντα δὲ καταχδεῖσιν εἰς Περσικὸν κόλπον, καὶ ζητοῦντα κάθοδον δι' αὐτῶν εἰς τὴν οἰκίαν. i. e. *Distant hae insulae a Teredone decem dierum navigatione, a promontorio vero freti Macensis, unius. Nearchus et Orthagyras referunt, insulam Tyrrhinen (forte et haec a Tyro nomen habet) in alto mari duobus stadiorum millibus a Carmania esse, in qua Erythrae sepulcrum ostendatur, ingens tumulus, palmis silvestribus confitus, hunc Erythram illis in locis regnasse, aque eo mare nomen accepisse. Haec se dicunt audisse ex Mithropaste, Arcini satrapae Phrygiae filio, qui Darium fugiens ea in insula commoratus sit, cumque ipsis in Persicum sinum delatis sermones miscuerit, reditum in patriam quaerens.* Sinum Arabicum et Persicum hic confundi, manifestum: nec fabulam de rege Erythra, in quem incuriosa chronologiae et veri oralis traditio Edo-

mum

mum mutavit, pro vera historia habueris. Idem denique p. 1131. de versu Homérico agens, *veni ad Aethiopes, et Sidonios, et Erembos*, διαποροῦσι περὶ τῶν Σιδονίων μὲν, τινὰς χεὶ λέγειν τῶν ἐν τῷ Περσικῷ κόλπῳ κατοικούντων, ὧν ἀποικοι οἱ παρ' ἡμῶν Σιδόνιοι, καθάπερ καὶ Τυρίους τινὰς ἐκεῖ νησιώτας ἱστοροῦσι, καὶ Ἀραδίους, ὧν ἀποίκους τοὺς παρ' ἡμῶν φασίν, εἰτ' αὐτοὺς τοὺς Σιδονίους. *Ambigunt hic, qui intelligendi Sidonii sint, in Persicone finu habitantes? quorum colonia nostri Sidonii, sicut et Tyrios et Aradios insulanos ibi reperiri narrant, quorum coloniae nostra Tyrus et Aradus sint, ipsosque adeo Sidonios.* Mirum certamen et jaçantia coloniae contra matrem, quam se peperisse filia mentiri audet: sed meminimus, Phoenices a rubro mari venisse (*), jam cum sinum Arabicum et Persicum confunderent veteres, inque hoc Tyrum, Aradum, forte et Sidonios, reperirent, non mirum, has eis sinus Persici urbes et insulas matres visas esse.

Caeterum Tyrum in sinu Persico Arabes quoque recentiores memorant, sed de Arado nihil me apud illos invenire memini. Nubienfis, Clim. II. P. 6. p. 53. versionis latinae, 60 Arabici textus: *ad regionem Oman pertinet* صوم (Tsur, Tyrus) et Kelhat (قلحات), sita ad litus maris falsi Persici. Inter Tyrum autem et Kelhatam est magnum diei iter terra, sed mari non integrum diei iter. Inter Tyrum et promontorium Mahhgama (مسخة) quinque dierum iter terra, mari, bidui. Eandem Tyrum, صوم scripto nomine, vicinamque Kalhatam, Niebuhrius quoque ad sinum Persicum in regione Oman invenit, idque testatus est in descriptione Arabiae p. 298. Vide et adjectam ab eo terrae Oman delineationem. Tyrus autem non insula, sed ad mare

(*) T. I. p. 168.

mare sita, inque litore Arabico, qua in re Strabo ex recentioribus emendandus.

Sunt hae coloniae ob historiam commerciorum, quae Phoenices non per Arabicum modo, sed et Persicum sinum exercebant, notatu dignissimae.

* * *

וַאֲת הַצִּמְרִי *et Simrios, vel, Sumrios.*

Σαμαρείων LXX vocant, quos sequitur Iosephus, interpretsque latinus: unde facile fuit, ut jam monuit Bochartus, hos a Mose memoratos colonos antiquissimos cum recentioribus multo Samaritanis confundere. Discitur ejusmodi exemplis, quam sit anceps nominum geographico-
rum Orientis interpretatio latinis graecisque literis scriptorum, ignorata orthographia orientali: ס enim, ץ, ש et ש non possunt Graeci Latini-que nisi per S exprimere. Saepē hic erratum, etiam a doctioribus. Equidem malim *Simrios* dicere, (Germanice distinctius *Simri* scribere possem) his punctis substratis, צִמְרִי. Punctator nomen sibi ignotum, quod et periisse, inque solis superesse sacris literis putabat Iosephus, צִמְרִי extulit, eodem quo et LXX cum adseclis modo. Sed deinde videbimus, nomen in hunc usque diem superesse.

Monuit jam Bochartus, Thargum Hierosolymitanum et Arabem polyglottorum Emessam (ܡܥܫܐ, ܡܥܫܐ) interpretari, illisque praeivisse Hieronymum, in quo pro Edessa rescribendum sit, Emessa: *Samarai, quibus Emessa, nobilis Syriae Coeles civitas.* Felicissimam vero emendationem, quam et in textum receperunt Benedictini, subiecta nota: *in signi mendacio libri antea editi posuerunt hoc loco Edessam.*

edessam, urbem Mesopotamiae, pro Emessa, Coeles Syriae civitate. Nempe librarius, Edessam ex historia christiana cognitam habens, posuit pro ignota sibi, sed nobili prope Orontem urbe, Emessa.

His addo: primo, Emessam ab Abulfeda describi p. 104. Syriae, sed parum copiose, itemque a Pocokio T. II. p. 141. (vers. germ. 205); deinde, Emessenos (חמצי) etiam habere interpretem Chaldaicum chronicorum, Matthiamque Beckium digna ei adnotasse, quae hic excerpantur. *Sic quoque, inquit, Glossa Genes. Magna, et R. Abraham Zachuth fol. 135. b. צמרים per חמץ Emissam reddunt. Quibus assentitur recens scriptor Cohen de Lara in opere imperfecto כתר בהונה fol. 53. col. 1. lin. 46. חמץ (בר' פ' לז' וירוש' דמנזר' עא' סב' פא' הלכה יא') הוא פתרון צמרי בראשית י' יח' שם מחזק בלעז והאומה נקראת על שמה ובר' אימצא והיא בפניקיא ובלשון טורקי חמץ (*) ויושבי הארץ ההיא צמרים* Haec quidem ita intellexit Beckius, ac si lingua Arabica Emessa צמר diceretur, quod si verum esset, si dixisset David de Lara possetque illi nullo teste credi, non amplius de interpretatione nominis dubitarem. Est autem sine dubio falsum, Arabum enim geographi, et incolae urbis eam *Hems* حمص vocant. Nec talem errorem commisisse Davidem de Lara, sed verba potius sic interpretanda arbitror: חמץ, (*occurrens in Glossa Genes. Magna Sect. 37. Thalmude Hierosolymitano tract. Megilla. col. 1. fol. 62. cap. 1. Halacha XI,*) est interpretatio nominis צמרי Genes. X, 18. Est nomen barbarum urbis, a qua et accolae cognominantur. *In glossa magna dicitur*

(*) חמץ manifestum vitium librarij.

dicitur אֵמֶסָא (*Emesa*). Sita est in Phoenice, atque a Turcis Hems (חֶמֶס) appellatur. Incolae ejus ideo צִמְרִי vocantur, quod lanae (צֶמֶר) opificia exercent. Vide ibi glossam Genes. magnam Sect. 37. Ergo potius Hems vel Hims, quo nomine Magistri utuntur, barbarum, i. e. Turcicum vel Arabicum dicitur, oppositum nomini Hebraeo צִמְרִי, quod inepte fatis a צֶמֶר lana derivat, praeceunte Glossa magna.

Hoc ergo novo argumento, quod ex scriptore recentissimo male intellecto attulerat Beckius, demto, plane non video, quo jure inde ab Hieronymi tempore צִמְרִי Emessam, nomine toto dissidentem, interpretati sunt, nec possum non damnare interpretationem, eo peiorem, si Rábini, quos ipse quoque Hieronymus, eorum discipulus, hic sequutus videtur, etymon spectarunt, putaruntque, Emessam צִמְרִי esse, quod lanificio floreret. Geographiam etymologicam plerumque deprecari soleo: sed ineptius nihil hac excogitari potest, quae nomen urbi antiquae ab opificiis ducit, post duo annorum millia ibi ferventibus. Urbs diu ante opificia, quibus sero inclarescere solet: nec verisimile, urbem Thalmudicorum tempore lanificio celebrem, hoc opificio diu jam ante Mosen, cum primum conderetur, claruisse. Migrant artificia, nec facile per duo annorum millia eadem in urbe domi sunt. Ergo צִמְרִי *Emessa* ineptum est Rabbinorum commentum, quibus multo sapientior, ut est antiquior, Josephus, fatebatur, nescire se, quae nesciebat.

Nec tamen mihi nomen, ut geographiae Phoeniciae ignoratione putabat Josephus, interiisse, sed in hunc usque diem superesse, ac rudera urbis signare videtur: nec mihi solum, sed et illis, qui haec rudera viderunt.

Est haud procul ab Eleuthero fluvio *Simyra*, de qua quid Graeci Latinique habeant, velim ex Cellario (*) disci. Hanc vero nostram צמר existimo, certumque habeo, quod in conjecturae modum dixit sua laude non defraudandus Bochartus (**): *potuit prope Orthosiam Simyra Samaraeos habere conditores*. Non vero conditores modo habere, dixerim, sed ipsam eam esse coloniam, de qua Moses loquitur. Superest ejus aliquid in hunc usque diem. Vidit ruinas magnae urbis, *Sumra* dictas, Shawius, quinto milliari Anglico a ruderibus Arcae, easque descripsit, p. 269. (vers. germ. p. 234. 235.) ac pro nostra urbe non dubius habuit, adsentiente Büschingio. Suspicio, eandem esse, quae in Assemani bibliotheca orientali T. I. p. 504. a Stephano Edenensi vocatur, צמר גביל (صمر جبيل). *Bybli propugnaculum* Assemanus vertit: ego mallet, sive, *Simyram prope Biblum*, sive, *Symiram ad montem*. Situs non accurate definitur, sed tamen utcunque concinit. Citavi hanc maxime ob causam, quod orthographiam arctius adstringit, ac pro dubia Europaeorum litera S, צ habet, ut est in Mosaico nomine.

* * *

וְאֵת הַחֲמָתִי et *Hamathenses*.

Hamatha, urbs celeberrima Syriae ad Orontem, Graecis Epiphania dicta, saepe in sacris literis sub nomine חֲמָת recurrit, aliquando et (***) חֲמַת רֶבֶךָ i.e. *Hamatha metropolis*, quod metropolis satis magni pro illo tempore regni esset. Nec illa unquam nomen deposuit, licet aliud a Graecis acciperet. Testes de suo tempore, quorum verba

(*) T. II. p. 445.

(**) p. 307.

(***) Amos VI, 2.

ba infra citabimus, Josephus et Hieronymus: testis etiam antiqui nominis urbis Theodoretus in commentario in Jeremiam ad c. XLIX, 23. isque eo dignior fide, quod sibi quodammodo contraria habet, fateturque, homo Syrus, cui in Syriacis fidem haberi par est testimonium dicenti. Hamatham enim Jeremiae Emessam explicans, addit tamen: ἔστι δὲ καὶ ἄλλη Ἡμάθ, ἡ νῦν Ἐπιφάνεια, *est autem et alia Ematha, quae nunc Epiphania.* Nomen Arabice scriptum حَمَا innumeris locis apud geographos historicosque Arabum obvium, ex eaque urbe oriundus nomine patronymico حموي dicitur, ut celebris geographus Jacutus, vel Hyacinthus, ياقوت الحموي (*). Ipse geographorum Arabum quodammodo princeps, Abulfeda, regulus Hamathae fuit, urbemque p. 108. 109. Syriae descripsit, haec quoque inspergens: حَمَا مَدِينَةٌ أَوَّلَى وَلَهَا ذِكْرٌ فِي كِتَابِ الْإِسْرَائِيلِيِّينَ *Hamath est urbs antiqua, memorata in scriptis Israelitarum, et paulo post, وقال العروي بكتابه المعروف بالزيادات حَمَا بِلَادَةٌ مَذْكُورَةٌ فِي التَّوْرَةِ dicit Arvi in libro, cui titulus, Additamenta, Hamath est oppidum in Pentateucho commemoratum.* In hunc adeo diem eodem nomine vocari itineraria testantur, ut mirum sit, quemquam hic aut errare aut dubitare potuisse.

Nec auctores deerant, veram Hamatham interpretibus indicantes: ea sententia verissima, quae et antiquissima. Josephus: Ἀμάθιος τὴν Ἀμαθινὴν κατῴκησεν, ἥτις ἐστὶ καὶ νῦν ὑπὸ τῶν ἐπιχωρίων Ἀμάθη καλουμένη, Μακεδόνες δ' αὐτὴν Ἐπιφάνειαν ἀφ' ἑνὸς τῶν ἀπογόνων ἐπωνόμασαν, i. e. *Amathius Amathinen habitavit, quae et nunc ab indigenis Amath vocatur, sed Macedones ab aliquo suorum Epiphaniam dixerunt.* Hiero-

(*) Abulfedae Aegyptus p. 31.

Hieronymus ad hunc locum: *Amath usque ad nostrum tempus, tam a Syris quam ab Hebraeis, ita ut apud veteres dicta fuerat, appellatur. Hanc Macedones, qui post Alexandrum in Oriente regnarunt, Epiphaniam nuncuparunt. Totra regio circumjecta ab urbe nomen accipit, idque etiam diu post sub Graecorum imperio mansit, cum jam diu defuisset Hamatha sedes regni esse.* 1 Macc. XII, 25. haec legimus: καὶ ἀνῆγεν ἐξ Ἱεροσολύμων, καὶ ἀπήντησεν αὐτῷ εἰς τὴν Ἀμαθίαν χῶραν, οὗ γὰρ ἔδωκεν αὐτοῖς ἀνοχὴν τοῦ ἐμβατεῦσαι εἰς τὴν χῶραν αὐτοῦ. *Hierosolymis profectus (Jonathan), obvius factus est hosti in regione Hamathensi, nec enim tempus ei dedit, sua invadendi.* Narrat deinde, Syros noctu regressos, pergitque v. 30. καὶ κατεδίωξεν Ἰωνάθαν ὀπίσω αὐτοῦ, καὶ οὐ κατέλαβεν αὐτούς, διέβησαν γὰρ τὸν Ἐλεύθερον ποταμὸν *persecutus est eum Jonathan, sed non assequutus est illos, trajecerant enim fluvium Eleutherum.* Quo ex loco et hoc intelligitur, Hamathitidem ab utraque ripa Eleutheri fuisse, quippe in qua jam cis Eleutherum hostibus occurrerat Jonathan. Dubium movere possis; Eleutherum Phoenicen et Syriam disterninare: verum hic non de Syria, non de Phoenice sermo, sed de regione Hamathensi, distinguendaque gens Phoenicum ac Phoenice. Phoenices ortu erant Hamathenses, sed ad Syriam relati, quotquot ultra Eleutherum habitabant, Phoenice sola litoralia complectente. Sic non iidem Germanorum, et Germaniae fines. Borussia a Germanis habitatur, sed nemo eam Germaniae accensuerit; non Silesiam, nisi valde sit ignarus, non Curoniam, Livoniam, Transilvaniam.

Frequentem dixi Hamathae in sacris literis mentionem. Prima fieri solet in finibus Israelitarum describendis: non quasi ad ipsius urbis moenia aut pomoeria pertinuerint, sed
ad

ad fines Hamathensis regionis, quam ultra Libanum sitam non occupari aut bello impeti volebat Deus, Num. XIII, 21. XXXIV, 8. Jos. XIII, 5. Davide regnante multa de rege Hamathensi legimus, ejus foederato, cui rex Nesibenus, hostis, magnam partem regni ademerat, Hamatham Nesibenam dictam, (fere ut nos Belgium Austriacum dicimus) quae a Davide armis recuperata in hujus ditione mansit. 2 Sam. VIII, 9. 10. 1 Paralip. XVIII, 9. 10. 2 Paralip. VIII, 3. 4. Non diu ante Hiskiam Hamathae regno finem fecerunt victoriae Assyriorum, 2 Reg. XVIII, 34. XIX, 13. Jes. X, 9. XXXVI, 19. XXXVII, 13. colonias quoque ex ea in agrum Samaritanum deducendum. 2 Reg. XVII, 24. Qua ex clade num surrexerit, incertum: videri tamen possit iterum aut regnum aut libertatem adeptam Hamatha, quippe denuo cum Damasco et Arfad novi victoris, Nabochodonosaris, jugum subitura. Jerem. XLIX, 43. Ab hoc inde tempore semper Babylonis, Persis, Graecis subfuit, provincia tamen nomen dudum deleti regni retinente.

Mirum jam dixi, errari in re tam manifesta potuisse: sed magis etiam mirum, quod, cum pluribus urbibus Hamathae nomen commune sit, non ex his aliquam eligant, sed aliam urbem, nunquam ita appellatam, Hamatham nostram esse velint errantes, Antiochiam, Syriae recentioris metropolim. Sic Thargum Hierosolymitanum, et chronicorum, atque ipse adeo Syrus interpres chronicorum, ab interprete reliquorum librorum diversus. Pro *Thogu* enim *rege Hamathae* (תִּגּוּ מֶלֶךְ חֲמַת) 1 Paralip. XVIII, 16. פִּיִּל רֶגֶם אַנְתִּיּוֹכְיָהּ *Phul, regem Antiochiae*, et pro חֲמַת צִיבָה, *ea parte Hamathensis regni, quam Nesibenus rex in ditionem redegerat*, 2 Paral. VIII, 3. iterum *Antio-*

Antiochiam substituit. Erroris causa, quod Antiochia horum interpretum tempore metropolis Syriae fuit, exque suis antiqua existimantes, atque immemores vicissitudinis rerum humanarum, Davidis quoque tempore non nisi Antiochiam putabant sedem regis esse potuisse. Est autem absurdissimis adnumerandus. Primo enim Antiochia nimis est ab Israelitarum terra remota, tam longe ultra Libanum, quam ut illa Hamatha esse possit, ad quam fines Israelitarum pertinuerunt, nisi contra omnem historiae fidem regnum Hamathense multo majus ac potentius Israelitico fingere lubeat: et recentior est, quam quae in libris Hebraicis, ante exilium Babylonium scriptis, commemorari potuerit, quippe cujus primam partem Seleucus Nicator condidit, traductis aliunde habitatoribus (*). Hic ergo quis historiae mediocriter peritus comminiscatur Davidis tempore sedem regni Syrorum fuisse.

Unius diei itinere ab Antiochia, vicus potius quam urbs, Hamatha, geographis plerisque ignota, de qua, ne quid dissimulare videar, Hieronymi verba adscribam. Sic ille ad nostrum locum: *nonnulli Antiochiam ita appellatam putant. Alii, licet non vere, tamen opinionem suam quasi verisimili vocabulo consolantes, EMATH, primam ab Antiochia mansionem Edessam pergentibus appellari putant, et eandem esse, quae apud veteres dicta sit Emath.* Idem ad Amos

(*) Strabo libr. XVI. p. 1089. al. 750. ἔστι δ' ἡ μὲν Ἀντιόχεια καὶ αὐτὴ τετράπολις ἐν τεττάρων συνεστάσας μερῶν. — Τὸ μὲν οὖν πρῶτον αὐτῶν ὁ Νικάτωρ συνῴκισε, μεταγαγὼν ἐν τῆς Ἀντιγονίας τοὺς οἰκήτορας, ἢ πλησίον ἐτείχισεν Ἀντιγονος ὁ Φιλίπ-

που μινρῶ πρότερον: Antiochia quoque ex quatuor urbibus seu partibus constat: — quarum primam Nicator condidit, traductis illuc habitatoribus ex Antigonias, quam paulo ante Antigonius Philippi filius condiderat.

Amos VI, 2. sed sententiae alibi dictae immemor: *pergite in Emath magnam, quae nunc Antiochia nominatur. Magnam autem vocat, ad distinctionem minoris Emathae, quae appellatur Epiphania. Unde usque hodie pergentibus Mesopotaniam prima mansio vocatur Emmas, corrupto quidem vocabulo, sed pristini nominis vestigia retinente.* Atqui, prima ab Antiochia statio non Antiochia est; nec Amosi tempore Antiochia condita, nec רבה *magna*, cum opposizione ad minorem aliquam, sed *metropolis*.

Alium errorem notare liceat Theodoreti, qui fassus Epiphaniam Hamathae nomen habuisse, tamen Hamatham, nescio qua de causa, Emessam interpretatur. Sic ille ad Jerem. XLIX, 23. Ἡμαῖθ Ἐμισσαν λέγει, ἔστι δὲ καὶ ἄλλη Ἡμαῖθ, ἣ νῦν Ἐπιφάνεια: atque ad Zach. IX, 1. ἣ δὲ Ἡμαῖθ νῦν Ἐπιφάνεια προσαγορευομένη, Ἡμαῖθ δὲ τὴν μεγάλην Ἐμισσαν ὀνομάζει ἣ θεῖα γραφή.

Quod si ita obstinatum erat interpretibus, nec veteribus solum, sed et recentioribus, aliam, praeter Epiphaniam, Hamatham habere, quamquam quae causa sit, tam anxie novam Hamatham quaerendi non video, cur non potius de Apamea cogitabant? Haec enim Arabibus حمص, Syris ܚܡܨ dicitur, ut discas ex Assemani indice geographico T. II. bibliothecae orientalis praemisso. Nempe, ut hic obiter rationem reddam, cur pluribus Orientis urbibus ac regionibus commune nomen sit ܡܡܬ, significat, sive, *urbem munitam* moenibusque cinctam, sive, *regionem, quam nobis solis vindicamus, armisque tuemur, si alii usurpare audeant*, oppositam liberis desertis, ubi omnibus jus pascendi conceditur. Verbum Arabicum ܚ est, *custodire, praesidio munire, defendere*. Hinc ܚ loca vel pascua
H
aliis

aliis prohibita, ut in chrestomathia nostra p. 46. حمى الدقمي,
loca defensa Vakbae. Hebraeus dixisset, חמית יקבר.

Clarissimus utriusque, et Germaniae et Belgii theologus, Nicolaus Barkey, in dissertatione de Asima (*) §. 19. seqq. haecenus nobiscum consentit, ut Hamatham, nobilem urbem, cujus frequens in sacris literis mentio, Epiphaniam agnoscat: sed de Hamathensibus Chananaeis Genes. X, 18. dissentit. Nobilem enim illam Hamatham coloniam esse vult Aegyptiorum, nomenque adeo ipsum ab Aegyptia urbe *Chemmi*, vel *Chemni*, nunc *Echmin* (**), deducit (ut fieri in conjecturis solet) cui hypothesi ne contradicat Moses, Hamatham Phoenicum coloniam faciens, Hamathenses nostros ab incolis Hamathae, quae et Epiphania, sedulo distinguit, vix certi tamen quid habens, ubi hos Chanaane oriundos Chamathaeos quaerat, deletos forte a Casluchaeis, suspicans. Mihi quidem argumenta viri doctissimi nunquam persvaserunt, Hamatham ad Orontem Aegyptiorum coloniam fuisse: cumque sit חמית nomen in Syria Arabiaque usitatissimum, proprium ex appellativo factum, non opus esse videtur, nomen urbis in media Syria sitae artificiose et in subsidium vocatis alliterationibus ab Aegyptio derivare. Quod Hamathae ad Orontem opponit, extra eos fines sitam esse, quos Moses Phoenicibus versu 19 assignavit, diluetur nostra ejus versus explicatione, atque etiam ab hac si discefferis, certum tamen est, Mosen colonias Phoenicum extra illos fines, et Sidoni septentrionales commemorare, Arcam, Simyram, Aradum.

(*) In bibliothecae Bremensis Classe I, Fasc. I. n. 6.

(**) أحميم. Vide Abulfedae Aegyptum num. 45.

dum. Hamathenses legens, non conjicio de incertis, nec aliam temere intelligo Hamatham, quam eam ipsam, cujus idem Moses in finibus Israelitarum regundis mentionem fecit.

Venema in commentario ad Jerem. XXXV, 2. suspicari coepit, nostram ad Orontem Hamatham designari, dicique *Hamatham patris Rechabitarum*, cum 1 Paralip. II, 55. Kenitae venisse dicuntur, מִחִתּוֹת אֲבִי רַחַב, a *Hammath patris Rechabi*, רַחַב conferens idemque putans cum רַחַב Num. XIII, 21. Jos. XIX, 28. Judic. XVIII, 28. Quae quidem nobis sententia plures ob causas parum videtur verisimilis. Punctis contrariam quilibet videt, Hamatha enim חַמְתָּה scribitur, hic חִתּוֹת legimus: sed ab horum auctoritate me non contradicente secedamus. Antiquorum nemo eam praeivit, LXX graeca scriptio utrumque nomen distinxerunt, cum enim Hamatha ad Orontem illis Ὡμαθ᾽ sit, 1 Paral. XVIII, 9. hic Ἀμαθ᾽ scripserunt. Vulgata vertit: *qui venerunt de calore patris domus Rechab*: Chaldaeus: *qui venerunt de semine Moſis*. Sed nec horum spectemus auctoritatem, licet in quaestione geographica non plane nullam: de re ipsa dispiciamus. Veri dissimile, urbem nobilissimam, inclyti et magni regni sedem, multo antiquiorem, a progenitore Rechabitarum, multum recentiore, cognominari: cumque plures fuerint, ut dixi, Hamathae, legens, *Hamatha progenitoris Rechabitarum*, censuerim potius, hoc cognomine ab Hamatha metropoli distingui. Deinde plane insolens et inaudita Hebraeis literarum ח et ת permutatio. Fateor, ab Arabibus nonnunquam in nominibus propriis exoticis scribendis has literas permutari: verum id inde, primo, quod exoticorum vocabulorum scriptio plerumque in ambiguis fluctuat, deinde, quod Ju-

dae et Christiani Arabica Hebraicis Syriacisque literis scribentes, pro خ substituunt 5 et 2, qui mos est multo recentior, quam ut interpretandis sacris Hebraeorum literis commodari possit. Nec Arabes hac literarum 5 et 7 permutatione in nominibus propriis domesticis utuntur.

Si quis autem jubeat hac occasione dicere, quid de 1 Paral. II, 55. ipsi sentiamus: sciat, nos, ne de lectione quidem satis certos, has inter dubitare adhuc et fluctuare explicationes.

- 1) Si puncta sequi velis, חמא idem esse videbitur, quod ⁵حمى *thermae*, vertendumque: *qui venerunt a thermis progenitoris Rechabitarum.* Eone referenda Vulgata, quae obscurius, *de calore patris domus Rechab*, habet?

Fuerint forte hae thermae in Arabia, fontium medicamentorum divite: quamquam nec contradixerim, si quis ipsum fontem, ad quem Moses in Midianitide confedit, intelligat, possit enim nomen latius aliquando patere, nec solos salutare, sed et alios fontes nobiles significare.

- 2) A punctis recedens si חמא legas, pascua intellexerim in Arabia, quae sibi solis vindicabant progenitores Rechabitarum, vocabulo eadem significatione accepto, quam حمى apud Arabes habet, *loca, quae quis ut sua defendit.* Ex appellativo in proprium transferretur, utque Arabes *Himalvakba* dicunt, Hebraei antiquas sedes Rechabitarum *Hamath Beth Rechab*, (Arabice id foret حمى ببيت الركب) dixerint.

- 3) Nec tamen suspicionem mihi excutere possum, olim *בית דב* a *סוּרְמִי מֹשֶׁה אבִי בֵּית דָּב* a *socero Moysi, Rechabitarum* pro-

progenitore, scriptum fuisse. Non quidem omnia expedio, id tamen video, Chaldaicum Mosis nomen exprimere, quo lecto, literae מנח aliquid adfinitatis innuere videntur.

* * *

GENES. X, 18. 19.

ואחר נפצו משפחות הכנעני ויהי גבול הכנעני מצידן באכה גררה
עד עזה באכה סדמה ועמרה ואדמה וצבים ועד לשע

i. e.

Postea regionem totam inundarunt familiae Chananaeorum, fuitque terminus eorum, Sidone inde Geraram, et Gazam usque, indeque Sodoma, Gomorrhham, Admam, Sebojim, et Callirrhoen.

Sententiam hanc esse puto: Chananaeos his antea in maculis Palaestinae Syriaeque habitantes, quas Moses dixerat, sensim totam Palaestinam inundasse, ita ut continuis jam ac clausis finibus omnia Sidonem inter et mare mortuum habitarent. Nempe ante Chananaeos, Nomadum errantium erat Palaestina, qui non aegre ferebant, colonias mercatorum in portus aliquasque partes terrae suae deduci: sed hi coloni, plane ut in Africa Carthaginenses, tota sensim terra potiti, nec emporiis solis contenti, possidebant et arabant, loco pristinis possessoribus non relicto. Vide *commentationem* nostram *de Nomadibus Palaestinae*: aut, si mavis, *juris Mosaiici* §. 31. Jam de singulis verbis.

נפצו, vel, ut alii codices a Kennicotto numerati habent, נפצו, noli de coloniis Phoenicum, late per oras

maris mediterranei dispersis, intelligere. Illae fere omnes Mosē multo recentiores, ut ab illo memorari non potuerint: nec verba sententiam ferunt. Eae omnes, quas dixerat Mosēs, coloniae Chananaeorum per Palaestinam erant et Phoenicē dispersae: jam si id dicere velit, postea Chananaeos trans mare deductis coloniis in Europa quoque et Africa late confedis, verbum addere debuisset, quo has transmarinas colonias distingueret, מעבר לים *trans mare*, aut simile quid.

כּוּי, ut dudum docuit Schultensius, Originum Hebraicarum libro I, c. 4. §. 7. exque usu Arabum constat cuilibet Arabice mediocriter docto, est, *fluere, late diffuere*. Hic ergo sic accipio: *Chananaeos totam Palaestinam, cujus fines deinde describuntur, has inter colonias sitam, inundasse, occupasse, possedisse, ac clauso, ut dicunt in jure, territorio habitasse*. Res ingrata praeis incolis.

Describuntur jam terrae ab illis occupatae trianguli in morem termini:

- 1) septentrionalis, Sidon. Ultra Sidonem enim Phoenices litora habitabant angusta, mare inter, et Libanum ei imminentem: exceptis solis Hamathensibus.
- 2) Australis ab occidente, Gerara et Gaza.
- 3) australis ab oriente, Sodoma, Gomorra, Adma, Sebojim, et Callirrhoe.

Pleraeque urbes satis notae, nec ad geographiam exteram, sed ad Palaestinensem pertinent, ut de illis Relandum interrogari malim, quam dicta ab eo repetere.

De sola לשע (*Leschā*), quamquam et eam attigit, dicendum. Callirrhoen ad mare mortuum esse, Hieronymo, harum regionum peritissimo et diu in illis versato, credo.

credo. Sic ille in Quaestionibus in Genesin ad hunc locum: *Lisa ipsa est, quae nunc Callirrhoe dicitur, ubi aquae calidae prorumpentes, in mare mortuum defluunt.* In Thargum Jonathanis קלררורי per Daleth legitur, manifesto errore librarii, pro קלרורי, *Callirrhoe*. In historia quidem belli Nesibeni §. XVI. p. 104. suspicatus sum, Callirrhoen eam esse, quae nostro tempore Crach vel Caracha dicitur, quod ejus thermas Abulfeda (p. 89. 90. Syriae) memorat: sed obstare videtur, quod aliis argumentis Crach mihi jam potius est *Kircheres* (קיר חרש) Hebraeorum; nec thermas certum indicium, sunt enim in toto illo tractu frequentes.

Thermarum Callirrhoensium descriptionem ex Josepho subungere liceat. Sic ille l. I. de Bello Jud. c. 33. §. 5. de Herode Magno, insanabili morbo laborante: διαβάς τὸν Ἰορδάνην τοῖς κατὰ Καλλιρρόην θερμοῖς ἐκέχευτο. Ταῦτα δὲ ἔξεισι μὲν εἰς τὴν Ἀσφαλτίτιν λίμνην, ὑπὸ γλυκύτητος δ' ἔστι καὶ πόσιμα. *Trajecto Jordane thermis prope Callirrhoen utitur. Hae in Asphaltiten lacum effluunt, atque ob dulcedinem etiam bibi possunt.* Sic et Ant. XVII, 6, 5. θερμοῖς τοῖς κατὰ Καλλιρρόην, ἀπερὶ σὺν τῇ εἰς παντ' ἀρετῇ καὶ πόσιμα ἔστι.

Lectio Samaritana, ex qua fines Chananaeorum pertinuisse dicuntur, כנחרי מצרים עד הנחל הגדול נהר פרס ועד בוכר *a fluvio Aegypti, usque ad fluvium magnum Euphratem, et usque ad mare occidentale,* manifesta sunt ex capite XV, 18. interpolatio, codici Samaritano non honorifica. Ad Euphratem potuerint fines Amoraeorum, forte et Hamathensium, pertinere, non nego: at fluvium Aegypti inter et terminos Chananaeorum Philistaea interfuit, ab Aegyptiorum colonia habitata.

* * *

GENES. X, 21.

ולשם ילד גם הוא אבי כל בני עבר אחי יפת הנדור

Interpretationem latinam non adscripti, de sententia versus obscuri incertus, eumque in mendo cubare suspicans. Consului ergo biblia Kennicottiana, sed codices ibi excerpti nullam habent alicujus momenti lectionem variam, nullam certe, cujus ope dubia mihi subnata expedire queam. Puncta masorethica accentusque si sequaris, haec prodibit versio: *atque Semo quoque ipsi soboles fuit, patri omnium Transeuphratensium, fratri Japhethi majoris*. Haec tamen ipsa ut ex Hebraicis efficias, non una opus anomalia. De singulis agemus verbis.

ולשם ילד, secundum puncta acceptum, passivum erit, *et Semo natum est*, i. e. *nati sunt filii*. Sic fere omnes veteres, LXX, Vulgata antiqua et recentior, tres Chaldaei, Arabs uterque. Est aliqua mediocris in verbo singularis numeri, ילד, difficultas, quam ad enallagen numeri referre solent, similia citantes exempla, ex hoc ipso capite v. 25. וליוסף ילד שני בנים Genes. XLI, 50. וליוסף ילד שני בנים. Nec obstrepo, nam et Arabes sequente nomine plurali verbum singularis numeri praemittere possunt: facilius tamen ratio, quam supra tentavi, *natum est*, i. e. *soboles fuit*: quid enim opus plurali verbo, ubi nullum sequitur nomen plurale?

Possis tamen et active ילד efferre, hac constructione: *et ad Semum quod attinet, genuit ille quoque*. Sic solus Syrus.

Res non magni momenti, utcunque construas eadem proditura sententia: sed valde turbat, quod sequitur, גם

הוא

הוא ETIAM IPSE, et superfluum, nec legibus grammaticis satis constans. Construunt cum praecedentibus, et vertunt, *Semo filii nati sunt etiam ipsi*. Hic quidem primo, *etiam ipsi*, languide redundat: cur enim non et Semo nascerentur? mirumne id, ut addi debeat tanquam inexpectatum? impotentiaene suspectus erat? Deinde dicendum fuisset, גם לו, non גם הוא, quod est, *etiam ipse*. Miror, neminem ex interpretibus hic suspiciosum fuisse.

Utinam particula גם careremus, atque ita legeremus, *Semo nati sunt* (hic est pater omnium Transeuphratensium, et frater Japhethi natu majoris) Jam, reassumta sententia versus 22. *Filii ergo Semi sunt*. Sed nullam invenio varietatem lectionis: mendum video, sed tam antiquum, ut nec ex codicibus, nimis illis recentibus, nec ex versionibus corrigi possit. Nihil ergo interpreti praeter conjecturam criticam relinquitur.

אבי כל בני עבר ex plerorumque interpretatione est, *pater omnium filiorum Eberi*, ejus nempe, qui versu 24 ut pronepos Semi commemorabitur. Sic jam LXX πατρι πάντων τῶν υἱῶν Ἐβερ. Est vero, ut recte monuit Clericus, frigidissimum dictu, omnes posteros pronepotis fuisse etiam proavi posteros: quis enim id nescit, docerique opus habet? Ergo malim illis accedere, qui בני עבר explicant, *incolae regionis Transeuphratensis*, ut Assyrii, pleniore phrasi, Jes. VII, 20. עברי הנרר, *Transeuphratenses*, vocantur. Ita Chaldaei sequiores, אבון דכל בני עבראי, clariusque etiam Raschi, *pater omnium filiorum trans Euphratem fuit Semus*: atque, nisi fallor, ex antiquioribus Josephus Ant. I, 6, 4. Ἡμεῖς δὲ, τῷ τέτρω Νωῦ υἱῷ πέντε γίνονται παῖδες, οἱ τὴν μέγαν τοῦ κατ' Ἰνδίαν Ὀκεανοῦ κατοικοῦσιν Ἀσίαν, ἀπ' Εὐφράτου τὴν ἀρχὴν πεποιημένοι: i. e. *Semo, tertio*
I
Noachi

66 SEMUS JAPHETHO MAJOR AN MINOR?

Noachi filio, quinque fuerunt posteri, qui omnem usque ad Indicum Oceanum Asiam, inde ab Euphrate, habitarunt. Quin suspicor, Eberum, non a parentibus aut coaevis hoc nomine vocitatum, sed a posteris, maxime Israelitis, quod progenitor Transeuphratensium esset; plane ut ab Arabibus Hud (هود) vocatur, quia fator Judaeorum fuit. Vide Herbeloti bibliothecam orientalem p. 460. et Corani Suram. XXVI.

אחי יפת הגרול ambiguae constructionis est, possetque verti, *frater Japhethi natu major*, et, contrario plane sensu, *frater Japhethi natu majoris*. Chronologia quidem posteriorem explicationem non s'vadet solum, sed et praecipit: cum enim filiorum suorum, diluvio superstitum, primum centesimo ante diluvium anno genuerit Noachus, Genes. V, 32. VI, 11. Semus autem biennio demum post diluvium centesimum annum vixisse dicatur, c. XI, 10. non potuit primogenitus Noachi esse. Sic ergo LXX acceperunt, ἀδελφῶν Ἰαφὲθ τοῦ μελζονος nulla lectionis varietate verterentes, et ex Rabbinis doctissimi.

At alii *majoris* epitheton ad Semum retulerunt, ut Vulgata, *de Sem, fratre Japheth majore*, incertum, errore chronologico, an quod *majoris* nomen spiritali sensu de eo, quem Bochartus (*) primatum Semi dixit, acciperet. Sic certe Chaldaei sequiores, רבא ברחלתא דיהוה, *major ob timorem Domini*, et Salomon Ben Melech, vera interpretatione praemissa: *majori annis*. Sic et Rabbini nostri interpretati sunt, *Japhethus enim fratrum maximus fuit aetate: sed sunt alii, qui majorem honore et exiftimatione interpretantur*. Alias quidam apud Abenesram rationes ineunt, artificiosiores, quam ut descriptu digni videantur.

Mihi

(*) Phaleg. libr. II. c. I.

Mihi quidem, five הנרול, five totum adeo comma, valde suspectum. Primo enim, quid attinebat dici, *Semum fratrem Japhethi esse*, cum id omnes Mosis lectores dudum scirent? et si hoc placebat addi, cur non et alterum, esse Chami fratrem? Deinde, verba ut jacent legens vix poterit aliter intelligere, quam, *frater Japhethi natu major*, manifesto errore chronologico: ea autem interpretatio, quae *majorem pietate, honore, existimatione* vult, coactissima ac parum probabilis. Duplex ergo mihi subnata, suspicio dicam? an conjectura critica?

1) Quid? si Moses scripserit, הקטן *minor*, idque Judaei per euphemismum, inque honorem patris, mutarint in הנרול? Est tamen conjectura sine teste.

2) Mallem, Mosen sic scripsisse: גם הוא אחי כל בני עבר עם אחי יפת הנרול *hic quoque cum fratre suo majore, Japhetho, pater fuit omnium trans Euphratem*. Qui enim ultra Euphratem colebant, omnes aut Japhethitae aut Semitae.

Hanc ipsam sententiam ex textu consveto exsculpe-
re Clericus adgressus est, ante יפת subintelligens עם.
Sed dura ellipsis, licet eam, suo pro more, habeat
Noldius, exemplisque nixa, aliis incertis, falsis aliis:
deinde manifestum admittitur vitium grammaticale,
si אחי יפת vertamus, *cum fratre Japhetho*, status
enim constructi est אחי, unde sequitur, ut Japhethi
nomen, ex consveta lectione, in genitivo ponendum
sit.

Susplicari non desino. In hoc tamen quoque commate
nihil omnino varietatis reperit Kennicottus, nec ex antiquis
versionibus alia exsculpi lectio potest. Mendo si laborat,
valde antiquum esse necesse est, nec potest nisi conjectura
tolli.

* * *

GENES. X, 22.

Filii Semi sunt עֵלָם, Elamitae.

De Elamitis, Elymaidis incolis, dubitari nequit, egeruntque, cum Bochartus l. II. c. 2. tum Cellarius P. II. geographiae antiquae p. 801. seqq. Ergo parum spicilegii relictum.

Nomen diu servarunt Syri, iisdem adeo literis scriptum, ܥܠܡܐ, unde Elamitas ܥܠܡܝܐ dicunt. Plenius haec Affemanus in bibliotheca Orientali T. III. P. II. p. 419-421. ex domesticis Syrorum monumentis docens, quatuor esse populos, qui in unum coaluerint, ut una eademque regio censeatur, 1) ܥܠܡܝܐ Elamitas seu Elymaeos, 2) ܥܠܡܝܐ vel ܥܠܡܝܐ *Sufios*, 3) ܥܠܡܝܐ *Uzios, Uxios, Oxios*, et 4) ܥܠܡܝܐ *Cussaeos*, horumque quatuor populorum terram communi nomine *Churistan* خورستان vocari, pro quo alii *Chuzistan* scribant. Haec ille: unde diversa scriptio, ex errore nempe librariorum, quisque videt Arabicarum literarum mediocriter peritus, *Churistan* enim (خورستان) et *Chuzistan*, (خوزستان) solo puncto diacritico differunt. Accedebat forte et alia errandi causa, confusio nominis *Churistan*, quod est totius regionis, cum *Huzistan* (هوزستان), quae est quarta ejus pars, supra memorati *Uzii*, Syris ܥܠܡܐ, Arabibus أهوان; et cum *Chuzistan*, (حوزستان) alia regionis quarta parte, a *Cossaeis* habitata. *Churistan* nomen scribit Abulfeda, indicato tamen aliorum dissenso: in *Homonymis*, inquit, *refertur*, *Churi-*

Churistani (خورستان) *etiam dici Chuz* (خوز) *per Cha punctatum, Vau, et Ze punctatum.*

Jam melius orientales intelligemus interpretes. Arabicus chronicorum, *Churistanam* posuit pro Elam: contra qui prophetas Arabice vertit Jes. XI, ii. XXII, 6. Jerem. XLIX, 34. pro עִלָם, seu potius pro Graeco Αἶλαμ et Ἐλαμίται (ex Graeco enim interpretabatur) *Ahvazam* (الاهواز), unam ex quatuor partibus regionis Churistan, cujus incolae erant Huzitae, urbsque primaria jam *Beth Laphet* (بيت لافيت), jam *vicus Huzitarum* (محله هوزيتان), dicebatur. Vide Assemani bibliothecam orientalem T. III. P. II. p. 758. Adjicio descriptionem Abulfedae, quod typis nondum vulgata est, ex codice Parisiensi

num. 303: والاھواز كورة من كورة خورستان وتسمي الاهواز ايضا بھنو: 303. شهر وفي من اعظم كور خورستان وقال في الباب يقال لها سوق الاربعا ابضا وقال في المشترك وسوق الاهواز وهي مدينة الاهواز وهي خورستان وقد خرب اكثرها قال في العزيزي ومنها السبي مدينة اصفهان ثمون i. e. *Ahvaz* *est regio de regionibus Churistanae, appellaturque alio nomine Manu Schahr* (Reiskius in suo codice legebat Hormoz Schahr) *estque ex maximis Churistanae regionibus. Refertur in Medulla, vocari etiam Sauk elarbaa* [forum diei Mercurii, nempe quod die Mercurii mercatum haberet (*):] *inque Homonymis, Sauk-el-Ahvaz (forum Ahvaz) esse urbem Ahvaz, alio nomine Churistan, jamque plurimam ejus partem vastatam esse. Dicit Azizi: ab ea Ispahanam sunt octoginta parasangae. Dicitur in Homonymis: urbs Ahvaz est Sauk-el-Ahvaz.*

Mani-

() Vide nostras epistolas de 70 Pringle, Baronetum, datas (Londini hebdomadibus Danielis, ad Joannem 1773) pag. 117. 118.

Manifestus error, a Bocharto jam notatus, forte non Syri interpretis, sed librariorum (*), nomen Alanorum (𐤀𐤋𐤍𐤏) pro Elamitis Aët. II, 9. in exemplis impressis versionis Syriacae positum. Occasio errandi, nisi fallor, haec fuit, quod, cum Syri scribere nomen Elamitarum per Ain soleant, 𐤀𐤋𐤍𐤏, interpres N. T. pro suo more per Aleph 𐤀𐤋𐤍𐤏 scripserat, ut et Arabs Erpenianus ex eo descripsit: solent enim nomina propria non pauca aliter scribere, ubi sui sunt, aliter, ubi Graeca interpretantur (**). Vetus tamen error, quem correxit Heraclensis versio, teste Barhebraeo: 𐤀𐤋𐤍𐤏 𐤀𐤋𐤍𐤏 𐤀𐤋𐤍𐤏 𐤀𐤋𐤍𐤏 𐤀𐤋𐤍𐤏 𐤀𐤋𐤍𐤏 pro Alanis Heracleensis habet. *Elamitas, id est, Huzitas, dicitque nequitiam esse Alanos (***)*.

Alanos, Europae populum ad Tanaim, tam fuisse notos Syris, ut sive ab interprete sive a librariis confundi cum Elymaeis possent, erit forte qui miretur. Monuit ergo Assemanus, eos intelligi, quos Alonos vocat Plinius, Gordyaeisque jungit, libr. VII. c. 26. §. 30. *Gordyaeis, inquit, juncti Aloni, per quos Zerbis fluvius in Tigrim cadit*. Non repudio; ipsi tamen ad Tanaim Alani satis per Syriam noti, ingenti eruptione facta, magnaque Asiae clade, saeculo jam post Christum natum primo clari. Vide Josephum de Bello Judaico, l. VII, c. 7. §. 4.

Persae

(*) Vide curas nostras in *actus apostolorum Syriacos* p. 55. 56. ubi monitum, Arabem Erpenianum in Syro Elamitarum nomen legisse.

(**) Vide nostram bibliothecam Orientalem T. VII. p. 157. 158.

(***) Verba Barhebraei sumimus ex Assemani biblioth. Or. T. III. P. M. p. 420.

Perfae et Elymaei, vicinae gentes, sed ortu diversae fuisse videntur: hi quidem Semo orti, ad quem Perfas referre non solemus. Distinguit etiam Alexander Magnus, in oratione ad milites habita: καὶ Βαβυλων δὲ ἔχεται, καὶ τὸ Σουσίων ἔθνος, καὶ Πέρσαι καὶ Μῆδοι, καὶ ὅσων Πέρσαι καὶ Μῆδοι ἐπῆρχων (*), i. e. *Babylon jam vestra, et Susiorum gens*, (vide pag. 68.) *Perfaeque, et Medi, et omnes, quibus Perfae et Medi imperitabant.*

De insigni loco I Maccab. VI, 2. in commentario in hunc librum egi, simulque ostendi, impletum esse vaticinium Jeremiae, c. XLIX, 39. de restitutione Elymaidis, quae Strabonis tempore suas reges habuit. Haec ergo non repeto.

* * *

ואשור et Assyrii.

Assyrii quin intelligantur, nemo dubitaverit. In his tamen, quae Bochartus l. II. c. 3. de Assyriis habet, aliqua corrigenda.

Assyria proprie sic dicta, Graecis Adiabene, cum in Gemara aliisque Rabbiorum libris tripliciter scribatur, הרייב, חרייב, et חרייב, Bochartus primum הרייב, praefert, in quo sine dubio fallitur. Vidit, Adiabenen vocari, non ex etymo graeco, sed a flumine Lyco, qui Aramaeis ריב fit, hoc quidem recte: sed putat, ei esse praepositum He Hebraeorum articulare, scribique הרייב. Contra primas hic leges grammaticas peccatum: ut enim taceam, Aramaeos et Assyrios He praefixum articuli non habere, ne apud Hebraeos quidem partem nominis proprii ita facit,

(*) Arrianus de expeditionibus Alexandri libr. V. c. 25. p. 229.

cit, ut et ab exteris efferatur. Ut exemplo utar, Carmelus mons est כרמל, cui nomini potes articulum praefigere, הכרמל, sed nemo unquam *Accarmelum* vocavit. Certum potius et exploratum cenfeo, veram scriptionem esse כרדי per Cheth, idque duce lingua Syriaca, in qua Cheth et He, figura diversissimae literae, permutari per focordiam nequeunt: Syris enim sine dubio est כרדי, aut si plenius scribatur, כרדי, fluvii primo, Lyci utriusque, deinde et regionis interjectae, seu propriae Assyriae nomen. Vide Spicilegii partem I. p. 243.

Syris Assyriae nomen, Schin pro more Aramaeorum in Thau mutato, *Atthur* (ܐܬܬܘܪ) scribi solet, unde Latinum Graecumque *Aturia*, et *Atyria*, de quo consules Bochartum. Hoc tamen in loco Schin retinuit Syrus interpres, scripsitque ܐܬܘܪ; Chaldaei autem, suae linguae appellationem sequuti, ܐܬܘܪ. Arabs Polyglottorum cur *Mosol* (الموصل) verrat, jam dixit Bochartus, nempe quod urbs Mosol (*pontem* diceret latinae) vastatae urbi Nino successit, quae olim caput fuit Assyriae. At Maurus Hebraicum ܐܬܘܪ retinuit. Arabicus chronicorum interpres Assyrios suo loco omisit, addens in fine versus post Aramaeorum colonias, ibique موصل vocans; manifesto librorum errore.

De nomine Assyriae, latius olim apud Graecos patente, et Syriam quoque complexo, videbis Bochartum: verum alia hic Hebraicorum scriptorum ratio, Assyrios et Aramaeos distinguendum, eadem lingua utentes, sed ortu diversos. Victoriae Assyriorum fecerunt, ut victas ab illis gentes Aramaeas eodem nomine Graeci complecterentur. Unde autem nomen ortum, a beata regione, an a proge-

progenitore gentis, aut duce, mea non refert, estque in incertis. Josephus quidem utrumque conjungens, Ἀσούρας, inquit Ant. I, 6, 4. Νῆγον οἰκίζει πόλιν, καὶ τοὺς ὑπηκόους Ἀσσυρίους ἐπωνόμασεν, οἱ μάλιστα εὐδαιμονοῦσιν, *Asur Ninum urbem condidit, eosque qui ipsi obediebant, Assyrios cognominavit, qui sunt beatissimi.* De historia Assyriorum quid sentiam, et quae putem mendaciis Graecorum certiora colligi posse ejus fragmenta, in praefatione Jesaiae germanice redditi dixi.

* * *

אַרְפַּכְשָׁד *et Arphaxad,*

seu potius,

et Arphachasd.

Nomen viri hoc esse, non populi, ex sequente inde a versu 24 genealogia, et cap. XI, 12-26. certum est: non debebant ergo de populo aut urbe cognomine solliciti esse interpretes, sufficit, quod Moses narrat, majores Loti et Abrahami, felicisque Arabiae incolae, Arphaxado prognatos esse. Sic ille sat magnorum populorum pater. Suspectum ergo, quod *Arrapachitidi*, Assyriae parti, nomen ab eo ducit Bochartus, cui conjecturae ne cum Moisaica quidem historia satis convenit. Nec enim Assyrios Arphaxado posteros attribuit Moses, nec Abrahamum ex Assyria, sed ex Chaldaeorum terra venisse auctor est. Negliguntur praeterea in Arphaxadi nomine ultimae duae litterae *שד*, si Arrapachitidi conferamus. Magis etiam displicet, quod Beckius ad I Chron. I, 17. de Artaxatis habet, urbe multo recentiore, ab Hannibale enim conditam, et in Artaxiae regis honorem ita dictam, auctor est Strabo, regionum inter Caspium mare et Pontum Euxinum peritissimus.

tiffimus. Hic ut in dubiis relinquam (*), quod de Hannibale traditur, id tamen certum videtur, ab Artaxia eam rege, Hannibalis coaevo, nomen accepisse, nec negat Beckius, illud ארתחשטא scribendum videri.

Antequam ad alia majoris momenti pergere possim, de descriptione nominis dicendum. Syrus enim, cum hic, tum in libris chronicorum, per R, Arphächfchar (ارپخشار) scripsit, manifesto, ut mihi videtur, librariorum peccato. Certe nulla, nec in Hebraicis nec in Samaritanis codicibus, varietas lectionis a Kennicotto observata: Syrique librarii eundem errorem et in Novo Testamento commiserunt, Luc. III, 35. ubi in Graeco sine dubio est Ἀρφαξάδ, ארפכשד scribentes.

At de ש dubito, sitne ut Schin appellandum: chronicorum enim interpretes Chaldaeus Samech substituit, ארפכשד, ac si esset ארפכשד per Sin, nec suspicionem mihi excutit, in ultimis tribus literis nomen Chaldaeorum latere.

Jam ad id perveni, de quo, si licet, agam copiosius. Non pauci sunt, qui Chaldaeos Arphaxadi posteros faciunt, ipseque adeo Josephus, Ant. I, 6, 4. *Arphaxades*, inquit, *his, qui nunc Chaldaei vocantur, nomen dedit, progenitor gentis*. Cui quidem sententiae neutiquam ea opposuerim, quae Bochartus (**), gratis tamen sumi puto. Abra-

(*) Vide enim Cellarii geogr. T. II. p. 789. 790.

(**) Chaldaeorum conditorem facit Chasedum, Nachoris filium, Genes. XXII, 22: vultque, Uram Chaldaeorum, ex qua egressus Abrahamus, per prolepsin *Chaldaeorum* dici, I, II, c. 4.

Verum quo argumento noverat, ab hoc Chasedo, tam recente, ortam Chaldaeorum gentem, ejusque nomen, ubi diu jam ante Chasedum occurrit, per prolepsin poni? Nullo certe alio, quam, quod T. I. p. 171. quale sit in Francorum exemplo posui.

Abrahamum Ura Chaldaeorum egressum Moses tradit, sed nunquam Chaldaeis adnumerat: cumque Aramaei et Chaldaei diversi sint, cum aliis scriptoribus (*) sacris, tum Moysi, populi, Labanem, Abrahami fratris filium, Aramaeum (**) vocare Moses solet, ipsum quoque Abrahamum sine dubio Aramaeum dicturus, si occasio tulisset.

Nec tamen dissimulo, in Arphaxadi nomine literas אשר inesse, quibus Chaldaeorum, seu, ut Hebraice efferam, Chasdaeorum nomen scribitur; maxime, si a punctis secedens, אֶרְפַּחְשָׁד i. e. *Arphchesed* vel *Arphchasd* scribas, quae mihi verior videtur appellatio. Nec tamen ideo Arphchasdus Chaldaeorum progenitor, quorum nomini proprio tres primae literae, in Arphchasdi nomine praepositae, אֶרְפַּחְשָׁד, desunt. Apud Arabes quidem hae ipsae literae ^س ^ا ^د *terminum, fines*, significant (***) : unde mihi videtur Arphachasdus hoc nomen, seu potius cognomen, apud Hebraeos accepisse, quod pars posterorum ejus, ea certe, ex qua Abrahamus ortus, *in finibus Chaldaeorum* habitaret, sedibus utriusque gentis mixtis. • Frequens Orientalibus, inclytos viros non eo vocare nomine, quod vivi habuerunt, sed cognomine, a fati, posteris, rebusque gestis ducto, unde

(*) Jerem. XXXV, 11. *ab exercitu Chaldaeorum, et exercitu Aramaeorum.*

(**) Genes. XXXI, 24.

(***) Cum celeberrimo Schloetzer, collega et amico singulari, de Arphchasdo nuper colloquens, audio, eum jam in historia borealium regnorum edita anno 1771. eandem nominis explicationem obiter prodidisse. Locus

est in, *Allgemeiner Welthistorie* Tom. XXXI. p. 235. infima: אֶרְפַּחְשָׁד *Arab. die Gränze von Chaldaea, vielleicht ursprüngliche in Länder- und kein Mannes-Nahme.* Hic mihi consensus commendat, facitque verisimiliorem sententiam, cujus sua sponte duobus in mentem venerat.

unde non parum caliginis historiae obfundi solet. Vide quae de Eberi nomine pagina 65. 66. scripsimus; alia hujus moris exempla in nota (*) subjiciemus.

Chal.

(*) Alexandrum Magnum ab Arabibus *Dulcarnein*, *duplici cornu praeditum*, vocari, non suo nomine, vix est qui ignoret, nec causam cognominis ignorare potest, qui Alexandri imaginem cum duplici cornu in nummis expressam vidit. Sauli nomen Arabicum est, *Taluth*, طالوت, a proceritate ductum, طال enim est, *procerus fuit*. Henochus, quem literarum inventorem fingunt, valdeque eruditum, *Edris* (ادريس) nomen ab eruditione accepit. Vide Coranum c. XIX, 57. et Herbeloti bibliothecam orientalem pag. 310. sub, Edris.

Haud pauca nomina biblica ejusdem generis esse, id est, non tam nomina, quam cognomina, insignis historiae eum adpellativa significatione concentus prodit. Habeli nomen, (הבל) *vanitatem et orbitatem* notans, videri potest ex fatis viri, cito occisi, sum-
50
 tum, est certe هبل *orbitas*, a spe vana dicta: sed id in dubiis relinquamus, licet certum putemus, filium Adami habere non potuisse nomen Hebraicum, i. e. Chananacum, quod si habet, a posteris inditum videbitur. Noachi

nomen a parentibus ei datum, aliud fuisse videtur, נחם, Mose illud ad verbum נחם referente, Genes. V, 29. sed deinde ex fatis viri ab Hebraeis ultima litera detruncata mutatum in נח: est enim Syris ناصب γαλήνη, *placidum mare, aequatis auris spirantibus*. Vide versionem Syriacam Marc. IV, 19. et Assemani bibliothecam Orientalem T. I. p. 40. De Nimrodo T. I. pag. 210-213 diximus, et ante nos Perizonius cap. VII. originum Babyloniarum. Hagaræ nomen, servae profugae, mire cum historia Genes. XVI. narrata convenit, est enim هجر *fugere*. E-savo sine dubio aliud nomen, Edom, a lentibus avide expetitis inditum, quod in tota deinde gente haecit: nec haec conjectura, sed Moses diserte narrat Genes. XXV, 30. Seir, Troglodytarum qui ante Idumaeos Seiritidem tenuerunt progenitor, nomen, quod *Hirfutum* sonat, a successuro populo, ejusque progenitore, Esavo, valde hirsuto, accepisse videri queat. Bileami nomen, *avarissimum* notans, a باع *avide deglutivit*, ita cum moribus hominis convenit, ut videatur, cognomen potius ab Israelitis per convicium inditum, quam

Chaldaeos autem cum alii Arphachasdo posteros affig-
nent, ego nomen ab illis Arphachas dum accepisse arbitrer,
idque dubio careat, Abrahamum Arphachasdo ortum ter-
ram Chaldaeorum patriam habuisse, hic nisi fallor locus
est de Chaldaeis agendi. Sequantur ergo

כַּלְדָּאִי *Chaldaei.*

Duplex cum Chaldaea sit, altera ad Orientem Palaesti-
nae circa Babylonem, ad Septentrionem altera in vicinia
Ponti Euxini, ubi Chalybum regionem habent geographi:
ego quidem in ea sum sententia, hanc septentrionalem ve-
ram esse et antiquissimam Chaldaeorum patriam, ex qua
et Abrahamus egressus, et Chaldaei paulo ante Nabucho-
donosarem eruperint, sintque Babylone, ac deinde Asiae
imperio potiti.

De boreali quidem Chaldaea, alio nomine Chalybum
regione, Strabo libr. XII. p. 825. (al. 548): τῆς δὲ Τραπε-
ζούντος ὑπέρκεινται καὶ τῆς Φαρνακίας, Τιβαρηνοὶ δὲ καὶ χάλδαοι
(*supra Trapezuntem et Pharnaciam Tibareni et Chaldaei sunt*)
proxime a Tibarenis Chaldaeos habens. Idem sequente
pagina (826. al. 549.) Οἱ νῦν χάλδαοι χάλυβες τὸ παλαιὸν
ὠνομάζοντο. καὶ οὗς μάλιστα ἡ Φαρνακία ἴδρυται, κατὰ θάλατ-
τάν

quam nomen esse. De Gileado, ejus
posteri Gileaditidem diu ante ipsum
ita vocatam habitarunt, ad Jos. XVII,
1. diximus in notis germanicis *Jef-
thab*, (יִתְחַב) ejus ominis nomen
habet, ita rebus gestis aptum, ut me-
retricem, quae eum peperit, vatem
q̄ceres, ipsa si indidisset: significatio
enim nominis, *Vincet*, a حָזַק 1) *ape-
ruit*, 2) *vicit*.

Syri medii aevi huic adhuc mori
ita dediti, ut ex doctoribus scholae
Edeffenae Nestorianis nullus sit, non
ab his, qui se orthodoxos putabant,
turpi cognomine notatus. Vide chre-
stomathiam Syriacam p. 8. 9. ubi haec
scholastica cognomina invenies, partim
ita turpia, ut Simeonem Betharsamen-
sem describere puduerit.

πάν·μεν ἔχουσα·εὐφύϊαν·τὴν ἐκ τῆς·πηλαμυδίας, (πρώ·τιστα γὰρ ἀλίσκεται ἐνταῦθα τὸ ὄψον τοῦτο) ἐκ δὲ τῆς γῆς τὰ μέταλλα, νῦν μὲν σιδήρου, πρότερον δὲ καὶ ἀργύρου. Ὅλως δὲ κατὰ τοὺς τόπους τούτους ἡ παραλία στενὴ τελέως ἐστίν, ὑπέρκειται γὰρ εὐθὺς τὰ ὄρη μετὰλλων πλήρη καὶ δρυμῶν, γεωργεῖ δ' οὐ πολλά. Λεῖπεται δὴ τοῖς μεν μεταλλευταῖς ἐκ τῶν μετὰλλων ὁ βίος, τοῖς δὲ θαλάττουργοις ἐκ τῆς ἀλίας, καὶ μάλιστα τῶν·πηλαμύδων καὶ τῶν δελφίνων. i. e. Qui nunc Chaldaei sunt, Chalybes olim dicebantur (*), penes quos potissimum Pharnacia est, cui a mari commoda palamydum (***) captura, qui pisces ibi primum capiuntur: terra metalla praebet, nunc quidem ferrum, olim et argentum. His quidem locis ubique ora maritima perquam arcta, montibus metalliferis ac silvis impendentibus: parum ergo agri colitur, sed victus metallorum fossoribus ex metallis, maritimis autem ex piscium captura, palamydum maxime et delphinorum. &c. Ergo Chalybes et Chaldaei iidem, eorumque regio ferri dives. Nomina recogitanti, Chasdaeorum quod Hebraicum est, et Chalybum, videri possit, tertium, Chaldaeorum, ex utroque, errore exterorum constitisse.

Solus hic auctor suffecerit, non solum veterum geographorum omnium fide dignissimus, sed et in his regionibus pene domesticus, inque vicinia earum natus: unde fit, ut de illis nemo curatius Strabone prodiderit. Carere ergo possemus aliis testibus: adscribo tamen, quae Stephanus

(*) Scripseritne Strabo inverfo ordine, οἱ νῦν Χάλυβες, Χαλδαῖοι τὸ παλαιὸν ὠνομάζοντο, qui nunc Chalybes sunt, Chaldaei olim dicebantur? Certe Chalybum nomen Strabonis tempore usitatus et notius.

(***) Palamydes sunt thynni (Taunfisch) adolescentes, pedali magnitudine, quam ubi excefferunt, thynni vocantur. Vide Pauli Jovii de piscibus Romanis libellum c. 6.

nus de urbibus habet. Pag. 710. Χαλδία, χώρα τῆς Ἀρμενίας. Μένιππος ἐν περιπλῶ τῶν δύο Πόντων τὴν μέχρι τούτων τῶν βαρῶν ἔστιν ἡ Ποντική βασιλεία, καὶ κατὰ Τιβαρίην, καὶ Χαλδὴν, καὶ Σανδίκην. Οἱ ἐν ταύτῃ κατοικοῦντες, Χαλδοί, οὕτω γὰρ ἐπεκράτησε: i. e. *Chaldia, regio Armeniae*. *Menippus in periplo duplicis Ponti: ad hos usque muros (*)* (nescio cujus urbis) *pertinet Ponticum regnum, et usque ad Tibariam, et Chaldiam, et Sandicam incolae Chaldi vocantur, sic enim usus invaluit.* Nempe, qui in Armenia habitant ejus gentis non Chaldaeos, sed Chaldos dici ait, usu ita volente: quod et Constantini Porphyrogenetae testimonio confirmavit Stephani editor. Sed addo jam graviorem Stephano testem horum in Armenia Chaldaeorum, magis etiam, si fieri potest, ipso Strabone domesticum, Μωσὲν Χορενensem, qui in historia Armeniae, Armenice scripta, eam Armeniae partem, quae ad Pontum Euxinum vergit, *Chalodastiam*, incolas *Chaldaeos* vocat: p. 87. (**) 198. 285. 357. Sed ad Stephanum redeamus: Pag. 711. postquam de Chaldaeis circa Babylonem differuisset, haec addit: εἰσι δὲ καὶ Χαλδαῖαι ἔθνος πλησίον τῆς Κολχίδος. Σοφοκλῆς Τυμπανιστᾶις

Κόλχος τε, Χαλδαῖός τε, καὶ Σύρων ἔθνος.

sunt

(*) Βάρων editum est, vix ulla probabili sententia. Mutandum ergo censerunt alii in χώρων, in Τιβαρηνῶν Salmasius. Ego nihil mutarim praeter accentum: βαρῶν erit, usque ad has portas, urbis nempe alicujus, quam nominaverat Menippus, a nominativo βάρεϊς.

(**) Hunc primum locum excerpo, quod situs regionis Chaldaeorum ex eo intelligitur: quibuscum in mediani regionem pervenit, paulo supra origines magnae paludis ad ripam Erascbis (Araxis) prope collem Armavirensensem, — — — atque ibi etiam collectis earum terrarum incolis ad Chaldaeorum fines procedit.

sunt vero etiam Chaldaei gens prope Colchidem. Sophocles Tympanistis:

Colchus, et Chaldaei et Syrorum gens.

Jam cum Jeremias Chaldaeos, Nabochodonosaris ductu Palaestinam invadentes, ut hostes a septentrione venientes describat, sitque duplex Chaldaea, quis dubitare potest, veram gentis patriam non circa Babylonem, quam in ditionem redegerant, sedemque fecerant imperii, sed in septentrionali Chaldaea fuisse? Babylon enim nec Hierosolymae a septentrione, nec Tyro, cui ipsi quoque borealem hostem minatur Ezechiel, sed ab Oriente: et tamen vide, qua constantia Chaldaei a borea venturi dicantur. Jerem. I, 14. IV, 6. VI, 1. X, 22. XIII, 20. Ezech. XXVI, 7. Nec quidem ignoro, quid hic commentatores dicere soleant: non rationem situs Chaldaee haberi, sed itineris, quo Palaestinam a Libano invaserint. Mirum quidem, tam ut dixi, constanter hostem ab itinere, potius quam a situ describi: sed ut hoc omittam, non omnibus locis interpretatio apta, atque vix ex ea expedieris Jerem. VI, 22. X, 22. ubi non a septentrione solum, sed et *ex terra septentrionis, ultimis ex terrae angulis*, (מֵאֶרֶץ צָפוֹן - מִיִּרְכַּת אֶרֶץ) erumpere victor populus dicitur. Sed faciamus, his omnibus locis artificiosa consuli medela posse, superest multo illustrior, ad Chalybum nos terram, veram gentis patriam, deducens. Me certe primus eo ire coegit, viam veri monstrans.

Sic quidem de iisdem Judaeae hostibus Jeremias, invitos eos describens: *frangetur ne ferrum? ferrum septentrionale, et aes?* Jer. XV, 12. Hic vero quis non videt, populum septentrionalem describi, domesticoque ipsi ferro, in terra septentrionali effosso, comparari. Tales Chaldaei septentrionales, alio nomine Chalybes, quorum patriam ferri divitem

vitem fuisse, supra ex Strabone excerptimus, noruntque omnes ex illo Virgilii,

At Chalybes nudi ferrum.

Georg. I, 58. Ex hac antiqua patria Chaldaeos putem paulo ante Nabochodonosarem Magnum, forte ductu Nabochodonosaris primi, qui ejus pater fuit, aut avi, erupisse, divictisque aliis gentibus australibus, Babylonem, ipsam quoque devictam, ingentis regni sedem fecisse.

Babylon certe antiquitus Chaldaeorum non fuit, sed a Cuschitis condita (*). Jesaiae adhuc tempore, immunis ab Assyriorum dominatione, ac forte illis inimica, suum habebat regem, Hiskiae amicum, ad quem gratulatum legatos misit (**). Nulla tum mentio Chaldaeorum Babylone imperantium, et si qui sunt illo tempore in vicinia Babylonis Chaldaei, subsunt regi Assyriae, ejusque colonia.

Insigne hujus facti, ductae ab Assyriis in orientalem Chaldaeam Chaldaeorum coloniae, monumentum historicum superest Jes. XXIII, 13. 14. ex quo et intelligitur, satis recentem Jesaiae tempore coloniam fuisse. Victorias Nabochodonosaris, Tyrique expugnationem praedicens, *en, inquit, terram Chaldaeorum, populi, qui antea non erat! Assyrii fundabant illam, dabantque incolis deserti; errantes Nomades consistere fecerunt, aedificaruntque palatia. Hic populus Tyrum eventit. &c.* Recens Jesaiae est populus Chal-

(*) Genes. X, 8. 10. Ipsa forte Chaldaea orientalis nomen primorum incolarum, Cuschitarum, in hunc usque diem retinuit, سودان i. e. *Nigritia* dicta. Vide Golii Lex. p. 1234.

et Assemani biblioth. Or. T. III. P. II. p. 5. 6. Sed hoc nomen alii ad colorem tentoriorum referunt, in quibus Nomades habitant.

(**) Jes. XXXIX. tot.

Chaldaeorum, nec antea fuit. Id quidem de Chaldaeis universim dici nequit, Abrahami jam tempore inclutis, et quorum summam antiquitatem laudat Jeremias, c. V, 15. at potuerunt in Chaldaea prope Babylonem novi et recentes esse, videturque colonia eorum, Nomadum antea errantium, certas ibi sedes ab Assyriorum regibus paulo ante Jesaiam accepisse. *Fundatam* dicit *terram incolis deserti*: fundatam, id est, nisi fallor, aggeribus munitam, qui exundantem Euphratem coercerent; incolae autem deserti videntur Nomades Chaldaei esse, longe a patria, Curdorum fere in morem, per desertum Arabica et Syriaca errantes, nec sine latrociniiis (*). Quod הקימו בחוניי interpretatus sum, *errantes Nomades consistere fecerunt*, ejus forte ratio reddenda. Displicet consuetata explicatio, *erexerunt speculas ejus*: speculae enim Nomadum sunt errantium, qui ipsi eas erigunt, non a datore stabilis sedis rege accipiunt: Confero potius Arabicum ^{مَنْسِيَة} *mansio Nomadum nocturna*. Videntur ergo reges Assyriae errantibus antea per desertum Chaldaeis in vicinia Babylonis certas sedes dedisse, praesidio forte finibus futuris contra Babylonem, Assyriis non subditam nec amicam, indeque regio nomen accepisse (**).

Inter-

(*) Vide Job. I, 17. modo lectio sana, pro כשדם enim, *Chaldaeis*, LXX equites habent, i. e. פרשים, quod, si nomen proprium malis, *Persas* etiam interpretari possis.

(**) Ea animo revolventi, quae de terra Ponti (ארצא דפונטוס) p. 233. Tomi I. pro terra Sinear posita excerpti, conjectura historica se offert,

advenas ex Ponto, aut Ponti vicinia, hoc etiam nomen parti novae patriae imposuisse, ut coloni solent, maximeque gentibus ab Oriente Ponti Euxini usitatum fuit. Certe duplicem Pontum habemus, Asiaticum et Europaeum, forte jam tertium. Multa nomina geographica, Ponto Euxino Orientalia in Occidente iterum invenies, Asia minore,

Interiecto Jesaiam inter et Jeremiam tempore, fortassis Manasse in Judaea regnante, Chaldaeos septentrionales
ex

re, Europa denique, migrationibus gentium, ex hac vagina erumpentium, translata.

Caeterum non ignoro de Chaldaeorum circa Babylonem nomine alia omnia referre Stephanum de urbibus ex Hellenico et Dicaearcho, sed fabulas et mendacia Graecorum sapere videntur: primo enim manifestas Graecorum aut historias aut fabulas, plane pro more Graeciae sua ubique invenientis, remotissimarum gentium historiae attexit; deinde, iterum ut Graeci mentiri confreverant, regem fingit, a quo gens nomen acceperit, raro, si veram historiam consulas exemplo; tertio nimis recens facit nomen Chaldaeorum, Abrahami jam tempore notum; denique Babylonis, antiquissimae Mosi urbis, conditorem decimum quartum a Nino regem fuisse tradit; antiquis et domesticis orientalium rerum scriptoribus, Mosi aliisque, ubique contrarius. Jam verba adscribo ex Holstenii, ubi probatur, emendatione: Χαλδαῖοι, οἱ πρότερον Κηφῆνες, ἀπὸ Κηφέως τοῦ πατρὸς Ἀνδρομέδης, ἀφ' ἧς, καὶ τοῦ Περσέως, τῆς Δαναΐς καὶ Διὸς, Περσης· ἀφ' οὗ οἱ Κηφῆνες, καὶ Χαλδαῖοι; πρότερον Περσῶν ἐκλήθησαν,

ὡς ἔνρηται ἐν τῷ περὶ Κηφηνίας. Ἑλλάνικος δὲ Φησιν ἐν πρώτῳ Περσικῶν, ὅτι Κηφέως οὐκέτι ζῶντος στρατευσάμενοι ἐν Βαβυλῶνος ἀνέστησαν ἐν τῆς χώρας, καὶ τὴν Χογγὴν ἔσχον. Οὐκέτι ἡ χώρα Κηφηνίη καλεῖται, οὐδὲ ἄνθρωποι οἱ ἐνοικοῦντες Κηφῆνες, ἀλλὰ Χαλδαῖοι, καὶ ἡ χώρα αὕτη πάσῃ νῦν Χαλδαμὴ καλεῖται. Ἐκλήθησαν δὲ ἀπὸ Χαλδαίου τινός, ὡς Δικαιάρχος ἐν πρώτῳ τοῦ τῆς Ἑλλάδος βίου. Τοῦτ' αὖτε συνέσει καὶ δυνάμει διάφορον γενόμενον τὸν καλούμενον Νῖνον τῇν ὁμῶνυμον αὐτῷ συνοικήσαι πόλιν· ἀπὸ δὲ τούτου τέταρτον ἐπὶ δέκα βασιλεῖα γενόμενον, ᾧ τοῦνομα Χαλδαῖον εἶναι λέγουσιν, ὃν Φασὶ καὶ Βαβυλῶνα τὴν ὀνομασσομένην πόλιν περὶ τὸν Εὐφράτην ποταμὸν κατασκευᾶσαι, ἅπαντας εἰς ταυτὸ συναγαγόντα τοὺς καλούμενους Χαλδαίους. I. e. Chaldaei, qui antea Cephene dicebantur, a Cephew Andromedae patre, a qua, et Perseo filio Danaae et Jovis, Perses. Ab illo ergo et Chaldaei olim Cephene vocabantur, ut dictum est sub, Cephemia. (quae pars libri periit cum aliis in eodem folio scriptis) Hellenicus in primo rerum Persicarum libro narrat eos mortuo jam Cepheo, expe-

ex antiqua patria magno agmine erupisse putem, ferum initio populum, sed inter devictas gentes sensim mansuescentem, postque multas et insignes victorias magna parte Asiae potitos, ipsaque tandem Babylone, ubi in vicinia coloniae ex sua gente ab Assyriis olim deductae, confederunt, jamque et latius ipsi etiam Babyloniae suum nomen indiderunt. Has eorum primas victorias, aut coevus describere, aut paulo ante praedicere videtur Habacucus, incredibiles pene audientibus et videntibus. *Opus, inquit (*), facio in diebus vestris, quod non credetis cum narrabitur. Ecce enim erumpere facio Chaldaeos, gentem iracundam et celerem, late per terras euntem ad occupandum sedes (**) non suas.* Ac primo quidem, ut ex Habacuci I, 9. liquet, versus Orientem eruperunt, id vero est, aut Assyriam invaserunt, aut Mediam, aut utramque: qui prophetae locus perdifficilis est, de Babyloniis, ut fere faciunt interpretes, cogitanti; lucet, historiaeque consentit, de Chaldaeis septentrionalibus intellectus. Hos Graeci certe Scythas dicturi erant: in haec autem ipsa tempora magna incidit Scytharum eruptio, Assyrios primo, deinde Medos, utrosque

dirigere ex Babylone suscepta migrasse ex regione, et Cochen tenuisse. Haec omnis regio jam Chaldaica vocatur, quod nomen acceperunt a Chaldaeo quodam, ut Dicæarchus in primo libro de vita Graeciae tradit. Hoc et prudentia et potentia multo majorem fuisse tradit Ninum, qui urbem sibi cognominem condiderit, decimo autem quarto ab hoc regi nomen, Chaldaeus, fuisse dicunt, hunc Babylonem, nobilissimam

ad Euphratem urbem condidisse, collectis illuc omnibus, qui Chaldaei vocabantur. Hoc unum forte veri ex fabulosa compilatione lucratur, Babyloniae olim nomen Chaldaee non fuisse, sed serius ei regioni inditum.

(*) c. I, 5. 6.

(**) Sedes, מושבות. Videtur ergo populus describi, qui sedes mutat, nec solum externos vincit, sed et in illorum terris confidit.

que sibi orientales, vincentium. Vide Herodotum libr. I. c. 103-106. atque de temporis rationibus (*) Ufferium, a quo in eo tamen sed solo dissentio, quod Scythas Chaldaeosque eosdem habeo, victoriasque antecedentium annorum, quas Nabochodonosari primo tribuit, Scythicasque, easdem. Sed hic non locus est, historiam Scytharum, Asiam obtinentium, quam omnes obscuram, atque adeo fabulis deturpatam, fatentur, perpurgandi: sufficiat, nunc aliqua veri inveniendi vestigia demonstrasse, ac monuisse, eadem tempestate, qua Chaldaeos late per Asiam invalescentes habent sacrae literae, Orienti domesticae, Graecam historiam Scythas habere (quod nomen refugium est ignorantiae Graecorum, diversissimos populos eo completentium) Asia potientes. Id modo addo, Chaldaeos ut equestrem populum describi ab Habacuco, c. I, 8. et Jeremia, Scythas, qui eodem tempore eruperunt a Graecis: Scythasque Herodoti ibidem locorum, ubi Chalybes, sedes antiquas et patrias habuisse videri. *A lacu, inquit (**), Maeotide, ad fluvium usque Phasin et Colchos triginta dierum est, (haec videtur esse patria Scytharum erumpentium) ex Colchide autem non longum in Mediam iter, sed una interjacet gens Saspiorum. Hac autem via Scythae non irruerunt, sed &c. Saspiorum vitata gente Caucasum a dextra reliquerunt.*

Ejusmodi imperio, ex barbarorum eruptione nato, et inter victas gentes mansuescenti, eximie apta Chaldaici regni imago, Danielis c. VII, 3. 4. informata. Portentum belluae, ex leone et aquila compositum, primo alas amittit,

(*) Hic nonnihil errare videtur Herodotus: hoc tamen ex eo certum, in Psammethici regnum incidere Scy-

tharum eruptionem, (***) I. I. c. 104.

tit, deinde hominum more erigitur bipes, eique cor hominis inditur. Forte et quae Herodotus de Scythis habet *morbo femineo adfectis*, (l. l. c. 105.) mythologica sunt, male ab illo intellecta, ut saepe ei accidit, eoque pertinent, ut Scythae, feri initio et fortes, sub molliore coelo, accedente luxu, sensim effeminati sint.

Ne lingua quidem, quae nunc Chaldaea vocari solet, (Aramaeam melius diceret) usi antiquitus videntur Chaldaei septentrionales, Scythica gens et barbara, sed, cum Babylone sedem imperii figerent, victae gentis linguam suam fecisse, fere ut Germani, Gallias, Italiam, Hispaniam, occupantes, ibique inter adfvetos latino sermoni confidentes. Nomina certe propria regum ducumque Chaldaeorum barbarum quid sonant, nec eorum certa reddi ex Aramaea Hebraicaque lingua ratio potest, quod eo fortius est barbariei argumentum, quo facilior alias expeditiorque esse solet in Hebraica cognatisque linguis etymologia. Habet praeterea Daniel, Babylone sub Nabochodonosare scribens, exera nonnulla vocabula, Aramaeorum linguae, ut ex Syrorum eam monumentis discere datur, ignota. De utrisque dicam, unum praefatus, ab ipso Jeremia Chaldaeos et Aramaeos distingui ut populos diversos, idque cum jam uno sub rege essent: Rechabitae enim profitentur, se, Nabochodonosare per Palaestinam grassante, nunc primum contra mores patrios tecta subiisse, *propter exercitum Chaldaeorum, et propter exercitum Aramaeorum*. (מפני חיל כשרים ומפני חיל ארם) Jerem. XXXV, 11.) Alium ejusdem prophetae locum, cap. V, 15. non urgeo, ubi Chaldaeos describit, ut populum, cujus linguam Judaei non intelligant: namque et Aramaeam non intelligebant, qui ei non adfveverant, ut Saxoniae inferioris

ferioris rustici Bavarum aut Svevum vix intellecturi erant. Sed res ipsa loquatur.

דַּן Danieli (*) *edictum, sententiam judicalem, legem*, aut ejusmodi quid, significans, plane barbarum et Hebraeis est, et Aramaeis, peccantque adeo contra leges grammaticas, qui אֵדָנָה, *scientia*, derivant: nec enim litera Ain ex quiescentium est numero, quae abjici solent. Vocabulum est, aut Persicum, aut Armenium, aut utrumque: Persis *Dad* (د) *justitia, aequitas*, Armenis, ut ex Schroederi thesauro linguae Armenicae p. 19. disco, *DAT, judicium*. Persica in illis capitibus Danielis, quae sub Nabochodonosare ante Persarum dominationem scripta sunt, vix expectes (**): borealis autem Armeniae incolae aut vicini, Chaldaei, inferre linguae Arameae domesticum nomen potuerunt.

Nabochodonosaris nomen, patri filioque commune, barbarum quid sonat. Latino more distincte satis scribi nequit, quia Latini ꝛ Hebraeorum, (S nostrum) non habentes, pro eo S ponunt: audeamus ergo orthographia uti
Germa-

(*) c. II, 9. 13.

(**) Non ignoro, in tertio capite Danielis nomina et munerum occurrere et vestium, Persicam originem prodere visa: sed hoc ipsum caput Danieli forte aliqui abjudicaverint; nec videtur primus Interpres Graecus legisse. (Biblioth. Orient. T. IV. p. 26-30.) Ergo hanc totam de mere Persicis vocabulis quaestionem hic omit-

to; quamquam et lingua Chaldaeorum Scythica Persica vocabula habere poterit, non quasi ipsa fuerit Persica (toto enim genere, ipsoque auditu nomina propria differunt) sed quod inter linguas ad Pontum Euxinum auditas aliqua esset Persicae soror et cognata, ex qua aliqua vocabula vicinitatis jure in Chaldaeo-Scythicam immigrarent.

Germanica, atque ejus exemplo, qui primus latinum alphabetum Germanis commodavit, per Tz exprimere. Jam נבוכדנאצר *Nebuchadnetzar*, seu ex alia nominis lectione נבוכדנאצר *Nebuchadretzar* erit, utrumque nil Hebraici, aut cum Hebraica lingua cognati prodens. Quid hic etymologiarum Hebraicarum tentarit Simonis, in ejus onomastico p. 573. legi velim: mihi nec satisfecit, ac ne verisimilibus quidem adnumerandum visum est. Ultimas nominis literas, אצר, cum Persico افر vel افر, *ignis*, comparans, *splendorem* interpretatur, satis audaci literarum צ et ז permutatione. Alii in eis Hebraicum אצר, *thesaurum*, vident. Mirum, non hoc unum nomen Chaldaicum, sed multa, in צר vel אצר definere, si id *thesaurum* aut *splendorem* significat. Videtur potius haec tanta frequentia nominum, in Tzar desinentium, ut, *Hammeltzar* (*), *Belt-schatzar* (**), *Belschatzar* (***), *Nergal-Scharatzar* (****), linguam prodere, in qua Tzar aut terminatio erat, aut aliquid significabat compositioni nominum propriorum valde aptum. Reliquas syllabas violentius etiam torquent, ut cum ex נבוכדנ (Nebuchadn) Simonis effecit, נבוכ ארן, idque vertit, *Nebo est dominus*, formativam literam ך addi, et Aleph radicale demi confingens. Nempe pronomibus Chaldaei nonnunquam jungunt superfluum suffixum secundae personae, ut אלה, *hi tibi* (***): cujus rationem cum ignorarent grammatici, putabat, semper sibi licere, Caph sicubi luberet in fine addere, et ex *Nebo* facere *Neboch*.

Ergo

(*) Dan. I, II. המלצר

(**) Dan. I, 7. בלמשאצר

(***) Dan. V, I. בלשאצר

(****) Jerem. XXXI, 3. כרגל שאראצר

(****) Vide grammaticam Chaldaicam §. 25. p. 97. 98.

Ergo cum plane barbarum, et ab omni cognatione linguae Hebraicae Aramaeaeque sejungendum mihi videretur nomen *Nebucadnetzar*, interrogavi Büttnerum, opus polyglottum, quale adhuc orbis non vidit, componentem ullane in lingua, quae potuerit unquam ad Orientem Ponti Euxini audiri, aliquid significet? Respondit: *Nebu* lingua Slavica *coelum* esse, *Tzar* (quod quidem ipse noveram ex Russico Tzari, i. e. imperatoris nomine) *dominum*: totum nomen sic componi posse, *Nebje-Kadzenyi-tzar*, ut significet, *a coelo constitutum dominum*. Russicis quoque literis haec scribebat, sed quibus caret typographeum. Ipse linguarum Slavicarum, Russicae, Polonicae, Bohemicae, Venedicae, peritus non sum; sedes antiquas Slavis non pauci ab Oriente Ponti Euxini adsignant: sintne nomina propria Chaldaeorum in *Tzar* desinentia, aut *Nebo* habentia, Slavicae originis, viderint, doctiores: quoque illis facilius sit sententiam dicere, alia quoque Chaldaica, quae barbarum quid spirant, adjicio, *Aschfenaz* (*) אשפנז, Dan. I, 3. שררד *Sadrach*? an *Schadrach*? Dan. I, 7. מישך *Meschach*? an *Moschoch*? Dan. I, 7. אריוך *Arjoch* (**) Dan. II, 14. נבוצראדן *Nebuzaradan*, Jerem. XXXIX, II.

(*) Cum LXX pro hoc nomine Ἀβισσὸρ substituant, i. e. אֲבִיעֶזֶר, quaeri possit, sitne alterum alterius verbi? significetne Aschenaz aliqua lingua barbara, *pater meus auxilium*, aut, *patris auxilium*? Utrumque nomen conjunxit in commentariis Ephraemus Syrus, אֲבִיעֶזֶר אֲבִיעֶזֶר.

ചെറുപ്പം ൭ പെട്ടെന്നും

𐤀𐤓𐤌𐤁 dixit rex *Aschfazo* (vitium,
 ut puto librarii) i. e. *Ebiezero* &c.
 Nec celandum hos, qui linguarum alia-
 rum periti origines investigare allabo-
 rabunt, Josephum legisse videre, *Asch-*
chenaz, 𐤀𐤓𐤌𐤁, nomen enim scribit,
 Ἀσχανης, Ant. X, 10, 1.

(**) Non ignoro, idem nomen
jam in Mose occurrere Genes. XIV, 1.

M

fed

(Sed et occurrerunt alia, nec quaerenti, ac nihil tale suspicanti, vocabula Chaldaica linguis Slavicis usitata: cujus aut fortunae aut lusus duo exempla pono admodum recentia. Cum enim jam haec, quae praecedunt typographo tradita, ab eoque typis descripta essent, hocque ipso mense Decembri anni 1779 Daniele auditoribus interpretarer, idemtidem ad barbara verba dubitans et subsistens, haberemque in eorum numero Hungaros, Slavonicae linguae aut peritos, aut natalibus Slavos, ultro illi me monebant, haec sua esse genuina ac vernacula. Sciant autem lectores, tres in Hungaria linguas diversarum gentium audiri, Hungarorum, Slavorum, et Germanorum, sed alteram ab altera, nec id mirum in tanta non vicinitate modo sed et confusione gentium, multa sumere mutua.

Ergo cum ad סרכלן Dan. III, 21. haec monerem: esse genus braccarum Orientalium, ac vocabulum Persici quid sonare, viderique ipsissimum *Schalvar* (شلوار) braccæ, transpositis modo, ut saepe in exoticis accidit, literis, sed tamen et Scythicum esse, cum vestimentum, tum verissimiliter vocabulum, teste Julio Polluce (*), plerumque male

sed non inde sequitur, ut sit Hebraicae aut Aramaeae originis: poterat enim Arjoch rex Elassaræ barbarus esse, proque barbaro habuit, atque in ipsa Chaldaeae septentrionalis vicinia regnum ei attribuit Vulgata, regem *Pon-ri* vocans.

(*) I. X, §. 168. 'Εν δὲ τῶν σκευῶν καὶ ἀναξυρίδες καὶ σιελεαὶ, καὶ ποδίδες, καὶ περσικαὶ, ὡς Ἀριστοφάνης ἐν ταῖς νεφέλαις τὰς ἀναξυρίδας

ἔοικε καλεῖν. Ἀντιφάνης δὲ ἐν Σκυθαις καὶ Ταύροις, Σαράβαρα καὶ Χιτῶνας πάντες ἐνδεδυμένοις. i. e. „exsuppellestile quoque sunt, subligacula, tibialia, caligae, et Persicae, ut Aristophanes subligacula in Nubibus vocare solet. Antiphanes autem in comœdia, cui nomen, *Scythae et Tauri*: haec habet: *omnes induti Sarabaris et tunicis.*”

Ergo Tauri et Scythae Sarabara, (sic

male intellecto: continere vocem vix potuerunt ex auditoribus Hungari, monentes, suum esse vocabulum. Sciscitabar, quomodo scriberetur? cuiusque linguae esset? Responsum tuli, *Schalwary* (ipsa pene vox Persica), sed non tam scribi, quam adpellari, nec enim se meminisse in libris legere, sed in communi vita frequens esse. Hoc vocabulo vocari braccas breviores, non ad genua descendentes; inferioribus braccis (quae Hungaris, plane ut Persicae, usque ad pedes descendunt) impositas diversi saepe a braccis intimioribus coloris: nulla in lingua, ac ne quidem, de qua adcuratius interrogabam, Slavonica, etymon adparere, vocabulum vero ipsum tribus linguis in patria sua auditis, Slavicae, Hungaricae, Germanicae, esse commune. Hic quis non vocabulum agnoscat, Persicum forte origine, sed tamen et Scythis adscititum, quodque cum his in Europam immigravit?

Brevi post דרבריא Dan. III, 24. 27. occurrebat. Monebam, LXX *amicos* regis vertere, viderique hoc quoque vocabulum exoticum, neutiquam enim ad radicem דבר referri, neque He pro articulo haberi posse, Aramaeis He articuli ignorantibus, ac ne Hebraeis quidem illud nomini in statu constructo aut suffixo praefigentibus. Iterum illi monebant, *Dwor* Slavis, Hungaris *Udwar* aulam regis vocari, indeque Slavis *Dwornik* aulicum esse.

Haec quidem refero: Slavicae linguae me peritiores arbitrentur.)

Quos hucusque interrogavi, linguae Russicae aut Polonicae gnaros, quos inter ipse Serenissimus Princeps Czartorinsky, timidus in adseverando, eoque veri aman-

tior

(sic Graeci pro שרברא dicunt) ge- cum modo, sed et Scythicum ac Tautabant; erant vestis genus non Persicum, ex quo gentem nosceres.

tior visus, in Nabochodonosaris nomine Slavicum quid agnoscunt, licet non omnes plane eodem modo vertant. Quidquid sit, lingua barbara est, cujus haec sunt nomina propria, unde jam linguam *Chaldaeorum*, quam doceri Daniele jubet Nabochodonosar Dan. I, 4. non putem eam esse, quae c. II, 4. *Aramaea* vocatur, sed barbaram, et Chaldaeorum patriam, aut, si malis ita dicere, Chaldaeo-Scythicam. Ipsa certe nomina, לשון כשדים, et ארמית, diversas linguas prodere videntur, nec ratio adparet, cur eandem linguam Daniel capite primo Chaldaicam, secundo Aramaeam vocare voluerit.

Haec si lingua Chaldaeo-Scythica ipso sono nominum priorum Slavicum quid prodere videbitur in eam inquisituris, nolint tamen, peto, reliquas omnes linguas repudiare, si cujus nominis explicationem ultro offerant. Potuit enim Slavica esse, et tamen non pauca recipere linguarum vicinarum, ad Orientem Ponti Euxini auditarum, vocabula. Vera hae regiones vagina gentium, ex quibus populi, linguis diversissimi, in Europam se Asiamque effuderunt. Mithridatem quidem, Ponti regem, *viginti duabus linguis locutum esse, nec de subjectis gentibus ullum hominem per interpretem appellatum ab eo esse*, refert Plinius, hist. nat. l. XXV, c. 2. seu §. 3. nec ut narrationem dubiam, sed addens, quod raro ponit, *certum est*. Trapezunti ab Austro et Oriente erat mons *Lexiorum*, vel *Legsorum*, quem Arabum geographi ob multitudinem linguarum ibi vernacularum *montem linguarum* vocabant. Verba adscribo Abulfedae, quod haec pars geographiae ejus nondum edita (*): وفي جنوبي طرابزون بشرق جبال الكري ويقال له جبل اللسان لها فيه من اللغات apud

(*) n. 402. Armenias, in Trapezuntis descriptione.

apud nos in linguarum viciniis, accidere videmus, ut Chaldaeo-Schythica a pluribus vicinis vocabula mutuarentur.

Quod si quis ergo et alia Danielis verba, ut פרתמים, פתבג, פתבג, פתבג, et si qua plura sunt, quorum nulla adhuc certa ratio satisque expedita reddita est, aliqua in lingua ad Orientem Ponti Euxini olim usitata reperiatur, si vel Slavicae nulla teneatur cognatione, is vero et valde sibi obstrictos habebit Danielis interpretes, historiaeque studiosos, nec illos adversarios, quibus Chaldaeorum lingua Slavica sonare videtur. Disquirendum ante, quam statuendum.

Chaldaeorum ante Jesaiam vix ulla in libris Hebraicis mentio, nisi ubi dicitur repetiturque, Abrahamum ex *Ur Chaldaeorum*, de qua deinde agam, egressum esse. Unius praeterea loci recordor, sed dubiae, ut pagina 82. passus sum, lectionis, Job. I, 17. Ex consveta, Chaldaei impetum in Jobi camelos faciunt tripartito agmine: quae si vera est, Chaldaei, licet ad Pontum Euxinum habitantes, tamen ex patria jam tum evagati sunt, Nomadicam vitam agentes, nec sine latrociniis. Aliter legerunt LXX, veritentes, οἱ ἵππεῖς ἐπόησαν ἡμῖν κεφαλὰς τρεῖς, nempe פרשים, incertum, equites, an Persas, pro כשרים invenientes. Mihi quidem lectio consveta verosimillima, ac prope certa. Chaldaeos in illis tractibus praedones potius quam Persas exspectaverim: equites indigenae in Arabia Jobi tempore nulli, ut in fragmento meo de historia equorum in Palaestina vicinisque tractibus dictum. Mense Decembri aut Januario acciderunt Jobi mala, quae capite primo narrantur: arasse enim boves scriptor dicit, quod illis in tractibus Decembri

cembri fit aut Januario (*). Ergo Chaldaei, aetatem in suis montibus agentes, hieme meridionalia deserta ac planities pererrabant; ut solent Nomades. Vide me *von der Schaafzucht der Morgenländer* §. 2. 3. 4. (**).

De vocabulis nominibusque propriis Chaldaeorum, barbari quid sonantibus, plures a me consultos esse linguae Slavicae peritos, supra dixi, ex his nemo copiosius respondit Joanne Reinholdo Forstero, viro tam variae et magnae eruditionis, ut in illo solo conveniant, quae divisa decem alios celebres facere possent, ac tot regionum, gentium, insularum, *αὐτόπτη*, linguarum auditore, quot raro alius mortalium. Russicas regiones peragravit, Oceanum australem naturae scrutator, jussu Augustissimi Regis, pernavigavit, naturaeque cognitioni, linguisque nostri temporis, eximiam junxit veteris historiae antiquarumque linguarum cognitionem. Non in omnibus adsentio, sunt etiam, de quibus ego quidem, multarum linguarum imperitus, judicare nequeo, aliterque sentit, consuli a me in his rebus solitus Büttnerus, sum praeterea in etymologiis timidior, ut jam ex his intelligitur, quae timide retuli: gratissimum tamen me facturum lectoribus arbitror, si integras tanti viri literas adjecero, maxime cum latina lingua scriptae sint, nec opus interprete habeant.

Novissi-

(*) Testes producam in calendario
oeconomico Palaestinae vicinarumque
regionum.

(**) *Vermischte Schriften Tom. I.*
num. 6.

Novissimae Tuae litterae d. VI. Dec. datae, inexpectatam novamque de Chaldaeorum origine Pontica inter Chalybes quaerenda, opinionem Tuam declarant, Tuumque desiderium, a me discendi quid de nominibus Chaldaeis sentiam, quae non Chaldaicae sed Slavicae originis esse suspicaris. Possem equidem cum Romano oratore verbis iisdem uti, et dicere: *si quid est in me ingenii, quod scis quam sit exiguum*; sed nolo nimis modestiam in hoc studiorum genere simulare, quod olim adeo adamavi, in quo etiam per aliquot annos totus occupatus fui, quodque nunc etiam mihi satis arridet, dummodo satis otii mihi superesset, ut eidem rursus me totum dicare possem. Tua vero prolixa in me benivolentia id poscit, ut nec labori ulli parcam, et Tibi obsecundem etsi nil minus sim, quam otiosus; posthabita itaque modestia, morem potius Tibi gerere paro, probe gnarus Te non facile id daturum immoderato animo novas opiniones divulgandi.

Jam diu id mihi ex Eustathio in Dionys. Perieg. v. 767. cognitum erat, *Chaldaeos a Chalybum* in Ponti vicinia degentium gente originem trahere; praeterea et ex Mose Chorenensi p. 356. patet *Zaniam* esse *Chaldaeam*. Lanni Marcellin. Chron., Lianni Ammian. Marcellin. 25. 1. Sanni Strab. lib. 12. et Lanni Notit. Imper. et Thanni ad Pontum incolebant et olim *Macrones* fuere appellati, Dionys. Perieg. et Eustath., erant vero proximi vicini Chalybum: unde et forte Moses Chorenensis male *Zannos* confudit cum *Chalybum* gente, qui recte Chaldaei olim sunt vocati.

Verum id mihi nondum innotuerat, hosce Chalybes vel Chaldaeos tempore Hiskiae et Jeremiae (forte Jesaiae) in Chaldaeam impetum fecisse et Babyloniem occupasse. Si enim recte intelligo locos apud Stephanum voce *Χαλδαίος* et apud Eustath. ad 767. vers. Dionys. Perieg. id multo ante haec Hiskiae regis tempora accidit, et quidem ut ipse reor 780 ante ea tempora annis. Quae me in hanc opinionem trahunt sunt verba jam excitata Stephani et Eustathii qui meminere regis Chaldaei XIVti a Nino. Si igitur in catalogo regum Assyriorum post Ninum regem Chaldaeum quaero, vix eundem reperio, nisi idem lateat sub nomine regis ASCATADIS, qui apud Eusebium est 16tus apud Africanum vero 17mus, quia Africanus BELUM regem, NINI patrem quoque

96 FORSTERI EPISTOLA DE CHALDAEIS.

que numerat, at Eusebius eodem omisso habet 16 ad Ascatadem: verum hic loci non possum immorari rationibus; quae mihi persuasere, ex Africani et Eusebii laterculo eliminandos esse reges BALAEUM BELOCHI successorem, et MAMYLUM secundum; forte alia occasione data id pluribus exponam. Sufficiat nunc, expuncto BALAEO et MAMYLO, *Ascatadem* esse 14^{um} regem a Nino: in hoc vero nomine certo certius nomen CHALDAEI regis apud Dicaearchum latet. ASCASADEM credo pro *Ascatade* legendum; isque erit **ܐܫܬܐܕܐܝܢ** *Isb-Cashdi*, vir Chaldaeus, noster rex CHALDAEUS; qui Babyloneum tum a Sesoistre rege Asiae victore colonis exhaustam, rursus collectis novis colonis, (forte ex patria sua Pontica Chaldaea petitis) replevit, qui et *Chaldaei* fuere appellati. Itaque mihi quidem opinio magis placet, Chaldaeorum originem esse referendam ad tempora circiter Mosis, circa Exodum: nec ab hac mea sententia adeo aliena videntur oracula vatis Jesaiæ cap. XXIII, 13. ubi expressis verbis, Assyriis origo Chaldaeorum tribuitur. Id tamen nolim negare, tempore quo Assyrium regnum sub Sardanapalo ab Arbace eversum fuit, in Babylonia Satrapas incoepisse plus virium colligere et potentiae sibi assumere, et ut id facilius perpetrarent facinus, milites ex gente Chaldaeorum forti, valida, et laude rei militaris clara conscripsisse; quae etiam res eos Chaldaeis animos addidit ut ex gente sua regem Babyloniae praeficerent, quorum primus forte fuit *Nabonassar*, a quo Aera celebris procedit. Ejus successores partim Chaldaei partim Aramaei fuere, haec enim, nomina in laterculo Nabonassareo in Canone demonstrant satis lucide. *Nabopolassar* pater Nebucadnezaris Chaldaeae originis fuisse videtur, et omnes ejus Successores. *Evil Merodach*, nepos certe est *Iloarodamus* laterculi, et idem qui *Belsatzar* Dan. V. 1. nam hoc nomen est Slavonicum *Bolsboi-tzar Magnus rex*, et ut jam inde apparet optime in *Iloarodamum* vel *Evil Merodachum* quadrat, qui magni victoris *Nebucadnezaris* filius erat: verum is interiit; forte a Negligissare, quem scriptura vocat NERGALSAR-EZER. Jerem. XXXIX, 3; qui quoque a Cyro in Babylonis urbe tempore Saceorum capta interfectus, eique Darius Medus vel Astyigas *Ctesiae* et Astyagis seu Apandae frater, Cyaxaris I Medi filius in regno successit; is enim tum temporis rex regum et 120 Satraparum Dominus, (Cyri quoque ex nepti Mandane pronepotis) Princeps erat, qui tum mortuo jam patre Cambyse Persidis

fidis Satrapiam seu regnum tenebat; et Astyigae dux bellicus erat. In Babyloniae Satrapia LABOROSOARCHADES, Nebucadnezaris nepos, rex a Dario s. Astyiga institutus fuit: sed post aliquot mensium regnum interijt, eique successit Chaldaeus NABONADIUS s. NEBUZAR ADAN Jerem. XXXIX. 11. qui per aliquot annos regnavit, verum a Medis Persisque deficiens; a Cyro Babylon, Gynde flumine prius derivato, rursus capitur, (*) rex Nabonadius in urbem Borsippam fugiens capitur et Caramaniae praeficitur, annis 538 ante Christum natum.

Nebucadnezar, Chaldaee erat originis, uti omnes principes qui a *Nebu* vel *Nabo* nominis initium ducunt. viz. *Nabonassar Nabopolassar, Nabonadius*, et alii &c. Nolim prorsus inficiari haec nomina *Neba* et *Nabo* voci Slavonicae *Nebo* esse simillima, quae *coelum* significat; nec id quidem negandum vocem *Tzar*, multis nominibus Chaldaeorum additam, similem esse admodum voci Slavonicae *Tzar, rex, princeps*. Verum id nondum sufficit, duas tantummodo voces Chaldaicas similes esse sono vocibus Slavonicis, ut possimus inde concludere Slavonicas gentes esse originis Chaldaee. Itaque si quid exinde exsculpere voluerimus, id imprimis erit probandum, gentes Slavicas ex Asia et gentibus circa Ponti Euxini angulum Euronotum originem trahere. Id jam aliquatenus probare annitar: Tria mihi sunt in hac re argumenta; primum est Historicum; secundum desumptum a colore, moribus et genio gentis; tertium a linguae Slavonicae cum Asiaticis mira similitudine.

I. Notissima equidem in antiqua Historia res est, Scythas gentem ad orientem Tanais olim degentem, in Kimmerios in Chersoneso Taurica tum habitantes impetum fecisse, iisque victis, eosdem in Asiam esse secutos; verum aberrasse a via: Kimmerii enim in Asiam minorem pervenere, et in ea aliquamdiu vixere; Scythae vero in Mediam delati, Cyaxare I. Medo devicto, omnem superiorem Asiam ad Aegyptum usque armis tenuere per 28 annos; et eo temporis intervallo, teste Diodoro Siculo lib. 2do Scythae *e Media ad Tanain coloniam deduxere, cujus populi postmodum SAUROMATAE appellati fuere*. In eodem loco et Herodotus Sauromatas suos collocat;

(*) Polyaeus bis meminit Babylonem a Cyro captam fuisse.

locat; Herodotus vero sua accepit a Graecis inter Scythas degentes; quos postmodum gentem Lithuanicam Porufficam, Curonicam et Letticam formasse cum Bayero adhuc credo, etsi quidam contra eam opinionem multa disputaverint. In lingua Lithuanica vero *Sbaure* significat Septentrionem, Medi etiam *Madai* sunt appellati, unde *Saure-madai* vel *Saurematai* sunt *Medi boreales*, i. e. *Sauromatae*. Hi Scytharum potentia fracta, Mithridatis *Eupatoris* tempore coepere caput erigere, et primum libertatem sibi vindicare, mox etiam finibus prolati, vicinas gentes subigere, denique omnia late imperitando a Tanai ad Danubium et Vistulam sibi subicere. Unde factum, quod eas Nationes videamus in Pannonia et Moesia bella gessisse teste Tacito hist. l. I. c. 79. et Odis, Gothinisque tributa imposuisse de morib. Germ. C. 43. et quoque vicinos Iberorum in Caucaso et Albanorum fuisse. Annal. l. 12. c. 29. Hae eadem gentes iisdem in locis confedere, in quibus postmodum Slavicae gentes vivebant. Nomen enim Slavorum sibi invicem a *Slav tribus*, *gens* dedere, quod essent in gentes plurimas divisi, quarum quaevis nomen peculiare gerebat; et *Slavi* non raro *Saurematae* a saeculorum aevi scriptoribus appellantur; nam non ante medium Saeculi VI Slavorum mentionem fieri cognitum. Hinc mea quidem opinione omnes Slavorum gentes, a Medis ipsis originem duxisse primam in Sauromatia ad Tanain, videntur.

- II. Verum et ipse gentis color nativus, mores, et genius Orientalem originem poscunt. 1) Omnes Slavicae gentes, quas modocunque novi et vidi, vidi autem plurimas, sunt colore fusco iride oculorum fusca, capillis nigris, corporibus robustis raro vel nunquam obesis, (non nisi desides enim sunt crassi et obesi) statura procera; praeterea sunt agiles et exercitati. 2) Genius nationis est ita ab omnibus gentibus distinctus ut nunquam eos cum aliis populis confundere posses: amant jocos et ludicra, cantus et musicam, saltationes et epulas; vini et inebriantium sunt appetentissimi; in Venerem mature feruntur et plurimos procreant liberos. Denique versibus et facundia certant; scientiis sunt aptissimi, bello fortes, sed non sine crudelitate in victos, amici mobiles et incerti, hostes implacabiles. 3) Vestes gerunt laxas, et satis longas, omnes cinguntur,

tur, inferioris sortis homines serviunt nobilitati ut olim Scepturchis; equos alunt et multum eis utuntur; arma acinaces i — —, hastae praelongae, et loricis concatenatis utebantur non ita diu. Pleraque horum, Slavicis gentibus cum Medis communia fuere: ne igitur taedium pariam, nolo res notissimas attingere: praeterea adeo parum mihi superest temporis, ut nequeam extra oleas vagari: et Tibi sufficient haec, ex quibus illico perspicere poteris, ad quae veterum historicorum loca de Medorum et gentium vicinarum colore, genio et moribus alluserim.

III. Denique et lingua Slavica, ejusque variae dialecti, ad orientis linguas in multis accedunt, adeo ut ex his quoque opinioni nostrae novum possit parari robur.

- 1) Primum voces aliquot antiquis cognitae explicabimus. a) Herodotus nutricem Cyri lingua Medica nomen dicit gessisse *Spaco*, quod ipse explicat η *Κυνω*, verum quantum haec vox cum Slavico *Sabaka* effinitatis habeat, non eget longa disputatione. b) *Κανδύς* apud Hesych. erat genus vestis manicatae (apud Persas et Medos; Poloni gerunt vestes manicatas longas, corpori strictim adhaerentes quas vocant *Kontusz*). c) *Σαραβαρά εδης Περγίκη. Ενίοι δὲ λέγουσι Βρακίμια*. Hesych. vox est biblica *סרפלים* *Sarbalim*. Ex Hesychio conjectari licet esse genus braccarum seu femoralium: et sic apud Polonos in usu est genus femotalium, in quae colligunt vestes suas laxas et longas ne conspurcentur in itinere et ut expeditiorem in equum ascensum praeberent, hasce vocant *Szarawary* (lege *Sharawary*). d) *Zamen* Persis olim tellus, et Polonis *Zemia*, Russis *Zemlia*. e) *Δανᾶνες* (*) pro nummo Persico apud Hesychium, ni fallor; (nam non ad manus est liber) Russis *Denga* pecunia; Usbeki habent genus nummorum quod appellant *Tanga*, quod a Persis certe adoptarunt. f) *Σαγγαρίς. Πελεκίον* Hesychio. Polonis *Szekera*. g) *Taber* Persis est ascia, Russis et Polonis *Topor*. h) *Sada* Persis denotat *centum* *Sto* et Polonis et Russis: et in derivativis *Setny*, *Seinik*, *Setnicestwo*, *Setkawat* vocem *Set* Poloni adhibent quod ad *Sada* magis accedit, et facile ejusdem originis esse vocem demonstrat.

N 2

2) Si

(*) *Δανᾶνη* Hesych. p. 885.

100 FORSTERI EPISTOLA DE CHALDAEIS.

- 2) Si voces Linguae antiquae Persicae in Dialecto *Zend* apud Anquetilum du Perron comparo, cum vocibus Slavicis, magnam affinitatem facillime erui posse, video.

<i>Zend</i>	<i>Slavon. Ruff. Polon.</i>	<i>Latine.</i>
Astem	Osè (os Piscis) Koft.	Os, Ossis.
Djerete	Dzielat	Facere.
Zedehe	Zadek, Zad.	Posteriora.
Zemo	Zemia, Zemlia	Terra.
Gofhtë, Gneôfh. (Gofh. <i>Pehlvi</i>)	Ufzi (lege <i>Ushy</i>)	Aures.
Medo	Miod, Med. (Mel et Hydromeli)	Hydromeli, vel Vinum.
Mediché, Mâté	Mat, Matka, Mac.	Mater.
Mefhio.	Maz, Mufh	Vir.
Mreté.	[Mertwi (<i>mortuus</i>) [Mertwenni (<i>mortalis</i>)]	mortalis
Vî, vo vé	Wi	vos (<i>pronom.</i>)
Vâtem	Wiatr, Wietr	Ventus.
Oné	On	ille.
Erézeém	Serdze (Sirt. <i>Armen</i>)	Côr (<i>corazon hisp.</i>)
Zianm, Gamé, (Zemeftan. <i>Pehlvi</i>)	Zima	hiems.
Té	Ty	Tu (<i>pronom.</i>)
Djeté, Djeofesté. (Zi- vad, zived. <i>Pehlvi</i>)	Zivet, Zijet	vivit.
Djeddeiet. (Zit. <i>Pehlvi</i>)	Ziv'yeti	vivitis.
Dedâeté	daiet (lege <i>dayet</i>)	dat.
Dâtô	dato	datum.
Zeânté	Znat	cognoscere, scire.
Kéié	Koy, Koya, Koye	quis, quae; quod.
Makhfhé (Magas <i>Leblvi</i>)	Mucha	Musca.
Vestan, Velô, Vefh, (Vouft, Vos. <i>Pehlvi</i>)	Wfho, Wfzifko	omnia.
Jézé	Yezeli, Izeli	Si, an.
Perô, Peôoroïé	Pered, Perod, pred	ante.

<i>Zend.</i>	<i>Pehlvi.</i>	<i>Parfi.</i>	<i>Armen.</i>	<i>Slavon.</i>	<i>Latine.</i>
1) Ééouq, oim,	Advak,	Jek,	Mehk.	Odin	unus.
2) Best, Bee, Doué.	Dou	Jermuy	Dwa	duo.
3) Têfhro, Thré, Sé	Zé, Sé	Jerik	Tri	Tres.
					4) Tche-

FORSTERI EPISTOLA DE CHALDAEIS. 101

	<i>Zend.</i>	<i>Pehlvi.</i>	<i>Parfi.</i>	<i>Armen.</i>	<i>Slavon.</i>	<i>Latine.</i>
4)	Tchetró, Tchet-veré.	Tchahár, touerim	- - -	Tchyrk	Tchetery.	Quatuor.
5)	Peanteche	- - -	- - -	Hing	Pet. (piec. Pol. quinque. lege p. yentfch)	
6)	Khshonefh	fefe	- - -	Wjets	Sheft	Sex.
7)	Hapté (επτά)	haft	- - -	Jothn	Siem, Siedm	Septem.
8)	Ashé (achte)	Aht	- - -	Wyth (huitgall.)	Osiem,	octo.
9)	Neo	- - -	- - -	Jnn. (εν- vεα)	dewiat	novem.
10)	Defe	Dah, das,	Deh	Tafn.	desiem	decem.
100)	Seté	Raz	Sad	Hariur.	Sto. (Set.)	centum.

3) Slavonicas gentes emigrasse ex oriente id mihi quoque inde videtur posse confici, quod habeant nomina Elephanti, Cameli, Tygridis, Pantherae, Lyncis, et Alces plane diversa, ab iis quibus reliqua Europa uti consuevit. Id enim inde patet, reliquam Europam vocabula graeca et latina adoptasse, quia haec animalia per Graecos et Latinos iis primum innosciere; at Slavonicae gentes utuntur vocabulis peculiaribus, quia vixere in regione ubi videre Elephantos, Camelos &c. solebant.

<i>Ruff.</i>	<i>Polon.</i>	<i>Germ.</i>	<i>Armen.</i>	<i>Latine.</i>
Slon	Slon	Elephant	Pigh.	Elephas.
Welblind	Wielblad	Kamehl	Wughd	Camelus.
Babr.	Tygr	Tyger	Palang, Tatgr	Tygris.
Bars	- - -	Leopard	Intz (uncia)	Pardus, varia.
Rys	Rys	Luchs	- - -	Lynx.
Lós	Lós	Elend (Elk. Angl.)	- - -	Alce.

4) Russis vox *Mir* saepius in compositis nominibus propriis occurrens. v. gr. *Waladi-mir*, *Kazi-mir*, *Faro-mir*, &c. significat *mundum*, *universum*; Forte *Mibr* vel *Mibr-ter* *Mibibra* *Dominus universi* huc spectat.

Ter vox *Armenica* simillima, voci *Tzar* Slavonicae utraque *Dominum*, *Principem* significat.

Sed ego hisce nimium immoror; et id tantum hic addere mihi liceat precor: Diodorum in loco supra citato, non Medos ipsos in Sarmatiam translatos, sed tantum *e Media* colonos in *Sauromatiam* deductos narrare: inde forte sequeretur, non ipsos Medos, verum gentem vicinam et Mediſ vel ſociam vel parentem, affineſ quoque lingua, moribus, genio, Chalybes ſeu Chaldaeos ad Tanaium ſedes ſigere coactum fuiſſe; metuebant ſibi ſcilicet Scythae a gente valida et bellicoſa; et ne res turbarent, eos in deſerta Tanaitica ablegarunt. Hinc et facile patet, quòd Xenophon non potuerit invenire gentem numeroſam, quum ipſe cum XM. ad Chalybas perveniret, exhausta enim regis erat colonis, bis in Chaldaeam abeuntibus, primum tempore Aſcaſadis et rursus circa Nabonaſſari aetatem, denique alia multitudo a Scythis traducta. Bellicoſa vero gens erat et animis elatis, quia arma optima e chalybe facta habebat.

- 5) Gentes Slavicae certe uti Medi et Magi duo principia colebant ſibi invicem contraria, unum vocabatur *Belibog* numen album, alterum *Tcherni-bog* numen nigrum.

Denique id obſervatum jam credo a viris doctis ante me, (ſed ob temporis penuriam, nequeo loca evolvere,) quòd linguae *Zend* et *Pehlvi*, linguae Medicae antiquae reliquias contineant. Armeni quoque plures ſervant voces Medicas in lingua Haikana; verum illa tot perpeſſa mutationes a victoribus et novis incolis, ut non ſit mirum, non plura vocabula Slavonica et Medica in ea reperiri.

Hiſce raptim praemiſſis, nomina quaedam a Te Vir Generoſe Chaldaea mecum communicata e Slavonicis Dialectis explicare tentabo.

Nebu-cadne-tzar,	Nebu-godnoi-tzar,	<i>Coelo dignus Princeps.</i>
Belfha-tzar,	Bolſhoi-tzar,	<i>Magnus Princeps.</i>
Bel-teſh-tzar,	Byt-teſh-tzar,	<i>Fuit quoque Princeps. i. e. e familia Regia, ſcil. Daniel fuit.</i>
Mel-tzar,	Mili-tzaru,	<i>carus Principi.</i>
Shara-tzar,	Shara-tzar,	<i>Noctis Dominus. i. e. Praefectus vigilum.</i>
Nabo-naſh-tzar,	Nebu-naſh-tzar,	<i>coelo poſter Dominus.</i>

Naba-

Nabo-polafs- tzar,	Nebu- polèzi- tzar.	<i>Coelo habitat Dominus.</i>
Sangar- Nebo;	Zagor- Nebu. - -	<i>Combustio Coeli, f. Ignis coelestis.</i>
Nebu- Salban,	Nebo- Zafepione. -	<i>Coelum triste.</i>
Nergalfare- tzar.	Nie- rugal Sharu- tzar	<i>Non ludibrio habuit colorem</i> <i>Princeps.</i>
Nebu- zarad- an	Nebu- zariad- on. -	<i>Ille pactum coeli.</i>
Shadrach - - -	Stchedri - - -	<i>liberalis, munificus.</i>
Mefhach. - - -	Muzik. - - -	<i>virilis, analogice; sed proprie</i> <i>rusticus.</i>

ARIOCH, non est vox Chaldaea sed Aramaea, occurrit enim jam Gen. XIV. v. 1. **ASARIA** est nomen Aramaeum.

Nollem Te hasce ultimas nugas serio pro veris habere: Expli-
cui quidem quaedam ex Slavonicis dialectis, sed non serio inde
argumenta vellem repeti: Etymologia enim vel nihil, vel nimium
demonstrare videtur, nisi alia adsint argumenta majoris momenti.
Ego haec magis, animo Tibi morem gerendi tentavi, quam ut
crederem, haec quae differui posse placere Viris Doctis; Tu pro
Tuo consummatissimo in hoc studiorum genere iudicio, utere hisce
sicuti Tibi maxime libuerit. Vale et me amare ut soles perge.
Dabam Londini d. XX. Decembris. Anni. MDCCLXXVI.

P. S. Postquam omnia in chartam coniecissem, quaecunque de Sla-
vicis et Sarmaticis gentibus, earumque origine Medica vel orientali
saltem noveram; video etiam aliam gentem trans Istrum ab Herodoto
lib. V. c. IX. memorari, veste Medica utentem et a Medis originem du-
centem, *Sigynos* nempe; Hænetis ad Adriam vicinos. Verum simul
fateor, quo haec gens sit referenda, me prorsus ignorare. Situs et vi-
cinitas suaderent eosdem esse corporis Sarmatici gentem, fuere enim illic
postmodum Jazygum gentes ad Tibiscum, qui certe fuere Sarmatae te-
ste Strabone l. VII.; ubi et urbs *Singidunum* forte a *Sigys* vel *Sigynis*.

* * *

אור כשדים

Ur Chaldaeorum.

Urae Chaldaeorum, ex qua egressus Abrahamus, Carras primum, deinde in Palaestinam migravit, (Genes. XI, 28. 31.) aliquoties in sacris literis mentio, sed situs plane adhuc incertus. Nec equidem expedire quaestionem, unam omnium obscurissimam, suscipio, quod fieri nequit, ante quam regiones Pontum inter Euxinum et mare Caspium, antiquae Chaldaeorum sedes, deserint incognitae nobis esse, ac forte nunquam sperandum, si tanto temporis intervallo memoria nominis interiit: hoc uno consilio varias sententias colligo, ut quam sint incertae adpareat, revocenturque, qui dubitare possunt, a fide aut falsis aut dubiis habenda. Melius certe est dubitare, quam errare, haecque una via ad verum aliquando, si fors dederit, investigandum patet.

Primo ergo non defuerunt, qui in Chaldaea Babylonia Uram quaererent: neque illis cum Bocharto (*), ipsoque adeo Cellario (**), opposuerim, ex Babylonia Palaestinam petenti non iter per Carras esse, sed multo rectius et brevius per deserta: certum enim est, vel in hunc usque diem, qui Bassora in Syriam proficiscuntur, non semper proximo per deserta itinere uti, sed longo flexu Bagdadum; Mosolam, Edeffam, Nisibin, tandemque ipsam Carrarum viciniam adire, ut nuper admodum Ives et Niebuhrius fecerunt. Nempe montibus Armeniae vicina sectantur, quod minus deserta et siticulosa: arida illa deserta vitant, quo-

(*) libr. II. c. 6. p. 78.

(**) Geogr. Ant. T. II. p. 760.

quorum trajectum Niebuhrius ex aliis descripsit, T. II. itinerum, p. 236. 237. Nec tamen hoc argumento abdicato in eorum partes concedere possum, qui in Babylonia Uram inveniunt, quod non hanc sed Chalybum regionem antiquam Chaldaeam puto. Sententias enarrabo.

Syri, ut Castelli lexicon p. 66. docet, Uram *Cuthi Rabbam* interpretantur, dicuntque *significationem nominis esse: ardet ignis*. Alii dicunt, *civitatem esse sacerdotum*, (teste Honain) *quae كسكرا et كوثي dicta*. Utrique concordēs, Castellique illud, alii, eo modo pertinet, ut alii sint, ex quibus hoc, alii ex quibus praecedens excerptum erat. Nempe Cufam inter et Bassoram sita fuit (*), quam in nostris tabulis geographicis frustra quaesivi, *Cascara* vel *Caschcara* (كسکر, کشکر, جـمـسـ), alio eadem nomine *Cuthi* vel *Cusi*, كوثي, hancque sacerdotum urbem dictam, i. e. sive sacrificulorum, sive ignicolarum, pro Ura Abrahami habuerunt.

His jungendus Eupolemus, ex quo sua sumfisse anony-
mos, qui citantur, Syros arbitror, cujus excerptum ex
Alexandro Polyhistore nobis servavit Eusebius, l. IX. Prae-
parationis evangelicae c. 17. Εὐπόλεμος ἐν τῷ περὶ Ἰουδαίων τῆς
Ἀσσυρίας Φησὶ, (omitto hic alia fabulosa) — — δεκάτῃ δὲ
γενεᾷ, Φησὶν, ἐν πόλει τῆς Βαβυλωνίας Καμαρίνη, ἣν τινες λέγειν
πόλιν Οὐρίην, εἶναι δὲ μεθερμηνευομένην Χαλδαίων πόλιν, ἐν τρεκαί-
δεκάτῃ γενέσθαι Ἀβραάμ γενεᾷ: i. e. *Eupolemus in libro de Ju-*
daeis Assyriae sub decima generatione, (a diluvio) tradit,
*decima tertia generatione (**)* *in urbe Babyloniae Camarine,*
quam

(*) Assemani biblioth. Or. T. III.
P. II. p. 734. 735.

(**) Decimam tertiam generatio-

nem computari puto a Methusala, qui
diluvio superstes fuisse fingebatur: (vi-
de me *de chronologia Moysi ante dilu-*

quam aliqui urbem *Uriam* vocent, significetque, *Chaldaeorum urbem, fuisse Abramum*. Quid dicat, video: urbs aliqua Babyloniae erat, *Camarine*, seu, ut Hebraicis literis scribam, עיר כמרין, Casarea ni fallor medii aevi, idque nomen, jure an injuria? ignoro, *urbem sacerdotum* interpretatur, sacerdotum nomine, ut recte viderunt Scaliger et Ikenius (*), ignicolas intelligens. Hanc ergo *Camarinen Uram* vult esse Abrahama recte? an secus? aut quo argumento (**)? non liquet: id enim certum, vel ex verbis ejus lectis, nomen *Ur Chasdim* eam non habuisse, sed modo a quibusdam *Uram Chaldaeorum* putatam fuisse. Non testis est, sed conjector etymologicus, forte ne linguae quidem satis peritus, אור et עיר confundens, *urbem* enim sacerdotum, id vero est *Chaldaeorum* interpretatur. Verum haec ut condonentur, licebit cuique suas tentare conjecturas etymologicas, aequae bonas, aliumque aeternum ignem *Chaldaeorum*, celebriorem forte, arripere. Auctoritatis quidem ne hilum quidem in Eupolemo residet, scriptore ineptissi-

vium §. XI. pag. 144. 145. (commentationum per annos 1763-1768 praelectarum) vix dum enim de gigantibus, qui diluvium effugerant, verba fecerat Eupolemus.

(*) §. XIII. dissert. de כמרין ignicolis: p. 128. dissertationum philologico-theologicarum.

(**) Hanc suspicor argumentorum fuisse seriem: *Ur Chaldaeorum fuit ignis sacer ignicolarum; Camarine ab ignicolis nomen habet*, (כמרין enim non alii quam ignis sacerdotes) ergo

Ur Chaldaeorum Camarine fuit. Fac, omnes praemissas veras esse, adde etiam concessionum largus, atque ultro offer, aeternum ignem; i. e. fontes naphthae aeternum ardentes, *Camarinae* fuisse; ne sic quidem inde consequetur, *Camarinam* fuisse *Uram Chaldaeorum*. Plures enim ignicolarum sacri et aeterni ignes, (celeberrimus ad urbem Baku, de quo infra) Chaldaeique Abrahama tempore nondum in Babylonia confederant.

ptissimo, ut facile dabunt, qui omnia ex eo excerpta (*) perlegere non dedignati fuerint, in quibus non mediocria modo commenta, ut, Abrahamum astronomiae et astrologiae peritissimum, Phoenices Aegyptiosque utramque doctorem, sed et alia maiora portenta invenient, gigantes ex diluvio superstites, turris Babylonicae conditores; Davidem, cum Vaphre Aegyptiorum rege, i. e. cum Pharaone Hophra, (Jeremiae coaevo) foedus percutientem, Salomonem ab hoc Hophra octoginta fabrorum millia mutantem, et quae alia sunt, tam putida, ut hoc teste uti erubescendum sit.

Et tamen talem sequutus Bayerus in eruditissima historia Osrhoena, sed cuius initium reliquo opere indignum, alia plura etiam vitiosiora addidit, ut Camarinam alio nomine *Orchoen* Ptolemaei esse, eandemque et *Erech*, et *Ur-hoi*, quibus de peccatis magni viri in primo Tomo spicilegii p. 222. 225. dictum, nolimque ingrata repetere.

Alia est, non contemnenda, multo certe verisimilior sententia Bocharti (**), ipsiusque adeo Cellarii (***), Ur intelligentium, castellum septentrionalis Mesopotamiae, cuius Ammianus Marcellinus l. XXV. c. 8. (****) mentionem facit, reditum Romani exercitus sub Joviano post mortem Juliani describens: *ad Ur Persicum venere castellum*. Situs castelli medius inter Hatram et Nisibin, seu, ut distinctius dicam, *Hatra ad castellum Ur sex dies per desertum, post hoc castellum Tilsaphata, post Tilsaphata Nisibis*. Hic ergo

(*) Eusebii Praeparat. evangelicae l. IX. c. 30-34. 39.

(**) Phaleg. l. I. c. XXI. p. 38.

c. VI. p. 78.

(***) Geogr. Ant. P. II. p. 729. 760.

(****) p. 351. editionis Ernesti; aliis cap. XXVI.

quam aliqui urbem *Uriam* vocent, significetque, *Chaldaeorum urbem, fuisse Abramum*. Quid dicat, video: urbs aliqua Babyloniae erat, *Camarine*, seu, ut Hebraicis literis scribam, עיר כמרם, Cascara ni fallor medii aevi, idque nomen, jure an injuria? ignoro, *urbem sacerdotum* interpretatur, sacerdotum nomine, ut recte viderunt Scaliger et Ikenius (*), ignicolas intelligens. Hanc ergo *Camarinen Uram* vult esse *Abrahami* recte? an secus? aut quo argumento (**)? non liquet: id enim certum, vel ex verbis ejus lectis, nomen *Ur Chasdim* eam non habuisse, sed modo a quibusdam *Uram Chaldaeorum* putatam fuisse. Non testis est, sed conjector etymologicus, forte ne linguae quidem satis peritus, אור et עיר confundens, *urbem* enim sacerdotum, id vero est *Chaldaeorum* interpretatur. Verum haec ut condonentur, licebit cuique suas tentare conjecturas etymologicas, aequae bonas, aliumque aeternum ignem *Chaldaeorum*, celebriorem forte, arripere. Auctoritatis quidem ne hilum quidem in *Eupolemo* residet, scriptore ineptissi-

vium §. XI. pag. 144. 145. (commentationum per annos 1763-1768 praelectarum) vix dum enim de gigantibus, qui diluvium effugerant, verba fecerat *Eupolemus*.

(*) §. XIII. dissert. de כמרם ignicolis: p. 128. dissertationum philologico-theologicarum.

(**) Hanc suspicor argumentorum fuisse seriem: *Ur Chaldaeorum fuit ignis sacer ignicolarum; Camarine ab ignicolis nomen habet, (כמרם enim non alii quam igitis sacerdotes) ergo*

Ur Chaldaeorum Camarine fuit. Fac, omnes praemissas veras esse, adde etiam concessionum largus, atque ultro offer, aeternum ignem; i. e. fontes naphthae aeternum ardentes, Camarinae fuisse; ne sic quidem inde consequetur, Camarinam fuisse Uram Chaldaeorum. Plures enim ignicolarum sacri et aeterni ignes, (celeberrimus ad urbem Baku, de quo infra) Chaldaeique Abrahami tempore nondum in Babylonia confederant.

ptissimo, ut facile dabunt, qui omnia ex eo excerpta (*) perlegere non dedignati fuerint, in quibus non mediocria modo commenta, ut, Abrahamum astronomiae et astrologiae peritissimum, Phoenices Aegyptiosque utramque docentem, sed et alia majora portenta invenient, gigantes ex diluvio superstites, turris Babylonicae conditores; Davidem, cum Vaphre Aegyptiorum rege, i. e. cum Pharaone Hophra, (Jeremiae coaevo) foedus percutientem, Salomonem ab hoc Hophra octoginta fabrorum millia mutantem, et quae alia sunt, tam putida, ut hoc teste uti erubescendum sit.

Et tamen talem sequutus Bayerus in eruditissima historia Osrhoena, sed cuius initium reliquo opere indignum, alia plura etiam vitiosiora addidit, ut Camarinam alio nomine *Orchoen* Ptolemaei esse, eandemque et *Erech*, et *Ur-hoi*, quibus de peccatis magni viri in primo Tomo spicilegii p. 222-225. dictum, nolimque ingrata repetere.

Alia est, non contemnenda, multo certe verisimilior sententia Bocharti (**), ipsiusque adeo Cellarii (***), Ur intelligentium, castellum septentrionalis Mesopotamiae, cuius Ammianus Marcellinus l. XXV. c. 8. (****) mentionem facit, reditum Romani exercitus sub Joviano post mortem Juliani describens: *ad Ur Persicum venere castellum*. Situs castelli medius inter Hatram et Nisibin, seu, ut distinctius dicam, *Hatra ad castellum Ur sex dies per deserta, post hoc castellum Tilsaphata, post Tilsaphata Nisibis*. Hic ergo

(*) Eusebii Praeparat. evangelicae l. IX. c. 30-34. 39.

(**) Geogr. Ant. P. II. p. 729. 760.

(**) Phaleg. l. I. c. XXI. p. 38. c. VI. p. 78.

(****) p. 351. editionis Ernesti; aliis cap. XXVI.

ergo tandem aliquando Ur habemus, nescio adhuc, quibus literis Orientalium scribendum, verum non *Ur Chaldaeorum*, ne urbem quidem, castellum in neutra Chaldaea, non in orientali, non in boreali, sed in Mesopotamiae desertis, et vero septentrionalibus, longe ab utraque. Non ignoro, Stephanum pro hac Mesopotamiae Ura citari posse, aut certe ejus auctoritate dubium dilui, qui Deum adparuisse dicit Abramo, *cum adhuc in Mesopotamia esset, antequam Carras abiret*, Act. VII, 2. Sed ut pium hominem venerer, primumque martyrem, falli tamen nescium non puto, maxime in oratione extemporanea, in qua multa manifesta insunt errata, hicque adeo ipse versus Mosi contradicit, serius adparuisse Deum Abramo narranti. Prophetam tamen si qui eum arbitrantur, hancque ejus orationem inspiratam, illis non poterit non Ura Mesopotamiae vera videri Abrami patria.

Vix nominanda videtur Ura Plinii (*), ad quam Euphrates cursum ab Occidente ad Orientem circumflectit, licet et de ea cogitaverit Bochartus (**): Sura enim urbi nomen, non Ura, ut vitiose hic legitur. Vide Harduini emendationem LVII ad librum Plinii quintum.

Josephus de Ura Chaldaeorum, ut de urbe nota loquitur, ubi suo adhuc tempore sepulcrum Haranis, fratris Abrahami ostendatur: τούτων Ἀράνης μὲν ἐν Χαλδαίοις ἀπέθανεν, ἐν πόλει Οὐρῇ λεγομένη τῶν Χαλδαιῶν καὶ τάφος αὐτοῦ μέχρι νῦν δείκνυται i. e. *ex his Aranes inter Chaldaeos mortuus est, in urbe, Ura Chaldaeorum dicta; ejusque adhuc sepulcrum monstratur.* Utinam vel verbum de urbis situ addidisset,
de

(*) Hist. nat. libr. V. c. 24. §. 21. editionis Harduini pag. 268. lin. 17:

(**) p. 78.

de quo uno quaerimus: sed hunc ipse, nec id mirum, cum geographiae ad Euphratem et ultra, imperitior sit, ignorabat, solum incerto rumore audierat, sepulcrum Haranis alicubi superesse. Fabula, ut mihi videtur, manifesta, quis enim credat sepulcrum hominis, nulla alia re clari, quam quod frater Abrahami fuit, post tot secula superesse, certisque indiciis gnosci.

Abulpharagius, quem omnino interrogari necesse erat, cum et bibliothecas Arabicas Syriacasque, Asiae, inprimis vero instructissimam in ipsa urbe Tebris (*), boreali Chaldaea vicina, insigni diligentia excusserit, historiam scripturus, et hanc ac plerasque regiones, in quibus Urā quaeri possit, Maphrianus Orientis saepe adierit, in sua dynastiarum historia nil habet, quod nos juvare possit, sed nomen late patens, قرية الكلدانيين, *urbs Chaldaeorum*, in qua Abrahamum, XV annos natum, templum idolorum incendiisse, fratremque ejus Haranem, ignem restinguere volentem, combustum esse, ex fabulosa Orientis traditione refert.

Ad eos venio, qui adpellative nomen אור interpretati sunt: nec tamen in illis numero LXX, Genes. XI, 28. 31. Nehem. IX, 7. χώραν τῶν Χαλδαίων, *regionem Chaldaeorum* habentes; suspicor enim, interpretem ὅρα τῶν Χαλδαίων scripsisse, quod cum librarii non intelligerent, in χώρα mutasse, ut simili errore Dan. XII, 1. in Chifiano codice, editionibusque ex illo factis, κατὰ τὴν χώραν ταύτην legitur, pro, κατὰ τὴν ὁραν ταύτην, Hebr. בעת ההיא. Est tamen error perantiquus, Philonisque jam et Lucae tempore Χώρα in Grae-

(*) ܠܝܕܢ, nunc *Tauris*, metropolis regionis Adorbigan, ad occidentem Caspio mari.

Graecis bibliis lectum. Ille quidem, mystica et philosophemata ludere in nominum propriorum etymis solitus, multusque, in Harrana, ad quam migravit Abrahamus, spiritualiter explicanda, quid non in *Ur*, i. e. *luce Chaldaeorum*, lusus, quos altos sensus inventurus erat, si *Ωρα* in suo Mose, quem non nisi graece legebat, invenisset? Sed nihil hic naeniarum, ac ne nomen quidem urbis habet, ex qua Abrahamus egressus sit: exiisse ait, ἀπὸ τῆς γῆς Χαλδαιῶν, T. II. p. II. ἀπὸ τῆς Χαλδαικῆς γῆς, pro *χώρα* synonymum γῆ substituens. Stephanus autem, Aetor. VII, 2. οὗτοι ἐν τῇ Μεσοποταμίᾳ, πρὶν ἢ κατοικῆσαι ἐν Χαββλάν, et v. 4. ἐξελθὼν ἐκ γῆς Χαλδαιῶν, terram, non urbem *Ur* nominans.

At multi fuerunt, qui *ἡν* ignem *Chaldaeorum* interpretarentur, varias commenti fabulas, de Abrahamo templum idolorum accendente (*), qui jam ignis aliquis Chaldaeorum est, ac propter hoc factum, sive etiam ob cultum idolis negatum, statuasque Deorum injuriis adfectas, in rogam, fornacem, foveamve igne plenam coniecit, qua ex flamma miraculo salvus evaserit. Nec tacendum, Arabibus *Uvara* (أوارا) hoc significato usurpari, ut p. 106. 107. chrestomathiae nostrae, ubi rex Muharrak, id est, Combustor, nomen inde accepisse dicitur, quod ignem accendens in *Uvara* (أوارا) Themimitas combusserit. En, ut rem narrant, in multis dissentientes, Judaei. Thargum Pseudojonathanis Genes. XI, 29. cum *Nimrodus Abramum in fornacem ardentem coniecisset, non colentem idolum suum, ignis nullas vires habuit ad eum comburendum. Hinc dubius Haran, dixit: si vicerit Nimrodus, ejus sectam sequar, sin Abramus, sectam Abrami. Populus autem, qui videbat,*

Abra-

(*) Sic pagina praecedente Abulpharagius.

Abramum ab igne non laedi, dixit apud se: Haran Abrami frater incantationum est peritissimus, incantavit ignem, inde fit, ut comburere nequeat fratrem ejus. Statim delapsus est summo coelo ignis, contigitque Haranem, et mortuus est in conspectu patris sui. Eandem fabulam, paulo brevius, sed aliis fabulis adtexens, habet Thargum, 2 Chron. XXVIII, 3. (). Sed aliter Jarchi ad Genes. XI, 28.: in Midrasch Agada dicunt, eum per patrem suum mortuum esse. Conquesto enim Theracho apud Nimrodum de Abramo filio suo, quod exciderit imagines Therachi, projecerunt Abramum in fornacem ignis. Haran autem confidens secum cogitavit: si Abram vicerit, ejus partes sequar, sin Nimrod; Nimrodi. Erepto ergo Abramo dixerunt Harani: utrius partibus accedis? respondit eis Haran: Abrami! Projecerunt itaque et illum in fornacem.*

(*) En mendaciorum quantum satis est: Abas adolevit quoque filium suum in valle Bar-Hinnom, atque traduxit filios suos per ignem. Eripuit autem verbum Domini ex eis Hiskiam, quoniam Dominus praeſciebat, quod ex eo egressuri essent tres sancti, Hanania, Misaël et Azarias, parati aliquando tradere corpora sua projicienda in mediam fornacem ignis ardentis propter nomen magnum ac gloriosum, eriperenturque ex incendio. Primus autem ereptus est Abrahamus ex incendio fornacis ardentis, quem projecit illuc Nimrod, cum nollet ejus idolum colere. Secundo erepta est Thamar ex incendio ignis domus judicii, cum diceret (Ju-

da): ducite eam ut comburatur. Tercio ereptus est ex incendio ignis Hiskias, nepos Jothami, tempore, quo projecit eum pater ipſus in valle Hinnom in altaria Thopheth. Quarto erepti sunt Hananias, Misaël, et Azarias ex fornace ignis ardentis Nabochodonosaris regis Babylonis. Quinto ereptus est Josua, filius Josadaci, sacerdos magnus, cum projecisset eum Nabochodonosar impius in fornacem ignis ardentis, cum pseudopropheta Achab filio Koliae, et Sedecia filio Maasejae (Jer. XXIX, 21. 22.) atque hi quidem combusti sunt ab igne, Josua vero Josadaci filius ereptus est propter innocentiam suam.

fornacem ignis, in qua et combustus est, et haec est אֵשׁ כְּשִׁדִּים. Similia a Judaeis audierat Hieronymus, sed, ut fas est, fabulis annumerabat (): pro eo quod legitur, in regione Chaldaeorum, in Hebraeo habetur; in UR CHESDIM, id est, in igne Chaldaeorum. Tradunt autem Hebraei ex hac occasione istiusmodi fabulam: quod Abraham in ignem missus sit, quia ignem adorare noluerit, quem Chaldaei colunt, et Dei auxilio liberatus, de idololatriae igne profugerit: quod in sequentibus scribitur, egressum esse Tharam de regione Chaldaeorum, pro quo in Hebraeo habetur, de incendio Chaldaeorum. Et hoc esse, quod nunc dicitur: mortuus est Aran ante conspectum Thare patris sui in terra nativitatis suae, in igne Chaldaeorum: quod videlicet ignem nolens adorare igne consumptus sit. Unum hic notari velim, reliquis verisimilius, quod de igne a Chaldaeis culto habet: sed de hoc deinceps. Transiit fabula et ad christianos historicos graece scribentes, magis Hieronymo credulos, et ad Arabes, a Muhammede quoque, sed iterum, ut fieri solet in fabulis nivis instar flexibilibus, aliter enarrata. Sed haec non excerpto: de illis enim consules notas ad Josephi Ant. I, 6, 5. paginae 27. editionis Havercampii subjectas: Muhammedis stilo ornata fabulam invenies Sur. XXI, 52-69. quae vel Arabicarum literarum imperitus in quacunque Corani versione releget.*

Fabulosa haec esse, quae de Abrahamo in ignem coniecto, exque eo miraculose servato narrantur, si quis non videat, nae is omnem veri sensum perdiderit. Testes in historia exigimus coevos, aut qui ex scriptis coevis hauserunt: hic et Moses tacet, et tota per duo annorum millia sacra scriptura, ac ne Josephus quidem de Abrahamo
ex

(*) In quaestionibus in Genesin ad Genes. XI, 28.

ex flammis servato quidquam audierat, sed ejus ipsius Haranis, quem isto in rogo absumtum igne fuisse fabula mentitur, sepulcrum adhuc superesse: nec audierat Philo, Chaldaeorum terram, non ignem, memorans, quantumvis copiose in hac parte vitae Abrahami ludat. Ergo Philonis et Josephi tempore fabula aut nondum audita, aut digna relatu non habita. Post destructam demum Hierosolymam testes derepente existunt, portenti, quod ante duo, et quod excurrit, annorum millia, evenisse dicunt. His ne quotidiana quidem ac verisimillima crediderit historicus: at miraculum, rem unam omnium maxime incredibilem, et quae gravissimis certissimisque testibus opus habet, talibus quis crediderit? Nec tacet modo Moses, sed et, dum tacet, negat: rem omnium in vita Abrahami nobilissimam scituque dignissimam non praetermissurus, si quidquam de ea audivisset.

At quod obiter de igne sacro ignicolisque habebat Hieronymus, alique plures, sejungi forte a fabula, atque etiam media inter hos, qui appellativum, quique proprium nomen אור faciunt, teneri via possit. Ad Occidentem Caspii maris antiquissimae ignicolarum fedes et religiones, a quibus et toti regioni nomen *Adorbigan* (آذربایجان), Persice, id est vernacule; آتريشان) *terra ignis* haesit. Ipsa quodammodo locorum natura superstitionem huc vocabat et invitabat: prope urbem Baku, ad mare Caspium, (sub gradu latitudinis 41.) naphthae fontes ardentes, sacri vis ignicolis, atque in hunc usque diem Gebris, religionum causa eos adeuntibus ignemque venerantibus, sanctissimi, descripti a *Kämpfero*, amoenitatum exoticarum Fasc. II. relat. l. §. 6-12.

Quid? אור כשרים לו, *ignis Chaldaeorum*, celebris aliquis facerque habitus ignis fuerit, naphthae fontes aeternum depascens, a Chaldaeis cultus? forte is ipse unus omnium nobilissimus ad urbem Baku? Haecne Abrahami patria? inde evocatus? Non sententiam dico, non adsevero, sed interrogo.

* * *

לוד et *Lud*.

Plene nomen scribitur in exemplis masorethicis, defective לר, id est, *Lod*, in Samaritanis, eo forte fine, ut ipsa orthographia a Ludiis v. 13. Aegyptiorum colonia, hi distinguantur Semo orti. Ne hae quidem minutiae negligendae in nomine dubio: utinam et maioris momenti varietatem notare possem, sed vereor, ne vera nobis lectio perierit.

Quis sit populus, mihi obscurissimum. Lydos Josephus interpretatur, in quam sententiam pene omnes eunt, Bochartus inprimis, l. II. c. 12. doctus et copiosus, sed exigui momenti usus argumentis. Cum enim fateatur, Lydos olim Maeonas dictos perhiberi, recentiusque nomen, Herodoto, Dionysio Halicarnassensi, et Stephano testibus, a *Lydo* rege accepisse: hos omnes testes solis etymologiis confutat, et vero ex lingua Hebraica ductis. לר idem esse vult, quod לו, *detorquere*, (jam hoc quidem satis pro lubitu), Lydiamque ob Maeandri illam alluentis flexus ita a Phoenicibus dictam: quasi vero nautae, sola noscentes litora, a fluminum mediterraneorum lapsu, nomina indent regionibus. Deinde vult, Maeoniam dictam a *μαῖα*, *obstetrix*, nomine לר derivato a לר, *opem obstetrici-*

triciam praeferre. Hujus generis argumenta, in geographia aut historia quis ferat?

Mihi quidem veri diffimillimum, Lydiam intelligi. Est illa a reliquis regionibus nostro in versu commemoratis nimis remota: neque ullo argumento constat, Lydos sive lingua, sive natalibus, illis gentibus cognatos fuisse, quas ad Semum Moses refert. Fateor, non defuisse, maxime in Italia, qui Hetruscam linguam cum Hebraica conferrent, a qua ad Lydiam argumentabantur, quod Hetrusci a Lydis orti feruntur: verum sunt, qui hoc faciunt, Hebraicae linguae vix ultra literas et lexicon docti, nec verisimiliora adferunt, quam qui omnium linguarum fontes ex Hebraica derivant. Quod si recens Lydorum nomen a rege Lydo inditum, in Mosaicis scriptis nec quaeri fas erit, nec inveniri poterit: Graecis autem, recens id facientibus, vel hanc ob causam aliquid fidei habuerim, quod, cum Lydiae rex, Croesus, nobilissimus fuerit Cyri hostis, Babyloniorumque socius, Jesaias in suis de Cyro Babylonisque vaticiniis Lydorum nomen omnino non habet. Ergo hoc paene ut certum sumo, neque לורים Aegyptiorum coloniam, v. 13, neque nostros cognomines Semitas, Lydos esse. Malim potius, qui Mosis לור vel לורים sint, plane ignorare.

Vix autem suspicionem mihi excutio mendi, perantiqui, fateor, sed tamen mendi. Aliud forte nomen scripserat Moses gentis in ultimo Oriente, cujus incolas Semitas fuisse plerique dabunt, librariis ignotae: quo autem tempore Lydorum gens potentissima prope ac ditissima Asiae erat, id est, sub Croeso, et proximo ante eum tempore, librarii eorum nomen pro ignoto sono reposuerint. Mirum, Indorum nullam a Mose fieri mentionem. Hinc

sub nomine לוֹר latent, הוֹר, vel הֶנֶד, vel לֶהֶנֶר, vel denique לֶהֶר, ut v. 13. legi in aliquo (*) Samaritano meminerimus, corrigendo? Hebraeis quidem sub Persarum dominatione India, הֶדֶד (Hoddu) Arabibus Syrisque, הֶנֶר (Hend) dicitur. Mosi tempore vix poterant Israelitae Indorum nomen, nisi ab Arabibus habere: unde fortassis Lamed. Arabs Indiam vocat cum articulo إلهند (El-Hend), id vero est ex antiquissima scriptione ejus temporis, quo Eliph prostheticum scribi nondum coeperat, saepe et in appellando non auditum, L'Hend, להֶנֶר, להֶנֶד, omissoque, quod omittere Hebraei in הֶדֶד solent, Nun, לֶהֶר. Scripseritne Moses, להֶנֶד? aut לֶהֶר? Ipsum video Samaritanum לֶהֶר, sed arte aliqua, huc trahi posse: exterorum multi, Graeci, Latini, nos Europaei, H in Indiae nomine negligunt, Indiam pro Hindia dicentes, Hebraeique, ut dixi, N abjiciunt: sic L'Hend Hebraeo in Ledd vel Lodd transire possit, לֶדֶר scribendum. Sed ab hoc artificio resilio, aliamque malim lectionem, illam ipsam, quam Polyglotta v. 13. in textu Samaritano habent, לֶהֶר. Neque adeo aegre ferrem, si quis cum hic, tum ibi Indos intelligat, mixtam forte ex Semitis et Aegyptiis gentem: sed nihil definio, verum adhuc quaero, velimque ab aliis quaeri doctioribus.

Beckius in notis eruditissimis ad Chaldaicam versionem chronicorum, c. I, 17. omnium, inquit, quos vidimus, consensu Lydi sunt, et quidem Asiatici: domino Christiano Ernesto Zarvoſſi, Judaeo converso, amico nostro, sunt ΚυβονεΦαλαοι Indiani, Ἰνδοί, ut videtur, sequuto: id vero non placet.

(*) T. I. p. 256. dixeram, Samaritanum textum לֶהֶר habere: jam ex Kennicotti bibliis disco, unum mo-

do pro hac lectione testem citari, reliquos Samaritanos aut לֶהֶר habere aut לֶדֶר.

placet. Equidem in Jarchaeo nihil, quod huc faciat, invenio: nec satis expedio, quid senserit Zarvossi, aut quae argumenta sententiae habuerit.

A Ludiis Mosaicis plane sejungo eos, quorum mentionem injecerunt Jeremias et Ezechiel: hos enim facile concedo Lydios esse posse, utriusque prophetae tempore celeberrimos. De his jam dicendum, errorque p. 257. Tomi I. admissus, emendandus.

* * *

לְיָרִים

Jerem. XLVI, 9. Ezech. XXVII, 10. XXX, 10.

Numerantur in Aegyptiorum Tyriorumque militibus mercenariis. Nihil de illis certi habens, non tamen negaverim, Lydos esse posse, qui eo tempore Asiae fortissimi habebantur. Nec mirum, Lydos in Aegyptiorum exercitu esse: solitum enim eo tempore Aegyptiis, exterum militem conducere, et vero maxime ex Asia minore. Iones quidem et Cares, Lydiae vicini, (hi quidem forte et Lydorum nomine comprehensi) non solum stipendia Psammeticho et Aprii fecerunt, sed et agris in Aegypto donati sunt. Vide Herodotum l. II. §. 152. 154. 163. l. III. §. 11. Ergo de Ludaeis Aegyptiorum mercenariis adhuc incertus, Lydi fuerint, an Aegyptiorum colonia a Mose versu 13. memorati, id quidem verisimillimum habeo, Ludaeos, quos in Tyriorum exercitu censet Ezechiel, Lydos fuisse.

* * *

וְאַרָם *et Aramaei.*

Dubitari vix potest, quin illi intelligendi sint, qui sua lingua Aramaei dicuntur. Syros vocare jam nequeo, quia

nomen angustius; nec Assyrios, quia Assyrii Moſi jam ante memorati, licet ob ſimilitudinem linguae iſſis quoque nomen Aramaeorum haerit. Ergo Hebraicum et Aramaicum nomen, ARAMAEI, retinendum.

Aramaea eſt, primo pars ejus, quam Syriam, vel Sorian recentiores, dicimus, illa, quae a Phoenicibus non habitabatur. Phoenices anguſtam ad mare ſubque Libano Phoenicen, Libani praeterea aliquam partem et quosdam ad Orontem tractus, ſupra memoratos, habitarunt: quae magis ad Orientem vergebant, Aramaeae jam erant, uſque ad Euphratem. Ab Euphrate uſque ad Tigrim, iterum Aramaea: ita tamen, ut verſus ſeptentrionem Armenia finiretur, ab Auſtro Babylon eſſet cum circumjeſta regione, cujus conditorem Cuſchaeum eſſe, Chamo oriundum, ex verſu 8 et 10 meminerimus. Hanc Aramaeam in plures partes dividunt ſcriptores Hebraei, id eſt, antiqui et domeſtici, ut

אֲרַם דַּמַּשְׁקָא *Aramaeam Damascenam*, ex quo nomine certum, Damascum Aramaeae partem eſſe.

אֲרַם נַהֲרַיִם *Aramaeam duorum fluviorum*, i. e. Meſopotamiam, quam antea deſcripſi.

פֶּדֶן אֲרַם, ſeu, ut ab Hoſea c. XII, 13. Hebraice verſo nomine vocatur, שְׂרָה אֲרַם, *campum Aramaeae*.

Nempe Syris اَرَاتْرُ *aratum*, inde اَرَاتْرُ Arabibus et פֶּדֶן Chaldaeis, *biga boum arantium*, hinc اَرَاتْرُ et *ager*, ut in ſententia decima, grammaticae Erpenianae ſubjeſta (*), deni-

كَلِمًا تَغْرَسُ فِي الْفَدَانِ يَنْتَعِكُ (*)

quidquid plantaveris in agro proderit tibi. Mallet quidem Schultenſius le-

tionem mutare, quod nuſpian اَرَاتْرُ pro agro poni meminerat: verum ſubvenire videtur reliquarum linguarum orientalium analogia.

denique apud Syros ܣܝܪܝܐ non *ager* solum, sed et *desertum*, planities, montibus opposita. *Campos Mesopotamiae* Curtius dicere solet, l. III, 2, 3. cap. 8, 1. libr. IV, 9, 6. V, 1, 15. Forte hoc nomen peculiariter notat planitiem circa Carrhas, clade Romanorum, cujus causa quodammodo fuit, nobilitatam: licet non negem totam campestre Mesopotamiam complecti potuisse.

אֶרֶם צוֹבָה, *Aramaeam Nesibenam*, de qua in duodecima *commentationum societati regiae per annos 1763-1768. praelectarum actum*. Vide quae infra de מֶשׁ, Masisque montibus dicemus.

Praeter has *Aramaea* quoque *Rechobensis* (אֲרָם רֶחֱבֹן), 2 Sam. X, 6. quam cur ultra Tigrim sitam, partemque Assyriae fuisse credam, eadem in commentatione §. XVI. p. 99-102. exposui. Hic de nomine *Aramaeae* dicendum, quod novum quodammodo atque insolens videri possit, Mose *Aramaeos* ab *Assyriis* distinguente. Putem ergo, five *Assyrios* lapsu temporis *Aramaeos* quoque dici coepisse, quod eadem cum *Aramaeis* lingua uterentur (*); five, coloniam *Aramaeorum* in ipsa *Assyria* confedis-

Medii aevi scriptoribus Syris *Aramaea* (ܐܪܡܝܐ) nomen est proprium regionis trans Tigrim, nescio quibus terminis definiendae. *Affyriam* Afsemanus interpretari solet, ut T. I. bibl. Or. p. 353. (**) ܐܬܬܝܪܐ *Acacius* (episcopatum adeptus est) *Affyriorum*: pag. 354. (***) ܐܬܬܝܪܐ ܕܥܥܡܐ ܕܐܬܬܝܪܐ in *Seleucia* et

(*) Jesaiae XXXVI, II.

pag. 10.

(**) seu chrestomathiae nostrae

(***) chrestom. p. II.

et Ctesiphonte, urbibus Assyriorum. Idem in indice Tomi II. P. II. *Aramaei iidem qui Assyrii*, ad paginam quintam operis remittens lectores, ubi, quae Arabes de Mosol, i. e. Assyria, narrant, Syri de ܣܝܪ, Aramaea, habent. Equidem ut minime negaverim, proprie sic dictam Aramaeam scriptorum mediæ aevi ultra Tigrim quaerendam, non tamen universam Assyriam, sed partem ejus esse credo. Ab aliis enim Assyriae partibus distingui video, ut p. 353. (*) aliquoties a regione Garamaeorum, (ܡܕܝܢܬ ܗܝܬ) id est, Assyria interiore (**). Id quidem dubio caret, eam Assyriae partem, in qua Seleucia et Ctesiphon, Chalonitidem Graecorum, ita Syris vocitatam fuisse. Utinam certiora et distinctiora dedisset, qui solus dare poterat, Assemanus.

Hos ergo, quos jam dixi, Aramaeos, late per Syriam, Mesopotamiam, Chalonitidemque diffusos, ad Aramum refero hic memoratum: sive conditor gentis fuerit, sive totus populus a Mose intelligatur; ex quibus prius voluit Josephus. Ἀραμαίους, inquit Ant. I, 6, 4. Ἀραμος ἔσχεν, ὅς ἐσθ' Ἕλληνας Σύρους προσάγορεύουσι (***).

Manifestus error LXX interpretum, quod Syros non ad hunc Aramum, sed ad Kemuelem referunt, filium fratris Abrahami, Genes. XXII, 21. Quae enim ibi leguntur, vertunt, Καμουὴλ τὸν πατέρα Σύρων, cum vertere debuissent, *Kamuelem patrem Arami*. Aramaeorum quidem, seu, ut Graeci loquuntur, Syrorum gens, diu ante illum Aramum, nepo-

(*) Chrestomathiae p. 8. 9. 10.

ac si *Aramaeorum* nomine nunquam

(**) Spicilegii Tom. I. p. 14. 15.

utantur Graeci; vide enim Bochartum

(***) Nec id ita intelligendum,

I. II. c. 5.

nepotem fratris Abrahami, fuit. Laban, non ab eo ortus, Aramaeus dici solet, (לִבְנֵי הָאֲרָמִי) Jacobique jam tempore אֲרָם נְהָרִים et אֲרָם פֶּרַן ingens regio, in qua viginti annos versatus est Jacobus. Quin ipsa Abrahami familia Aramaeis accenseri videtur, Deuteron. XXVI, 5. quae verba vertere soleo: *Aramaeus errans* (cum gregibus, certas sedes non habens, Nomadum modo vagus) *erat pater meus*. Est nempe אֲבֵר Arabibus *errare*, qua significatione et in Hebraicis Ps. CXIX, 176. occurrit.

Forte hinc lucis aliquid loco obscuro, cruci interpretum, Amos IX, 7. *nonne Israellem ascendere feci ex Aegypto, Philistaeos ex Capthor, et Aramaeos a Cyro*, fluvio: (אֲרָם מִקֵּדָר). Varia tentarunt interpretes, quae jam nec repeto, nec refello, meam aut conjecturam proponens aut sententiam. Ex regionibus inter Caspium mare et Pontum Euxinum Abrahamum egressum esse cum suis, supra vidimus: ibi certe antiquae sedes Chaldaeorum, ibi Ur Chaldaeorum, quaecunque demum sit, quaerenda. Haecne vera vagina gentium patria quoque antiqua fuerit Aramaeorum? quibus habitatione et lingua sociati fuerunt majores Abrahami, ut vel iis annumerarentur, Aramaei que dicerentur. Aramaeine olim circa Cyrum fluvium in Chaldaeorum terra, aut prope eam vagi, sub mitiore deinde coelo confederunt? Id nisi placeat, Armeni Amoso Aramaei dicentur: sed id antequam deliberandum lectoribus ac dijudicandum proponam, alia expedienda.

LXX interpretes, qui Syros ad nepotem fratris Abrahami Genes. XXII, 21. retulerunt, sine dubio Aramaeorum nomine Genes. X, 22. aliam gentem intellexerunt, unde nec Syrorum, ut solent, nomen reponunt, sed habent, καὶ Ἀράμ, five adeo ex codicis Alexandrini lectione, καὶ

Q

Ἀρά-

Ἀραμίων. Hine hic de Armenia cogitarint? Arabica, quae in Polyglottis legitur, versio, plane Armeniae nomen habet, cum in Genesi, tum in libro chronicorum, آرامین. Quaeri ergo possit, Armeniaene etiam nomen Aram fuerit? Nec id ita quaero, ut suspicer Armeniam ab ארם dictam, licet jam Strabo ita conjecerit (*): jure enim negare videtur Bochartus, multoque verisimilius etymon divinare, הר מני, mons Minui. Hoc ergo demto, non negaverim, siue omnem Armeniam, siue partem ejus australem, Aramaeam ab indigenis vocari potuisse. Duo enim gentis suae conditores cum Armenii laudent, primum Haicum dicunt, secundum, Abrahamo fere coevum, Aramum, genealogiam ita texente Mose Chorenensi l. l. historiae Armeniae p. 12.

Japheth

Gomer

Thiras

Thogarmus *

Haicus

Armenaeus

Aramaeus

Amasia

(*) pag. 42. al. 71. εἰνάξει δὲ δὴ καὶ τὰς τῶν ἐθνῶν τούτων κατονομασίας ἐμφερεῖς ἀλλήλοις εἶναι· τοὺς γὰρ ὑφ' ἡμῶν Σύρους καλουμένους ὑπ' αὐτῶν τῶν Σύρων Ἀρμενίους καὶ Ἀ-

ραμμαίους καλεῖσθαι estque verisimile harum gentium nomina idem dicere: qui enim a nobis Syri vocantur, sua lingua Aramitaei et Armenii sunt.

Amasia

Gelamias

Harma

Aramus

qui Aramus undecimus illis est a Japhetho, ut a Semo Abrahamus. De eo ergo Moses Chorenensis l. I. c. II. p. 35. *Ab Aramo, ut ab heroe, multae res traduntur fortiter et praecclare gestae, qui et Armeniam quaquaversus amplavit, de cujus nomine omnes gentes regionem nostram nominant, ut Graeci, Armeniam, sed Syri ac Persae Armenich.* Pergit deinde capite 12 res gestas Arami describere: *is cum vir esset, patriae amans et laboribus deditus, ut idem ille historicus (Maribas) scribit, satius habuit pro patria mortem oppetere, quam fines avitos ab exteris cernere conculcatos, suosque consanguineos alieno imperio subiectos. Hic igitur Aramus paucis ante annis, quam Ninus Assyriae et Ninives potitus erat, a circumjectis nationibus oppressus, virorum fortium domesticorum multitudinem collegit, sagittis et hastis plurimum valentium, aetate integra, viribus firmis, cum manibus tum animis ad bellum paratis, quasi ad numerum quinquaginta millium, et ad extremos Armeniae fines Medorum publi obviam processit, cui Nycharus quidam, Mades appellatus, praefuit, vir superbus ac bellicosus, ut idem historicus demonstrat, et qui in modum Cuschi Armenios tractus incursionibus proculcaverat, atque in servitutem per biennium adduxerat; cui nec opinanti ante solis exortum superveniens Aramus, numerosam ejus cohortem profligavit, atque ipsum Nycharum Madem comprehensum in Arnavirum abduxit, ubi in summo turris muro, clavo ferreo per frontem adactò, pa-*

*rieti adfigi jussit, in conspectu omnium, qui illac erant trans-
saturi, et regionem ejus usque ad montem, qui vocatur Za-
raspus, stipendiariam fecit. &c. Est quidem genealogia
fabulosa, exque veris nominibus magno traditionis men-
dacio concinnata, ut vel ex ipso initio liquet: id tamen ne-
gari vix potest, aliquem Armenios sive verum sive fabu-
losum regem Aramum, gentis suae statorem, jactitasse,
coaeuum Nino: ab hoc ergo et Aramaeorum nomen acci-
pere, cognominesque fieri vicinae genti potuerunt. Quan-
quam, ut verum fatear, pene suspicor, Armeniae sive
regnum sive populum ex duobus populis constituisse, altero
barbaro, Japhetho orto, qui proprie Thogarma dici-
tur (*), altero Aramaeo, vicinos Mesopotamiae montes
habitante. Ea enim, quam Armeniam linguam vocamus,
sine dubio ab Aramaeae, Hebraicae, Arabicae linguae fa-
milia est sejunctissima: et tamen Strabo, harum regionum
in primis peritus, Τὸ τῶν Ἀρμενίων, inquit (**), ἔθνος, καὶ
τὸ τῶν Σύρων καὶ τῶν Ἀράβων, πολλὴν ὁμοφυλίαν ἐμφαίνει κατὰ τε
τὴν διάλεκτον, καὶ τοὺς βίους, καὶ τοὺς τῶν σωμάτων χαρακτηρισ-
μοὺς, καὶ μάλιστα κατὰ πλησιόχωροι εἰσὶ. Δηλοῖ δὲ ἡ Μεσοποταμία, ἐκ
τῶν τριῶν συνεστῶσα τῶν ἔθνων: i. e. Armeniorum, Syrorum et
Arabum populi magna habent et manifesta cognationis indicia,
in lingua, moribus, corporumque forma, maxime ubi vicini
sunt. Exemplo est Mesopotamia, a tribus his gentibus habi-
tata.*

Ergo jam non negaverim, ארם צובה *Aramaeam Nefi-
benam* (***), ipsam esse Armeniam, cujus regia recentio-
ribus

(*) T. I. p. 76. seqq.

(**) p. 41. 42. al. 70. 71.

(***) Negaveram §. III. commen-
tationis de Syria Sobaea Nefibi &c.

duodecima commentationum mearum

Societati Scientiarum per annos 1763-

1768 praelectarum.

ribus quoque temporibus jam Nesibis fuit, jam Edessa: sed haec copiosius disputabo in nova editione *commentationis de Syria Sobaen, Nesibi ac circumjecto tractu*, si qua aliquando prodibit. Videant interea lectores, *Etwas von der Geschichte der Pferdezucht* p. 303-310. tomi tertii juris Mosaici.

Ergo ea si displiceant, quae p. 121. illustrando difficili loco Amosi c. IX, 7. conjeci, aliter quoque ei succurri possit, si אַרַם de Armeniis intelligatur, qui ad ipsum Cyrum fluvium habitarunt, exque septentrionali patria, in quam eos fugisse Haicano duce auctor est Moses Chorenensis, egressi, meridionalia quoque occuparunt. Vide Mosen Chorenensem p. 12. 13. 35. 37. &c.

* * *

V. 23.

Hunc totum versum non habent sequiores metaphraetae Chaldaei. Est et ingens, sententiam totam immutans varietas lectionis, Mosen inter, et chronicorum libros. Ex pentateuchi enim lectione omnes, qui sequuntur, filii sunt Arami, id est, Aramaeorum coloniae: at 1 Paral. I, 17. omiſſis verbis, וַבְּנֵי אַרַם, fratres Aramo dantur, consentientibus cum Hebraico textu interpretibus, Syro, Chaldaeo et Latino. LXX foli, ut in codice Alexandrino leguntur, (reliqui enim hic hiant) congruenter Pentateucho habent, ἄραμ, ὦς ἄραμ, &c. eandemque lectionem expressit, nisi quod Armenorum nomen pro Aram posuit, Arabs, وبنو ارمين الغوطه.

Mihi quidem וַבְּנֵי אַרַם verior lectio, librariorumque errore ex Paralipomenis excidisse videtur: saepe ita in de-

scribendis genealogiis erratum, atque hic facilius quoque oculis in ארם ובני ארם aberrare, et a primo ארם statim ad alterum transilire. Innumeri lapsus librariorum ex ὁμοιο-τελεύτω.

* * *

ע״י, *Utz, vallis Damascena.*

Verissimam dixit sententiam Bochartus I. II. c. 8. *Utz vallem esse Damascenam, Arabibus الغوطه dictam*, sed brevius quam solet, nec dubia solvens, unde opus, totam quaestionem retractare.

Primo ergo sciendum, Josephum et Hieronymum, harum regionum non ignaros, sententiam praeivisse. Ille quidem, Ὅσως μὲν, inquit, κτίζει τὴν Τραχονίτιν καὶ Δαμασκόν, hic, *Us, Trachonitidis et Damasci conditor, inter Palaestinam et Coelen Syriam tenuit principatum, a quo et LXX interpretes in libro Jobi, ubi in Hebraeo scribitur, terra Us, regionem Ausitidem, quasi Ufitidem, transtulerunt.* Nempe hi Jobi I, 1. Ἀνδρῶν πῶς τις ἦν ἐν χώρῃ τῇ Αὐσιτίδι. Consentit quoque Arabica et Pentateuchi et chronicorum versio, in Polyglottis evulgata, الغوطا *Alguta*, habens. Maurus enim non tam vertit, quam literas Hebraicas descripsit, عوض.

Est autem غوط atque غوطه, primo adpellative, *vallis*, a radice غوط *immergi*: deinde nomen proprium pulcherri-
mae vallis Damascenae, quam non solum quatuor paradisi adnumerant Arabum geographi, sed et primum ei in his locum adsignant. Duarum stationum, i. e. circiter 8 milliarium germanicorum, longitudine esse, ex Nubienfi jam retulit Bochartus, cui ex Abulfeda addo, unius diei iter adhuc Damasco versus orientem procurrere, ibique desertis terminari. Sic ille p. 34. Syriae: *a Damasco versus Orien-*

Orientem usque ad extrema Gutae, ubi finitur campis Beduinorum, iter est diei. Vide et Schultensii indicem geographicum sub *Damasco*, deque amoenitate vallis insigni, itinerum descriptiones tantum non omnes eorum, qui Damascum adierunt, quam ideo nunquam intrare ausum esse Muhammedem fabulantur Arabes, quod vereretur, ne minus coeli paradisum desideraret, ingressus terrestrem, eminens modo oculis usurpatam.

Josephus Abassi, Maronita nobilis (non ille humilis, cujus nomen postea vulgatum est, a priore diversus, mihi quoque etiam notus) cujus praedia tridui itinere Damasco aberant, cum me anno 1768 die 17 Martii inviseret, eumque de geographicis, maxime de Damasco, quam ipse adierat, ac Valle Guta interrogarem, narrabat, esse in hac valle vicum majorem, in modum oppidi, sedem magni principis Arabici. Verba erant: *il reside là un grand Seigneur Turque-Arabe*, nomenque sua manu scribebat الغوطا بلد كبير.

In hac igitur valle ipsum adeo nomen גִּיטָא nobis superest, ut jam vidit Bochartus, monens, pro גִּיטָא Hebraeorum Syros frequenter גִּיטָא habere: est autem haec vallis pars Syriae. Nec conjecturis opus, sed ex lingua Arabica certum, utroque modo per גִּיטָא et גִּיטָא efferri posse: verbum enim *demergi*, maxime de urinatoribus positum, utroque modo scribitur, غاط et غاص, ut vel ex Golio p. 1741 disci potest. Regionem Damascenam ab Aramaeis habitatam fuisse, dubio caret: innumeris enim locis Damasceni, eorumque reges, jam simpliciter ארם vel ארמים, jam ארם רמשק vocantur.

In tam manifesta etymologia mirum, eruditissimum Simonis in Onomastico suo p. 43. גִּיטָא ex גִּיטָא detruncatum putare, ac vertere, *consultissimum, prudentissimum.*

Jam

Jam et intelligimus, quomodo acciderit, ut ex veteribus aliqui וַיֵּץ Armeniam interpretarentur. Nempe est et Armenia vallium amoenissimarum dives, quarum unam his verbis describit Moses Chorenensis p. 31: *Armenacus cum cuncta multitudine inter orientem solem et septemtriones progrediens, ad profundam quandam vallem devenit, altissimis montibus circumclusam, per quam amnes ab Occidentis parte magno murmure delabentes fluebant; campus autem ab Oriente ad solem conversus in longitudinem maxime patebat, et de montis radicibus varii fontes limpidi profluebant, qui in fluvios collecti praeter montium et campi terminos placide labebantur, velut juvenes cum puella simul deambulantes. Mons autem meridianus, albenti vertice splendidus, rectus e terra eminebat, tridui viam in circuitu habens.* — — *Hanc itaque profundam vallem incoluit Armenacus.* Vide et Abulfedae descriptionem urbis Bardaa, num. 427. (*). Jam cum ex veteribus non pauci אֲרָם Mosis Armenos interpretarentur, consequens hujus erroris fuit, ut novo errore וַיֵּץ *Tempe Armeniae* essent, i. e. amoeniores Armeniae valles, quarum aliquae valde inclaruerunt, una quoque ab Arabum geographis in quatuor paradisis numerata. Errorem non dubius dixi, Jobus enim, in terra Utz habitans, Job. I, 1. ditissimus fuisse dicitur omnium *filiorum Orientis* id est, *Saracenorum Arabum*, c. I, 3: Utz ergo in Arabiae vicinia quaerenda, neutiquam in Armenia. Id tamen in ipso errore sani, quod qui eum commiserunt, וַיֵּץ *vallem amoenam, Tempe*, interpretati sunt, atque ad Arabicum اُتْز retulerunt. Fecerunt id

- 1) Chaldaeus Paralipomenorum interpres, *Aram et Utz* uno Armenorum nomine complectens. Quod si sus-
spice-

(*) Ex Reiskii versione in Büschingii *Magazin der Geographie* T. V. p. 314.

spiceris, nomen Utz ab eo c. I, 17. omiffum, non Armeniam redditum esse, relege verfum ejusdem capituli 42. (al. 43.) ubi pro *Utz Seirita* iterum Armenios habet, בני דיתאן ארמנים וארן *fili Dithanis sunt Armenius et Aran*. Absurde quidem ille, fateor, cum de Seirita fermo fit, a quo Armeniam vicinamque Aranam incolas accepisse veri est diffimillimum; sed invitabat interpretem nomen fequens *Aran*; sunt enim vicinae regiones Armenia et Aran, fibique ita conjunctae, ut vel Abulfeda communem ei parti libri, qua Armeniam describit, titulum praepofuerit, ذکر ارمنیه واران واذربجان *descriptio Armeniae, Aranae et Adorbiganae*.

- 2) In bibliis Venetis, quae ipse non vidi, Chaldaeus Jerem. XXV, 10. Thren. IV, 21. pro Utz Armeniam habere dicitur.

Regionis Utz tribus adhuc locis mentio fit, Job. I, 1. Jerem. XXV, 20. Thren. IV, 21. de quibus fingillatim dicendum, maxime de ultimo, quod ex eo argumenta contra Gutam Damascenam peti folent.

Jobi patria *Utz* dicitur, Job. I, 1. ubi jam fidenter intelligo vallem Damascenam, concinente totius fabulae facrae tenore, in qua nihil, quod non huic valli fit aptiffimum. Praedones, qui Jobi greges diripiunt, amici folatum venientes, vicini: id ipfum, quod magnos ovium, camelorum et afinarum greges alit, fimulque agriculturam excercet, (c. I, 3. 14.) naturae ac fitui vallis convenit, quae ipfa fertiliffima desertis Beduinorum eft contermina. Quod nulla in his gregibus mentio fit equarum, convenit Dama-

fco et tempori, ut alibi monuimus (*). Rivorum autem nivis tabe ultra notas ripas auctorum, ac ferocientium, mox exarescentium, inque deserto pereuntium, descriptio, c. VI, 15-19. quem melius decuerit, quam vallis Damascenae incolam, cui in vicinia Libanus, aestate etiam nivalis, stagna in quibus subsidunt fluvii Damasceni, ultra illos aquae inops deferrum? Accedit antiqua traditio, Jobi sepulcrum in vicinia Damasci ostendens, non illa quidem vera, nullus enim unquam Jobus fuit, inque fabula morali ejus persona informatur, ad disputandum de boni malique in hac vita modo, futuraque vita expectanda: sed tamen id vel ex mendacio eorum, qui Jobi sepulcrum circa Damascum commenti sunt, liquet, eos nomine Utz vallem Damascenam intellexisse; fuerunt autem illius ipsius vallis indigenae. Jam vide doctissimi Kœhleri praefationem Syriae Abulfedae praemissam, pag. 41. ubi ex Kalkascendi excerpit, *Nave esse urbem antiquam agri Damasceni, in qua sit sepulcrum Jobi prophetae.*

Fuerunt, qui mallent Idumaeam Jobo patriam dare, cujus sententiae ultima auctoritas lacinia libro Jobi in fine versionis Graecae adjecta, Jobabum, regem Edomitum Genes. XXXVI, 33. memoratum, Jobum faciens: Γέγραπται δὲ, πάλιν ἀναστήσεωαι αὐτὸν μετ' ὧν ἀνέστησεν ὁ Κύριος.

Οὗτος ἐρμηνεύεται ἐκ τῆς Συριακῆς βίβλου, ἐν μὲν γῇ κατοικῶν Αὐσίτιδι, ἐπὶ τοῖς ὄρεσι τῆς Ἰδουμαίας καὶ Ἀραβίας. Προυπήρχε δὲ αὐτῷ ὄνομα Ἰωβαβ, λαβὼν δὲ γυναῖκα Ἀράβισσαν γεννᾷ υἱόν, ὃ ὄνομα Ἐννών. Ἦν δὲ αὐτὸς πατὴρ μὲν Ζαρε, τῶν υἱῶν Ἠσαῦ υἱός, μητὴρ δὲ Βασσόρας, ὥστε εἶναι αὐτὸν πεμπτον ἀπὸ Ἀβραάμ. Καὶ οὗτοι οἱ βασιλεῖς οἱ βασιλεύοντες ἐν Ἐδὼμ, ἧς καὶ αὐτὸς ἥξατο χώρας.

Περὶ-

(*) In fragmento de equorum in Syria antiquissima, tomo III. juris Mosai-
ci adjecto.

Πρῶτος Βαλαάν ὁ τοῦ Βεῶρ, καὶ ὄνομα τῇ πόλει αὐτοῦ Δενναβά.

Μετὰ δὲ Βαλαάν Ἰωβαβ, ὁ καλούμενος Ἰώβ.

Μετὰ δὲ τοῦτον Ἀσσώμ, ὁ ὑπάρχων ἡγούμενος ἐκ τῆς Θαιμανίτιδος χωραίς.

Μετὰ δὲ τοῦτον Ἀδαδ υἱὸς Βαράδ, ὁ ἐκκόψας Μαδιαμ ἐν τῷ πεδίῳ Μωάβ, καὶ ὄνομα τῇ πόλει αὐτοῦ Γεδθαίμ.

Οἱ δὲ ἐλθόντες πρὸς αὐτὸν φίλοι, Ἐλιφάζ υἱὸς Σωφάν, τῶν υἱῶν Ἡσαῦ, Θαιμανῶν βασιλεὺς. Βαλδὰδ υἱὸς Ἀμνὼν, τοῦ χοβαῆρ, ὁ Σαυχαίων τύραννος. Σωφάρ ὁ Μιναίων βασιλεὺς. Θαιμὼν υἱὸς Ἐλιφάζ, ἡγεμὼν τῆς Ἰδουμαίας.

Οὗτος ἐρμηνεύεται ἐκ τῆς Συριακῆς βίβλου.

Ἐν μὲν γῇ κατοικῶν τῇ Αὐσίτιδι ἐπὶ τῶν ὀρίων τοῦ Ἐυφράτου. Προυπῆρχε δὲ ὄνομα αὐτοῦ Ἰωβαβ, ἣν δὲ ὁ πατήρ αὐτοῦ Ζαρεθ, ἐξ ἀνατολῶν ἡλίου. Id est: "Scriptum autem est, iterum resurrecturum esse cum his, quos excitavit Dominus.

Hic (*) versus est ex Syriaco libro. Habitabat in Ausitide; in finibus Idumaeae et Arabiae. Olim vero nomen ejus fuerat Jobab (**), ducensque Arabissam, ex ea genuit Ennonem: patrem autem habuit Zerachum (***), aliquem ex Esavi filiis, matremque Bassoram, ita ut esset ab Abrahamo quintus. Hi autem sunt reges, qui in Idumaea, cui et ipse regioni praefuit, regnarunt.

Pri-

(*) Si vera lectio, οὗτος, id dicitur, totum Jobi librum ex Syriaco versum esse. Id verum de Arabica, non de Graeca versione: ergo, si vera lectio, totum hoc assumentum ex Arabico Graece redditum videbitur. Sed fateor, me suspicari, legendum esse, οὕτως: haec, quae sequuntur, ex Sy-

riaco libro graece reddita sunt.

(**) Genes. XXXVI, 33. Quae de uxore Arabissa, filioque Ennone sequuntur, unde hausta, non liquet.

(***) Prava interpretatio verborum בן זרח מבצרה Genes. XXXVI, 33. Bosra vel Bosora, urbe, pro uxore Zarae, Jobabique matre, habita.

Primus Balacus (), Beori filius; et nomen urbis ejus Dennaba.*

Post Balacum Jobabus, dictus Jobus.

Post hunc Assomus, qui dux erat ex regione Themanitide.

*Post hunc Adadus, filius Baradi, qui vicit Midianitas in campestribus Moabitidis: nomen urbis ejus Getthaim (**).*

Amici autem, qui ad illum venerunt, sunt: Eliphazus filius Sophani, unius ex Esavi filiis, Themanitarum rex; Bildad filius Amnonis, filii Chobari, Suchaeorum tyrannus; et Sophar Minaeorum rex; Theman filius Eliphazi, dux Edomitum.

Hic (vel, sic) quidem ex Syriaco libro redditus est (reditum est).

In Ausitide terra habitabat, ad terminos Euphratis: fuerat autem antea nomen ejus Jobab, pater autem ejus erat Zareth (Zare, i. e. Zerachus) ab oriente Solis.

Recens nimis historiae auctor, christianus quippe, et, ut videtur, gente Syrus, ex Syriaco enim libro, nescio quo, aut ex Syriaca Jobi totius interpretatione, sumpta haec esse, ipse qui transtulit testatur: ac licet Syriaca versio edita in Polyglottis nihil tale habeat, pleraque tamen in Arabe, qui totum Jobum ex Syriaco interpretatus est, legun-

(*) כְּלֵי־י Genes. XXXVI, 33. Nempe hic LXX pro Ain K substituerunt, ut c. XIV, 2. XXIII, 2. forte ob causam in nota 22 ad Abulfedae Aegyptum indicatam. Quod in codice Alexandrino *שֵׁם־שֶׁמֶשׁ* dicitur, correctionis est, ortumque ex confusione Belae, Ba-

laci hic nominati, cum Balaco filio Sippor (בֶּלַק בֶּן־צִפּוֹר) Num. XXII, 2.

(**) Nempe sic LXX Genes. XXXVI, 33. habent pro עֵיִת, aut, ut in Syro legitur גֵּרִית.

leguntur, hac subscriptione, ^{وَقَدْ ذَكَرَ صَاحِبُ النُّسخَةِ الَّذِي}
memorat ^{نَقَلَتْ مِنْهَا هَذِهِ النُّسخَةُ أَنَّهُ قَسَمَ مِنَ السَّرْيَانِيَةِ إِلَى الْعَرَبِيَّةِ}
scriptor ejus exempli, ex quo hoc exemplum descriptum est,
se ex Syriaco Arabica vertisse. Nec Jobus, qualis in libro
 describitur, rex, sed privatus dives: quin nullum omnino
 Jobum fuisse existimo, sed in ficta persona praecepta phi-
 losophiae et theologiae proponi, cujus sententiae quas ha-
 beam rationes, in prolegomenis in librum Jobi dictum,
 diceturque copiosius in introductione ad Verus Testamen-
 tum. Taceo alia, duplicem etiam narrationem ex Syriaco
 libro conversam, quarum haec Idumaeae, altera Euphra-
 ti vicinam facit Jobi Auficidem.

Alio argumento usus, non illam quidem terram Utz,
 in quam Moses coloniam deducit Aramaeorum, sed Jobi
 patriam, Idumaeae adsignavit doctissimus Londinensium
 episcopus, Lowthus, in praelectione XXXII de sacra poësi
 Hebraeorum p. 310: *terra Utz, inquit, est Idumaea, ut*
plane constat ex Thren. IV, 21. Erat Utz Seiri Choraï ne-
pos, Genes. XXXVI, 20. 28. 1 Paral. I, 38. 42.

Mihi vero de loco Thren. IV, 21. ad quem sic sensim
 delapsus sum, aliter videtur. Verba sunt: *laetare* (in lu-
 ctu Judaeorum) *et exsulta, filia Idumaeorum,* ^{יִשְׁבְּתִי בָאָרֶץ}
^{עוץ} *habitans in terra Utz.* Primo hic non videtur antiqua
 aliqua Idumaeae pars, ab Utzo, ne Idumaeo quidem, sed
 Seiri nepote habitata, intelligi posse: cur enim hanc solam
 alloqueretur Jeremias? quidni potius diceret, *habitans in*
terra Seir? Deinde non video, quid obstat, cur non et
 hunc locum de valle Damascena accipiamus. Vastata ab
 Assyriis Damasco, incolisque in exilium abductis, Idu-

maei fines supergressi fertilissimam vallem, sua terra multo meliorem, vacuumque, pro more Arabum, occupaverint, ut postea ex filii Babylonici tempore partem magnam Judaeae. Sic propheta dicit: *laetamini de nostris malis Idumaei, jam beati, jam alienis etiam terris et paradiso Damascenes potiti.* Denique si vel haec, quae mihi vera, aliis secus viderentur, essetque עוץ Thren. IV, 21. pars Idumaeae a Seiri nepote nomen habens, ratio tamen nulla reddi potest, cur nomen terrae *Utz* Job. I, 1. de hac ignobili et minuta tribu, nec potius de antiquo et magno populo, Mofi jam memorato, accipiendum sit. *

Supereſt adhuc quartus locus, Jerem. XXV, 20. ubi, ut aliis regibus multis, ita et regibus terrae *Utz* (מלכי ארץ העוץ) id est, Emiris Arabum, illo tempore vallem Damascenam pererrantibus, poculum propinatur, mala multa portendens. Atque hic quidem terra *Utz*, cum Arabia conjuncta, distinguitur ab Idumaea v. 21. commemorata. Est tamen, fateor, locus ob varietatem lectionis incertus: Hieronymus enim ad eum, *sciendum*, inquit, *hunc versiculum* (sola verba מלכי ארץ העוץ et ואת כל intelligit) *in LXX non haberi, Theodotionemque pro Us interpretatum esse, insulam.* Hoc quomodo acciderit, ut ὑῆσον pro עוץ poneret, difficile conjectu. Vallemne cultam in medio deserti insulam dicebat, ut faepe Arabes et Graeci? Non puto, valles enim Damascena desertis fabulosis non ab omni parte cingitur insulae in morem, sed modo arenis terminatur. Librarius pro Αυσου scripserit Νῆσου? Id quodammodo verisimilius.

Addere liceat de orthographiae minutiis. In Graecis bibliis multa nomen varietate lectionis, Ωξ, Ουξ, et Ωσ scribi solet, itemque a patribus Graecis. Ex his Ωσ sine dubio

dubio verum, גוֹתָ enim Hebraeorum per Σ Graeci expriment. Unde autem acciderit, ut frequentaretur in hoc nomine insolentior librariorum lapsus, ignoro.

Samaritanus textus in Polyglottis exemplisque manuscriptis non paucis, גוֹתָ habet, manifesto librariorum errore, גוֹ et תָ confundentium, quod in adpellando Samaritani literas gutturales non distinguèrent. Septem tamen codices, a Kennicotto indicati, versioque Samaritana, גוֹתָ habent, congrue Masorethicis, ac reliquis locis, in quibus nomen recurrit, omnibus.

* * *

גוֹתָ et Chul.

De lectione dicendum, antequam interpretandi periculum faciamus. Ergo Samaritanus גוֹתָ habet, ac si tertia esset Chavila, praeter versu 7 et 29 memoratas. Nec id protinus damnandum, est enim tertia omnino aliqua Chavila, in descriptione paradisi Genes. II, 11. ad Phasin, i. e. ad Araxem collocata, auri dives, cujus incolae in Russicis adeo chronicis *Chwalinzi* dicuntur, Caspiumque mare, *Chwalinskoye More*. Plura de illa, ubi ad situm paradisi definiendum perventum erit. Nec a verisimili abludit, aliquam Aramaeorum coloniam ibi sedes fixisse, cum ex terris mare inter Caspium et Pontum Euxinum interjectis Abrahamus egressus sit. Vide quae supra de Arphaxado scripsimus. Non displicet ergo lectio, Chavilaeos, Aramaeorum coloniam, ad mare Caspium et Araxem ostendens, qua sumta omni labore defuncti sumus.

In Iosepho olim Ὀρεος legebatur, manifesto, ut mihi videtur, vitio, quod tamen explicare, ejusque rationem redde-

reddere tentavit Bochartus l. II. c. 9. Vult, Josephum *Otus* (Ὀτος) scripsisse, cogitantem de Otenis, Cyrum fluvium adcolentibus. De his vero si cogitavit, legitne etiam in Hebraicis טת per Tet? Nomina enim Hebraica Graecis literis exprimere, ac deinde interpretari solet. Minutius, sed tamen conjecturae Bochartianae contrarium, quod Ὀτος per Omicron scribit, Otenorum autem nomen per Omega, Ὠτηνοί, scribi solet. Erratum potius librarium puto, recte in Havercampiana editione in Ὀῦλος correctum.

Armeniam interpretabatur Josephus, (Ἀρμενίαν δὲ Ὀῦλος) eumque sequutus Hieronymus, *Ul*, a quo *Armenii*. Id quidem egregie concineret Samaritanæ lectioni, estque fortassis ex illa tralatitium: Aramaei enim ad mare Caspium inde ab Araxe habitantes Armeniae accenseri potuerint, cum et primæ Armenorum sedes, teste Mose Chorenensi, valde fuerint boreales, et Ptolemaeus ad Cyrum usque fluvium Armeniae fines extendat. Supra (*) quoque vidimus, Aramaeos et Armenos veteribus communi nonnunquam nomine comprehendi. Nec obstat, quod diversa ab Aramaea Armenorum lingua: ut enim quæ supra Nesibin est Aramaeae regio, Aramaea lingua utens, Armeniae accensebatur, quod ejus regibus subesset, ita et borealior Aramaeorum colonia eandem ob causam ad Armeniam referri potuit.

Bochartus quidem, hæc omnia non videns, capite tamen nono libri II. in partes Josephi iit, Armeniamque intellexit, nomina urbium et regionum cum חול quomodocunque concinentia conscribens, ut, *Cholobene*, *Chalva*, *Chol-*
vata,

(*) p. 121-123.

vata, Cholimma, Colsa, Colana. Nimiae divitiae! Idem ex Stephano sibi obijciens, *Armenos in multis Phrygum linguam imitari*, Stephano opponit Strabonem, qui perhibeat, Aramaea eos lingua uti, atque hunc vera retulisse factis pro lubitu decernit. Equidem a neutro veritatem abjudicaverim: indistinguendae gentes, ortu diversae, quae in Armenorum regnum indeque dictam regionem coaluerunt. Est universim illa, Pontum inter Euxinum et mare Caspium, vagina gentium, multilinguis.

Arabs Polyglottorum *حرا* habet, quod ob terminationem femininam videri potest non ex Hebraico transcriptum, sed nomen proprium fuisse, cujus regionis? id ignoro, necdum enim memini apud Arabum geographos illud me legere.

Jam ad lectionem Masorethicam *חור* interpretandam deveni: de qua tamen praeter conjecturas nihil me habere fateor. *Caupatam* quidem et *vallem* cum nomen Aramaeis sonet (*), sive per Jod sive per Vau scriptum, de Coelesyria cogitare incipio. *חיל* consuetum Josephi tempore Coelesyriae nomen fuisse, videri potest i Macc. III, 13. legenti, ac recogitanti, librum Hebraice scriptum, et ex Hebraico in Graecam linguam versum esse: quod enim interpret Graecus habet, *ἀρχὸν τῆς δυνάμεως Συρίας*, *dux exercituum Syriae*, pro eo Josephus, per errorem, ut puto Ant. XIII, 7, 1. habet, *ὁ τῆς κοιλῆς Συρίας στρατηγός*, quibus ambobus in Hebraico textu *חיל סוריה* convenire videtur. Vide nostras ad hunc locum notas.

Coelesyriam autem dico propriam, quam a Damascene, ut hic Moses, ita et Plinius distinguit libr. V. c. 12.

§. 13.

(*) Vide Buxtorffii lex. Chald. p. 747.

§. 13. complectique ait, *Apamiam*, *Bambycen* alio nomine *Hierapolim* vocatam, *Syris* vero *Mabog*, et *Chalcidenen*: libr. V. c. 23. Audacior suspicio, sed nemini qui Graecos noverit, inverecunda habenda, ipsum nomen Graecum *Κοιλασγία*, pro more Graecorum, barbara vocabula ad suae linguae etymon transformantium, ex חול ortum esse, Cheth fortius adpellato. Ita jam eam partem teneremus regionum ab Aramaeis habitatarum, quae sola in Mose desiderari poterat: quod facit, ut praeferre Hebraici textus lectionem incipiam, meamque interpretationem amare.

* * *

וְגֶתֶר *et Gether.*

Bactrianos intelligit Josephus, cujus ipsa verba adscribo: καὶ Γάθρος Βακτριανούς sc. κριζει. Suspicebatur Bochartus l. II. c. 10. *Syrum* aliquem scripsisse, *Getherum* habitasse גֶתֶרָא, in *Gethera*, idque *Josephum* male legisse, *Bagtra* vel *Badra*. Quid si potius is Judaeorum, qui primus ita interpretatus est, quemque sequitur Josephus, *Vau* praefixum pro parte nominis habuerit, adpellaveritque, וְגֶתֶר *Vagther*? Mihi quidem veri dissimillimum, gentem ab Aramaeis tam remotam, aliaque omnino, ut ex nominibus propriis adparet, lingua utentem, Aramaeam ortu fuisse.

Veri adhuc dissimilius Hieronymus *Cares*; Asiae minoris, et *Acarnanes*, Graeciae adeo occidentalis populum, posteros dat Gethero. Hinc, lingua tam diversi, Aramaei videbuntur?

Bochartus, nihil definiens, eosque refellens, qui *Getaram* Albaniae urbem ad mare Caspium conferunt, cujus

ius nomen potius sit, *Gagara*, quaerit, possitne *Centrites* fluvius, Carduchos ab Armeniis dividens, a Gethero nomen habere? Addit, Arabem interpretari الجرامقة (*) *Garmacidas*. Quod quidem ex reliquis et nobis videtur verisimilius. *Garamaeorum* regio, Syris حرمه *حرمه*, quae fuerit, in parte prima spicilegii p. 14. 15. expositum. Convenit fane nomini fluvii *Garmacidarum* situs, nec a vero abludit, ibi locorum coloniam *Aramaeam* fuisse. Nec tamen certi quid definio.

Pocokius in specimine historiae Arabum p. 37. (**) veri diffimillime populum Arabiae *Gadis* (جديس) dictum audaci conjectura ad Getherum refert. Nempe *Abulfeda* scripserat, *Gadisaeos* filios esse *Eberi* (بنو عابر), id vero nulla alia omnino causa, nullo suspicionis indicio, corrigit in بنو غاثر *filios Getheri*. Praeter conjecturae audaciam duplex admissum vitium,

- 1) minutius, quod pro ת Hebraeorum ponitur ث, sed hoc facile emendes, غاثر rescribens
- 2) quod غ pro ا ponit: nunquam enim Arabes in domesticis vocabulis غ et ج permutant. Faciunt id Iudaei et christiani, literis Hebraicis Syriacisque Arabica scribentes, sed hic mos recentior; faciunt Arabes in exoticis nominibus, G purum habentibus. At Moses nomen intimae Arabiae scripturus, pro غ non ا sed و repositurus erat.

De

(*) In chronicis per Gain scribitur, غارمقة, nempe quod exterum esset vocabulum, et G purum, non sibilans.

(**) Sic ille, غاثر sc. non غابر, ut

in meo *Abulfedae* exemplari, legendum CONST. AT *Vide Genes. X, 23. vel potius جاثر, ut Hebr. א efferre solent Arabes.*

De Gedrosiis neminem cogitasse miror, cum omnia conquirentur. Sunt autem nimis remoti, quam ut ipse de iis cogitandi periculum facere velim.

Ergo verisimiliora reliquis Bochartus habet: verum, adhuc quaero, nec dum inveni. חיל si Coelesyria est, in vicinia jam Ciliciae fumus, Syriae accensae, in qua si quis Getherum ostenderet, lubens amplecterer: sed vix quidquam spero, his enim in oris antiqua nomina Graecis oblitterata sunt et deleta.

* * *

ומש et Masi montis incolae.

Triplex est lectio nominis, sensu et interpretatione diversa,

- 1) מֶשׁ, quod et verum arbitror, habent in Pentateucho textus Hebraicus, exigua, quam infra notabo, lectionis varietate, Onkelos, Vulgata (*Mes*) Syrus (مَس) et Arabs uterque, مَاش: in libris praeterea chronicorum Syrus et Arabs.
- 2) מֶשֶׁא habent, in Pentateucho textus Samaritanus cum versione, atque, ut deinceps videbimus, Josephus. Eodem redit, quod ex uno codice Hebraeo, quem numero 388 significavit, habet Kennicottus, מֶשֶׁה.
- 3) מֶשֶׁךְ exhibent, in libris chronicorum (ut jam hinc incipiam) textus masorethicus, eique aut obsequiosus, aut obsequiosos masorethas nactus, Chaldaeus, Vulgata, et ex quibusdam codicibus (alii enim hic hiant) LXX, μασσος, quod in Hexaplis alii ignoto interpreti graeco tribuitur. In Pentateucho hanc le-

ctio-

ctionem exprimit LXX (μοσσος) unusque codex Kennicotti מַשׁ habens, quod ex מַשׁ ortum videtur.

Tertiam lectionem ex errore librariorum, geographiae imperitorum, ortam puto, qui cum ignorarent, quid מַשׁ aut מַשׁא esset, iterum de populo nobiliore, Moschis, versu secundo jam commemoratis, cogitarunt, eorumque nomen pro ignoto reposuerunt. Ergo de reliquis duabus lectionibus, masorethica Pentateuchi et Samaritana, agendum.

Lectionis מַשׁ verissimam interpretationem vidit, sed et breviter nimis, et alia confundens protulit, Bochartus, I. II. c. II. *montem esse Masium, qui Nesibi urbi a septentrione imminet.*

Recte vero ille. Pars est mons Masius Gordyaeorum montium, Hirmasum fluvium fundens, quo Nesibis rigatur. Arabibus Gudi, vel pro Arabica nominis adpellatione Dschudi, (جودي) vocatur, superest tamen antiqui et Mosaici nominis memoria atque adeo orthographia in fluvio, quem Syri نِسْبَة جُدي aut نِسْبَة جُدي, *fluvium Masche* vel *Maschi* vocant (*). In Masio ergo monte cum colonia Aramaeorum confederit, jam liquet, quae sit אַרַם, *Aramaea Nesibena*, cujus cum rege Hadadezere David bellum gessit, nostra nempe in montibus Masiis Aramaea,

(*) Assemani bibl. Or. T. II. in indice geographico sub *Nisibi*, inque eodem tomo p. 110. textus, denique T. III. P. I. p. 498. Ipsum quoque Arabicum fluvii nomen, *Hirmas*,

هَرْمَاس, ex Syriaco *Nebarmasch* va-

riatum et detruncatum est, nomen Masii montis his adhuc literis, مَاس, servans. Graeci Mygdonium vocare solent,

maea, metropolim habens Nefibin, ita tamen, ut facile intellectu sit, multo latius Hadadezerem, ex hostibus Davidis potentissimum, regnasse, et Armeniam quoque, si placet, in ditione habuisse. Vide pag. 124. 125. et commentationem de צִיבִי Nefibi.

Est et in Armenorum historia frequens Masi montis mentio, sed quem sibi quodammodo abjudicant, licet deinde regno junctum. Tradunt enim, primo ultra Araxen (*Aras* nunc dicitur) versus boream Armenos habitasse, deinde *Amasae* regis ductu Araxen superasse, montiumque jugum, quod ei meridionale est, occupasse, et ab Amasio *Masium* dixisse. Ergo certe antiquissimis temporibus Masi Montes, ipsis Armenis fatentibus, non fuerunt Armenorum. Vide Mosis Chorenensis historiam p. 32. 33. et, si plura de situ montis Armeniae adjuncti cupias, paginas in indice notatas.

Samaritana lectio, מִשָּׁה, eodem modo explicari et potest, et, nisi fallor, debet: Masi enim montis nomen, ut vixdum vidimus, a Syris etiam cum Aleph ܡܣܝ scribitur. Sed et aliam fert interpretationem, eamque Josephus arripuit, Mesenen, quae est circa Bassoram ad Tigridis Euphratisque exitum in sinum Persicum, Syris ܡܣܝ dictam, intelligens, Μησῆς καὶ ζεῖ Μησηναίου. Nempe מִשָּׁה eodem sensu accepit, quo mihi quidem versu 30 occurrere videtur, ubi plura de nomine dabo. Alia, quae Bochartus de Mesene scripsit, Josephum illustraturus, non repeto: nec quae contra errorem Hieronymi αὐτοκατακρίτου promit, מִשָּׁה *Maeones* interpretantis.

V. 24.

וַאֲרַפְכַּשָּׁר יָלַד אֶת שֶׁלַח וְשֶׁלַח יָלַד אֶת עֵבֶר

Et Arphachasd genuit Schelach, et Schelach genuit Ebar.

Copiosius de hoc versu Bochartus l. II. c. 13. 14. egit, in quibus licet multa non probem, de plerisque tamen dicere non attinet, quod nihil ad geographiam: illo forte unico excepto, quod in fine capitis 13 habet, Schelachum, seu, ut ipse ad Graecorum Latinorumque morem vocat, Selam, veterum nonnullis visum fuisse Sufianorum conditorem, eique sententiae non parum accedere roboris, quod teste Ammiano Marcellino (*) inter paucas tractus Sufiani urbes emineant, *Susa, saepe domicilium regum, et Tariana, et SELA*, (seu, ut alii legunt, Sele). Mihi vero hic nominum, ut Graecis Latinisque scribuntur literis, concentus, vix quidquam momenti facere videtur, donec constet, nomen urbis iisdem ab Arabibus indigenis literis scribi, quibus viri Hebraicum. Graeci enim et Hebraei cum literas nonnullas Orientalium, in quibus prima est et tertia nominis Schelach, distincte exprimere nequeant, male ex illis de nominibus propriis orientalium iudicamus: fiuntque saepe ex Graecorum et Latinorum scriptione eadem, que recte, suisque literis genuinis scripta, dissimilima. In Selae ipso exemplo ut maneam, faciamus, nomen urbis fuisse Hebraicum, (quamquam id in Sufianorum tractu veri parum simile), forte סֶלַע scribebatur, id est, *Petra*, nec habebit cum Schelachi nomine quidquam praeter unicum elementum L commune. Hoc autem lusu nominum demto tota concidit veterum non traditio, sed opinio,

(*) l. XXIII. c. 6. p. 293. editionis Lipsiensis anno 1773 factae.

opinio, ex hoc ipso lusu hausta, cum Schelachi nomen Graece ΣΑΛΛΑ scriptum legerent: ac ne video quidem, cur Schelachio quaerendi sint populi ab eo orti, nomenque ejus servantes, praeter illos, qui a nepotibus ejus Ebero et Jotane orti usque ad finem capitis memorantur, et vel cupidissimo copiosae sobolis suffecerint.

In Corano Selachus memoratur, propheta Themudenorum, quem interpretum nonnulli pro nostro Schelacho habuerunt, plerisque aliam ejus genealogiam et aetatem prodentibus, eumque post Hudum, id est, Eberum vixisse tradentibus. Vide Marraccium ad Suram VII, 74. et Herbelotum sub Salah p. 740. Me quidem iudice hi rectius sentiunt, diversique sunt Schelachus Moſis, Arabumque Selachus. Ne nomen quidem Arabicis literis scriptum commune: noster enim שֶׁלַחֵשׁ est, Arabicoque interpreti شالَح, seu, ut in Erpenii editione legitur, شالَح per Schin, Themudenorum propheta صالح per Tfade.

De Cainane, quem LXX Arphachasdi filium, Schelachi patrem, faciunt, et de quo nonnihil ad hunc versum habet Bochartus, quid sentiam, copiosius exposui in commentatione *de chronologia Moſis a diluvio ad Abrahamum* (*) §. 2. 9.

Eberum Arabibus Hudum esse, Aditarum prophetam, nec a parentibus coaevisque, sed a posteris et historicis utroque nomine vocitatum, quod Hebraeorum esset Judaeorumque progenitor, jam pagina 66 monui. Verum

(*) decima quinta commentatio Goettingensi per annos 1763. 1764. nostrarum. Societati Scientiarum 1765 et 1768, oblatarum.

rum ergo viri nomen ignoramus, folis cognominibus post mortem inditis, tantarum gentium patrem noscit historia.

V. 25.

ולעבר ילד (*) שני בנים שם האחר פלג כי בימיו נפלגה
הארץ ושם אחיו יקטן

Ebero nati sunt duo filii: nomen unius, Phaleg, quod tempore ejus divisa est terra, et nomen fratris ejus Jochan.

De divisione orbis terrarum tempore Phalegi facta; non, ut puto, sorte, pacto, testamento, sed secessione et migratione eorum, qui hucusque junctim habitaverant, in alias regiones, incolis vacuas, ut cuique luberet, non hic est agendi locus: de fabula enim quam Mosi obtrusit traditio, quid sentiam, et cur eam repudiem, si quis scire cupit, inveniet in jure Mosaico T. I. §. 29.

Est

(*) Nihil in lectione mutandum cenſeo, nec praeferendum Samaritanorum ילדן, quod correctorem ſapit, licet unice illud probet, masorethicamque lectionem ſoedam pronuntiet, Houbigantius. Nempe grammaticae orientalium linguarum parum peritus, ad latinam omnia referebat, cujus praeceptis ſi quid vitioſum eſſet, eodem jure ſoloeccismis adnumerabat et corregebat, quo aequae indoctus graecarum literarum criticus πάντα ſυνεργει Rom. VIII, 28. ut vitioſum in πάντα ſυνεργουσι correxiſſet, ſi quis ejus ſimilis ad criticam Novi Teſtamenti acceſſiſſet.

Quis vero Arabicarum literarum vel mediocriter peritus hanc legem ignorat, cujus exempla in grammatica noſtra Arabica §. LV. n. 2. invenies: nomina pluralia humana cum verbo ſingularis numeri conſtrui poſſunt, ſi verbum praecedat? Kennicotti biblia conſulens, ne unicum quidem codicem Hebraicum ילדן habere video: verſiones pro Samaritana lectione citari nequeunt, quae ſi verbo plurali utuntur, faciunt id, non quod aliter legerent, ſed ſuarum linguarum ſequutae ſyntaxin.

T

Est autem in nomine Phalegi, cujus etymon ipse exponit Moses, ingens argumentum sententiae p. 65. 66. 76. 77. dictae, multa ex his nominibus non prima esse, a parentibus indita, sed cognomina, quibus posteri quemque adpellarunt, oblitterato proprio nomine historiae scriptoribus usurpata. Certe ob instantem Phalegi tempore divisionem terrarum nomen ei a patre indi non potuit, nisi propheta esset, ut conjicere hic ausus est Raschi. *Hinc*, inquit, *intelligimus, Eberum prophetam fuisse, qui nomen filio indidit ex eventu.* (למרנו שהיה עבר נביא שקרא שם). (בנו על שם העתיד).

Cognomen ergo potius quam nomen cum sit, ipso Mose indicante, plane non aegre tulerim, quod interpres chronicorum c. I, 19. Arabice قاسم (Kasim) vertit: idque enoto, ut ad sequentia proficuum, ubi de Joctane, Arabum Cachtane agam, suspicaborque, alia quoque gentium Arabicarum nomina non iisdem literis et syllabis, sed synonymis idem significantibus in Arabia vocari. Caeterum non ita Pentateuchi interpretes, sed Maurus ab Erpenio editus, قاسم, easdem literas servans quibus nomen Hebraicum scribitur, et Arabs Polyglottus قاسم, per Gain. Nempe est ea versio, quam in Polyglottis legimus, atque a Saadia cognominare solemus, aut tota ex Graeco facta, aut mixta, multa habens ex graeco versa (*); solent autem Arabes pro Graeco G suum غ reponere, ubi graeca nomina suis literis scribunt, neutiquam pro Gimel Hebraico, quo de more plura in grammatica Arabica.

Sed superest, ut de loco Epiphanii dicam, maxime ad geographiam faciente, sed male a Bocharto (**) intellecto, seu

(*) Vide bibliothecam nostram Orientalem T. IX. num. 152.

(**) p. 95.

seu potius prave lecto, qui eum sic vertit: *Phaleg et Regau, qui, cum ad Europae clima divertissent Scythiam versus, cum ipsarum gentibus coabuerunt inde ab aeo Thiras et deinceps, ex quo Thraces orti sunt: indeque efficit, Epiphani-um putasse, Phaleg et Regau, illum atavum, hunc abavum Abrahae in Europam devenisse, et cum Scythis et Thracibus in unum corpus coaluisse.* Non opposuerim equidem huic commento, quod opponit Bochartus, (commentum non minus turpe Judaicum) *Phalegum et Regau Hebraeae linguae puritatem ad posteros transmississe, quam enim dicere solemus Hebraicam linguam, ea sine dubio non patria fuit Abrahami ejusque majorum, sed Chananaea, a Chananaeis accepta, ut alibi ad Genes. XXXI, 47. Jes. XIX, 18. disputare copiosius soleo: nec tamen nego manifesti erroris teneri, ac Mosi contradicere, si quis Phalegum in Europam concessisse, et Thracum fuisse progenitorem putaret.* At nihil hujus monstri habet Epiphanius, imbecillior quidem et nonnunquam subridiculus, ubi fontes errorum haereticorum investigat, sed tamen hic micam forte aliquam verae historiae servans, geographo non ingrati-
 Sic ille in responsione ad Acacii et Pauli epistolam, quam haeresium historiae praefixit, *Scythismi*, fictitiae haeresis, ortum proditurus: *Δευτέρα Σκυθισμός, ἀπὸ τῶν ἡμερῶν τοῦ Νῶε καὶ μετέπειτα, ἄχρι τῆς τοῦ πύργου οἰκοδομῆς, καὶ μετὰ τὸν τοῦ πύργου χρόνον, ἐπὶ ὀλίγοις ἔτεσι, τούτεστι Φάλεκ καὶ Ραγαῦ, οἵτινες ἐπὶ τὸ τῆς Εὐρώπης κλίμα νενευκότες τῷ τῆς Σκυθίας μέρει, καὶ τοῖς αὐτῶν ἔτεσι προσεκρίθησαν ἀπὸ τῆς τοῦ Θηραῖς ἡλικίας, ἐξ οὗπερ οἱ Θηραῖες γεγόνασι: i. e. secunda sectarum est Scythismus, a diebus Noachi, et deinceps usque ad turris aedificationem, paucosque post annos, i. e. Phalegi et Ragau tempore, qui in viciniam Europae a Scythiae parte progressi moribus Thracum, inde a tempore Thirasi Thracum progenitoris, adfue-*
 T 2 rant.

rant. Eorum memor, quae supra de Chaldaeis, Arphachasdo, et patria Abrahami disputavi, vel me tacente recte conjiciet, quam mihi hic invenisse veri micam videar: Phalegi, aliorumque Abrahami majorum versus boream, Pontum inter Euxinum et mare Caspium, haud procul a Scythia, vel potius in Scythia Asiatica, Europaeque vicinia, vagas Nomadum more sedes.

יֶזְעָן *Joctan.*

De Joctane, seu, ut Arabes illum vocant, Cachtane (قحطان) recte et vere disputavit Bochartus l. II. c. 15. ut parum ei addi opus sit. Plura si quis de Cachtane scire cupit, non hic describenda, petet ex Pocokii specimine historiae Arabum p. 38. 39 et Assemani bibliotheca Orientali T. III. P. II. pag. DLIII. sequi.

Arabiam, quam Graeci Latinique Felicem, indigenae Jemen, i. e. Austrum dicunt, a duobus populis ortu diversis, Cuschaëis Indisque habitatam fuisse, in prima spicilegii parte p. 144. 145. dictum: ex his ergo quos Indos Graeci, Latini, Syri, vocare solent, Joctanitae sunt, seu, ut Arabico nomine utar, Cachtanitae.

De Indiae nomine, Arabiae Felici indito, si quis plura cupiat, eum ad Josephi Simonii Assemani bibliothecam Orientalem, T. III. P. II. p. 568-570 ablego: a quo tamen una in re me dissentire intelliget. *Homeritae*, inquit, *dicti etiam sunt, Aethiopes et Indi*, Aethiopas et Indos eodem faciens: nec negaverim, latius sumtum Indorum nomen Aethiopas quoque complexum esse, exteris scriptoribus vicinas gentes, eandem habitantes regionem, eademque aut simillima lingua utentes, confundentibus. In ea tamen
sum

sum sententia, proprie et strictiore vocabuli sensu, Indos Joctanitas fuisse, oppositos Cuschaeis seu Aethiopibus, quae duae gentes per maculas Arabiam Felicem habitabant. Haec ex ipsa magni viri bibliotheca Orientali hausta sententia, maxime ex verbis Simeonis, quae pag. 145 tomi superioris, jam excerpti, nec repetere opus duco. Manifeste Simeon Indos et Cuschaeos distinguit, septemque regna commemorat, tria Indorum, quatuor Cuschaeorum.

Haec nominis Indiae ambiguitas fraudi fuit Josepho, qui, Joctani filiiis solo tenuis nomine proditis, haec subiungit: οὗτοι ἀπὸ Κωφῆνος ποταμοῦ τῆς Ἰνδιᾶς καὶ τῆς πρὸς αὐτοῦ Ἀσίας τινὰ κατόικοῦσι: *hi a Cophene inde fluvio, sitaque ad illum Aria, loca quaedam incolunt (*)*. Audierat sine dubio a magistris, Joctanitas Indos esse, nec id male: at Indos Felicis Arabiae ignorans, de Indis ad Cophenem, Indum et ultra cogitabat. Mirum quod ita errare in vicina gente, sacrorum quoque communione cum Judaeis conjuncta errare potuerit, atque, ut uno illum manifesto peccato teneam, Hadramautam Arabiae Felicis, cujus totidem literis a Mose nomen scribitur, ignorare. Verum ignarissimus rerum Felicis Arabiae fuisse videtur: cum enim ex domesticis Arabum scriptoribus nobis certo constet, eo ipso tempore, quo Josephus vixit, floruisse per Arabiam Felicem Judaicam religionem, regno adeo haud raro positam, nullam omnino hujus rei notatu dignissimae in sua historia fecit mentionem. Meminerimus autem, stante Hierosolyma nunquam eum de scribenda historia cogitasse, nec illi parasse subsidia, quod si fecisset, vel ex illis, qui communium sacrorum causa Hierosolymam adibant, certiora

(*) Ant. I, 6, 4.

tiora rescire de rebus Arabiae Felicis; Joctanitisque potuisset; sed extorrem, procul a patria, deleta urbe, templo, ac re publica, illum antiquitatum librum scripsisse, in quo grate laudanda, quae praestitit, condonanda, quae non sua culpa peccavit.

Sed superest, ut de Joctanis nomine dicamus, primo minute et grammatica, deinde, paulo graviora: יִצְחָק (Joctan) efferri voluit, qui puncta adscripsit, eique proximus, sed in Graecorum gratiam, ultima litera N in casum versa, Josephus, Ἰούκταν (*): at LXX, quos Vulgata sequitur, Ἰεκταν, *Jectan*, id est, יִצְחָק, Chirek, Syrorum more, ut solent septuaginta, per ε expresso. Utrumque, tertia persona futuri a verbo יָצָא *parvus fuit*, illud masorethicum in Hophal, hoc septuagintavirale in Kal. Utrum rectius, Moses dixerit: mea non refert.

Jam cum tempore Joctanis mire decreverit humanae vitae longaeuitas, pene ad dimidium (**), non defuerunt, qui hanc diminutionem nomine Joctanis significari putarent. Sic Chaldaeus chronicorum interpres, c. I, 20. *nomen ejus fuit Joctan, quod in diebus ejus coeperunt homines dimidiari i. e. citius mori quam antea; vix dimidium attin-*

(*) Εβραῖος δὲ Ἰούκταν (sic in casu quarto scribit) καὶ Φάλεγον ἐγέννησε: et paulo post, Ἰούκτα δὲ ἦσαν υἱοὶ &c.

(**) Decreverat hucusque longaeuitas, sed sensim: at ab Ebero ad Phalegum, Joctanis fratrem, una in generatione a 464 annis ad 239, id est ultra duo secula, subsedit, nec id in

Phalego solum, sed et in posteris, sensim iterum decresciente longaeuitate, obtinet. Est hic aliquis, ut alibi dixi, saltus naturae in decrescendo. A 930 annis Adami, et pluribus Methusalae, ad 80, 70, 60, defluximus, sed sensim, modicis intervallis: hic unum intervallum 225 annorum in una generatione magno hiatu patet,

attingere aetatis patrum, *ob peccata ipsorum*. Eadem fuisse videtur sententia Raschii (*), huic versui adscripta, sed praemissis verbis de Phalego agentibus, *כי בימיו נפלגה הארץ. divisi et dimidiati fuerunt dies hominum*. Nam primum homines nongentos annos vivebant: postea tempore Arphaxadi et ulterius quadringentos. Phalegi denique tempore et postea quadringenti anni in ducentos dissecti sunt. Lusus dicerem etymologicos in alio nomine, nec forte dignos haberem, quos nisi jocans referrem, hostis etymologiarum in geographia, nisi succurreret, quod fratrem Joctanis, Phalegum, a divisione gentium ac terrarum nomen accepisse, ipse Moses paulo ante auctor fuerat. In fratris nomine Mose etymon prodente, non a vero abluere videtur, idem in Joctane tentari posse, id vero est, ut aliis verbis, et planius dicam, Joctanem hoc nomen non a parentibus inditum habuisse, sed cognomen esse, quo a posteris, ab historiae scriptoribus, a poetis, quorum voce antiqua historia servata videtur, vocitatus fuit. Quae si me conjectura non fallit, forte et audacior factus conjicere ausim, quomodo acciderit, ut qui Mose Joctan, ipsis ab eo progenitis Arabibus Cachtan (قحطان) dicatur. Quid? si synonymum sit, idem significans, sed ab Arabico verbo *قحط* ductum, quod Arabum lexicographi (ipse enim non jam memini me legere) vertunt, *inhibita fuit, defecit pluvia, siccitate anni laboravit, penuria laboravit, semen in concubitu non ejecit, &c.* Prima vis forte in diminutione, sicque Cachtan idem significabit, quod Joctan. Nempe usitatissimum Orientalibus, nomina propria vertere, (ut nostri

(*) Citaverat locum ante Beckius in notis ad chronica Chaldaica, sed alio fine, et forte aliquid erroris ad-

mittens, quod Wilkinsius in praefatione suae editioni paraphrasis Chaldaicae chronicorum, indicavit.

noſtri ante aliquot ſecula) et ſynonyma pro illis ſubſtituere (e. g. אשבעל pro אשבעת) qua de re in grammatica Hebraica majore agam copioſius: maxime autem ſolent iidem viri, Arabum Hebraeorumque hiſtoria nobilitati, alio ab Arabibus nomine vocari, alio ab Hebraeis.

Monendum hoc duxi ob ea, quae ſequuntur, nomina filiorum Joctanis: patris enim ſi Arabes ipſi Cachtan vertunt, non inopinabile videbitur filiorum nominibus ſimile quid accidiſſe (*), nec refugiendum, quod de *Jeracho* habet Bochartus, nomen Arabice *Halal*, vertens (utrumque enim ירח et ליל *lunam* ſignificat) et ad Alalaeos referens. Forte idem in pluribus tentandum; illarumque ingentium tenebrarum, quae ab hoc inde verſu offundi interpretibus incipiunt, unica cauſſa, quod Joctaniticæ tribus, quarum nomina Hebraica Moſes prædit, aliis apud Arabes nominibus, idem ſignificantibus, noſcuntur.

Caeterum ſi quis quaerat, unde tanta repente Phalegi et Joctanis tempore diminutio vitae humanae? quid noſ ſentiamus inveniet in *ſententia de chronologia Moſis a diluvio ad Abrahamum* §. 17. pag. 196. *commentationum per annos 1763-1768 prælectarum.*

V. 26.

(*) Aliter hic ſenſit; quem ſupra citaveram, Raſchius; Eber fuit magnus propheta, ideo Joctani nomen ex re impoſuit: aſt caeterorum nomina non poſſunt exponi, quoniam non ex ore prophetæ impoſita ſunt. Forte

hic ita, quod ſtomachum moverent ſtultae etymologiae, ab interprete Chro- nicorum Chaldaeo tentatae, quas, quod non probavit, laudo: nec tamen Phaleg et Joctan prophetica nomina puto eſſe, ſed cognomina hiſtorica.

V. 26.

אלמודד ילד את יוסטן *Et Joetan genuit Almodadem.*¹

Magnopere hic displicet non audacior modo, sed et temeraria conjectura Bocharti (*), ex, Almodad, *Allumaeos*, Arabiae felicitis populum, a Ptolemaeo memoratum (**) exsculpens. Vera aut verisimilior si esset parum tamen profecissemus, situm Allumaeorum ignorantes: nihil certe in geographia profecimus, sola veterum nomina habentes, sed id modo scimus, quod recentiores viderunt, descripseruntque adcuratius, quam veteres aut solebant aut poterunt in illa mathematum infantia. Sed ne mediocriter quidem conveniunt *Almodadi* et *Allumaeorum* nomina, maxime si, *Al*, articulus sit Arabicus, non pars nominis: in *Modad* enim, quis *Allumaeos* inveniat, nisi cui hariolari, inque literis ludere fas sit?

Haec non ita disputo, ac si mihi melior, verisimiliorque nominis explicatio suppeteret. *Modad* quidem in memoriam revocabat consonans urbis *Modiad* (مودياد) (***) nomen, sitae cis Tigrim in Turabdinensi regione, provinciae Diarbekir: sed illa longe ab Arabia, ut per verum tricesimum, fines Joetanitarum describentem, hujus loci esse nequeat.

Arabem conferenti, qui cum in Pentateucho tum in chronicis nomen per Dfal scripsit, الموداذ *Elmuzaz*, Muzae,

(*) I. II. c. 16.

(**) p. 154. ὑπὸ τοῦς βλινυλαῖ-
ους Ἀλλουμαιῶται.

(***) Quaere in Assemani biblio-
theca Or. T. II. in indice, quem dis-

sertationi de monophysitis infernit, ge-
ographico: in quo et Turabdin inve-
nies: qui liber quibus non ad manus
est, adeant Büschingii descriptionem
Asiae.

zae, emporii quondam celeberrimi Arabum, in mentem veniebat: sed et haec abdicanda conjectura, si Muzae nomen superest in vico castelloque, quinto circiter milliari germanico a Moccha (*), hujus enim nomen موزع scribunt Arabes, i. e. מוזע, quod cum מורר conferre non amsim.

ואת שלף et *Schalef* i. e. *Salapenos*.

Nihil habeo, quod Bocharto adjiciam, *Salapenos* Ptolemaei (**) intelligenti, nisi quod cuperem, de situ regionis certius quid ac verius habere, quam ex tabula Ptolemaei statui potest: sed id despero, donec in intima Arabiae penetrare Europaeis contigerit. Tabulam Ptolemaei si cum nostris melioribus conferas, ut cum d'Anvillianis, videbis, *Alapenos*, (sic in tabula per errorem pro *Salapenis* dicuntur,) in provincia *Neged el Ared*, vel *Jemama*, vel proxime ab alterutra quaerendos esse: sed quis nostrorum illuc se penetraturum speret? Nec vero Ptolemaeo, non parum hic erranti, fidere licebit. Ipse ad quem *Salapenos* collocat, major fluvius, *Betius*, ex media Arabia ortus, inque mare effluens, suspectus, recentiores enim geogra-

(*) Vide Niebuhrii descriptionem Arabiae p. 223. Est quidem ea urbs mediterranea, sed Mocchae portu uti olim potuerit, ut multa habemus emporia, non ad ipsum mare sita; ipsa enim urbs Mocha multo recentior; docente Niebuhrio, p. 222. Aliter dubium solvit Büschingius, Muzam prope Moccham ipse quoque Muzam

antiquorum habens. Mare ait recessisse, olimque ad Muzam pertinuisse. Est sane recessus longior, quem portuum perito vix adprobaverit: nec eo opus, sed sufficit, emporia non semper ad ipsum mare sita fuisse, portu propinquo utentia.

(**) L. VI. p. 154. τούτων ἀπὸ δούσεως Μανίται, ὑπὲρ οὗς Σαλαπηνοί.

geographi eum non habent, docentque, plerosque Arabiae, non tam fluvios, quam torrentes, arenis absorbere, antequam ad mare exitus detur: urbes proximae sunt, *Carna*, ac *Lathrippa*, seu, ut in libro sexto p. 155. vitiose scribitur, *Laorippa*, ☉ expallescens ductu medio in O mutato. (ΛΑΟΡΙΠΠΑ, pro ΛΑΘΡΙΠΠΑ). Haec nomina inveniens, vix possum non de *Carna*, Minaeorum metropoli (*), seu, ut pleniore eam nomine scribam, *Carn el manazil* (قرن المنازل) cogitare, urbe Meccae ab Austro vicina, quam in d'Anvillii Asia facile invenies: idque eo magis, quod populum Salapenis vicinum *Manitas* vocat Ptolemaeus. Lathrippam autem legenti statim ultro se offert celeberrima Arabiae urbs, Medina, alio nomine *Jathrippa* بتريب dicta, teste Abulfeda p. 31. Arabiae: suspicorque non unum modo, quem supra arguebam, errorem, in nomine urbis describendo commissum esse, sed et alterum accedere, ΛΑΘΡΙΠΠΑ pro ΙΑΘΡΙΠΠΑ. Jam nostros geographos si consulas, multo certe in Arabia Ptolemaeo meliores, unamque adeo d'Anvillianam Asiae tabulam, statim videbis, multum in situ Jathrippae et Carnae errasse Ptolemaeum.

Muhammedani si operam darent geographiae, Meccam sacrorum causa adeuntes, explorare nosque docere possent, ad quae nostris eruditis aditus non datur. Sed eos quis hoc eruditionis bonarumque literarum gustu imbuiere possit? Bellum si quanda Turcicum, aut alius fortunae lusus, det Orientis peritis Muhammedanum, Arabicae linguae peritum, erectioris ingenii offerat erudiant eum nostris literis, doceant etiam nostro more, id est, gram-

(*) Vide, donec alia occasione de hac urbe agam, *Affemani* bibliothecam Or. T. III. P. II. p. 555.

grammaticae, Arabica, (aliud enim est, linguam vernaculam loqui et intelligere, aliud grammaticae cognitam habere) monstrent hanc ad immortalitatem nominis viam, ut Meccam profectus, et inde ad intima, si fieri potest, Arabiae, ignota nobis, et certa, non de his solis Salapenis, quos parum curo, sed de intima Arabia, geographia, moribus gentis, lingua, herbis, animalibus, referat. Id qui fecerit, immortalis erit.

ואת חצ'רמות *et Hadramaut.*

Chatfarmavet, sic enim Hebraicum nomen adpellare solemus, eam esse Arabiae regionem, cujus in hunc usque diem nomen iisdem literis scribitur, ^{حَضْرَمَوْت} *حَضْرَمَوْت*, atque, Tsade puncto norato, adpellatur Hadramaut, ita plene disputavit Bochartus l. II. c. 17. ut hac mihi parte otium fecerit, exiguum relinquens spicilegium.

In tabulis Asiae d'Anvillianis, quas omnibus ad manus esse cupio, Hadramautam invenient lectores ad mare Indicum post gradum longitudinis 65, latitudinis 15. Niebuhrii delineationem terrae Jemen conferentes, post gradum jam 13 initia finium Hadramautae notata videbunt: nec Niebuhrius D'Anvilliusque ideo sibi contradicere putandi, nomen enim latiore et angustiore significato ponitur, aliquando ipsam adeo Sabaeorum metropolim, Maribam complexum. Descriptionem regionis geographicam qui cupiunt, adeant Niebuhrium, (hic tamen non, ut alias, *αὐτόπτην*,) in descriptione Arabiae p. 283-294. et Büschingii geographiam Asiae. Non *αὐτόπτην* dixi Niebuhrium, quam ob causam delineationem Hadramautae non dedit; hausit tamen sua ex Arabibus qui eam regionem adierant,

et

et quorum unus plerasque Haudramantae urbes ipse viderat. Ex hujus appellatione urbium nomina scripsit. (p. 288)

Graecos Latinosque scriptores cum hic citarit excerpseritque Bochartus, non ingratum me facturum lectoribus puto, si Arabem, Idrisum, seu ut vocare illum a patria solent, Nubiensem, addidero. Utinam ipsa ejus verba Arabice describere liceret, est enim Arabica editio in paucorum manibus, ut pene manuscriptis codicibus aequiparari possit, sed meus typographus cum commodatis ab alio utatur typis Arabicis, non suis, vereor, ut typi sufficiant. Ergo quod possum facio: latine versum locum Nubiensis exhibeo, ac nomina propria Arabicis literis scripta versioni intexo. Sic ergo Nubiensis sub finem partis sextae climatis primi (*). *In ora maritima terrae Hadramaut urbes sunt, Lasaa* (**) (لسعة) *et Schorma*, (***) (شورمة) *bidui a se invicem intervallo, si iter terra facias. In ipsa autem Hadramauta duae urbes sunt, una, nomine Schibam* (****) (شباب) *altera, Tarim* (*****), (تريم) *unius stationis intervallo,*

(*) Versionis Latinae a Gabriele Sionita factae pagina 26. Arabiei libri, (sed in illo non numeratae sunt) si quis numerare inde ab initio velit, numerosque paginis inscribere, pagina 31.

(**) Ad singula urbium regionumque nomina notabo, ubi in tabulis d'Anvillianis inveniri queant. Lasaa ergo quaeres ante gradum longitudinis 65, ad mare ipsum.

(***) Ad mare subgradu long. 66.

(****) Longit. circiter 67, latit.

15½. Vide de ea Niebuhrium p. 286.

(*****) Lapsus partim librarii, partim typographi, quod in Nubiensis textu Arabico سبام (Siam) legitur: Niebuhrius enim ab Arabe, qui ipse Schibamae fuerat, *Schibam* vocari audit. Je loco Be positum typographi lapsus est, Gabriel enim Sionita in versione latina nomen per B scripsit; س pro ش forte error librarii aut editoris, Gabriellis Sionitae.

(******) Longit. 66. latit. 15½. Vide et Niebuhrium p. 286.

tervallo. *Ex urbibus Hadramautae est Mariba* ⁽¹⁾, *nunc vasta. Haec fuit urbs Saba*, ⁽²⁾ *ex qua Belkis* (بلقيس) *oriunda, uxor Salomonis* ⁽³⁾ *fili Davidis. Ab Hadramaut ad Sada* ⁽⁴⁾ (صدَا) *sunt 240 milliaria* ⁽⁵⁾, *et a Sanaa ad Sada 120 milliaria:* ⁽⁶⁾ *ab Aden* ⁽⁷⁾ *ad Hadramaut quinque dierum* ⁽⁸⁾ *iter: ita ut Hadramaut sit ab oriente Aden. Sunt in illa arenae colles continui, Ahcaf* ⁽⁹⁾ (احقاق) *dicti, eaque pars regionis rarius habitata est, nec multum mercaturae exercet. Exportant ex Hadramauta aloen Hadramauticam, sed Socotorinae* ⁽¹⁰⁾ *inferiorem.*

Abul-

(1) Long. 64-65. lat. 16. — —
Hanc ergo urbem, Sabaeorum olim metropolim, Hadramautae, latius sumpto nomine, accenset Nubiensis. Vastam dicit, quod post rupturam catarrhaetae Maribensis, terraeque vicinae inundationem, de qua elegantissimum habemus Reiskii librum, *de Arabum epocha antiquissima Sail ol Arem*, i. e. *ruptura catarrhaetae Marebensis*, Lipsiae 1748. Sabaei alias sedes quacere coacti sunt, jacetque inculta, quae olim tanta fertilitatis laude floruit, regio. Superest tamen in hunc diem Mariba, oppidum, sed parvum, de quo vide Niebuhrii Arabiam p. 277.

(2) i. e. Sabaeorum metropolis, nomine quoque gentis, ut frequens est Orientalibus, Saba dicta.

(3) I. Reg. X, 1-10.

(4) Estne eadem, quam Arabes

صدَا vocant? Sic vitium typographi- cum admissum videbitur, rescribendumque صدَا cum Ain. Gabriel certe Sionita in versione latina SAADA habet, ac si esset صدَا. De Saada vide Niebuhrium p. 271.

(5) i. e. 80 parasangas Arabum, milliaria germanica circiter 54.

(6) milliaria germanica 27.

(7) long. 63. lat. 12-13. (Niebuhrio 12 gr. 40 min.)

(8) Milliaria circiter viginti germanica.

(9) long. 66. 67. lat. 15. Male Gabriel Sionita campos arenae latissimos vertit, cum utrumque nomen colles potius arenae ex aquore illo sabuli existentes significet.

(10) Socotoram insulam e regione Arabiae Felicis invenies sub long. 70-71. latit. 12-13.

Abulfeda quae in descriptione Arabiae de Hadramauta habet (*), non describo, quod ab omnibus, quorum interest, in geographiae veteris scriptoribus ab Hudsono editis Tomo III. legi possunt. Id unum moneo, Gagnierium paginae 14. suae editionis notam subiecisse, excerpta Arabica habentem de nominis adpellatione duplici, *Hadramaut* et *Hadrmut*. Ratio quidem posterioris adpellationis, quae ibi redditur, displicet: adpellationem ipsam sequuti Graecorum illi, qui nomen regionis scribunt, Ἀδράμαυτα, et versio Arabica in Polyglottis, حَضْرَمَوْت, vel, ut ibi vitiose evulgatum est, حَضْرَمَوْت habens.

Ex Kennikotti bibliis disco, quatuor codices Samaritanos inserto Jod חֲצֵרֵמוֹת habere, quod cum ab Arabica abludat nominis scriptione, vitiosum existimo. Habent quidem et Arabes cum Jod, diminutiva faciente, حَضْرَمَوْت, (חֲצֵרֵמוֹת) sed Jod alio, quam a Samaritanis codicibus, loco positum.

וְאֵת יֶרַח et *Jerach*, i. e.

Gebel Kamar, et, Gobb-el-Kamar.

Nominis nuspiam in geographia Arabiae, nec apud Graecos Latinosque, nec apud Arabes ipsos, occurrentis, explicationem daturus Bochartus, pro יֶרַח, *lunam* significante, Arabicum هِلَال (Hilal) *lunam* (seu potius, primas et postremas lunae phases) substituit, atque hoc indicio in Jeracho invenit Alilaeos, populum ad mare rubrum, ab Agatharchide, Strabone, et Diodoro Siculo, memoratum,

(*) p. 14 et 45 editionis Gagnierianae, p. 19. et 59. Hudsonianae.

tum, sed de quo, ut ipse ingenue fatetur, altum est apud reliquos geographos silentium. De his ergo Alilaeis copiose agit, multa addens de Diis Arabum parerga, nec parum etymologiarum, in capite XIX libri secundi, ipse evolendus.

Quod nomen Hebraicum Arabice vertendum censuit, magnopere laudo, unamque ad verum inveniendum viam puto. Cum enim לֵּי (*Ferach*) notissimum Hebraeis lunae et mensis nomen, omnino adpellativo significato non habeat lingua Arabica, neque ut nomen, neque ut verbum, licet aliqua ejus derivata, sed aliis literis scripta (لَی) in لَی superesse videantur, atque supra jam aliquoties viderimus, Hebraeos et Arabes alia iisdem viris nomina indere, atque etiam vertere nomina propria: veri dissimillimum est, tribus Arabicae conditorem Arabibus ipsum Jerachum dici, ac prope certum, pro hoc *lunae* nomine, aliud Arabibus notum atque frequens, substituendum esse. Nec certe, nisi melior se mihi conjectura non quaerenti obtulisset, repudiarem Alilaeos, maxime postquam Niebuhrius novas Bochartianae sententiae tulit suppetias, inventa tribu aliqua Arabum *Halal*, (بنی هلال, *Beni Halal*) (*). Addit, a Nubiensi eosdem memorari *Clim. 2. p. 5.* sed in hoc oculorum eum aberratio, fefellit, *Alaleos* pro *Alabeis* legendem. Locus, quem citat Nubiensis, ne pagina quidem libri quinta invenitur, sed *Clim. 2. Sect. 5. pag. 50*, ut Niebuhrius scripsisse videtur, verbis mediis errore typographi omissis: ibi vero nulla *Alaleorum* mentio, sed, *Alabaeorum*, quorum nomen, si Arabica inspicias, sed quae ob summam editionis Arabicae raritatem forte Niebuhrius consulere non potuit, لَی scribitur. Huic nomini jam nihil

(*) In descriptione Arabiae p. 270.

nihil omnino five cum Alalaeis five cum هلال cognationis intercedit.

Sed utcunque hoc sit, verisimilem dico Bocharti conjecturam, meam facturum, nisi verisimilior ultro se adblandiens obtulisset, minuta enim sunt, quae Bochartianae opponi possunt, ut هلال non tam lunam, quam phases primas et ultimas significare, non constare, quibus literis Arabicis Alalaeorum nomen scribendum sit, ignotum esse reliquis geographis, atque hos qui habent, fabulis mendaciisque simillima de eo referre, tresque adeo testes ita, verbis quoque et fabulis, concinere, ut unus modo testis habendi sint, Strabone et Diodoro sua ex mendaci supra modum Agatharchide fumentibus.

Verum haec me parum moverent, nisi geographia Arabum *tribum Lunae* quam quaerimus, in ipsa Hadramautae vicinia, post quam Jerachi nomen Moses habet, obtulisset. قمر, *Kamar*, consuetum est et quotidianum lunae nomen. Jam lege quae Nubiensis habet sub finem sextae partis climatis primi (*): ومن شرمه المتقدم ذكرها علي الساحل الي مدينة مرباط ستة ايام في البحر وبينهما غب القمر ومعني الغب الكون وفي القمر هذا الكون بلد يقال لها خلفات وعلي راس الكون المذكور جبل مستدير علي هبة القمر ولذلك سمي بجبل القمر اعني لتقويسه وبياضه i. e. a *Schorma vixdum memorata ad urbem Merbat (**)*, mari sex dierum iter est: inter utramque urbem interje-

(*) p. 26. 27. versionis latinae: inque Arabico textu, qui paginas numeris signatas non habet, in pagina penultima ejus quam dixi partis climatis primi.

(**) In tabula Arabiae d'Anvilliana invenies ad mare Indicum sub gradu latitudinis 17-18. haud procul a Dabar.

terjeda Gobb-el-Kamar (ora maritima, litoralia, *Lunae*, clarius forte Gallice diceret, *la Côte de la Lune*) *Gobb* autem oram maritimam significat. In hujus orae declivibus oppidum situm, *Chalfat* dictum, at ubi altius erigitur, monte in formam lunae cingitur, qui mons *Lunae* (*Gebel el Kamar*) cum ob formam arcuatam dicitur, tum ob albedinem. Ergo proxime a Schorma, urbe Hadramauticae regionis, montem et oram *Lunae* habent Arabes, quam et nomine Arabico, *Chob ul Camar*, et, *Gebal Camar*, in tabulis d'Anvillianis sub gradu latitudinis 16 ad mare Indicum inveniunt.

V. 27.

וְאֵת הָדוֹרָם *et Hadoram.*

Obscurissimum nomen, in quo non fatisfecit Bochartus, (l. II. c. 20.) atque ne lectio quidem certa. De hac ante omnia dicendum, quod varietas lectionis, Bocharto non observata, illis quae de promontorio Corodamo habet, suppetias ferre posse videatur.

Ergo primo in Genesi per Aleph habent exemplaria Samaritana אֲדוֹרָם, *Adoram*, sed id non magni momenti, seu potius manifestum sphalma, et consuetum librariis Samaritanis, literas א, ה, ח et ע, quas distincte efferre nequeunt, confundentibus. Non ad varietatem lectionis refero, sed ad morem Graecorum, M in fine nominum orientalium, barbarum ipsis et putidum sonans, omittentium, quod LXX in plerisque editionibus, (excipe enim Complutensem) Ἰνδοσὶ habent. Puncta nomini in bibliis masorethicis subiecta, הָדוֹרָם, verane sint, an secus, non nostrum est judicare, tribu ipsa adhuc ignota: Joctanitas Indos vocari supra diximus, quod si nomen gentis antiquum

quum quis putet, posset tentare, חֲדָדִירָם *Hodduram*, i. e. *India Rami*. Nos quidem nec contradicentes habebit, nec adsentientes.

At notatu dignius, quod LXX i Paral. I, 21. Κεδουζάμ habent: qui, cum nunquam He Hebraeorum per K exprimant, sitque sonus utriusque literae diversissimus, videri possunt per Chet חֲדָדִירָם legisse.

Jam ad Bochartum. Hadoram *Dirmatos* facit Plinii (*), populum Arabiae haud procul a freto sinus Persici. Non sane displicet situs, sed ab adsentiendo cupientem revocat nominum *Hadoram*, et *Drimuti*, diversitas major, quam ut pro eodem haberi nomine possint. Quod deinde addit de *Corodamo*, promontorio Arabiae (**), a Ptolemaeo p. 153. memorato, inque tabula Arabiae sub gradu latitudinis 20 expresso, verisimilius videretur, si liceret, lectionem חֲדָדִירָם, vix dum ex LXX indicatam, in חֲדָדִירָם mutare, aut pro *Corodamo* in Ptolemaeo *Codorumum* legere. Sed haec donec lectio inventa sit, malim nihil de Hadoramo scire, verumque, ignorantiam professus, quaerere. Quod Bochartus addit de He Persarum fortius, atque ut Ch vel K adpellato, ad nomen Hadoram, Hebraicum vel Arabicum, transferri nequit: alia enim ratio Alphabeti Persarum, licet mutuum ab Arabibus sumserint, quam Arabici et Hebraici.

חֲדָדִירָם

(*) l. VI. c. 28. seu ut paginam etiam indicem, quia caput longius, pag. 338. lin. 4. editionis Harduini.

(**) Estne promontorium nunc *Ras*

el chad رأس الحد (promontorium Chadd) dictum? de quo vide Niebuhrii Arabiam p. 295. adjectamque tabulam Omanae, sub gradu 22.

וזל (*) זנא et *Uzal*.

Quo obscurius ac pene desperandum erat praecedens nomen, eo certiora de Uzala habemus, de qua Bochartus, ab Abrahamo Zachuth (**) edoctus, verissimam dixit sententiam, Sanaam esse, felicitis Arabiae metropolim, de situ urbis, quantum potuit, ex Nubiensi attulit, denique et recte vidit, Ezech. XXVII, 19. זנא punctandum; deque Uzala ibi sermonem esse. Jam ea, quae felicitate temporum nostrorum Bochartianis addere possum.

Ac primo quidem, sententiae ab eo dictae novas confirmationes. Camusius, Golio (***) teste, qui eum auctorem adfert, أزال (Azal) nomen Sanaae, quae metropolis Arabiae felicitis. Niebuhrius in ipsa Arabia, ab Indo quidem, sed qui plures annos in Arabia Felice egerat, pro certo audivit, *Usal* (sic more Germanorum pro *Uzal* scribit) antiquum nomen Sanaae esse (****). Joannes Asiae episco-

(*) Per Jod, זנא textus habet Samaritanus, sicque jam Septuaginta et Josephus legerunt, illi in codice Alexandrino. Αιζήλ habentes, hic Αιζελος. Mihi quidem Masorethica scriptio per Van ob ea, quae deinde de nomine excerpam verior videtur. Multa in nomine, librariis ignoto, varietas lectionis: ut in Genesi Αιβήλ, (ac si Hebraice scriptum reperissent, זנא) in chronicis Αιζήν, et Αιξήν, quatuor denique codicum Samaritanorum, זנא, unius זנא Ain pro Aleph posito, Samaritanorum more. Sed

haec ad manifesta sphalmata referenda, postquam de Uzalae nomine constat.

(**) Sententiae argumenta nulla quidem addidit *Abrahamus Zachuth*: sed meminerimus, eum Immanuelis, Lusitaniae regis, astronomum et chronographum fuisse, sub quo in Indiam Lusitani penetrarunt, eritque ipse pro auctoritate Zachuthus, ea quae ex navigatoribus comperta habebat referens.

(***) p. 90.

(****) p. 291. descriptionis Arabiae: *Mubammedanus ex India, qui plures in Femen annos egerat, pro cer-*

episcopus, celebris Syrorum historicus, qui seculo sexto (*) vixit, nomen *Uzal* ut suo adhuc tempore notum et quotidianum usurpat, addita modo, pro Syrorum ejus tempore more, graeca terminatione. Locum integrum ex ejus historia excerpfit Assemanus, T. I. bibliothecae Orientalis, p. 360, qui liber si cui non ad manus est, evolvat nostram chrestomathiam Syriacam p. 17. Belli causas in Arabia Felice orti referens Joannes, narrat, mercatores Romanos, i. e. qui ex ditione erant imperatorum Constantinopolitanorum, per Homeritas transire, inque intima penetrare Indorum et Cuschaeorum, *quae vocentur Uzalios* (**) *Indiae*. (ܐܘܣܬܐܝܝܬܐ ܕܝܢܕܝܐ). Jam ergo, quin
Uzal

zo adseverare posse sibi videbatur, *Uzal* nomen Sanaae antiquum esse. *Taasae* Judaeum, sed opificem, non Rabbini- num, cum interrogarem ignorare se nomen *Uzal* professus est. *Sanaae* cum essem, *Judaeos* non interrogavi. (Hos quidem nec cupiebam interrogari, cum quaestiones proponerem, nulla enim mihi illorum fides, sed Arabes, quorum plebem magistris Judaeorum, mentiendo aut conjiciendo de rebus ignotis adsvetis, praeferrem. Bene ergo et feliciter, Niebuhrius hanc Asiatici generis faciem non interrogavit, quae doctis Europae Rabbinis plus non scisset). Quod his praemisit: *Muhammedanus* quem *Lobejae* de via, *Sanaam* ducente, interrogabam, vicum *Judaeorum* ante *Sanaam*, *Oeser* vocabat: pla-

ne nihil ad rem de qua quaeritur, nomen enim p. 232. descriptionis Niebuhrianae Arabiae, his literis scribitur, ܐܘܣܬܐܝܝܬܐ i. e. ܐܘܣܬܐܝܝܬܐ, cumque ܐܘܣܬܐܝܝܬܐ ne una quidem litera convenit. In Arabicis nominibus decipit nos sonus, nostris Germanorum literis, expressis, maxime in ܐ et ܥ, Z et S, earumque similibus.

(*) Vide Assemani bibliothecam Orientalem T. II. p. 83. seqq.

(**) Puncta quidem alia, ܐܘܣܬܐܝܝܬܐ, *Euzalis*, adjecit Assemanus, (nescio unde, ex libitu? an ex codice manuscripto, quo utebatur?) latineque nomen *Euzeliae* scripsit. Sed haec sine dubio puncta erronea. 'Eὺ Graecorum quis in intimae Arabiae nomine invenire

Uzal fit Sanaa vix amplius dubitatum iri, nisi a scepticis, confido, et si quis Sanaae in nomen antiquum urbis inquireret, plura illum daturum.

De situ urbis multo jam certiora et exploratiora illis habemus, quae ex Nubiensi Bochartus excerpserat, postquam Niebuhrius eam adiit, sub gradu latitudinis 15, 22' invenit, inque tabula Jemenae locum ei suum et *αὐτοπτης* et mathematicus adsignavit. Errarunt ergo geographi Arabum ab Abulfeda excerpti, qui ei gradum latitudinis 14, 30' magno consensu tribuunt.

Descriptionem urbis ex Nubiensi dedit Bochartus, addo aliam Abulfedae, ut cum Niebuhriana comparari exque hac corrigi possit. *Ex maximis, inquit sub numero XXV, est Jemenae civitatibus, copia aquae et arborum Damasco similis. Sita Adanae ab Oriente versus septentrionem in montano tractu: aëre utitur temperato, hiemisque horae non multum ab aestivis diversae. Sedes olim regum Jemenae fuit, collemque habet magnum, Gomdan (غمدان) dictum, in quo fuit castellum regum Jemenae. Ibnsaïd auctor est, inter eam Adanamque sitam esse urbem Dschobla (*) (جبله). In Azizi sic legitur: civitas Sanaa est magna et illustris, Jemenae metropolis, plateas paucas habens, et oratoria multa. Quod Adanae ab oriente esse tradit, tabulae Niebuhrianae, cui potior fides, contradicit: nec urbem aquae arborumque copia*

invenire audeat. Librarius, credo, Syrus, Graecis adfvetus, ita vocem efferat. *ⲙⲉ* in inscriptionibus Palmyrenis alibique pro Graeca terminatione *ios*, quam Syri vocabulis etiam Asia-

solebant, maxime monophytis: his ergo punctis instrui nomen debuisset *ⲙⲉⲓⲟⲩⲁ*.

(*) Eo loco invenies in tabula Jemenae Niebuhriana sub long. 41½ lat. 13, 55' descriptionemque p. 238.

pia Damasci similem invenit Niebuhrius, sed potius vicinum oppidum *Roedda* (روضة i. e. *hortus*) in quo horti magnatum et opulentiorum, a Niebuhrio p. 232 et T. I. itinerarii p. 422. descriptum. Nec nostro tempore plane desit sedes regis esse, sed minoris, Imami, quem ipse salutavit Niebuhrius, magna ab eo exceptus benevolentia (*). De historia regni, quantum potuit, dedit Niebuhrius inde a pagina 183 descriptionis Arabiae, ipse adundus: delineationemque urbis, sed in qua sat multas plateas agnoscas, secus ac tradidit Abulfeda, in tabula LXX parti primae itinerarii adjecta. Urbem descripsit, primo in descriptione Arabiae p. 230 deinde copiosius in prima itinerarii parte p. 418-423. Sed haec gratius apud ipsum legentur, quam hic latine versa.

Locum Ezechielis, c. XXVII, 19. mutatis punctis sic lego וְרָן וְיוֹן מֵאֶחָל בְּעִיבוֹנִיךָ נָתַנִּי בְּרוּל עֲשׂוֹת קֶרֶחַ וְקָהּ, quorum verborum sententia: *Vadan et Javan, Arabiae Felicis urbes aut populos, ex Uzala ferrum in gladios fabricatum, easque quae sequuntur merces, de quibus nondum satis constat, Tyrum detulisse.* Sed ut haec, qua parte geographiam spectant, exponam, omissa, qua lector geographiae cupidus forte non invitus carebit, longa disputatione de verbis difficilioribus, בְּעִיבוֹנִיךָ נָתַנִּי, et בְּמַעֲרֹכְךָ הָיָה,

- 1) primo plane non dubito, quin מֵאֶחָל ex *Uzala effendum sit*, quod et Bocharto placuit, veterum auctoritates adferenti. His addendus Syrus, qui ܐܘܠܐܐܝܐ *vertit*: atque etiam de LXX dicendum, de quibus parum

(*) P. I. itinerarii p. 412-417. et 426-430.

rum curate Bochartus retulit. Suae eos sententiae suffraganeos citans, ἐξ Ἀσηλ habere ait: recte quidem, ex consuetis editionibus, mirum tamen, contra omnem Graecorum morem pro Zain Hebraico Sigma substitui, Ἀσηλ enim scribendum fuisset. Hanc suspectam merito literam Arabs, ex Graecis vertens, non legit, nec tamen eam legit, quam grammatica duce optabam, sed habet *من الأبل*, ex *Ajal*, multo nos incertiores relinquens. Vitiumne in Arabem irrepserit, ex more christianorum Orientalium Syriacis literis scribentium, derivandum? Scripseritne librarius christianus, *صلى الله*, pro *صلى الله* ex *Uzail*, quod foret Uzalae diminutivum? Complutensis editio, reliquis saepe omnibus praeferenda, καὶ Μωζήλ, Mem pro parte nominis habita, eique convenit cum Hieronymo, et *Mozel*, cumque Theodoretō *Μωζήλ* citantibus. De LXX ergo interpretibus vix certum statui poterit, ac forte ipsi, si ab inferis existerent, vix nos docere possent, quid de vocabulo ignoto senserint, nihil sentientes.

- 2) De ין omnino adsentior Bocharto, non Graeciam esse, sed urbem aut regionem felicitis Arabiae, cuius nomen iisdem literis scribitur, forte *بوني* oppidum Jemanense, quod ex Giggaei lexico adfert, eodem teste Giggaeo etiam *بوان* scribi solitum. Haec ut verissimillima habeo, doleo tamen, non plus me de situ urbis ex Arabum geographis dare posse.
- 3) *דן* *Vadan* effero, non *דן*, nec quidem eam ob causam, quod nulla hucusque urbs aut regio Dan in geogra-

geographia Arabiae reperiri potuit, nam et Vadana repertu difficilis, sed quod in toto capite nuspiam Vau copulativum (*Et*) primo nomini proprio in initio aut versus aut sententiae praeponitur, sonatque hic aliquid auribus ita molestum, ut Theodotion atque Vulgatus interpretes, quos credo non sine Vau legisse, tamen in vertendo omitterent, non, *Et Dan*, sed, *Dan*, vertentes. Contra, *Vadan*, nomen aut regionis aut urbis, Arabicum quid et genuinum sonat, contra morem Hebraeorum, et plane pro more Arabum, a Vau radicali incipiens, sive, namque de eo libera esto cuique sententia, ad radicem ودى, *madedecit*, referas, sive ad notissimum et maxime in nominibus propriis geographicis, ab Arabia (*) inde usque in Hispaniam (**), frequens, *Vad*, fluvius, cuius dualis, *duo fluvii*, vel *duo rivi*, foret *Vadan*, Arabice quidem ex grammaticorum praeceptis orthographicis cum duplici Eliph وادن scribendum, sed quae praecepta nec ad aetatem Mosaicam, ac vix dum ultra Muhammedis tempora valent (***), inque nomine proprio exotico, cuius solum exprimimus sonum,

(*) In tabulis Arabiae Niebuhrianis plurima fluminum rivorumque nomina a *Vad* incipiunt.

(**) *Vadalkibir*, *Vadiana*. Plura exempla qui cupit, indicem Büschingianum, geographiae Hispaniae additum, evolvat sub *Guad*, G enim nomini Arabico *Vad* praeponi ab Hispanis Lusitanisque solet.

(***) Alterum ex duobus Eliph, in

واد, est Eliph participii, quod Hebraei non habent, participium Kal aut sine matre lectionis, aut cum Vau scribentes: posterius, dualis numeri وادن iterum soli Arabes scribunt, Aramaei, ubi dualem pro Ain in An terminant, sine matre lectionis scribunt, e. g. קרנן. Ergo وادن ex Hebraeorum orthographia ודן scribendum.

num, negligi solent. Placeret sane, *Vadan*, duo fluvii, ut nomen proprium geographicum, maxime in Arabia, in qua duorum sive fluminum sive rivorum vicinitas rara, ut possit regio ab ea dici. Sed definire aliquid, in re tam obscura, non ausim. Nec ita sum timidus, quod nihil suppetat, nihil adblandiatur. Si quis est geographiae Arabiae paulo peritior, ultro se ei offeret *duorum fluminum civitas*, nec illa procul Sanaa, ea ipsa Gobla vel Dschobla, (جبله) de qua pagina 166 obiter dixi, Niebuhriumque, eam describentem citavi. De hac ergo Abulfeda numero XVI; (pag. 48 editionis Hudsonianae, 38 Gagnierianae): *Gobla Adanam inter et Sanaam in montano tractu sita, ad duos fluvios, unde et vocatur, civitas duorum fluminum* (Medinat - el - Nahrain, مدينة النهرين). Ne quid malo dolo furari meae conjecturae stabilien-
dae videar, et haec addo, quae sequuntur, ex versione Gagnierii: *estque nuper exstructa* (وهي مبنية). *Eam exstruxerunt Al-Solahhiun, postquam trans Al-Taman Praefecturam adepti sunt.* Sed hoc dubium nullius momenti: ut enim taceam مبنية Arabum geographis non solum esse, *recentiorem urbem*, (nuper condita, plus dicit) quam, *instauratam*, et بنا, *aedificare*, frequenter de instauracione et numitione urbis poni, atque adeo, ut plane fatear atque dem, hanc urbem Ezechielis tempore nullam fuisse; non de urbe quaeritur, sed de regione, quae diu ante urbem a duobus fluviis, raro in Arabia bono, nomen habere potuit. Verum, *El-nahrain*, nomen est, non *El-Vadan*! Hic vero primo meminisse debebimus, Orientales nomina propria vertere, ac synonyma pro il-
lis

lis substituere: deinde, cum נַהַר (*Nahr*) minus usitatum sit Arabibus fluminis nomen, נַד (*Vad*) usitatissimum, quodque in nominibus propriis geographicis a mari inde Indico usque ad Atlanticum usurpare solent, pene certus sum, hoc, quod Abulfeda habet, *Medinat-el-Nahrain*, synonymum substitutum esse, nomen autem verum proprium, quo urbem in illo tractu reperire possim, urbis quidem, *Medinat-el-Vadain*, (civitas rivorum) regionis, *Vadan*, i. e. *duo rivi*.

4) Vadanitae ergo et Javanitae has, quae sequuntur, merces, ex Uzala, id vero est, non ex ipsa solum urbe regia, sed ex tota ditione cujus metropolis erat, per desertum Arabiae camelis Tyrum deportarunt.

5) Primum in mercibus exportatis locum obtinet, ברזל עשתי, quod verto, *ferrum fabricatum*, nempe, in laminas gladiatorum, referoque ad radicem עשה, de qua vide Buxtorfii lexicon p. 1683. Prima ejus significatio, nisi fallor, *fabricare*, ex qua altera, *cogitandi*, et *moliendi aliquid*, orta, nomenque Thalmudicum עשה, *laminas ferreas* significans. Sic ברזל עשתי ad leges grammaticas, substantivum masculinum constructum cum adjectivo masculino, non, ut putabat Houbigantius, pejusque adeo corrigebat (*), vitium grammati-

(*) Incredibilis primorum elementorum ignorantia, si ea scripsit Houbigantius, quae typis expressa lego, legendum עשתי *servato genere masculino*, quasi vero עשתי masculinum esset. Vitium typographicum putarem,

nisi ubivis similem grammaticae Hebraicae ignorantiam Houbigantius prodidisset: non tam sua culpa, quam educationis. *Αυτοδιδαντος* fuisse videtur, quod genus eruditorum raro prima grammatices fundamenta probe habet

maticale: ת enim in עשה non jam terminatio feminina, sed radicale.

Plures ex veteribus Rabbinisque laudare possum, qui *laminas mihi ferri, gladiatorumque acies*, praeiverunt, nec tamen omnes in etymo consentientes: sunt enim, qui ad radicem עשה *facere*, retulerunt, non contra puncta solum, de quibus non multum laboro, sed et aegre rationem Thau adformativi, quod femininum sonare videtur, ad leges grammaticas reddituri. ערקין רברול *laminas ferri*, vertit Chaldaeus, quo de nomine, ejusque significatione, consules Buxtorfium p. 1675. 1676. Adstipulantur Judaei, licet de etymo non idem sentientes: Raschi, עשוי כעשישור, עשה והוא פרולא הנראה i. e. *factum ut laminae*, (nempe ab עשה derivat, עשות efferens) *Gallice, masse, estque ferrum Indicum*. Kimchi עשה והוא זך מן עשת וזול שברול שקראין אלהינו עשה id est *nitens, a radice עשה* (quam *nitere* explicat) *estque ferrum*, quod *Indicum vocare solent*. Vide et de hoc Buxtorfium p. 1676. et adde, אלהינו nomen esse Arabicum, ^{الهندى} a Kimchio, Arabicae linguae ignaro, civitate Rabbinica donatum. LXX ^{σίδηρος ἐργασµένος}, *ferrum factum*, i. e. fabricatum, ad עשה referentes, exque illis Arabs, ^{حدي} ^{معدن} atque Vulgata, *ferrum fabrefactum*.

Graecos legenti, qui referunt, ferro eo usque aliquas Arabiae felicis regiones caruisse, ut aequo pondere

habet cognita: deinde, Masclesianus: est autem Masclesiana grammatica nihil ineptius, magisque erroribus scatens,

quibus omnes, ea a teneris imbutos, ad senectam usque inficit.

dere atro emeretur, mirum videri possit, hac ex regione acinaces, aut gladios, Tyrum adferri: verum de his turpibus mendaciis, Graeco historico et itinere, ac vix ullius praeter Graecos gentis, digno, infra sub *Ophir* dispiciemus. Fuerunt certe olim, atque ante Muhammedis aetatem, nobilissimi in Arabia gladii Jemenensis, ut vel nullo addito substantivo, ^{بيني} *Jemenensis* pro gladio ponatur, e. g. pag.

74. chrestomathiae nostrae v. 2. لا يصحبه الا البيني الانى. *nemo comes est ei* (periculosae expeditionis) *praeter Jemenensem crenas habentem*. Nostro quidem tempore, ut sunt artes migratoriae, minus celebres gladii Jemenenses: sunt tamen in provincia Sahan ferri fodinae, licet ob penuriam ligni, inscitiamque Sahanensium, et carum nimis sit Sahanense ferrum, nec bonum (*). In ipsa Jemena acinaces majores non amplius cudi audiit Niebuhrius (**), sed cultros incurvos majores, lamina lata, acutos, quos *Jambea* vocant Arabes, quibusque accingi solent: major autem horum cultrorum vis ex Hadramaut in Jemenam importatur (***).

De Indico ferro, cujus mentionem ex Judaeis feci, a quo et nomen Arabicum ortum ^{هندواني} (****) *ex Indico ferro confectus gladius, acie praestans*, haec addo Chardinii (****): *les sabres des Perses sont d'un fort beau*

(*) Niebuhrii descriptio Arabiae

(****) Golius p. 2582.

p. 271.

(****) T. IV. itinerarii, p. 249.

(**) p. 217.

(editionis in duodecimo).

(***) Ibidem p. 283.

beau Damasquin, inimitable en nos Pays, à cause, comme je crois, que notre acier n'est plain de veines, comme celui des Indes, dont ils se servent le plus communement. Ils ont chez eux de l'acier, mais ils l'estiment moins, que celui là, et le nôtre moins encore, que le leur. Idem de Damascenis (*): on l'appelle Damasquin, parceque cette ville étoit l'endroit le plus celebre, pour la fabrique de ces belles lames de sabre, qu'on y faisoit de l'acier, qui s'y transportoit des Indes par la mer rouge dans les siècles passez. Quae nisi essent, possemus Indicum ferum et Jemanense pro synonymis habere.

- 6) קרה si hic cassia (**) est, ut Exod. XXX, 24. et קנה calamus aromaticus, omnino adstipulor Bocharto, in Uzalae mercibus poni, non quod ibi nascentur, sed quod ex India in Arabiam felicem mari, ex hac terra Tyrum deveherentur.

Velim tamen, antequam certi quid statuamus, accuratius in diffensum LXX, eorumque sequacis Arabis inquiri. Illi quidem pro duobus vocabulis unum modo habent, idque perobscurum, *τροχιὰς*, *rotas*:

Arabe, *بكرة*, quod Golio teste inter alia significat, *annulos ornamentis vaginae adfixos, ex quibus ensis suis loris de Zona suspenditur*. Nec haec ita scribo, ut illorum versionem ullo modo probem: sed tamen eos legenti, dubitatio subnata, sintne hic קרה et קנה *aroma-*

(*) p. 250.

(**) Forte et etymon addere possum, ab aliis omissum. Graecorum aliqui Cassiam dictam volebant a *κασσι*-*μα*, *corium*, quod tubuli cassiae corio

non sint absimiles, (Celsius hierob. T. II. 360.): eodem modo קרה esse possit a *קד* *corium*.

aromata, an ad gladios, quorum mentio praecefferat referenda, קרה forte, aut *vagina*, aut *lora quibus gladius a Zona suspenditur*, a ^{קד} coriun (*), vel ^{קד} lorum defectum ex corio, et ^{קנה} calamus, i. e. *verutum gladii*. Neque haec ut verisimilia pono, verisimillima enim mihi consveta explicatio, sed ut non plane negligenda.

ואת דקלה (**) et *Dicla*.

Haec qua in Arabiae parte habitaverit tribus, ignorare me fateor: nec enim pervasit, ac ne verisimilem quidem mihi reddidit sententiam in capite 22 libri secundi copiose dictam Bochartus, qui infinitae vir doctrinae utinam aliquid aliquando ignorare potuisset! Ex etymo Syriaco ^{נמל} *palma*, palmiferam Diclae adsignat Arabiam: nec vero illud palmetum, quod ex Artemidoro Diodorus descripserit, Saracenorum enim esse, seu, ut male addit, Cuschaeorum, neutiquam Joctanidarum, sed Minaeorum regionem,

(*) Ne quis mihi opponat, nihil de corio habere Golium, sed modo *pellēm haedinam*, monere liceat, ^{קד} non pelles modo crudas, sed et corium adeoque thoraces ex corio significasse, e. g. in carmine Amruī, p. 92. chrestomathiae, *cum induerunt*, ^{الحديد} *حللنا*, ^{وقد} *ferrum, annulos loricae, et thoracem ex corio*.

(**) Neutiquam ad varietatem le-

ctionis refero, quod LXX 1 Paral. I, 21. *Δενλαμ* habent, sed ad morem Graecorum: cum enim Graeci M finale nominum orientalium, detruncare soleant, ut p. 162. monuimus, alii contra, librarii, atque adeo auctores, quod demtum putant addunt, etiam ibi, ubi nihil demtum est, M finale, Orientale quid ac barbarum, et genuinum in nominibus Orientalibus sonaturum.

gionem, ipsam quoque palmeta habentem. Jam multa de Minaeis, de quibus nobis quidem alius erit agendi locus.

Haec omnia, ut videtur, pro lubitu Bochartus: cum enim multae Arabiae regiones palmiferae sint, ejus etiam, quae a Joctanis posteris habitabatur, unde quaeso constare Bocharto poterat, *Diclae* nomen a palmarum copia Minaeorum patriam accepisse, non aliam regionem? non, ut in exemplo rem ponam, palmiferos ad sinum Persicum tractus. Ergo si vel verum esset etymon, nihil tamen egisse, sed aliquam ex palmiferis regionibus mera arripuisse nec verecunda conjectura censendus esset Bochartus.

At de etymi veritate dubito. Negari nequit, Arabice, Syriace, Chaldaice, דִּיכָל, פִּלְמָן, דִּקְרָא *palmae* nomen esse; sed ortum videtur ex Graeco δάκτυλος, ut Castellus monuit: quod si est, non potuit Moësis tempore populus intimae Arabiae a palmarum ubertate nomen Dicla accipere.

Conjecturis si res agenda, malletm *Declat* (دِكل) Syriacum Tigridis nomen conferre, tribumque ab ostio inde Tigridis (eo usque enim et Joctanis posterii habitant, et adhuc dum habitant Arabes) ad sinum Persicum degentem, intelligere: quamquam opponi potest, Moësen, de Accolis Tigridis loquentem, potius aut Hebraico fluvii nomine דִּקְרָא, aut Arabico G pro K substituente, دِكل, usurum fuisse. Sed hoc dubium non magni momenti. *Chiddekel* (חִדְקֵל) Tigridis nomen, ut infra in geographia paradisi videbimus, ex חֵד, *celer*, plurium in illis tractibus rapidiorum fluminum nominis, syllaba prima, alioque vocabulo, compositum: quid si ergo sit ex חֵד et דִּקְל

דקל *Celer Dikla*, vel *Celer Diklae*? idque dubio sane caret, Mosen Tigridis nomen non cum Arabibus per G, sed cum Syris per K scripsisse. Verum haec non est nisi conjectura, malimque, falsus ignorantiam, verum adhuc quaerere.

V. 28.

ובל ואח עובל et *Obal*, vel, *Gobal*.

Ne de lectione quidem nominis constat, ne dum de situ regionis. Ab illa ut incipiam, de qua Bochartus, dubitando parum adfverus, nihil dubitavit, ejusque loco praeter rem disputavit, Obal Arabibus Aubal esse, quadruplex, aut, si manifesta demas sphalmata, duplex se nobis lectio offert:

- 1) consveta עובל, incertum, utrum Obal an Gobal adpellanda, quam habent in Genesi, textus masorethicus, Chaldaei, Syrus, Maurus, inque chronico- rum libro Syrus.
- 2) עיבל, *Ebal*? an *Gebal*? Sic in Genesi textus Samaritanus, LXX (ex Romana editione Ευάλ, ex Complutenfi Γεβάλλ) Vulgata, *Ebal*, itemque, qui cum Samaritano et LXX concinens non parum momenti hic facit, Josephus, Αἰβαλος nomen scribens: in chronicis, textus ipse masorethicus, Chaldaeus ex Wilkinsiana editione, (Beckiana enim hiat) et nisi fallor LXX.

Hos inter testes, tam sibi numero et auctoritate aequales, judicem sedere, difficile: malimque, donec aliud quid novae lucis adfulserit, manere dubius. Contra vix variae lectionis nomine dignum,

- 3) quod Arabs Polyglottorum, cum in Genesi tum in chronicis habet, *اوبال* vel *اوبل*, i. e. *עובל*. Manifestum aut librarii sphalma, *ע* et *א* in ignoto nomine permutantis, aut lapsus interpretis, nomen ex aliquo exemplo Graeco, *ουβαλ* habente, aut ex solo auditu summentis, nescientisque, quibus literis Hebraice scriberetur. Denique
- 4) quod in chronicorum libris codex Alexandrinus habet, *καὶ τὸν Γεμιαν*, vitiosum esse videtur, pro *Γεμλάν*. Nempe lectio *עובל* sic expressa, ut pro *ע* G poneretur; B, ut saepius facere Alexandrinus solet, e. g. 1 Maccab. II, 1. III, 16. in M mutatum, terminatio Graeca adcurativi casus nomini addita, *Γεμλαν*.

De situ regionis copiose iterum ac prolixè Bochartus disputavit (*), sed alia omnia (multis enim eruditissimis parergis tractationem ornat) feliciter expediens, quam de quibus quaerebatur, Ebalenos vel Obalenos. Vult ille quidem, Avalitas esse Africae troglodyticae, ad sinum maris Indici extra fretum Babelmandeb, illo circiter in loco, in quo apud recentiores circa gradum latitudinis 10 haec nomina invenies, *Seila*, *Ousa*, *Berbera*, *Bar effomal*, *regnum Adel*. Solo concentu qualicunque nominis, ut Graecis literis scribitur, cum Hebraico *עובל*, conjectura, ea fiducia dicta, nititur: qui, donec et Orientalibus literis scriptum nomen habeamus, mihi non quidem nullum, sed tamen non grave argumentum est. Ex quatuor enim literis, quibus nomen Hebraicum constat, non nisi unam, L, in Graeco Avalitarum nomine certo tenemus: prima possit esse *ע*, ut est in Hebraico, sed et *א*, *ה*, vel

□;

(*) l. II, c. 23.

ת; secunda sive Jod fit, sive Vau, plane in Avalitarum nomine desideratur, quod enim in illo habetur Vau, Hebraico Beth respondere vult Bochartus: tertia sive ב, sive ך, esse queat. Talis autem, tamque dubius concentus, sufficiebat Bocharto, ad Avalitas Graecorum in Africa extra fretum Babelmandeb inventos, pro tribu עיבל vel עיבל, in Arabia quaerenda, habendos. Et vero maxime conjecturae obstat, quod de Joctanitarum, non Cuschaeorum tribu quaeritur: horum enim, non illorum colonias, in Africam immigrasse trajecto sinu Arabico, novimus, verumque nostri capitis tricesimum legenti, veri videbitur perquam dissimile, ullam Joctaniticarum tribuum extra Arabiam quaerendam esse.

* * *

ואת אֲבִימָאֵל et *Abimael*.

Nec hanc tribum ea, quae praecessit, melius aut novi, aut conjectura assequor: pene desperans unquam me inventurum. Hebraicum enim quid nomen sonare videtur, atque ex Arabico versum sed incertum, quo ex nomine Arabico. Tria quidem succurrunt homini minime etymologiarum crepundiis delectato, sed qui tamen hic geographica disputatione sine etymologiis defungi nequit.

- 1) Nullis si punctis substratis nomen proprium אֲבִימָאֵל in libro Hebraico legerem, nec unquam adpellari audissem, succurreret sane, אֲבִימָאֵל *Abimeel*, i. e. *pater meus a Deo*, efferre. Hoc nomen si Arabice verteres ابي من الله *Abiminallah*, tam illud polysyllabum fiet, ut vix speres, integrum, nullaue detruncatione, post tot secula superesse. Sed et fatendum, neminem ex veteribus has ei vocales subjecisse.

- 2) Arabico in libro si easdem literas pro nomine proprio legerem, ^{أبيمَال} *Abimal* efferrem, i. e. *pater opum*, maxime, dives *pecoris*, a ^{مَال} *opes*. Sed et hic molestum, primo, quod Arabice potius ^{أبومَال} *Abumal*, dicendus fuisset pecorum dives: deinde, quod Aleph in מַל (מַאֵל) hodiernae quidem est inde a Muhammedis tempore et forte paulo ultra orthographiae Arabicae, sed quae ea parte, qua ab Hebraica et Aramaea diffidet, vix ejus antiquitatis est, ut Moses sequi in nomine Arabico scribendo potuerit.

Sed nec ita quidem quisquam veterum extulit, nisi quod varia lectio codicis Kennicottiani decimi tertii אַבִּימָל, haec puncta requirit: verum unius codicis scriptionem, omnibus codicibus reliquis versionibusque contradicentem, quis non potius pro errore librarii habuerit.

- 3) Cum punctis masorethicis, אַבִּימָאֵל consentiunt qui Graecis Latinisque literis nomen exprefferunt, LXX Ἀβιμαήλ, Josephus Ἀβιμάηλος, Vulgata *Abimael*. Sic Abimael foret, ut recte jam observavit Simonis p. 450. onomastici, *pater pinguis*, a ^{מָל} *pinguis et crassus fuit*, ^{מָל} et ^{מֵל} *obesus et crassus*.

Vix sperandum, integrum populi nomen adhuc supereffe, ac forte אַבִּימָאֵל nomen progenitoris est, מַאֵל, tribus. Ergo si ad radicem מַל retuleris, suffecerit, aliquam tribum, vel regionem, *Mäel*, *Ma'l*, atque adeo, *Mil*, (Eliph muta-

mutato in Je), id est, ut Arabicis quoque literis scribam, مَبِل, مَال, مَبِل invenire, nec repudiarem, si بَابِل Bael, بَال Ba'l, بِل Bil, se offerrent, saepe enim M et B apud Arabes permutantur. Sed nihil ejusmodi me apud Arabum geographos reperire, memini.

Invenisse sibi videbatur, me felicior, Bochartus l. II. c. 24. in Μαλι, quae Theophrasto est una ex quatuor Arabiae regionibus thuriferis. Veri ille similiter, hic si substitisset, quamquam Μαλι et Μαηλ non idem videri nomen homini paulum incredulo possint: sed dum ultra pergit, sua ipse vineta caedit. Nempe *Mali* in *Minaeos*, quos jam supra sub דָּקְלָה angariaverat, convertit, hoc quidem usus argumento. Quatuor regiones thuriferae commemorantur,

a Theophrasto

ab Eratosthene

Σάβα

Σαβαϊοί

Ἀδράμυτα

Χατραμωτίται

Κιτιβαίνα

Καταβάνεϊς

Μάλι

Μειναῖοι.

Haec vero legens ac comparans, quis non potius suspicari incipiat, ΜΑΛΙ in Theophrasto vitium scriptionis esse pro ΜΑΝΙ, extrema linea literae N expallida. Quod si est, si Theophrastus ΜΑΝΙ scripsit, totus ille Maliorum populus, cum quo nomen Hebraicum confert Bochartus, ad nihilum redit. Mirum, hoc non vidisse virum eruditissimum, Graecisque scriptoribus, in quorum codicibus haec quotidiana sunt, familiarem: sed, ut jam supra dixi, aliquid ignorare, atque adeo vere et integre dubitare, non poterat.

* * *

וְשָׁבָא *et Sabaeos.*

Celebres Sabaeos esse, felicitis Arabiae populum, cuius olim metropolis Mariba, nullum est dubium, nec opus his, quae Bochartus l. II. c. 26. habet quidquam addere, licet felicitate temporum addi multa possint, sed jam diu evulgata, inque quotidianos libros Germaniae recepta, nec hic necessaria. De summa enim rei quaerimus, non de historia ac fatis notae regionis. Si quis autem illa, quae omitto, discere cupiat, Herbelotum adeat, Assemanum, Reiskium, Niebuhrium. Id unum, quia in geographia nihil scimus, nisi quod et in bonis tabulis recentiorum invenire queamus, estque omnis antiqua geographia non comparata recentiori, nebulae errantis instar, in tabulis d'Anvillianis Saba et Mariba quaerenda sub gradu longitudinis 65, latitudinis 16. Neque hunc situm, in quo minuta omnia neglexi, ut certum pono, nemo enim hucusque mathematicorum Maribam adiit, nemo elevationem poli, nedum, quod longe difficilius, longitudinem mensus est, sed d'Anvillius quam verisimillime poterat, coniecit, multo certe omnibus veteribus melius; sed eo modo sine, ut inveniri a quaerentibus in optima, quam habemus, tabula, possit, nec opus habeant, ut eruditi veterum affectae solent, nescio ubi, sed ubicunque in aliqua Arabiae parte Sabaeam fingere, sine et latitudine et longitudine mediocriter vera.

Alia hic forte dicenda repetes ex pagina 159. Tomi I, ubi et de nomine זַמְרַגַּד (*Zamargad*) quod pro omni Sabaea substituere Judaei in Chaldaica paraphrasi solent, non nihil dictum. Quo de nomine necdum certiore me esse, quam ante hos decem annos, plane non dissimulo: ergo
nec

nec pudori sit; promere, quidquid interea, aut conjecturarum, aut somniorum subnatum est.

Jobi quidem interpres, quem Zamargad pro Saba Job. I, 15 (*). VI, 19. posuisse dixi, sine dubio de Saba et Zamargada cogitavit, non Africana, sed Asiatica: idemque et Samargadae suae reginam dedit, ut Sabaeorum gens Salomonis tempore reginae paruit. De regione smaragdorum divite cogitabam, nec obstat, quod S Latinorum, Σ Graecorum, Arabice س est non ج, sine dubio enim smaragdi nomen per ج scribitur زمرد. Vide Golium p. 1112.

Latiustamen patuisse, atque topazium quoque complexum videtur: Arabs certe Ezech. XXVIII, 13. Graecum τοπαζιος زمرد (Zabargad) reddidit, quod ipsissimum nostrum nomen esse possit, B et M literis pro more Arabum permutatis. Cogitaruntne, qui regno alicui Zamargad nomen indiderunt, de topaziorum insula (**) in mari rubro; eamque ad Arabiam retulerunt, non, ut Graeci, ad Africam? Alia, cujus mihi in mentem venit, conjectura: Damarae (ذمار), nomen urbis celebris Arabiae Felicis, sedecim parafan-

(*) De hoc quidem loco, cujus lectio suspecta videri possit, vide disputata in bibliothecae Orientalis T. VII. p. 217-220, quibus hoc unum addo. Sana si lectio וְהָיָה שְׁבָא וְתִקְחָהּ, non de celebri Sabaeorum gente sermo erit, sed de minore aliqua tribu ejusdem nominis, de illa forte, quae Genes. X, 7. in posteris Reginae numerabatur, aut de alia; nomina enim gentium sunt masculina, at tribuum mi-

norum familiarumque haud raro Arabibus feminina esse observavi, exemplisque id in nova, brevi proditura grammatica Arabica confirmabo.

(**) Vide Plinium libr. VI. c. 29. p. 342. editionis Harduini, lin. 7. itemque libr. XXXVII. c. 8. p. 781. lin. 11-20: praetereaque Strabonem libr. XVI. p. 1115 (al. 770) et Dioscorum Siculum l. III. c. 39.

rafangis Arabicis (*) a Sanaa, ex utriusque linguae analogia Hebraicis literis *זמר* scribendum: ex hocne urbis nomine Judaei nomen regni Zamargad composuerint?

Confer adhuc bibliothecam Orientalem T. IV. p. 154. ubi suspicatus sum, Samarcandam, in historia Arabum antiquissima nonnunquam cum Zamargada confundi.

Haec quidem effudisse liceat, ut alii deliberent, inque verum inquirant, quod hucusque latet.

V. 29.

ואת אופיר Et Ophir.

De Ophir, regionis potius quam viri nomine, copiose Bochartus egit in capite XXVII libri secundi, duplicem adeo inveniens Ophiram, et utriusque situm indicans, cum mihi vel unam invenire, situmque ejus definire, difficile etiam post Bochartum videatur.

Ac de nomine quidem recte et vere disputat, ortum esse a *פ*, *abundavit, dives fuit*, divitemque ut ita dicam, maxime, auri divitem, regionem significare. Verbum quidem ipsum, ut et Bochartus docuit, cum derivatis, latius patet, possitque cum de terra fertili, proventuque agrorum, vinearum, hortorum, divite, tum de aurifera, poni: sed hic posterius sine dubio praeferendum, cum aurum Ophiriticum toties in sacris literis laudetur. Fuerunt, qui utrasque divitias conjungerent; veri haud similiter!

raro

(*) Abulfeda, num. XVIII. Arabiae, p. 39. editionis Gagnierianae. Secundum Nubiensem, ut idem jam retulit Abulfeda, bidui iter Sanaa Damaram. Niebuhrius p. 235. descriptio-

nis Arabiae retulit, 12 $\frac{1}{2}$ miliaribus germanicis Damaram Sanaa abesse. Haec omnia bene concinunt, suntque eadem distantia, diversis modo mensuris expressa.

raro enim auriferae regiones, fertiles agros habent. Montes ex quibus metalla eruuntur, plerumque ob altitudinem, indeque ortum frigus, nec vites alunt, nec aratro parent: granula auri in desertis fere arenosis (*) majore copia colliguntur.

Nomen Arabice *Auphara* efferendum esse, edixit potius, quam argumentis confirmavit, Bochartus: id forte spectans, primo, quod ^{أوفير} (*Aupharu*) Arabum lexicographis *plantis est abundans terra*; deinde quod in bibliis Polyglottis haec nomini puncta subiecta sunt, ^{أوفير}. Haec vero ab editoribus, aut librariis recentioribus, pro lubitu fere posita: Arabicosque interpretes, quorum plerique non Hebraica sed Graeca verterunt, si interrogare liceret, quomodo ^{أوفير} adpellandum? sine dubio responderent, *Uphir*, ^{أوفير}, in Graecis enim bibliis *Ουφειρ* scribi solet.

Nec ^{אופיר} forma grammatica cum Arabico ^{أوفير} idem, solet enim frequenter cum Jod post Fe scribi, ^{אופיר}, ut Job. XXII, 24. quam lectionem et hic non pauci habent codices a Kennicotto excerpti; Samaritanis contra codicibus, tribusque Hebraicis Kennicotti, Vau omittentibus, ^{אפר}.

Triplicem ergo nominis scriptionem ^{אופיר}, ^{אופר}, et ^{אפר}, admittere libertas orthographica linguae Hebraicae videtur, ex quibus ^{אופיר} plena, ^{אופר} et ^{אפר} defectivae, sed omnes, secundum puncta masorethica, quibus Graeca accedit et Latina versio, *Ophir*, vel *Uphir*, efferendae.

Haec

(*) Vide quaestionem 39. 40 eruditis a rege Daniae Friderico in Arabiam missis propositam.

Haec quidem plenior forma, Arabicis literis scripta, ^{اوفير} *Ufair*, proxime accedit ad formam diminutivam, *Kutail* (^{قوتيل}), ut, si de adpellatione genuina et Arabica quaeratur, suspicari possis, nomen regionis Arabicum fuisse ^{اوفير} (*Ufair*) quasi diceret, *Ditula*. Solent quippe Arabes sua denominativa in rebus locisque, quibus valde delectantur, usurpare. Sed nihil decerno; conjecturam modo verisimiliorem de adpellatione nominis Arabica Bochartianae adjeci.

Auri ditissimam olim habitam fuisse, non Arabiam quidem universam, sed aliquam Arabiae partem, (aut arenosam, ut puto, in quam grana auri pura a torrentibus deferebantur, aut montanam) ex Graecis tam disputavit copiose Bochartus, ut nullo opus spicilegio videatur. Paulo tamen cum sit ad veri etiam dissimiliora veteribus credendum proclivior, aliis forte omnia ad fabulas et mendacia ablegaturis, quia nonnihil fabulosi admixtum, quod Bochartus non fecerit: non supervacaneum erit, unum alterumque locum integrum describere, inque exemplo ejus quid sentiam, quid fabulosum habeam, profiteri.

Diodorus Siculus l. II. c. 50 Μεταλλεύεται δὲ κατὰ τὴν Ἀραβίαν καὶ ὁ πρόσταγορευόμενός ἄπυρος χρυσός, οὐχ ὥσπερ παρὰ τοῖς ἄλλοις ἐκ ψηγμάτων καθεψόμενος, ἀλλ' εὐθὺς ὀρυττόμενος εὐρίσκεται, τὸ μέγεθος καρύοις κασταναῖκοις παραπλήσιος, τὴν δὲ χρυσὴν οὕτως φλογώδης, ὥστε τοὺς ἐντιμοτάτους λίθους ὑπὸ τῶν τεχνιτῶν ἐνδεθéntας ποιεῖν τὰ κάλλιστα τῶν κοσμημάτων. i. e. effoditur vero etiam in Arabia aurum ignis expers, non, ut apud reliquas gentes, ex ramentis (*) igne excoctum, sed quod statim a fossoribus sub auri forma invenitur, nucis fere castaneae magnitu-

(*) Granula auri puri intelligo, in arenis rivisque inventa.

gnitudine. Colore autem est tam fulgido et igneo, ut pretiosissimos lapides, artificum opera inclusi, ornamentum pulcherrimum efficiant. Jam hic falsa veris mixta videntur. Aurum in Arabia purum repertum olim fuisse non negaverim; at aurum nullum est in omni rerum natura, auro igne depurato fulgentius; nec credo ullibi massas auri ignem non experti castaneae nucis magnitudine reperiri, licet similia de Sumatra referat Cornelius le Brun, (*) Ophirae etiam, sed alibi sitae, mentione injecta. Nec hos, qui talia tradiderunt, mentitos puto, sed deceptos, massasque auri castaneae nucis magnitudine, aut majores, arte fusas ab impostoribus, ut carius pro naturae dono venderentur. Magno enim in pretio aurum ἄπυρον, cui et inesse virtutes medicas, magicasque fingeant. Sic quotidie nostris naturae studiosis illudunt impostores, sua artificia pro naturae artificiis caro vendentes, et antiquitatis studiosis, feliciores etiam in decipiendo, et credulos nativi emtores, Itali.

Idem Diodorus, l. III. c. 45. de Arabibus, montanam regionem habitantibus, ac *Debis* dictis, (agnosces Arabicum auri nomen $\varphi\alpha\delta$): τὴν δὲ χέρσον τὴν ἐχομένην τῆς ὀρεινῆς νέμονται τῶν Ἀράβων οἱ κεκλημένοι Δέβαι — —. Κατὰ μέσσην τὴν χώραν αὐτῶν φέρεται ποταμός, τοσοῦτον χρυσοῦν καταφέρειν ψῆγμα φαινόμενον, ὥστε περὶ τὰς ἐκβολὰς τὴν ἰλὺν ἀποφέρειν περιστίβουσαν. Οἱ δὲ ἐγχώριοι τῆς μὲν ἐργασίας τῆς τοῦ χρυσοῦ παντελῶς

(*) Voyages par la Moscovie en Perse et aux Indes, T. II. p. 361. On voit même encore devant Malacca une petite Ile, que les Habitans appellent Ophir, et les gens de mer, et les Géographes l'Ile rouge. On trouve aussi à

l'Ouest de l'Ile de Sumatra beaucoup d'Or, dont j'ai vu de beaux morceaux, à peu près de la grosseur d'un oeuf de pigeon, et d'autres plus larges, sans aucune melange de pierre.

λῶς εἰσὶν ἀπειροί. I. e. *proximam autem terrae continentis partem, montibus vicinam, Arabes habitant, Debae dicti.* — *Per horum regionem mediam fluvius fertur, tantum granorum auri devehens, ut limus circa ostia fluvii rutilet. Sed auri faciendi plane imperiti incolae.* Paulo post de vicinis Alilaeis et Gasandis vel Cassanitis, (cujus nominis etymologiam, a Bocharto pag. 138. proditam, ignorare malim, donec constet, quibus literis Arabicis scribendum sit: populum ipsum in Ptolemaei tabula sub gradu latitudinis 19 invenio, prope sinum Arabicum) ἡ χώρα πάμφορος ἐστὶ, καὶ διάφορος κατὰ τὴν ἀρετὴν, οὐ μέντοι τυγχάνει τῆς ἐνδεχομένης ἐπιμελείας διὰ τὴν τῶν ἀλίων ἀπειρίαν. Τὸν δὲ χρυσὸν, εὐρίσκοντες ἐν τοῖς φυσικοῖς ὑπὸ νόμοις τῆς γῆς, οὐ τὸν ἐκ ψηγματος συντηκόμενον, ἀλλὰ τὸν αὐτοφυῆ, τὸν καλούμενον ἀπὸ τοῦ συμβεβηκότος Αἰγύπτου. Κατὰ δὲ τὸ μέγεθος ἐλάχιστος μὲν εὐρίσκεται παραπλήσιος πυρρῇ, μέγιστος δὲ οὐ πολὺ λειπόμενος βασιλικῷ καρπού. Φοροῦσι δ' αὐτὸν περὶ τοὺς καρπούς τῶν χειρῶν, καὶ περὶ τοὺς τραχήλους, τετηρημένον ἐναλλάξ λίθοις διαφάνεσι. Καὶ τούτου μὲν τοῦ γένους ἐπιπολάζοντος παρ' αὐτοῖς, χαλκοῦ δὲ καὶ σιδήρου σπανίζοντος, ἐπίσης ἀλλήλκτονται τὰυτὰ τὰ φορτία πρὸς τοὺς ἐμπορεύους. I. e. *Regio omnium rerum ferax, et excellens, sed quae ob piscatorum (*) (malim, Alilaeorum) imperitiam, non ut fas erat, colitur. Aurum autem in cuniculis inveniunt a natura factis, non ex ramentis igne fusum, sed nativum, quod, quia ignem non expertum est apyrum dicunt. Magnitudine vel minimum frustum nucleo fere par, majora autem non multum cedunt nuci regiae.*

(*) Leſionem conſuetam ἀλίων, interpretabatur Bochartus p. 140 *terram negligi, quia incolae piscatores ſunt, rerum omnium imperiti: quod diſplicuit Weſſelingio, τῶν λαῶν (per ſciſciam hominum) corrigenti. Equi-*

dem puto, alia ratione explicari, ἀλίων, poſſe, intelligique de auri piſcatoribus, (Goldwäſcher, germanice dicimus), qui ex rivulis aurum conqui- runt. Locus autem ſi corrigendus, malleſem Ἀλιλαίων legere.

giae. Gestant illud in carpo manus colloque, pellucidis lapillis distinctum. Hoc autem metalli genere abundantes, aeris et ferri laborant penuria, unde fit, ut haec metalla a mercatoribus ementes, aequo pondere auro permutent. Haec postrema, quaeque illis adhuc incredibilia ex Agatharchide et Strabone excerpserit Bochartus, supra verum aucta narrando, nec digna videntur, Bocharto, tanto viro! defensore. Ea si ullibi terrarum cognitarum abundantia et vilitas auri, omnes illuc comportaturi aes et ferrum erant, atque paucorum annorum decursu exhausturi nimias illas auri divitias. Frustra Americae exemplo utitur Bochartus, cum primum inventa ab Hispanis esset, pretiosa metalla crepundiis Europae permutantis. Americanis aurum et argentum nondum erant pro pecunia, ipsique sejuncti ab omnibus reliqui orbis populis degebant: ergo primis adnavigantibus nobile metallum, pretii ignari, pro vilibus rependebant, sed novis, et pulcris adspectu, atque inauditis crepundiis. At paucorum annorum lapsu constitit apud illos idem argento pretium, quod in Europa. Habuit praeterea ipsa felix Arabia non ferrum modo, sed et gladios praestantissimos, Tyrum devectos, ut pag. 171-174 vidimus: fac ergo, Alilaeorum et Gassandorum regioni ferrum a natura negatum, non tamen poterat in tanta vicinia ferri et fodinarum et officinarum tam esse carum, ut auro aequipareretur. Addit Diodorus l. III. c. 47 de Sabaeorum opulentia, omnia pene aurea habentium et argentea: sed haec non ad rem nostram, Sabaeis aurum forte non ex fodinis rivisque, sed ex mercatura et thure habentibus; quamquam, nec enim hoc subticendum, Plinius et auri fodinas illis tribuere videtur, l. VI. §. 32. pag. 340. lin. 15. 16. *Sabaeos ditissimos silvarum fertilitate odorifera, auri metallis.* Sed hoc utcumque sit, Saba et Ophir diversae sunt

regiones, quas ipse, quem explico, Moses, distinguit. Mirum quoque et suspectum, quod argenti copiam laudat Diodorus, peregrini Arabiae. Sed accidit antiquis, quod nostris, ut utriusque metalli divitias confunderent.

Hic ergo multa fabulosa inque majus aucta esse lubens concedens, non tamen a me impetro, ut omnia, quae de Arabia auri feraci non Diodorus solum, sed et Agatharchides, Strabo, Plinius (*) tradiderunt, in mendaciis habeam. Ut enim taceam, nefas esse, tam constanti veterum traditioni ob aliqua veri dissimilia illis admixta omnem abrogare fidem, primo sacrae literae, domesticae Orienti, inque vicinia Arabiae, partim in Arabia, proditae, auri divites faciunt Arabes, ipsasque adeo Nomadicas Arabiae gentes (**), idque antequam aurum pro pecunia esset. Ex quinque tribubus Midianiticis non magnis, (nec enim plures in illis quam 32000 feminae virum non expertae), nec auro pro pecunia sed pro ornatu utentibus, plane ut supra de Alilaeis retulerat Diodorus, soli chiliadum et centuriarum praefecti, i. e. viri 132, praedam 16750 siclorum auri reportarunt, Deoque sacrarunt; quibus si in praeda colligenda, detrahendisque hosti ornamentis, non fuerunt segniores 12000 milites, quinque exiguarum tribuum ornamenta aurea circiter 1,650,000 siclorum praeda victores ditarunt. Magnae sane divitiae; ex communi sicli Mosaiici computo, plus quam decem marcarum Colonienstum millia, i. e. 670,000 nummi ducati aurei (ducats d'Or): ex meo modestiore, quarta hujus ponderis aut certe quinta

(*) libr. VI. c. 28. p. 337. lin. 22.
littus Hammaeum, ubi auri metalla.

Bochartus de auro Sabaeae excerptit,
apud ipsum p. 140 relegenda.

(**) Consilio omitto, quae jam

ta pars, aurum si purum fuisset, 134000 ducatis cudendis sufficiens. Adhuc ex hoc numero aliquid deme, quod forte aurum non omnino purum fuerit; magnae tamen auri divitiæ et inexpectatae in gente Nomadica supererunt. Numer. XXXI, 35. 48-53. Alio in bello, quod Gideon cum Midianitis gessit, iterum populum vagum auri divitem reperit, ut vel camelorum ornamenta ex auro fierent. Jud. VIII, 24-26. Jobi librum qui scripsit, (Moses, ut opinor) ei et aurifodinas cum omni artificio perfecte cognitæ, nec ignotos rivos, auri grana devehentes, cap. XXIV, 24. 25. et caput XXVIII. legenti certum videtur: sed hoc argumento non utor, potuit enim Moses et extra Arabiam, ex intima forte Africa, fodinarum auri et rivo-
rum notitiam hausisse.

Deinde et indoles, situs, natura Arabiae talis, ut aurum in ea sperare fas sit; magni et ardui montes, venas metalli nobilis promittentes, circa eos deserta arenosa, in quibus auri grana, eluvione torrentium illuc delata, inveniri solent. Naturae ergo consentanea et verisimilia loquuntur, qui divitem suo auro Arabiam fuisse tradunt.

Nostro quidem tempore nihil in Arabia auri, teste Niebuhrio (*) eruitur, ferri, quo Alilaeos et Gassandos carere tradiderunt Graeci, in Jemena non parum. Aurum ex Habessinia accipit, aut ex Europa Venetianum, nummique aurei Venetiani tam in Arabia frequentes, ut interrogarent Niebuhrium Arabes, soline ex Europaeis Veneti auri metalla haberent? alii suspicarentur, lapide eos philosophorum ex aliis metallis aurum facere, denique Inamus Sanaae ex Venetorum aureis suam cudi faceret mone-

(*) In descriptione Arabiae p. 141.

monetam. Sed haec non eo pertinent, ut Arabia nunquam suis ex montibus, rivis, desertis aurum habuerit. Ut enim taceam, aliquot annorum millibus exhauriri potuisse fodinas, exhauriri et illos montes, quorum torrentes auri grana devehunt; ut saepe vel nostras metallorum fodinas exhauriri videmus, quarum exhaustarum et nomen germanicum habemus, ut rebus notis et quotidianis accidit, *der alte Mann*, (*senex decrepitus*): aliae multae sunt causae, quibus fieri potuit, ut in divite olim auri Arabia nullum nunc granulum reperiat. De ipsa nostra Germania, metallorum nunc ditissima, Tacitus (*): *argentum et aurum propitii an irati Dii negaverint, dubito*. Sed prudenter addit, quod et nunc forte dici de Arabia possit: *nec tamen adfirmaverim, nullam Germaniae venam argentum aurumve gignere: quis enim scrutatus est?* Haecque ipsa Germania, si quando in eam incideret rerum omnium perturbationem, in qua inde a Muhammedis tempore fluctuavit Arabia, post paucas forte hominum aetates nullas habitura erat argenti fodinas. Hispania olim ad miraculum usque argenti ferax: sed postquam illa fanatica ex Arabia se in eam effudit Saracenorum colluvies, fodinae omnes ita neglectae ac desertae sunt, ut superiore adeo seculo, et nostro ineunte, dubitatum sit, mentitine, qui Hispaniam argenti olim divitem dixerunt Graeci et Romani, maxime Plinius? an metalla exhausta? an reges occultas terrae divitias celarent, Americam ante exhausturi, Hispaniaeque patrios thesauros servaturi? donec nostro tempore vidimus, neglecta olim et emortua metalla vitam resumere, Hispaniam, quod olim habuerat, adhuc habere, argentum diu latens, quod, ut iterum Taciti verbis utar, deesset qui scrutaretur. Sunt certe

(*) capite 5 Germaniae.

certe, ut hoc moneam, multae caussae, quae ditissimam olim et feracissimam nobilis metalli regionem inopem facere possunt: ligni primo penuria, silvis exhaustis, sine ingenti enim ligni copia, nec satis fulciri fodinarum cuniculi, nec ex minera metallum excoqui potest; ac certe, nisi silvam haberemus Hercyniam, argento quoque Hercyniae careremus: deinde, altius in ima montium descendibus cuniculis, stillicidiorum aucta copia, omnia inundatura. Ipsi nostrae Hercyniae impendere jam fato videbatur, ut post aliquot hominum aetates fieret, quod Taciti tempore fuit, vasta et inops silva, stillicidiis fodinas submergentibus, nisi ante paucos annos succurrere provida regis mens coepisset, cuniculum subterraneum alte infra omnes fodinas deptessum cavari jubentis, in quem illae paludes subterraneae omnes, ex stillicidiis ortae, derivari possent. Magnum sane opus, forte eorum omnium maximum quae in terris Hannoveranis, et ipse, et avus et praeavus suscepit, quodque nomen ejus posteris nostris aeternum commendabit: et tamen si casu accidisset, ut nemini hujus cuniculi agendi in mentem veniret, aut si sumtus defuissent, aut nimia parsimonia erogati non essent, Hercynia, tam dives metalli, aliquando hydrope effoeta futura erat. Tandem fodinae exerceri nequeunt, nisi in magna securitate publica: inter bella enim barbararum gentium, inimicius quam apud nos, et saevius gesta, aut ubi praedonum potentiorum metus, aurum argentumque ex terra effossum diripiente hoste vel publico vel privato, atque adeo opera ipsa et machinas destruente, desinent fosfores fodinarumque domini, magno metallum labore et sumtu ex terra cruere. In ea ergo rerum perturbatione, quae inde a Muhammedis tempore Arabiam saepe afflixit, bellis, fanaticorum etiam praedonum furoribus et po-

tentia, mirabimur, idem Arabiae accidisse, quod Hispaniae inde a Saracenorum invasione et dominatione? metalla neglecta jacere, jamque ignorari, ubi locorum divites olim venae suo Arabiam auro ditarent? Accessit magna mathematicorum reiue metallica ignorantia, ut nisi alia gens fossiores praebeat, ne instaurari quidem opera diu intermissa possint.

Ergo cum aliquem Arabiae tractum auri divitem fuisse existimem, hactenus non dubitans Bocharto adsentior, Ophiram a Joctanitis habitatam, de qua Moses loquitur, in Arabia sitam fuisse, extra illam enim quaeri vetat versus nostri capitis tricesimus: quo autem Arabiae in loco, aut adeo angulo, qui montes, qui rivi tam fuerint auro divites, non expedio. Fac, Bocharto deamus, Gasandorum, seu, ut Ptolemaeus vocat, Cassanitorum terram Ophiram Moſis esse, haec ipsa tribus ubi habitaverit non constat. Ptolemaei tabulam Arabiae sub gradu latitudinis 19 haud procul a sinu Arabico ponere, supra diximus: verum huic quae fides, sine alio certe teste, toties erranti? Quod si fidere velis, tamen in gradu latitudinis aliquem mediocrem unius aut duorum graduum errorem suspicari debebis: cum enim fretum, Arabiam ab Africa dirimens, quod Niebuhrius sub gradu latit. 12, 38 invenit, tabula Ptolemaei sub gradu 11 habeat, sequitur, ut, si systematice erravit mathematicus, et sequentibus gradibus Ptolemaei $1\frac{1}{2}$ aut $1\frac{3}{4}$ gradus addendus sit, servando locorum iusto intervallo. Ergo, si nihil etiam majoris a Ptolemaeo erroris admissum, Gasandos a gradu inde latitudinis 19, sub quo eos posuit, usque ad gradum 20, 40' quaerere licebit, id est, in tabula Niebuhriana sinus Arabici Gundadam inter et Giddam, inque adeo Meccae ipsius vicinia,

nia, in qua tota regione nec aurum, nec nomen Gafandis concinens, hucusque inventum. Desperemus de Ophira, deque ejus auro, donec feliciore statu Arabiae, reviviscentibus literis pacisque artibus, nobilis iterum metalli venae quaerantur, detegantur, et colantur.

Sed praeter hanc Mosaicam Ophiram a Joctanis posteris habitatam, aliam extra Arabiam quaerit, sibi que invenisse videtur Bochartus, ex qua Salomonis navis aurum adportarit: hic quidem rationes adferens, sed quae mihi sententiam non persvadent, ob quas duplex statuenda Ophira fit, aliis paulo inverecundius nullo adlato argumento fumentibus, duplicem esse Ophiram, aut majore etiam peccato, contra verum 30, Mose invito Ophiram Joctanicam extra Arabiam, ultra mare, ultraque Oceanum quaerentibus. Fateor, ut nobis duplex est India, plures etiam regiones auri divites ab Hebraeis Ophiras dici potuisse, potuisse et Salomonem ad aliam remotiorem Ophiram, Ceilanam, Sumatram, Malaccam, Sofalam, classes aurum reportaturas mittere: sed cur hoc *factum* existimandum sit, cur Ophira Salomonaea ab Ophira in Arabia, ipsa tamen auri divite, distinguenda sit, nullam omnino rationem video. En Bochartianas! Extra Arabiam quaerendam Salomonis Ophiram statuit,

1) *quod itineri triennium impendebatur.*

Non vero itineri Ophiritico, sed Hispanico, si *Tharschisch*, ut ipse nos docuit Bochartus, pluribusque confirmavimus, Tartessus est Hispaniae. En loca ipsa 1 Reg. X, 22. *semel per tres annos veniebat navis Tartessi.* 1 Par. IX, 22. *semel per tres annos veniebant naves Tartessi.* Nec nego, easdem naves et ad

Ophiram adpulisse, sed ea relicta Africam circumnavigabant, Hispaniam adibant, perque fretum Gaditanum, variis multarum gentium divitiis onustae in Palaestinam redibant, qua de navigatione copiosius in Tomo I. p. 92-101. actum. Possem quidem et nova addere ibi dictis, sed ad finem festino, servans ea spicilegii mei adpendici.

2) *quod ebur non potuerit ex Arabia adferri, in qua elephanti nulli.*

At vero nec dicitur, ebur ex Ophira allatum fuisse, sed navem *Tartess* תרשס, quod volunt esse ebur (*), retulisse. 1 Reg. X, 22. 2 Paral. IX, 21. Nec vero ex Hispania ebur allatum puto, non magis quam ex Ophira, sed ex circumnavigata, ut jam dixi, Africa.

Mirum argumenta, quae in Tharschisch aliquam veri speciem habere possent, ad Ophiram, cuius nomen quidem his omnibus locis legitur, tanta fiducia transferri. Multo etiam confidentior Relandus, in differtatione de terra Ophir, statim ab initio: *terra Ophir debet esse talis regio, quae abundat copia auri, argenti, eboris, simiarum, et pavonum, vel psittacorum. Ita legimus 1 Chron. IX, 21. semel ternis annis veniebant*

(*) Dubitanter scripsi, nec enim ita mihi certum שנהבים ebur esse, ut Bocharto, eumque secutis שן cum ebur sit, non intelligo quam ob causam historicus uterque, si de ebore loqueretur, non hoc noto et quotidiano nomine, sed alio rariore שנהבים

usus esset. Suspecta adeo fuit lectio, coniciebantque ante editum Kennicottianum optis; שן והבנים legendum esse, ut Ezech. XXVII, 15. sed excerpta codicini Kennicottiana conjecturam meam destituunt.

bant naves Tarfis, afferentes aurum, argentum, ebur, simias, et pavones. Quod conferri debet cum 1 Reg. IX, 27. ubi diserte eadem profectio classis, et quidem ad terram Ophir, narratur. Haecenus ille: nempe 1 Reg. IX, 27. 28. dicitur, navem Salomonis et Hiram Ophiram adiisse, indeque aurum reportasse. Quis vero vel mediocriter ratiocinandi peritus inde effecerit, ex eadem Ophira etiam reliquas longinquae et triennis navigationis merces allatas, ebur, si ita volunt, argentum, simias, psittacos? Ac ne quidem obstrepo, quod opponere paulo disputacior posset, non liquere, 1 Reg. IX, 27. 28. de eadem classe sermonem esse, quae 1 Paral. IX, 21. ebur, psittacos, simias, et quidquid velis, retulerit: de eadem esse, sed non omnes ex una Ophira merces habuit.

3) *quia veteres consentiant Ophiram in India quaerendam esse.*

Hic, ut taceam Arabiam quoque Felicem Indiam veteribus dici, dubitarique posse, qua de India loquantur, potestne quidquam hic valere veterum auctoritas, tantam Arabiae felicitis inscitiam ubique proidentium? Sic et de ipso Josepho sentio, Ophiram, seu, ut ille nomen scripsit LXX sequutus Σωφίραν, Indiae partem dicente, quae nunc *terra aurea vocetur*: (εις την πάλαι μιν Σωφίραν, νῦν δὲ χρυσὴν γῆν καλουμένην, τῆς Ἰνδικῆς ἐστὶν αὐτή. Ant. VIII, 6, 4.) In quanta enim geographiae Arabiae Felicis, tribuum Joctane ortarum, et Indiae versatus sit ignorantia, pagina 149. 150. vidimus.

Ergo, donec certiora adferantur argumenta, illis non accedo, qui extra Arabiam Ophiram quaerunt. Placuit,

ut jam dixi Bocharto, Ceylana insula, non quod vestigi-
um nominis Ophir vel tenuissimum ibi inveniret, sed quia
aurum mercesque habeat 1 Reg. X, 22. 2 Paral. IX, 10. II.
memoratas: aliis Sumatra, eique vicina Malacca, verifi-
milia adferentibus, si certum esset et indubium, quod
supra (*) ex Cornelio le Brun excerpti, in Malaccæ vici-
nia insulam esse, navigantibus *auream* vel *rubram*, incolis
Ophir dictam; sed vereor, ne nomen insulae sit ab exte-
ris, christianis, Muhammedanis, aut Judaeis ex historia
Salomonis datum, nihil enim Indici sonat, sed est manife-
ste Arabicum. Suparam (**), urbem Chersonesi Indiae
citerioris, Ophir Salomonis esse contendit Relandus, in
dissertatione de Ophir, miscellaneorum quarta: nec nego,
LXX qui *סופיר* *Sofiram* vocant, de ea cogitasse videri.
Fuerunt denique, quibus Sofala Africae, ad mare Indi-
cum, sub gradu 20 latitudinis Australis, nominis forte
concentu cum *Σωφείρα* LXX interpretum commendata,
adblandiretur (***): quam quidem ad Sofalam Salomo-
nis

(*) pag. 187.

(**) Vide Ptolemæum I. VII. c. I.
pag. 168. Ponit eam sub latit. 15, 30'
eo circiter loco, ubi nunc Goa. Ean-
dem esse putat Relandus, quae ab Ar-
riano in periplo maris Erythraei (p.
30. editionis Hudsonianae, in T. I.
geographiae scriptorum veterum) Up-
para dicatur, hic sibi et Ophirae no-
men reperisse visus. Non obnitor,
quin Arriani Uppara, sit Ptolemaei
Suppara; nec tamen duplex urbis no-
men fuisse putō, sed peccato librario-

rum S ante Uppara omissum, quod no-
men praecedens *Acaboros* in S. define-
bat. Quotidianum hoc librariorum
peccatum: scripserit Arrianus, AKABOPOCOTΠΠΟΡΑ (*Ἀκαβορος
Σουππορα*) nil proclivius librario, no-
minum ignaro, quam AKABOPOCOT-
ΠΠΟΡΑ cum uno modo Σ descri-
bere.

(***) Vide le Grand, *dissertation
de la Mer rouge, et de la navigation
de Solomon*, sextam eorum, quam ver-
sioni suae itineris Lupi in Abessiniam
subje-

nis classem penetrasse inficiari nullo modo possum, qui Africam ab illa circumnavigatam credo, nec negare audeo, auro etiam mercibusque Sofalae ditatam rediisse; sed concentui nominis nihil tribuendum, qui totus perit, Sofala Arabicis literis scripta. Nomen plenius est, *Sofalath al-Dheheb* (*), i. e. سَفَالَةُ الْذَهَبِ, *litus auri*, non ab incolis inditum, nec ab Hebraeis, sed ab Arabum nautis et geographis, nec ullo modo cum אופיר aut Σωφειρ cognatum. Hebraice scriberes, שפלה, *planities, litoralia*, quo nomine et litoralia tribus Judae in geographia Palaestinae vocantur. Hujus vero nominis potissimam partem detruncavit usus recentior, et *Sofala* i. e. *littus*, pro littore auri posuit.

Plura non colligo, placet enim dictum Cellarii (**): *merae divinationis sunt, quae de Ophir disputantur, nec posteriores opiniones habent, quod primae justis de causis praeferatur.*

Sed antequam Ophiram missam faciam, de nomine, Σωφειρα, Σωφαρα, Σωφειρα, Σουφειρ (diversimode enim scribi solet) dicendum, quod ejus loco LXX aliquoties ponunt, Josephus ex illis mutuum habet, exque lingua Coptica sumtum a LXX interpretibus videtur (***), Coptice enim, docen-

subjecit, (*Voyage historique d'Abessinie, du R. P. Jerome Lobo, traduit du Portugais par Mr. le Grand*), T. I. p. 330. sequ.

(*) *Herbelot* p. 815. Nubien-
fis *Clim. I. Pars VI. p. 28.*

(**) p. 874. T. II. *geogr. ant.*

(***) Aliter sentit *Relandus* p. 171.

dissertationis de Ophira, Coptos nomen ex versione Graeca suum fecisse ratus. Verum unde illud Graeci habebant interpretes, si non antea in Aegypto notum erat? Certe non ex Hebraico, Ophir, non Sophir scribente! Cogitemus, primo LXX vocabula etiam adpellativa, ut Ἀχι, aliaque, ex
Aegy-

docente Kircherō p. 211. ΟΦΙΡ *India* dicitur. Occurrit autem in Graecis bibliis, quantum memini, Job. XXII, 24. XXVIII, 16. 3 Reg. IX, 28. X, 11. 1 Paral. XXIX, 4. 2 Paral. VIII, 18. IX, 10. et, quem locum paulo difficiliorem, a Trommio omitti et Relando (*) video, Jes. XIII, 12. ὁ λίθος ὁ ἐν Σουφείρ, *lapis in Soufir*, pro, *aurum Ophir*, Hebr. כְּתָם אוֹפִיר. Ab Arabe ^{أفیر} *al-afir* redditur 3 Reg. IX, 28. X, 11. Jes. XIII, 12.

Haec vero Alexandrinorum *Sofira*, quin *India* sit, ab emporio primario *Supara* dicta, Aegyptiis commercia per mare rubrum exercentibus, vix dubito, cum et Arabicum celebris emporii Indici nomen, ab Abulfeda memoratum, *Sofara* (سوفارة) propius quam Ptolemaei *Supara*, ad sonum Graeci Σωφάρα vel Σωφείρα, accedat. Integrum adscribam Abulfedae locum, primum ex codice Parisiensi, meaque versione, deinde ex Doctissimi Reiskii, qui codicem Lugdunensem, paulo aliter hic habentem, sententiae tamen summa concinentem, latine interpretatus est. Sed antea monendum, litoralia utriusque Chersonesi Indicae Arabum geographis tanquam proprio nomine *Sofala* (سفال) *Littoralia* dici, quae, si quod haberent emporium primarium, *Sofara*, accidere facile potuit, ut ejus quo-

Aegyptia lingua in Graecam translata usurpasse, deinde, Alexandriae, quae tum merces Indiae, per sinum Arabicum adlatis toti vendebat Europae, nomina celebriorum Indiae emporiorum non potuisse non esse notiora, denique Ptolemaeum, geographum Aegy-

ptium, primum esse, cui *Suparae* notitiam debeamus: nec dubitabimus, quin *Sophiram* non Coptica lingua ex LXX, sed LXX ex usu et geographia mercatoria Aegyptiorum, suaeque urbis, Alexandriae sumserint.

(*) Diff. de Ophir §. VI.

quoque nomen per errorem *Sofala* efferrent, quasi a metropoli nomen habente regione, aut vice versa. Sic ergo in codice Parisiensi sub numero 359 Indiae Orientalis lego:

ولهند سفالة كما لالرنج قال الادريسي سوفارة مدينة عميرة كثيرة المساكن ولها تجارات ومراقو وفي فرضه من فرض البحر الهندي وبها مضابد ومغاض
India habet Sofalam aequè ut Zeng (Zang, Zeng, Zengebar Africae, cui Sofalam auream accenset). *Dicit Nubiensis, Sofara est urbs valde habitata, inque ea scalae*, (portus nempe, ad quas adpellunt naves, *Echelles* Gallice). *Emporium est ex emporiis maris Indici, habetque piscaturam margaritarum, et abest ab urbe Sind quinque dierum itinere*. His omiſſis, quae forte serius adjecit Abulfeda, ex codice Lugdunensi reddidit Reiskius (*): *Sofalah Indica, cujus proprium nomen ait ol Bironensis esse* SUFARAH. *Indica cognominatur propterea, quod etiam Zengi, (seu Nigritae) habent suam Sofalam*. *Alia praeter hanc ejus commemorationem nulla de hac comperta habet*. Caeterum poenitet, ac prope pudet, quod de geographiae Indiae parum sollicitus, cum Abulfedam beneficio regis Galliae domi meae haberem, oblitus sum, Sofarae longitudinem et latitudinem enotare, quod si fecissem, certius comparare cum Supara Ptolemaei possem.

Lapis Sofirae, quem pro auro habent LXX, quis sit? vix pro certo dixerim: forte auri nativi majores nuclei, quas gemmis aequaparabat, fulgentioresque omni alio auro existimabat fabula, ut supra p. 186. 187. ex Diodoro didicimus, *lapidem etiam aurum apyrum vocante*.

De nomine אופיר, non nisi in scriptoribus, tempore exfilii Babylonici viventibus, lecto (**), nondum mihi con-

(*) *Büschings Magazin* T. IV. p. 272.

(**) Jerem. X, 9. Dan X, 5.

constat, sitne synonymum Ophirae, a. פֶּז (aurum) ductum, ut vertere nomina etiam propria, ac synonyma pro synonymis substituere Orientales solent: an nomen alius regionis auriferae, illo demum tempore Judaeis innotescentis, famamque Ophirae obscurantis. Nec de פְּרִירִים 2 Paral. III, 6. in quo aliqui tam luserunt indocte et inepte, ut Peru Americae regionem invenirent, certus sum, sitne nomen proprium an adpellativum. De utroque ergo non hic agam, sed, si quid novae lucis adfulserit, ultimo Tomo servabo, sparsa per totum codicem sacrum geographica extera tractaturo.

* * *

וַאֲת חִוִּלָּה et *Chavilam i. e. Chaulan.*

De utraque Chavila, et hac Joctanitica, et Cuschaea v. 7. de qua in tomo priore eam ipsam ob causam, quod duplex esset, nihil certi habebam dicere, nunc post Niebuhrium omnia nisi fallor, expedita. Ac primum Bochartus laudandus, qui ad versum 7 rem male gerens, nec quae probare possis adferens, hic vidit, *Chavilam* nostram regionem esse Arabiae felicitis *Chaulan*, cujus situm, quantum potuit, ex Nubiensi descripsit, reliquorum enim, quae ex Graecis addit, non sine alliterationibus et conjecturis, gratiam ei forte feceris. Verum duplex in Arabia Felice Chavila, cui duplex et Chaulana quaerenda! hanc invenire labor erat.

Viam jam monstraverat d'Anvillius in tabula Asiae, sub gradu longitudinis 60, latitudinis 19, *Chaulan* (خولان) quae est Chaulana a Nubiensi descripta, habens, aliamque *Haulan* (حولان) non procul a Sanaa, sub gradu longi-

tudi-

tudinis 64, latitudinis $16\frac{1}{2}$. Hanc quidem posteriorem in Niebuhrii tabula Jemenae, *Chaulân* (خولان) scriptam, sub gradu latitudinis 15 invenies. De utraque Chaulana retulit Niebuhrius in ipsa Arabia audita: de illa borealiore, et ex Nubiensi notiore, p. 270. descriptionis Arabiae, *sitam esse ad occidentem Saadae, nomen Chaulan in hunc usque diem retinere, oppida habere, Akabat-el muslim, Heidân, (حيدان) Eddahr, et Suk od sjuma: de altera, sub gradu latitudinis decimo quinto, p. 280. paucis milliaribus Sanaa abesse, Imamo Sanaae non subesse, sed suum habere principem aut regulum, oppidaque aut vicos, Beit Rôdsje, Tanaeim. (تنعيم) sedem olim Judaeorum, Bait-el Kibsi, Beit-el-Naum, Seijan, Suradsje, Berres. Haec sufficiant: utra autem harum regionum cognominum Joëtanitarum fuerit, utra Cuschaeorum, non meum est dicere.*

Huic quoque Chavilae accidit, quod Cuschaeae (*), ut Arabicus Paralipomenorum interpres pro ea Zavilam (زويله) poneret. Manifestus hic quidem error, sed necdum scio unde ortus, et quid ita vertens Arabs spectarit.

* * *

ואת יובב et *Jobab*.

Nil melius habeo, eximia Bocharti et verisimillima conjectura, *Jobabitas* Ptolemaei esse, seu, ut errore librarium Graecorum scriptum sit, *Jobaritas*. B et P ita similes, ut inferiore circulo expallido pro B facile P scribere librarius possit: idque, quod addendum puto Bochartiana confirmaturus, huic ipsi nomini in versione Graeca, ut

(*) Tom. I. p. 190. 191.

ut in codice Alexandrino (*) legitur, 1 Paral. I, 23. accedit, uno adhuc aut duplici peccato librarii accedente. Cum enim *Jobab*, Graecis literis scribendum fuisset, *Ἰωβαβ*, ejus loco reperimus *Ωραμ*, 1) Jota omisso 2) B primo in P mutato, et 3) B secundo in M, pro more, sive Arabum B saepe ut M appellantium, sive codicis (**) Alexandrini. Literis majusculis exprimo, ut oculis judicare lector possit, *ΩPAM* pro *ΩBAM*.

Jam et distinctius et ad intelligendum facilius, de situ. Jobaritas, seu, ut corrigendum reor, Jababitas, in Ptolemaei tabula sexta Asiae invenies sub gradu longitudinis 84 et 85, latitudinis 18, illisque dari *Nagaram* videbis *metropolim*. Ergo Nagran, urbs celeberrima, regni Homeritarum saepe sedes, nunc provinciae Hamdan primaria, quam in d'Anvillianis tabulis sub longitudine 62 graduum, latitudine 19 reperies, metropolis olim Jobabitarum fuit, hique in regione nunc Hamdan dicta, habitarunt. Abulfeda num. 23 Arabiae: (***) *Nagran est regionis Hamdan* (همدان). Forte si illuc penetrare possent Europaei, plura et altius pressa nominis antiqui vestigia invenirent, nunc sufficit, antiquam, magnam et celebrem Jobabitis assignare urbem.

* * *

V. 30.

ויהי מושבם ממשא באכה ספיה הר הקדם

Et fuit habitatio eorum a Mesene ad Thehamam (littoralia Arabiae ad sinum Arabicum), *montana Orientalia*.

Manifestum videtur, duplicem indicari limitem, intra quem Joctane orrae tribus habitarint. Nec vero omnes

(*) Hic solus pericopam habet, reliqui hiant.

(**) Vide pag. 178.

(***) In Gagnieriana editione p. 41. Hudsoniana p. 52.

nes illorum, ad quatuor plagas coeli, limites commemorantur, sunt enim aliqui ex his naturales, sinus Arabicus, mare Indicum, sinusque Persicus, qui sua sponte, tacente etiam scriptore, intelliguntur: sed termini in ipsa peninsula, qui Joctanitas ab aliis Arabibus, (praeter Cuschaeos, felicem cum illis Arabiam incolentes) et Aramaeis discriminabant. Verba Moſis, de quibus mulcum disputatum, sic intelligo: *a Mesene, ad Tigridis ostia sita, ubi nunc Bassora, ducenda linea ad littoralia Arabiae juxta sinum Arabicum, Thehama Arabibus dicta, in tabula d' Anvilliana sub hoc nomina quaerenda: quae extra hanc lineam sunt versus Orientem, maxime montana illa Femenae felicia, Joctanitae habitarunt.* Explicationem plane novam esse fateor, in quam ne audaci et temeraria conjectura videar incidisse, primo de adpellatione nominis *Mescha* dicendum, deinde indicandum, quid in aliis displiceat explicationibus, denique et meae sententiae reddendae rationes.

מִשָּׁנָה satis unanimiter codices habent, unde non variae esse lectionis puto, sed libertatis orthographicae orientalium in matribus lectionis ponendis omittendisque, quod cum Jod post Mem מִשָּׁנָה Jonathan scripsit, Arabsque Erpenii مېشانا. Facit tamen haec scriptio, primo, ad confirmanda puncta masorethica, ei enim concors punctator E sub Mem posuit, מִשָּׁנָה (*Mescha*); deinde ad interpretationem nominis, quam, recentioribus ignotam, hi mihi et Syrus praeiverunt. Certe hi omnes, E et Jod post Mem habentes, non de Muza cogitarunt, quae recentioribus tantopere placuit, sed de Mesene, מִשָּׁנָה Orientalibus dicta: verum hoc deinceps.

Aliter nomen adpellabant, מִשָּׁנָה (*onus*) LXX. ἀπὸ Μασσηνῆ vel Μασσηνῆ scribentes, cumque his et Samaritanum

interpretem facere reor: reposuit enim מִסְכֵּל, quae est nominis מִשָּׁה etymologica versio, ut Orientales nomina etiam propria vertere multis supra exemplis didicimus. Solitum Samaritano, מִסְכֵּל Hebraicum סָבַל (*bajulavit, tulit*) reddere, idemque et מִשָּׁה *ferculum*, Genes. XLIII, 34. מִסְכֵּל vertit. Concinnunt quodammodo, Vulgata, *Messam* S duplicato, et codex Regiomontanus primus, teste Lilienthalio, מִשָּׁה per Sin scribescentes.

Jam ad Bochartum, qui hunc versum capite tricesimo libri secundi interpretatus, prope omnium suffragia tulit. *Mescha* vel, ut Latinis Graecisque literis ob defectum alphabeti scribendum est, *Mesa* (מִשָּׁה) celeberrimum esse vult Arabiae Felicis ad sinum Arabicum emporium, *Muzam*, quibus literis Arabicis nomen scriptum fuerit, aut scribatur, plane non quaerens, sed solo qualicunque concentu nominum *Muza* et *Mesa* contentus. *Sefar* (סֶפֶר), oppositum Joctaniticæ regionis terminum, *Sapharam* esse vult Graecorum et Latinorum, urbem mediterraneam, quam, cum plures se offerrent in Arabia Sapharae, (*) satis tamen verisimiliter descriptionique Plinii et Arriani consentaneæ, pro *Dafara* vel *Tafara* (ظَفَار) habet, metropoli terrae Jachseb, vultque olim nomen per Tsade صَفَار (צֶפֶר) scriptum fuisse, unde permutatione literarum ז et ס, Mosaicum סֶפֶר extiterit.

Haec cum se mire adprobarint, non Harduino quidem, sed tamen plerisque recentiorum, rationes indicandae,

(*) Vide Niebuhrii Arabiam pag. 290. Possem et alias addere, sed quae nihil ad Graecorum Latinorumque Sapharam, situ diversam, ut, صَفَار, *Sophar*, statio Meccam inter et Sanaam,

proxima post Karn el Manazil; (Assemani Bibl. Or. T. III. P. II. p. 563. Nubiensis p. 48. latinae versionis, 55 textus Arabici) etc. etc.

dae, quae, non svadent, sed cogunt, a Bochartiana sententia secessionem facere.

- 1) Muzae nomen, utit M et sibilantem literam habens, ita tamen a Mescha dissonare videtur, ut sine alio argumento, sine teste aliquo antiquo et fide digno, pro uno eodemque nomine vix haberi possit. Monuit jam Harduinus ad Plinium I. VI. §. 26. in nota 24 paginae 327 subiecta: *in hunc locum error Bocharti tergeminus est; primum, quod ex מוֹזָא facit Muza, perinde quasi ו mutari possit in Z latinum.* Recte ille quidem, Latino enim et Graeco Z, Zain (ז) Hebraicum respondet, suntque in sibilantium scriptiōe, quae a nobis negligi solet, perquam adcurati ac religiosi Orientales. Exire tamen hoc telum, praevium forte, studuerat Bochartus, monens a Ptolemaeo nomen per Σ scribi, *Μουσα*, quamquam haec scriptio cur consuetae praeferenda sit, non video. Ne vocales quidem concinunt, *Muzae* enim nomen constanter U in prima syllaba habet: masorethica biblia, quae hic recte videri puncta posuisse supra monui, E. Mirum certe, si de Muza, vel, ut et hoc Bocharto dem, Musa loqueretur scriptor sacer, nomen sine ulla lectionis varietate defective scriptum esse, nullibi nec in Judaicis nec in Samaritanis codicibus, cum matre lectionis מוֹזָא, qua tamen opus esse videbatur, cum, ad sonum peregrini nominis agnoscendum, tum ad distinguendum ab aliis nominibus per מוֹזָא scriptis, ipsaque adeo Mesene.

- 2) Hoc vero dubium, quod jam olim me a Bocharti sententia revocabat, per se non leve, multo nunc factum est gravius, postquam Niebuhrius, ipse quidem Muzae et Bochartianae explicationi favens, nos edocuit, quibus

quibus literis nomen Arabice scribatur. Nempe paulo supra celebrem portum Moccha, (*) (مocha), vicum nunc et arcem موزع reperit, (**) qui per situm nominisque concentum, موزع enim vix aliter Graecis literis exprimere datur, quam Μουζα, celebre illud emporium esse videtur, a mari quidem aliquot miliaribus remotum, sed Mocchano portu, cui et nomen dabat, [ipsa enim urbs Moccha recentior (***)] usum. Haec si vera scriptio nominis Arabici, Mefcha Moſis esse omnino nequit: מֹשֶׁה enim et מוֹזַע praeter unicam literam M nihil commune habent.

- 3) Haec orthographica dubia concoqueret forte, si quis Hebraicae linguae studium, et vero solers ac grammaticum, non cum Arabicarum literarum studio grammatico conjunxit, hujus linguae ad illam relationem ignorans, modo tolerabilis ex his alliterationibus conjecturisque existeret sententia, geographiae et situi loci mediocriter apta. Sed inspicere bonam aliquam Arabiae tabulam, d'Anvillianam, aut Jemenae Niebuhrianam, inque ea pro Muza, in plerisque non invenienda, vicinam quaere Moccham, olim Muzae portum: ab eane Moſen terminos Joſtanitarum incipere est verisimile, et vero duos modo extremos oppositosque limites describentem, cum portus sit, non ad confinia alius regionis, nec ad angulum extremum peninsulae, Babelmandeb, sed in medio Jemenae litore, ab utraque parte Jemenam habens?

4) Quod

(*) latitud. 13, 19' ad situm Arabicum.

(**) p. 223. descriptionis Arabiae,

(***) Ante 400 demum annos conditam tradit Niebuhr, p. 223 Arabiae,

4) Quod Sopharam inventurus, صفار (ספאר) in صفار (צפאר), atque hoc in דבר mutat, quamvis alliterationum minime amans, ferrem, quia primo ظ et ض, deinde س et ص, saepe permutantur, Graecique et Latini nomen per S scribunt; modo sententia his artibus eliceretur, quae tabulas geographicas inspicienti probari posset. Sed has inspice, d'Anvillianam aut Niebuhrianam, in quarum illa Dafaram, seu Dafarae potius ruinas, sub gradu longitudinis 64, latit. 14½, in hac sub long. 41, 45' latit. 14, 10' invenies: haec urbs in media sita Felice Arabia, potestne Joctanitarum Mosi esse limitanea? Meditullium quodammodo est ejus, de qua quaerimus, terrae, ipsaque Sanaa longe ultra illam.

Sed quam sit inconcinna, Mosique contradicens Bocharti sententia, magis etiam ipsis oculis judicabitur, si utramque, Mocham et Dafaram, uno intuitu complectaris. Hinc possunt fines esse, intra quos supra dictae tribus habitarunt? Quid quaeso ipse hic apud animum suum cogitabat, tam sibi manifeste contradicens Bochartus? immemorne erat, se longe ultra hos limites multis tribubus sedes adsignasse? Atque ut de his taceam, de quarum situ dubitari potest, ut de Jobabitis, Sanaa certe, Hadramaut, Chaulan, Mons et litus Lunae, possuntne homini, cui sani sunt oculi, Moccham inter et Jachsebae Dafaram sita videri? Caeterum antequam hanc Dafaram missam faciam, lubet, Nubiensis locum de ea agentem, quem multi frustra quaesierint, distinctius citare, quam factum est a Bocharto. Exstat in Climate II. Sect. VI. p. 50. et 51. versionis latinae, 58 et 59. textus Arabici: *regiones et urbes celebriores sextae partis hujus climatis*

sunt - - - - - وعلو بخصب وظفار ومارب والسحمر وسفل
et superior pars Jachfibae, et Dafar, et Mariba,
et Seger, et declivia (litoralia) Jachfibae: pauloque
 post, وظفار هي قصبة بخصب وكانت ظفار فيما سلف من البلاد
 الاكابر المشهورة *Dafara est metropolis Jachfibae, fuitque*
olim ex urbibus magnis et celebribus. Adde Niebuh-
 rii descriptionem Arabiae, p. 236, audiesque, vix
 ruinas supereffe.

- 5) Hoc, quod diximus, ingens vitium in Daphara, me-
 dicullio Joctanitidis, pro termino habita, commissum,
 fugere Niebuhrium non potuit: Muzae ergo cum
 faveret, ac miraretur, cur illam refugerem, (quod
 me facere ex versione Germanica bibliorum, notis-
 que noverat) opem Bocharto laturus, (*) pro Dafa-
 ra mediterranea multo nobiliorem substituit Dafaram
 ad mare Indicum, ipsam quoque his ipsis literis ظفار
 scriptam, portum et emporium regionis Seger, quam
 in d'Anvillianis tabulis sub 17mo fere gradu latitudinis
 invenies. Haec quidem Bochartianis multo meliora
 ac probabiliora, nec tamen vera existimo. Ut enim
 illa taceam, quae num. 1. 2. et 3. Muzae opposui,
 vix puto, Mosen solos Joctanitidis versus mare ter-
 minos definire voluisse, neglectis illis, quos unice
 scire suis lectoribus opus erat, versus reliquam Ara-
 biam. Periplum Joctanitidis si quis homo nauticus,
 mari advetus, notare voluisset, aut in India degens
 suos docere ultramarinorum Joctanitarum sedes, ita
 forte scripisset: at Moses, populo maris ignaro, in
 Arabiae desertis, historiam scribens, si ita limites Jo-
 ctanitidis definiret, idem aut pejus faceret, ac si quis
 in Germania geographus Hispaniae fines a duobus
 por-

(*) Descriptio Arabiae p. 290.

portibus describens, *Gadibus Tarraconem usque extendi* diceret *Hispaniam*, reliquos terminos, ipsosque montes Pyrenaeos omittens.

Ac ne periplo quidem Joctanitidis, finibusque ad mare describendis, duo portus, Muza et Dafara sufficere videntur. Primo enim nullam causam video, cur Joctanitis non ultra Muzam versus septentrionem juxta finem Arabicum exporrecta fuisse censenda sit. Sanaa sine dubio Joctanitica, quidni ergo et subiecta montibus ora maritima? Bochartus, quem nec probo nec refello, si recte Ophiram in Gasandis vel Cassanitis invenit, magis etiam versus septentrionem exporrigeretur Joctanitis. Deinde nec Dafara ultimus ad mare Indicum Joctanitarum portus, si recte de Hadoram differuit Bochartus, cujus sententiam p. 163, retuli: de Dicla autem si verum conjeci, (p. 176) totus sinus Persicus ad periplum Joctanitidis referendus. Habitabant certe ad eum, habitantque Arabes, nec Midianitae, Ismaelitae, aut alii fictitii, ut omnino Joctanitae esse videantur. Sed haec dubitantiusscribo.

Ad pudendum errorem venio, ab interprete Arabe Polyglottorum, et Abrahamo Zachut admissum, jamque a Bocharto p. 146. et 318. castigatum. Mescham volunt Meccam esse, Sefaramque Medinam. Jam opposuit Bochartus, loca circa Meccam et Medinam non Joctanitas tenuisse, sed Cuschaeos, seu, quod equidem verius existimo, Saracenos Ismaele ortos. Quis quaeso Sanaae, Chaulanae, Hadramautae, Montis Litorisque Lunae incolis, sedes Meccam inter et Medinam adsignet? Nec unquam Mecca ac Medina his nominibus vocatae sunt, sed Medinae, ut monuit Bochartus, Jathrippae olim nomen

fuit, Meccae aut Beccae, (utroque enim modo Arabibus adpellabatur, ipsis testibus Arabibus) nullum aliud, quantum ex geographia novimus, nomen fuit. Jam in Ptolemaei tabulis occurrit (*) eodem fere quo Mecca situ, Lathrippae, i. e., ut supra monuimus, Jathrippae ab Austro, *Macoraba*, quod nomen quid aliud est quam, *מֶכָּה רַבָּה* *Mecca metropolis* (**). Error inde ortus, quod urbes suo tempore Arabiae nobilissimas in antiquissimo scriptore, Mose, legi vellent; non cogitantes rerum mortalium vicissitudines, multasque celeberrimas nostra aetate urbes recentes esse, aut certe serius emerfisse, nobilissimas autem antiqui temporis aut deletas, aut ad mediocritatem redactas.

Succedat Syri elegantior versio, partem veri habere visa, errore admixto, sed qui ipse geographiae antiquae, commerciorumque historiae studiosis non injucundus erit. Sic ille, *סִפְפָּרֶנֶס מֶן מֶשֶׁנָּה מִן הַמֶּזְרָח* i. e. *et fuit habitatio eorum inde a Mansche, quae est ad ingressum Sippharenorum, mons Orientis*. Vix dubito, quin *Mansche* hic sit Mefene, et Jod pro Nun rescribendum, *מֶשֶׁנָּה*: innumeris enim locis Jod et Nun, literas similes, Syrorum permutant librarii. Sic Syrus, ut supra Jonathanem et Maurum facere vidimus, nomen *מִישָׁא* plene scripserit. Nec sententiae studio ita emendare videri velim, posset enim et *מֶשֶׁנָּה* Mefenae, seu potius partis Mefenae nomen esse. Haud procul Bassora, teste Abulfeda, fluvius *Vadinesa*, (وادي النسا) i. e. *fluvius mulierum* Arabibus dictus, quod mulieres illuc ventitare soleant ad colligenda tubera. Verba Abulfedae non describo, dedit

(*) latit. 23.

(**) Vide pag. 6. 7.

dedit enim et illustravit, plura de fluvio Vadinesa addens, Assémanus in Bibliotheca Orient. T. III. P. II. p. 728. 729. Hoc quidem nomen Syriace, **فَيْسَمَا** (*aqua mulierum*) scribi potuerit, perque compendium, in propriis maxime solitum, **مِيسَمَا**. Sed hoc utcumque sit, a Mesa, i. e. Mese-ne, ubi ostia Tigridis sunt, habitationes Joctanitarum incipere volebat Syrus: ipsamque Mesenen introitum dici urbis Sippharæ, alibi quoque in sacris literis memoratae (*), his ipsis literis, quas Syrus habet, **סִפְרֵי**, scripto nomine. Nempe Sippbara ad Euphratem sita, ubi in duos scinditur alveos, quorum alter per Euphratem Babylonium, alter per Tigrim, cui juxta Seleuciam miscetur, sinum Persicum adit. Ingressus ergo Sippharæ ostia erunt Euphratis Tigridisque, videturque Syrus ut notum sumere, Sippharæ emporium fuisse nobile, Indicas merces per sinum Persicum accipiens, cujus portus ac tanquam porta, Mesene. Nec veri dissimile per locorum situm, Sippharenos olim commercia Indica exercuisse, unde forte factum, ut cognominem urbem India *Sipparam* (**) in sinu Gangitico haberet, solent enim mercatores emporiis quæ ultra mare condunt nomina patria indere, habetque adeo Ptolemæus (***) in India, *Chaberi fluminis ostia*, nomen Chaboræ, fluvii Mesopotamiæ referre visa. Sed hæc dubitanter scribo, unde necdum audeo, loco difficili 2 Paral. III, 6. quem me servare Tomo ultimo supra professus sum, conjectura critica consulere, **וְהָיָה זָהָב וְסִפְרֵי**, *aurum autem erat aurum Sippharenum*, i. e. *ex India a Sippharenis allatum*.

Caete-

(*) 2 Reg. XVII, 24. 31. XVIII, 34. XIX, 13. Jes. XXXVI, 19.

(**) Vide Ptolemæum p. 169.
(***) ibidem.

Caeterum video et alios de סִפְפָּרָה *Sippbara* cum Syro consentire, ut Jonathanem, et Hierosolymitanum, סִפְפָּרָה habentes, ac forte in fententiae summa interpretem Samaritanum, מִמְסַבֵּל בַּמַּעוֹל סִפְפָּרָה *ab Onere* (sic, ut dixi, מִשָּׂא vertit) *in ingressu Sippharæ.*

Elegantem dixi, ac forte aliquid luminis historici servantem, Syri versionem, vera tamen esse per grammaticam vix potest. בִּיאָנָה ex usu Hebraeorum non ostia fluminis significat per quae emporium aditur, sed adversum limitem: Mefenen autem inter et Sippbaram Joëtaniticis tribus supra memoratas non habitasse, certum.

Jam tandem meae explicationis ratio reddenda. Ergo *Mescha* (מֶשֶׁנָּה) vel, ut Graecis latinisque literis scribendum, *Mesa*, Mefene mihi est antiquorum, ad ostia Tigridis et Euphratis, nec Graeco ita, sed antiquo et Orientali nomine dicta: Syris tota ad Euphratem Tigrimque regio infra Seleuciam usque ad sinum Persicum, مِشَاف *Maischon*, aut nomine pleniore, مِشَافُ نَهرِ عِظْرَات *Euphrates Maischonae* (*), quin et Bassoram, urbem multo recentiore, sed illo in tractu sitam, eodem nomine vocant. Idem nomen, מֶשֶׁנָּה רַחֲבֹת scriptum, Thalmudicos quoque habere, atque pro רַחֲבֹת ponere, pagina 242. tomi primi dictum.

Arabes مَيْسَانَ (*Maisan*) et مِشَانَ (*Muschan*) habent, teste Abulfeda in Iracae descriptione: ومن بلاد البصرة مَيْسَانَ قال في اللباب: بفتح الميم وسكون المثناة من تحت وفتح السين المهملة والفاء ونون قال وهي بلدة في أسفل أرض البصرة قال في الكتاب الاطوال *ex oppidis circa Bassoram* ان موضوعها حيث الطول عجم والغرض لب *est*,

(*) Assemani biblioth. Orient. T. III. P. II. p. 429. 430.

est, Maisan. In Lobabo orthographia sic definitur: M habet Fata, Jod vocalem nullam, Sin purum habet Fata, sequitur Eliph et Nun. In Longitudinum libro dicitur, esse oppidulum in infimo tractu regionis Bassorae. In Longitudinum libro gradus ei longitudinis 73, latitudinis 32 adsignatur. Pergit:

قمنها المشان قال في الباب بضم الميم والشين المعجمة والي ونون قال وهي قرية كبيرة شبيهة البلد فوق البصرة كثيرة النخل موصوفة بكثرة الوخم *Hujus etiam regionis est Muschan, cujus orthographia sic in Lobab habetur: Mim per Damma, posteaque Schin, Eliph et Nun. Addit, esse vicum majorem, oppidi similem supra Bassoram, palmis divitem; sed qui ut insalubris describatur. Sumsi verba ex codice Parisiensi, necdum enim edita Iraca Abulfedae, ergo pagina tenus citare nequeo.*

Nomen Graecum esse negavi, idque ad rei summam pertinet, Graeca enim quis in Mosis Pentateucho nomina tulerit? Fateor, Graecos Μεσίνην derivare a μέσῳ ποταμοῦ, *medio fluminis*: sed id faciunt pro morbo gentis, omnia barbara ad Graecam etymologiam revocantis, ipsam Israelitarum metropolim יְרוּשָׁלַיִם ad Ἱερουσόλυμα. Certe Orientales suo more, ut suum, nomen scribunt, ipseque adeo Josephus, non hic quidem, sed alio loco ad versum 23 Mesenes mentionem faciens, per H scripsit, qua una litera Graecula etymologia perit: Μησῆς κτίζει Μησηναίους. Antiqu. I, 6, 4.

Mesenes situs explicationem commendat, in ipso angulo extremo Arabiae positaе, cui contraria aliqua ab Austro Sephara quaerenda, qua inventa nihil amplius desideraveris. Si quid obverti meae explicationi potest, hoc fere erit: Arabiam Felicem non ad Tigrim usque pertinere, sed in litore sinus Persici, aut ante, desinere. Ve-

rum alii fines sunt Joëtanitarum, qui sine dubio Bassoram usque habitarunt, alii Arabiae Felicis, quae desinit, ubi deserta incipiunt, alii denique, multoque arctiores Jemennae. De illis, non de his jam quaerimus. Certe nec Ismaelitae, nec Midianitae, nec Moabitae &c. illis in desertis vagantur, aut pauca culta ad sinum Persicum habitant, quae a Bassora incipiunt, sed Joëtanitae, et quidem recentiore tempore, post diluvium Maribae, Sabaeorum colonia, quorum metropolis Hirta fuit. Ante illos, qui ibi habitarent, Dielenses forte, non habeo dicere.

Jam a Mesene linea ducenda ספּרה, ad *Sefaram*. Hanc *Thehamam* esse censeo, i. e. litoralia et declivia Arabiae ad mare Erythraeum, quae hoc Thehamae notata nomine in tabula d'Anvilliana inde a gradu latitudinis 15 usque ad 20 invenies, nec opus habeo, ex Arabum geographis describere, ex quibus d'Anvillius sua plerumque sumsit, et majore, quam illis inerat, mathematicum et geographiae ex recentiorum itinerariis haustae peritia digessit. Nempe iterum puto, nomen proprium verti, aliaque lingua alio synonymo exprimi. *Thehama*, Arabicis literis, تهامة, *litoralia*, sonat, a ⁵⁰ *regio propinqua mari*, idque ab Hebraico חור, *mare*, Hebraicumque nomen ab ⁵⁰ *mutare, undare, fluctuare*. Id ita verum, ut vel Jemenae ipsi Thehamam aliquam, id est, litoralia montibus subjecta, assignari, ex Niebuhrio discas. Jam Aramaeis litus, Chaldaeis quidem ספר, quo de nomine vide Buxtorfii Lexicon p. 1537. Syris سَف, idque ut in exemplo ponam, has ipsas Joctanitarum (Indorum, ut eos vocat), et Cuschaeorum regiones describens Joannes Asiae episcopus, aliquam earum partem sitam esse ait كَسَفِب نَفَا نَفَا, in *Se-fore*

fore (litoribus) *maris magni* (*). Haec Thehama ita sita e regione Mesenes vel Bassorae, ut hinc illuc optime induci possit, totam Arabiam in duas partes dividens, ad cuius Orientem confederunt Joctanitae. Nec mirum ejusmodi nomina verti, aliterque aliis lingui reddi: ut ea taceam, quae aliquoties de hoc Orientalium more dixi, in mentem veniat lectoris, nostri. Eandem terram litoralem dicimus, Germani, *die Niederlande*, Galli, *le Pais bas*, Angli, *the Low Countries*.

Ad quam autem partem Thehamae linea ducenda fuerit, ad extremam versus *Hegaz*, an ad intimam *Jemenae* contiguam, Thehamamne complectatur Moses, an excludat, non dictu facile, antequam aliquot Joctanitarum tribus, adhuc ignotas, aliquis me felicius expedierit.

Ultima verba *הר הקדם*, (*mons Orientis*) non ad *Sefaram* refero, ut multi fecerunt, (is etiam, qui accentus adjecit textui Hebraico) sed ad, *fuit habitatio eorum*. Nempe praecipua pars Arabiae, in qua Joctanitae habitarunt, asperi illi sunt, sed fertiles Arabiae felices montes, quos Niebuhrius descripsit, angustis subiectis litoralibus, et vastis desertis, quae partim plane non coluntur, partim non tam coluntur, quam a Nomadibus pererrantur. Vide Niebuhrii tabulam Jemenae, montanamque regionem agnosces, proprio quoque nomine *جبل* *montem*, dictam. Nec obstat, quod valles, litoralia, montibusque subiecta deserta habet: Palaestina, his non carens, tamen eidem, quem jam explicamus, *Mosi*, *Mons*, dicitur, Deuteron. III, 25. *ההר השוכ הוה*. Huic Monti occidentali, seu, ut Moses
eum

(*) Chrestomathia Syr. p. 17.

rum alii fines sunt Joctanitarum, qui sine dubio Bassoram usque habitarunt, alii Arabiae Felicis, quae desinit, ubi deserta incipiunt, alii denique, multoque arctiores Jemenae. De illis, non de his jam quaerimus. Certe nec Ismaelitae, nec Midianitae, nec Moabitae &c. illis in desertis vagantur, aut pauca culta ad sinum Persicum habitant, quae a Bassora incipiunt, sed Joctanitae, et quidem recentiore tempore, post diluvium Maribae, Sabaeorum colonia, quorum metropolis Hirta fuit. Ante illos, qui ibi habitarent, Dicenses forte, non habeo dicere.

Jam a Mesene linea ducenda ספרא, ad *Sefaram*. Hanc *Thehamam* esse conseo, i. e. litoralia et declivia Arabiae ad mare Erythraeum, quae hoc Thehamae notata nomine in tabula d'Anvilliana inde a gradu latitudinis 15 usque ad 20 invenies, nec opus habeo, ex Arabum geographis describere, ex quibus d'Anvillius sua plerumque sumsit, et majore, quam illis inerat, mathematicum et geographiae ex recentiorum itinerariis haustae peritia digessit. Nempe iterum puto, nomen proprium verti, aliaque lingua alio synonymo exprimi. *Thehama*, Arabicis literis, تهامة, *litoralia*, sonat, a تهمة *regio propinqua mari*, idque ab Hebraico חורום, *mare*, Hebraicumque nomen ab הדרם *nutare, undare, fluctuare*. Id ita verum, ut vel Jemenae ipsi Thehamam aliquam, id est, litoralia montibus subjecta, adsignari, ex Niebuhrio discas. Jam Aramaeis litus, Chaldaeis quidem ספר, quo de nomine vide Buxtorfii Lexicon p. 1537. Syris سف, idque ut in exemplo ponam, has ipsas Joctanitarum (Indorum, ut eos vocat), et Cuschaeorum regiones describens Joannes Asiae episcopus, aliquam earum partem sitam esse ait ספרא ספרא, in *Sefore*

fore (litoribus) *maris magni* (*). Haec Thehamaita sita e regione Mesenes vel Bassorae, ut hinc illuc optime lino-
duci possit, totam Arabiam in duas partes dividens, ad
cujus Orientem confederunt Joctanitae. Nec mirum ejus-
modi nomina verti, aliterque aliis lingui reddi: ut ea ta-
ceam, quae aliquoties de hoc Orientalium more dixi, in
mentem veniat lectoris, nostri. Eandem terram litoralem
dicimus, Germani, *die Niederlande*, Galli, *le País bas*,
Angli, *the Low Countries*.

Ad quam autem partem Thehamae linea ducenda
fuerit, ad extremam versus *Hegaz*, an ad intimam *Jeme-
nae* contiguam, Thehamamne complectatur Moses, an
excludat, non dictu facile, antequam aliquot Joctanita-
rum tribus, adhuc ignotas, aliquis me felicius expedierit.

Ultima verba *הר הקרם*, (*mons Orientis*) non ad *Se-
faram* refero, ut multi fecerunt, (is etiam, qui accentus
adjecit textui Hebraico) sed ad, *fuit habitatio eorum*. Nem-
pe praecipua pars Arabiae, in qua Joctanitae habitarunt,
aspera illi sunt, sed fertiles Arabiae felices montes, quos
Niebuhrius descripsit, angustis subjectis litoralibus, et va-
stis desertis, quae partim plane non coluntur, partim non
tam coluntur, quam a Nomadibus pererrantur. Vide Nie-
buhrii tabulam Jemenae, montanamque regionem agno-
sces, proprio quoque nomine *جبل* *montem*, dictam. Nec
obstat, quod valles, litoralia, montibusque subjecta deser-
ta habet: Palaestina, his non carens, tamen eidem, quem
jam explicamus, *Mosi*, *Mons*, dicitur, Deuteron. III, 25.
הרר המזרחי. Huic Monti occidentali, seu, ut Moses
eum

(*) Chrestomathia Syr. p. 17.

eunt Deut. I, 7. 19. 20. vocat, Monti Amoraeorum, Israe-
 -lis promisso, Mons Orientis opponitur: nec est, quod
 interpretum aliqui calumnientur, australem esse, non ori-
 entalem. Oculos si habent, utrumque verum esse vide-
 bunt. Palaestina (mons occidentalis) in d'Anvillii tabu-
 lis sub gradu longitudinis 53 et 54, Jemenae montana ad
 montem usque Lunae sub 60-70.



Forster, Johann Reinhold

IOANNIS REINOLDI
FORSTERI
EPISTOLÆ

AD

IOANNEM DAVIDEM
MICHAELIS
HVIVS SPICILEGIUM GEOGRAPHIÆ
HEBRÆORVM EXTERÆ


IAM

CONFIRMANTES IAM CASTIGANTES

GOETTINGÆ

SVMPTIBVS VIDVÆ ABR. VANDENHOECK

MDCCLXXII.





LECTORIBVS

S. D.

I. D. MICHAELIS

Litteras Forsteri, viri doctissimi, cum acciperem, statim intellexi, non mihi soli scriptas esse: nec enim, ut inter nos consueverat, germanica lingua utebatur Forsterus, sed latina, addideratque aliam epistolam germanice scriptam, in qua mihi benevole permitti arbitrium de latina videbatur. Ergo cum eam gratam futuram eruditis censerem, honestique et candidi animi

PRAEFATIO.

esset, ea non apud me premere, quae & contra meum dicta essent Spicilegium, interrogavi auctorem, permetteretne ac vellet eam evulgari? Annuuit, epistolas quoque continuans: ejusque nomine cum bibliopola, cujus sumtibus Spicilegium meum geographicae Hebraeorum exteræ prodierat, egi, cumque inter Forsterum et bibliopolam convenisset, epistolas Forsterianas bibliopolæ tradidi, Lipsiæ (hic enim Copticis destituimur) typis describendas, unde nec errores typographicos, quorum non paucos irrepsisse video, præstare possum. Prodeunt nunc, jam alium in orbem, alio sub sole jacentem, majoribusque nostris incognitum, profecto Forstero. Legistis sine dubio in diariis hebdomadalibus, quintam orbis terrarum partem, Europa nostra non minorem, a Banksio ejusque comite detectam esse, illuc ante duo admodum menses jussu Regis

PRAEFATIO.

Regis M. Britanniae profectum esse Forsterum, quem Anglum dicebant esse. Hunc vero eum ipsum esse scitote Forsterum, seu, ut in patria vocari solebat, Færsterum, cujus literas jam in manu habetis: nec Anglum quidem, sed Germanum, multiplici eruditionis genere, maxime autem historiae naturalis cognitione ita apud Anglos clarum, ut hunc unum communibus pene votis deligerent, novique orbis australis exploratorem designarent, Banksio alterum iter deprecante.


Licebat mihi per auctorem, notas adspargere atque etiam, ubi alia sentiebam, contradicere: sed credidi, modestius, atque eruditis gratius munus futurum, si nihil meorum adderem, ne ibi quoque, ubi aliquid mihi dubii superest. In etymologia ad illustrationem Geographiae antiquae transferenda, sum paulo timidior, quod jam in spicilegio professus sum:

PRAEFATIO.

sum: linguam autem Copticam, cujus sum expers, maluisssem a Forstero discere, quam ei de Copticis originibus disputanti obloqui.

- Habeo alias quoque Forsteri epistolas, in quibus mihi ex ore Banksii, familiaris sui & amici, multa scitu dignissima de novo orbe australi retulit, antequam vel animo consilium, illuc proficiscendi concepisset, aut Banksius deprecatus iter esset: has quoque, nisi interea prodeant pleniores Banksiani itineris commentarii, publici juris faciam, modo gratum id fore lectoribus sciam: his autem addere latinis nolui, quia sunt lingua germanica scriptæ. Gættingæ die 27. Sept. 1772.





VIRO DOCTISSIMO

IOANNI DAVIDI MICHAELIS

S. P. D.

IOANNES REINOLDVS FORSTER.

Nescio an memineris me litteras ad te olim dedisse
ex Borussia, quum prope Gedanum morarer,
circa voces quasdam textus Ebraei, quas ex
Aegyptiorum antiqua lingua explicare annisus sum.

Nunc postquam Russiam integram intra Europae li-
mites contentam peragravi, & partem deserti trans Vol-
gam, inter nomades Chalmyecos perlustravi, ex longin-
quo itinere redux, in Anglia vivo; & quum possum,
optimos libros ex Germania nostra allatos, evolvere. Ve-
rum id molestum, nos sero nimis accipere libros e Ger-
mania. Id mihi saepe & iterato contigit, sero enim &
non ante hosce duos menses, Tuum doctissimum *Spicile-*

A


gium

PRAEFATIO.

sum: linguam autem Copticam, cujus sum expers, maluisssem a Forstero discere, quam ei de Copticis originibus disputanti obloqui.

- Habeo alias quoque Forsteri epistolas, in quibus mihi ex ore Banksii, familiaris sui & amici, multa scitu dignissima de novo orbe australi retulit, antequam vel animo consilium, illuc profiscendi concepisset, aut Banksius deprecatus iter esset: has quoque, nisi interea prodeant pleniores Banksiani itineris commentarii, publici juris faciam, modo gratum id fore lectoribus sciam: his autem addere latinis nolui, quia sunt lingua germanica scriptæ. Gættingæ die 27. Sept. 1772.





VIRO DOCTISSIMO

IOANNI DAVIDI MICHAELIS

S. P. D.

IOANNES REINOLDVS FORSTER.

Nescio an memineris me litteras ad te olim dedisse ex Porussia, quum prope Gedanum morarer, circa voces quasdam textus Ebræi, quas ex Aegyptiorum antiqua lingua explicare annisus sum.

Nunc postquam Russiam integram intra Europæ limites contentam peragravi, & partem deserti trans Volgam, inter nomades Chalmyecos perlustravi, ex longinquo itinere redux, in Anglia vivo; & quum possum, optimos libros ex Germania nostra allatos, evolvere. Verum id molestum, nos sero nimis accipere libros e Germania. Id mihi sæpe & iterato contigit, sero enim & non ante hosce duos menses, Tuum doctissimum *Spicile-*

A

gium



gium Geographicæ Hebræorum extera post Bochartum nactus sum. In evolvendo eo, quantum gaudium perceperim, vix verbis tibi exponere queo, hæc enim desultoria peregrinatio, nimium placuit mihi.

Inter legendum pauca, ex more meo adnotavi, non quod crederem ea Tibi usui esse posse, verum nonnulla credebam adhuc in maiori forte luce versari posse, quæ Tu pro more Tuo fatis lucide explicuisti; aliis, maxime Aegyptiis vocabulis, ipse ex Aegyp̄tia lingua lucem affundere posse, mihi visus sum: aliis denique novis argumentis robur me addere posse confidebam: quædam a Te adhuc dum intacta occupavi; & si hæc æquo animo accipere volueris, cuncta in sinum effundam Tuum, ut ea in Tuos sicut lubuerit convertas usus. Id vero unum iterum iterumque a Te efflagito, ut me hæc scripsisse credas, non uti castigationes in opus Tuum, multa variaque doctrina plenum, eo enim negotio me prorsus imparem scio: verum ut testimonium potius grati animi, quo me Tibi devinctum publice profiteor, quod tantum mihi & universo orbi erudito lumen circa rem Geographicam Veterum Ebræorum accendere volueris & ut simul experirer, an ea, in quibus de Te dissentio, Tibi placeant vel displiceant: id certe de humanitate Tua expecto, Te ab omni offensione alienum habiturum animum; quum non offendere, sed officii Te prosequi pro tenui modulo meo studeam. —

I. Video ex præfatione pag. xiii. *amicos Tibi suafisse ut exponeres, unde terrarum tam diffitarum notitiam habere Moses potuerit: doctiorem enim quam pro temporis ratione sperari possit, hoc eum in capite esse.* Video quoque Te multa hanc ad rem admodum pertinentia exposuisse. Verum liceat mihi quædam addere. Id credo me aliquando, si otium Deus fecerit, luce meridiana clarius conficere posse;

Regna Deorum et Semideorum Chronologiæ Aegyptiæ esse proleptica. Sequuntur in Manethone & Chronico Vetere apud Syncellum Regna Νευων, Astrorum, Μεσραιων vel uti forte rectius legendum μεζ - ciδ - ρη (Regnum circuli stellarum) i. e. Zodiaci, qui exinde quoque notus erat nomine μαζ - ciδ - ριουτ (Systema stellarum ortivarum). מורות Job. 38, 32. unde recte Svidas: Μαζερωθ, τα συσηματα των ασηρων α εν συνηθεια ζωδια καλενται. Id est hoc tempore Aegyptus erat quidem creata, at nondum habitata, nil enim nisi stellæ & lumina mundi eam fulgore suo replebant, & hæc ipsa tempora erant comprehensa XV. Generationibus ex Cyclo cynico & quidem spatio annorum 443. Annus quilibet ex Cyclo cynico, est quatuor annorum solarium unde si 4 duxeris in 443 habebis annos 1772 solares, a creatione primi hominis ad id tempus, quo primum Menes in Aegyptum cum familia sua commigravit: Annis 116 post diluvium: & si recte tempora cum historia



sacra comparaveris utique videntur XV fuisse generatio-
 nes ab Adamo ad Pelegum qui videtur vixisse circa 1772
 a mundo condito, quo scilicet tempore & Menes in
 Aegyptum primam coloniam deduxit. A. Mene ad
 Apappi mortem, in laterculo Eratosthenis, sunt anni 674;
 hi additi ad 1772 faciunt annos 2446; si addideris unum
 annum Achetchi successoris Apappi habebis annos 2447
 completos & initium anni 2448 a mundo condito; quo
 ipso anno ex Chronologia Hebræorum Moses Populum
 suum eduxit ex Aegypto. Iam observes velim; Mosē
 a filia regis susceptum & pro suo educatum & in aula ver-
 satum fuisse, usque ad annum ætatis suæ 40; regnante
 tum rege, qui Israëlitas opprimebat. Occiso Aegyptio
 Moses sibi timens, a rege profugus factus est: & 40 an-
 nis in deserto moratus est. Eis elapsis, Sacer codex nos
 docet, Deum Mosē edocuisse, eos jam obiisse qui mor-
 tem ipsius expetebant: id vero planissime docet hunc re-
 gem ultra 80 annos regnasse. Ubinam vero, quæso in
 historia Aegypti reperire poteris regem adeo longævum,
 nisi in hoc uno Apapo Eratosthenis subliteris, qui cen-
 tum regnavit annis. Moses ad munus suum a Deo mis-
 sus, miracula coram successore regis longævi, multa pa-
 travit, & anno uno peracto, uti creditur, ex Aegypto
 eduxit populares suos. En habes regem, unico tantum
 anno regnantem, & dein mari mersum; & is quoque in
 eodem laterculo adest. *Achetchus* enim uno tantum anno
 regnum tenuit. Apappus vocatur *μεγιστος*, *Gigas* ab
 Era-



Eratoſthene, *) & *Sefoſtris* erat 5 cubitos 3 palmos & 2 digitos longus teſte Diod. & Africano: vix igitur dubito huncce *Sefoſtrin* fuiſſe Apappum. Sunt & aliæ multæ rationes, quæ hæc ſuadent, verum nimis operoſum foret eas heic loci exponere, ubi veluti in tranſcurſu tantum monſtrare fat habeo, Moſen ſub *Sefoſtre* militaſſe & cum eo partem Africæ & Aſiæ in exercitu *Sefoſtris* perluſtraſſe, ideoque ipſi facile fuiſſe, nobis eas gentium origines, tanta accuratone tradere, ut pote qui in has res ſumma cura inquiſiverit. Quid nunc! Nonne hæc Tibi Tuiſque amicis ſatiſfacient? num *adhuc Moſes doctior videbitur, quam pro temporis ratione ſperari poſſit.* Ego potius miror, divinam providentiam, quæ ut incorruptas origines gentium ſervaret, easque nos curatius doceret, Moſen in ea tempora collocavit, in quibus optime origines eaſdem inveſtigare potuit, nimirum paucis poſt diſperſionem centuriis, quum ſub Duce bellicoſo, & in exercitu victrice, Aſiæ & Africæ regiones perluſtraret. Sed majus robur opinioni meæ addunt multa alia. Dic ſodes! qui factum eſt, ut Moſes non ante 40 ætatis annum prodierit inter populares, & cur non ante hanc ætatem, vindex factus oppreſſionis, vel quendam duriorem Aegyptium exactorem obtruncaverit? — Dein velim quendam ſatis doctum in Sacra Scriptura, mihi explicare Exodi i. v. 10. rationes, cur non ante regem illum lon-

A 3

gævum

*) vid. Iablonski in Catal. Eratoſt. ap. Alph. des Vignoles. T. 2.



gævum Aegyptii timuerint, ne Israëlitæ ad inimicos eorum transfirent. Scio multa in hanc rem disputata esse. Verum credo plerosque nil agere. At si dixeris, Mosen non potuisse populares invisere suos, quum in exercitu versaretur, in variis expeditionibus per Aethiopiam, quod Iosephus vult & Asiam cum Sesoistre; rationes habebis prorsus validas, cur populares suos tam diu neglexerit: dein si id observaveris, Sesoistrem cuncta ad expeditionem quam meditabatur longinquam domi præparasse, & ideo labores ingentes injunxisse Israelitis, eorumque pueros interfectos optasse, quo minus gens numerosa, & a Sacris Aegyptiorum aliena, possit ad inimicos transire, vel res domi novare, dum ipse cum exercitu abesset: illico occurret hanc, nec ullam aliam, esse veram rationem, explicandi hancce difficultatem. Adde his jam Diodorum p. 922. ex Hecatæo dixisse, Mosen vixisse eodem tempore cum Danao & Cadmo: Danaus autem semper creditus fuit frater Sesostris; ideoque recte Sesostris tempora cum Mosis temporibus coniungenda esse, maxime patebit. Herodotus *Sesostrin* medium facit inter *Moeridem* & *Proteum*, qui posterior regnavit temporibus Iliacis. Iam vero *Moeris* est *Mares Laterculi* Eratosthenici; nam Herodotus dicit se vidisse 330 statuas regum ante *Moeridem*; ex vero statuæ erant symbola annorum, is enim *Moeris* exacte 331. anno post Menis initia regnare desiit. *Ertosichermes* apud Eratosthenem est *Proteus*, nam nomen *Ερτοσι* est teste Iablonskio *Ερτωσι* causa



causa generationis, vel *virium plasticarum* & idem pene $\pi\rho\omicron\tau\eta\lambda$ significat & hoc facile quisque nomen *Protei* esse videbit. *Apappus* itaque quem ego *Sesostirim* esse contendo, quoque est medius inter *Marem* & *Ertosi* reges. Sunt alia plurima quæ pro firmanda mea opinione adducere possem, sed ea non sunt hujus loci. Sufficit me rationes gravissimas adduxisse, quibus perspectis pateat, *Mosen* utique potuisse optime origines gentium tradere, quia plurimas gentes cum *Sesostre* perlustravit. —

II. De $\square\text{N}$ regiones p. 139.

Quæ illo loco de origine & significatione vocis $\square\text{N}$ disputantur, ea etiam ex lingua Coptica seu antiqua Aegyptia confirmari possunt. Illis $\nu\chi\eta\zeta$ est *habitare* & *habitatio*, quod adeo cognatum voci $\pi\eta\eta$ & اوي est, ut vix possim dubitare, primis temporibus non adeo discrepasse has linguas, quam postmodum. $\tau\epsilon\nu\chi\eta\zeta$ *habitatio* est *Teveh*, vel *Tebeh*, vox unde explicare poteris *Herodotum* dicentem l. II. c. 15. edit. Galei. $\tau\omicron\delta' \omega\nu\ \pi\alpha\lambda\alpha\iota\ \alpha\gamma\ \Theta\eta\beta\alpha\iota\ \text{Αιγυπτος}\ \epsilon\kappa\acute{\alpha}\lambda\epsilon\epsilon\tau\omicron$ erat enim semper pars ejus *habitabilis*; inde etiam explicare licet locum *Plinii* l. 6. c. 29. ubi ait *Troglodytice quam pristini Michoën, alii Midoën dixerunt*. Est illa vox Aegyptia, nam *Troglodytæ* erant vicini ex parte Aegyptiis & partem versus arabicum sinum tenebant. $\text{U}\zeta\alpha\delta$ *Mehau* est $\sigma\pi\eta\lambda\alpha\iota\omicron\nu$ vel $\tau\epsilon\omega\gamma\lambda\eta$, $\nu\chi\eta\zeta$ *habitatio*: itaque *Mehacueh* quod Latini & Græci



Græci vix aliter efferre potuerunt quam *Michoë*, erat *habitatio speluncæ* i. e. exacte *Troglodytice*.

III. מצרים *Aegyptus*. p. 157. —

Aegyptios credo nomina terræ suæ primum imposuisse, & inde quoque originem nominum, quibus appellata fuit ab aliis gentibus, esse repetendam. Aegyptii, ut Syncellus ex Antiquo Chronico habet, docebant *Vulcanum primum in Aegypto regnasse*, dein vero *Solem*. Hinc nomina Aegypti sunt orta: Stephanus & Eustathius nos docent *Hephaistiam* eam fuisse appellatam; inde ipsius nomen חַיַּיִשׁ - פְּתַאשׁ *domus mundana Vulcani*, *Aegophthash*: deinde legimus eam appellatam fuisse *Aëriam*, sic enim *Appollodorus*, Schol. Apollonii Eustath: in Dionys. Perieg. Hesychius, Stephanus & Eusebius in Chronico uno ore profitentur: hæc vox est חַי - פַּה *Aërè*, *domus solis*: inde etiam tota regia vocata *ager solis* חַיַּיִשׁ - פַּה, & hoc ipsum est Arabica vox مِصْر *Mesr* & Hebræorum *Mizraim*, id enim formatum, ut exprimeret vocem חַיַּיִשׁ - פַּה in singulari מִצְרָה, & cum pluralem inde formare placuerit, quia plures Aegypti *agri* erant *solares*, id factum puto more Chaldaeorum, mutato *He* in *Iod* & retracto tono, unde planissime orta vox מִצְרַיִם, Sed & alio nomine, vocata *Aegyptus*, de quo nulla nisi in sacris exstant vestigia, & tamen ejusdem pene ac *Mizraim* & *aeriæ* significationis פַּה - דַּסַּב est *solis sacra*, scilicet *terra*; & hoc expri-



exprimit vocem *Rahab* vel *Raab*, qua in Sacro Codice Aegyptus indigitatur.

4. עמלק *Amalek arabicæ originis.* p. 170, etc.

Amalecitæ incolebant uti ex S. S. apparet, meridionaliores regiones quam Iudæa & Ziklagum, & imprimis uti mihi videtur, patet, eas, quæ sunt circa urbem *Larissam*, quam Arabum scriptores vocant *El — Arish* cuius castellum nunc superstes, vocatur *Kalah Rissa*; hanc urbem eandem credo esse ac S. S. locum *Rissah* Num. 33, 21. 22. Hæc est illa, in Aegyptiorum historia celebris urbs *Abaris*, in quam pastores Arabes concessere, qui Aegyptum per tempus 250 annorum & 10 mensium, teste apud Iosephum Manethone, tenuere. Ideoque credo Amalecitas, quorum mentio facta Exod. 17, 8. &c. & Num. 14. v. 43 & 45. esse eos pastores, quos Aegyptii, sua lingua vocabant *pastores cinctos*, i. e. *reges* *ἑρκ-υδς*, *Υισος* *, & quorum rex supremus, i. e. primarius inter principes tribuum, nomen gerebat *Agagi* i. e. *ἑρκ-ἑρκ*. *cinctus cinctorum* seu *princeps principum*. Amalecitæ hi erant gens nomadica, Arabes origine, pastores genere vitæ; quum audissent Israëlitæ ex Aegypto discessisse, in eos irruerunt, ut in paratam prædam; at repulsi tum temporis fuere; dein ex nimia alacritate injussuque Dei, eos

*) vide Iablonskii Prolegomena ad Pantheon Aegyptiorum §. LVII. p. CXXX — CXXXIII.



eos invadentibus Israëlitis; conjuncti Cananæis fociis,
 Israëlitas profligarunt; qui exinde magnum desertum ad
 orientem petiere, ibique 40 fere annos, vitam egere.
 Amalecitæ hoc successu elati & videntes, Aegyptum
 non tantum misere afflictam manu Dei, verum & omne
 quod in exercitu erat virium, cum rege in mari rubro
 interiisse, semper intenti rei gerendæ, inhiantesque
 prædæ, vacuam viris Aegyptum adoriantur regnante
 rege אַמֻנְטַאִו - אַמֻנְטַאִו *Amuntæo* i. e. *Ammanodoto* (ap. Era-
 tosth:) qui a Manethone (ap. Ioseph.) appellatur *Tiamus*
 vel *Ti-anun* תִּי - אַמֻנְטַאִו. ab *Ammone* *datus*, quod
 revera idem nomen est; ac primum inferiorem Aegy-
 ptum tenuere, 25 Annis post Exodum; tum vero solis
 parebant principibus tribuum; verum mox unum
 eorum, cæteris præesse voluerunt regis titulo חֲגִי - חֲגִי.
Agag, ab Aegyptiis mutuato vocabulo, quem titulum,
 reliqui eorum reges semper servarunt, at ab Aegyptiis
 vocatus fuit is princeps *Salatis*, genere peregrinus,
 חֲדַיִל - חֲגִי. Dein plures reges eis præfuerunt in Aegypto,
 & bis in ipsam usque penetrarunt Thebaidem, nempe
 sub *Chostertoro* apud Eratosthenem & *Akouneioscho*.
 Verum Aegyptii paulisper vires recipiebant, et pastores
 primum duce *Pentheathyri*, Summo sacerdote τῆς Αἰθῶς,
 Πενθεαθῦρι - Αἰθῶρι, Thebaide ejecerunt & mox tota
 Aegypto expulerunt, sub rege cui nomen, *Marises* vel
Ramises, cujus obeliscum Hermapion apud *Ammianum*
Marcellinum explicuit. Omni hoc tempore altum de
 Ama-



Amalecitis silentium in S. S. Verum circa Gideonis tempora Iudic. VI. 3. denuo in societate Madianitarum apparent, non enim erant amplius adeo validi, fractis eorum in Aegypto viribus, ideo forte in clientelam Madianitarum sese dederant, iisque juncti Israëlitiden invaserant. Videbis facile mirum consensum. Quamvis enim fractæ eorum vires erant in Aegypto, tamen satis adhuc validi erant & circa *Rissam* s. *Rhinocoluram* diu sunt morati, nam & tempore Davidis, in iisdem regionibus hærebant. *Abaris* vel *Avaris* est Aegyptiorum ΒΑΚΙ ΑΡΡΗΧ *urbs termini*: vel sic dicta fuit dialecto Thebaidis ΕΠΑΡΡΗΧ *versus fines, finalis, terminalis*, unde ortæ voces Αβαρις, *El-Arish*, *Rissah*, *Kalah Rissah*, & *Larissa*.

En habes, Vir Doctissime, quas nunc Tecum communicare potui Observationes. Si hæ, Tibi arriserint, dignæque videbuntur, ut possint publicari: non recusabo plures, occasione data, addere; Quum enim, per plures annos, Geographiam & Historiam antiquam Aegypti, ex lingua Aegyptia illustrare studuerim, id forte aliquando, si otium fuerit, spero me ostensurum historiam Aegyptiorum, non esse prorsus adeo confusam, vel difficilem, quam vulgo creditum est; & geographiæ antiquæ Aegypti sæpius lumen accendi posse a linguæ Aegyptiæ peritiis.

Sin trita pleraque in hisce Observationibus censeris, & talia quæ vix lucem publicam ferre possint; id Tuo in hisce rebus consumatissimo iudicio, me tribuere scito;



ut ea omnia supprimas : id mihi sufficit, me in hisce quædam voluisse, ac conatum fuisse lucem accendere majorem, quibusdam vocibus & phrasibus S. S. Plures forte & magis elaboratas addidissẽ Observationes, nisi temporis penuria laborarem, aliis quamplurimis laboribus distriktus. Vale igitur Vir Doctissime, idque credas velim, me imprimis id studere, ut Tibi placeam; *principibus enim placuisse Viris non ultima laus est*, iterum Vale. Dabam Londini die V^{ta} Septembris
CICIDCCCLXXI.

V. פוט *Et Phut.* p. 160. seqq.

Et si dubius sim an revera, hoc nomen Phuti ex lingua Aegyptiorum antiqua sit derivandum; quia adeo remotas ab Aegypto sedes habebant *Phutæi* ad flumen Φουθ: id tamen in mentem mihi venit, eas gentes quas Moses capite X Geneseos enumerat, primis temporibus, Aegypto vicinas vixisse, & paullatim ad ultimum usque Occidentis mare migrasse, & nomen *Phut* sic conservasse. Est enim ΠΖΟΥΤΗ *occidens* (*Photp.*) apud Aegyptios. Ultimum Π suspicor non pronunciatum fuisse: quia idem in aliis vocibus ejusdem originis video neglectum. Sufficiat unum heic loci adduxisse exemplum: Herodotus lib. 2. c. 30. hæc habet ἐπὶ ψαμμητιχῆ βασιλεως φυλακαὶ κατεσασαν ἐν τῇ Ἐλεφαντινῇ πόλει πρὸς Αἰθιοπῶν, καὶ ἐν Δαφνησί τῇσι Πηλυσίησι ἀλλῇ δὲ πρὸς Ἀραβίων τε καὶ Ἀσσυρίων, καὶ ἐν Μαρῇ πρὸς



προς Λιβυη ἀλλῃ. Plinius lib. 5. c. 10. de Lacu Mareæ vel Mareotico, scribit, *qui lacus antea Arapotes nominabatur*. Jam vero utrumque nomen ex Aegyp̄tia lingua haustum: *Mareæ* ἐστὶ μα - ἀρεζ *Maareh*, *locus custodiae*: & *Arapotes* mihi quidem videtur esse ἀρεζ-πζοϋπ. *custodia occidentis Areh-phot*. Unde mihi quidem suspicio orta π in vocibus hujus generis neglectum a græcis imprimis & ab aliis quoque exteris gentibus; quia sonum nimis barbarum exprimeret, legendo *Photp*. & sic inde forte *Phot* vel *Phut* ortum.

VI. *Ludim* לודים p. 256 seqq.

Ludæos credo esse incolas regionum, quas Aegyp̄t̄ii olim appellabant *Anafes* & quas Strab. lib. II. p. 89. edit. 1587. graphice describit, loquens de *Africa* seu *Libya*: Εἰς δ' ὡς περὶ αἱ ἀλλοὶ δηλοῦσι καὶ δὴ καὶ Γνωστὸς Παισῶν ἡγεμῶν γενομένου τῆς χώρας, διηγεῖτο ἡμῖν, εἰκνυῖα παρδάλει καταστῆκτος γὰρ ἐστὶ ταῖς οἰκησεσὶ περιεχομέναις ἐρημῶ καὶ ἀνυδρῶ γῇ καλῶσι δὲ τὰς τοιαύτας οἰκησεις Ἀνασεις (NB non Ἀνασεις) οἱ Αἰγυπτῖοι. Hic Strabonis locus, eadem fere refert, ac verba ejusdem scriptoris l. XVII. p. 544 & 559. sunt enim hæc loca, veluti insulæ maris, arenis & desertis cinctæ. Romani eadem loca *Oases* appellabant. *Stephanus* ethnicographus habet Ὑασίς πόλις Λιβυῆς, λεγεται καὶ Οάσις, & alio loco Ὑσάις νήσος μικρά καὶ μεγάλη Αἰθιοπῶν. Ἐκαταίος περιηγήσει



Αἰγυπτοῦ. Οἱ νησιῶται Ὑσαῖται, ὡς Οἰασῖται.
Auasīs, Oasīs, Hyasīs & Hysaīs mihi videntur nomina
 ejusdem loci vel potius regiuncularum plurium in me-
 diis Africæ desertis cultarum & habitatarum, unde illis
 quoque nomen hæsit, nempe ΟὐΗΖ-ΧΑΙΕ *habitatio de-*
ferti, Oueh-dsaie. Hæc loca erant sita, post montes
 arenosos, latus occidentale Aegypti cingentēs. Hero-
 dotus hosce colles, montem *Psammium* vocat; *Τινωδης*
 mons Ptolemæi idem esse videtur, qui nostra quoque
 ætate vocatur *Ramlich* ab Arabibus, unde & ab Aegyptiis
 quoque idem nomen accepit ΤΑΥΔΣ ΕΣΤΕ ΠΥΛΑΜΜΕΖ
mons arenæ. Hæc igitur *Oasēs* erant sitæ in locis admo-
 dum altis, respectu Aegypti, unde ΕΛΟὐΗΖΧΑΙΕ, *Eloueh-*
dsaie nomen eisdem datum, *alta*, seu *elata habitatio de-*
ferti, & idem quoque nomen apud Arabes gerunt, *Elou-*
ath enim appellantur, & si consulere volueris Lexico-
 graphum, quem *Schultensius*, magnum arabicarum litte-
 rarum decus, in notis ad vitam Saladini exhibet, repe-
 ries tribum *Alberber* البربر & *Lawada* لوانة habitantes
 in الواح *Ehwah*: Hanc tribum *Lanvatae*, ad *Ludæos* in-
 colas *Oasidum* referre mallet, & eorum nomen a voca-
 bulo Aegyptio supra explicato, ortum suspicor. Quum
 vero omnis Africa teste Strabone, interstincta sit pluri-
 bus *Auasibus*: nullum mihi dubium est, eosdem *Ludæos*
 a Marmolio relatos, Arabes quidem esse, sed incolas
Auasidum, & ideo nomen eorum ab Aegyptio vocabulo
 derivatum.



VII. *Lehabim.* להבים.

Lubenter hic Tibi Vir Doctissime, assentior, & nomen *Libyæ* agnosco: nomen vero Aegyptiæ originis esse suspicor. *Libyæ* nomus erat extra fines Aegypti, quæ Nili inundatione fertilitatem potissimum accipiebat, & hic nomus quoque Aegypto erat multo altior ideo על-דשה, *alta habitatio*, *Eloueh* vel *Elbeh* vocata forte fuit.

VIII. *Naphthuchæi* נפתחים.

Quæcunque magnus *Paul Ern. Jablonskius Panthei Aegypt.* Lib. V. c. III. p. 115 seqq. imprimis vero §. 4. p. 120. de nomine εσεψθηδω disputat, ea ad nostrorum Naphthuchæorum patriam referenda esse censeo: id tantum addens, vocem χαι vel χα in Aegyptiacis vocabulis non raro terram significare; foret itaque εσεψθηδωχα *terra ventosa*, *Nephtheucha*. Quam bene hæc quadrent in Naphthuchæam, nolo pluribus ostendere, quum jam omnia ab eruditissimo Jablonskio sint occupata: ideoque suspicor terram desertam inter Aegyptum & Arabicum sinum vel mare hic intelligendum esse.

IX. *Pathrusim.* פתרוסים. p. 271. Gen. X. & Jerem.

XLIV. 1. Ezech. XXIX. 14.

Neque in hujus gentis nomine quidquam monendum habeo postquam plurima a Jablonskio jam observata video. *Panth:* Aegypt. L. V. c. III. §. 5. p. 122. 123.

Est



Est enim utique intelligenda *Thebais*, quæ sine dubio, prima pars Aegypti fuit colonis frequentata; quum inferior Aegyptus palustris nimium, nullos habere posset incolas: unde & a Prophetis patria Aegyptiorum appellabatur. *Terra australis* est $\pi\alpha\kappa\zeta\upsilon\ \phi\alpha\theta\upsilon\rho\eta\varsigma$ vel $\pi\alpha\theta\upsilon\rho\eta\varsigma$ *Phatoures* vel *Patoures*; & inde quoque nomen *Phanturites* explicandus inserto $\epsilon\varsigma\ \phi\alpha\epsilon\varsigma\theta\upsilon\rho\eta\varsigma$.

X. *Casluchæi* כסלחים. XI. *Caphthoræi* כפתורים.

In tanto dissidio interpretum, vix dispiciendum, quam potissimum sententiam arripias: itaque nolim Vir Doctissime Te credere me sententiam multo probabiliorum propositurum, verum quæcunque de hac gente & de Caphthoræis disputavero ea Tuo in his rebus acerrimo iudicio submitto lubens. Sed ut melius de utrisque differere possim, junctim de iisdem observationes quasdam Tecum communicare animus est. Ex eis, quæ his præmissi, jam forte cognoveris, gentes capite X. Geneleos a Mose memoratas, fere omnes habitasse in regionibus non ita multum ab Aegypto dissitis, vel tamen Sesostris expeditione exploratis. Itaque quo viciniore sunt gentes Aegypto, eo lubentius Mosis cognitae easdem fuisse, suspicor. At si ex ipso Mosis testimonio patet, hæc gentes primis a diluvio seculis sedes mutasse, utique magis ad veritatem ea sententia accedere videtur, non adeo remotas ab Aegypto & Palæstina, easdem gentes sedes occupasse.

His



His igitur præmissis ad Casluchæos & Caphthoræos redeo. Vix dubio mihi locus esse videtur voces ultimas versus 14^{ti} transpositas esse, quemadmodum id a Te Vir Doctissime p. 278. monitum video. Philistæi igitur a Caphthoræis, & forte quoque a Casluchæis orti fuere. Primis a diluvio seculis, & quidem Abrahami jam tempore, Abimelech Philistæus Gerarensum erat rex; ideo hi Caphthoræi & Casluchæi in vicinia sunt quærendi. Inter Gazam & Pelusium erat regio *Casiotis*, a monte *Casio* nomen gerens, qui deserto undique erat cinctus, unde in hanc regionem utique nomen *terræ desertæ* quadrabat; $\chi\alpha - \chi\alpha\iota\epsilon$, *Chadsaie* vel $\kappa\alpha\zeta\iota - \chi\alpha\iota\epsilon$ & omisso ι , $\kappa\alpha\zeta - \chi\alpha\iota\epsilon$. *Kahdsaie*. At hæc ipsa deserta regio, quoque circa mare paludibus & barathris erat infesta, quarum *Serbonis* palus, maxime celebris fuit; circa ipsum Pelusium erant aliæ paludes; unde hæc regio *terra deserti paludosa, lutosa*, dici merebatur, quod Aegyptii dixissent $\chi\alpha - \chi\alpha\iota\epsilon - \lambda\delta\iota\zeta\iota$. Nam & ipsum *Pelusium*, Sin scriptorum sacrorum, vocabatur *Lychnos* ab Aegyptiis $\lambda\delta\iota\zeta\iota - \epsilon\chi\delta\chi\eta\zeta$ *habitatio luti, Lutetia*. Inde & arridet mihi Thargum Hierosolymitanum hic *Pentafschœnitas* intelligens.

Caphthoræi his videntur fuisse magis ad occidentem, circa Tamiathim vel Damiaten, id enim olim apud *Baraterium in Benjaminis Tudelensis Itinerarium* me legisse memini, sed cum nunc librum ejus non in promptu habeam, nescio ex quo hanc opinionem hauserit scriptore.



ΚΑΖ-ΠΕΤΩΔΗΡ significat, *terram Hori*, vel *quæ ad Horum spectat*, & *quæ est Hore* i. e. *soli sacrata*. Ex his Aegyptii gentibus, Casiotidis nempe incolis & Damiatensibus, Philistæi sunt orti antequam Abrahamo Isaacus filius nasceretur, jam Philistæus Geraræ erat rex. Quum Elamitarum rex, cum sociis Amalecitidem vicinam Casiotidi vastaret, nulli Philistæi in Palæstina erant, nam sine dubio vim quoque armorum Kedor Laomeri essent experti. Igitur medio intervallo huc commigrarunt. Et si dicere licet quod suspicor; Amalecitarum reliquiæ ab Elamitis pressi, videntur in Casluchæos & Caphthoræos impressionem fecisse; qui non solum Amalecitas submoverunt, verum & *Avvæos* circa Gazam deleverunt, & eorum sedes ad Ioppen usque occuparunt, prope mare, cui ut credo consueverant in priscis sedibus. Successu temporis quidam ex his Philistæis videntur *Lapetum Cypri* occupasse, & quidem intelligendi sunt ii *Aethiopes*, qui Herodoto l. 7. c. 88 teste Cyprum incolebant. Circa Ioppen vero olim Aethiopiam fuisse notissima res est, ideo Philistæos vel Caphthoræos Ioppæ vicinos in Cyprum trajecisse suspicor; & ab his Cyprus quoque nomen *Caphthor* accepit. Non mirum est Horo sacram fuisse hanc Aegypti partem: Aegyptii enim teste Luciano, nominibus Deorum multum utebantur.

Hæc Vir Doctissime sunt ea, quæ nunc in Tuum Spicilegium in Bochartum annotare, Tecumque communicare duxi: Tui facio iudicii, quid cum illis observatiunculis

culis sit faciendum. Video quidem Te in litteris Tuis ad me datis, non solum benigne de eis sentire, verum & magnifice, & ideo optare ut publici fiant juris. Etsi id magno mihi honori ducam, hæc Tibi non prorsus displicere, id tamen quoque probe novi, quam parum etymologiis sit fidendum, & quam facile nosmet ipsi in hisce inventiunculis placeamus nobis ipsis; ideoque velim Te, Vir Doctissime, ita de his meis observatiunculis statuere, quemadmodum judicaveris re bene pensitata. Video quoque Te, quod Virum Tui, i. e. consumatissimi iudicii, decet, dubitanter de meis in Spicilegium Tuum notulis pronunciare; immo & dubia quædam proferre. Liceat mihi, obsecro, eisdem quædam reponere; Tu pro veritatis insigni amore, disquiras num mea dicta Tibi satisfacient, vel minus.

Primo loco mones, Mosen, si Aegypcio exercitui præfuisset, vix sibi temperare potuisse, quin ea ipse retulisset: ideoque dubitas, num Iosepho sit fides habenda, dum refert Mosis expeditionem contra Aethiopes.

Si Moses adeo fuisset gloriæ cupidus, veluti plures nunc inter Viros eruditos reperiuntur; qui quicquid agant vel ipsi, vel per alios & discipulos imprimis suos, extollunt, magnificant, deprædicant, utique id expectandum foret: Verum Moses non tantum fuit Vir summæ modestiæ, sed et alienum id putavit esse a fine quem sibi præceperat in scribendis libris suis. Moses nil meminit de *sapientia qua eruditus fuerat*; neque id sibi gloriæ du-



cit, se fuisse *potentem dictis & factis*, neque id sciremus nisi Stephanus protomartyr hæc observasset. Moses non nisi matrem solam refert abscondidisse se ipsum infantulum: at Paulus in Epist. ad Hebræos refert, id factum a *parentibus*, vel uti suspicor patre, avo, & forte proavo: idem nos certiores facit, Mosen majores duxisse divitias probrum Christi, quam Aegyptiorum thesauros, de his ne verbulum apud Mosen; nec unquam Moses adeo gloriose de se loquitur ut Nehemias passim. Imo quotiescunque incaute seipsum egisse quædam credebat, id ingenuè fatetur, majorem gloriam id ducens, quam artificiose celare, quæcunque incuria, aut animi perturbationibus abreptus peccavit. Ideo nollem hæc a Mose expectare, ut historiæ populi Israelitici infereret, quæcunque aliena esse a proposito suo putabat. Sufficiebat ipsi memorias gentis suæ & progenitorum colligere, mundi creationem, hominis originem & peccatum, foedera & promissiones dei, divinæ justitiæ exempla in puniendis peccatoribus, virtutum exempla & præmia. Providam dei curam, circa homines sanctos, eorumque posteritatem; & quantum numini supremo cordi sit quæcunque pollicitus fuerit hominibus virtutem sancte colentibus, certissime exequi. Denique gentium origines & conversiones; cum legibus & cultu a Deo populo jam suo præscriptis. Imo vanam gloriam potius reputabat, quam sibi olim pepererat, dum in exercitu Sesostris militaret, vel ipse ejus exercitum duceret; ideoque con-

consulto omnia neglexit referre, quæ suo ductu fuerant gesta. Sunt tamen plurima maximique momenti argumenta, quibus utique conficere liceat, Mosen habuisse haud vulgarem scientiam rei militaris & tactices. Sic enim Moses ipse videtur, id non obscure indigitare, dum Israëlitas ex Aegypto refert processisse חמשי, i. e. quinque aciebus (in fünf Colonnen): dein Levitici capite 2^{do} utique pulcrum habes rationem castrametandi a Mose descriptam, ne plura hic ob brevitatem moneam. Hanc scientiam rei militaris utique nonnisi experientia Moses acquisiverat, & quidem uti suspicor, dum in Aegyptiorum exercitu versaretur. Iam supra Sanctum Stephanum testem adduxi, sapientiæ Mosis inter Aegyptios quæsitæ: is illico addit, *eratque potens dictis & factis*, hæc verba non referenda censeo, ad res gestas Mosis post annum ætatis quadragesimum, verum potius ad ejus clare gestas res ante quam hanc ætatem attigisset & dum in exercitibus Aegyptiorum versaretur, nam expressis verbis hæc omnia, post hæc a Sancto martyre commemorantur, qui imprimis versu 36 addit: *Hic eduxit eos editis prodigiis & signis in regione Aegypti & in rubro mari & in deserto annis quadraginta*: id igitur inde patet magnam claritatem Mosen sibi parasse inter Aegyptios, ut merito dici posset a viro Θεοπνευστω *potens dictis & factis*. Sed & ipse Moses quædam innuit modeste equidem de sua claritate & potentia in bello armis, consiliisque parta: Exod. II. versu 10. Moses dicitur *grandior*



dior factus & a matre nutrice ad filiam Pharaonis adductus, dein versu II. denuo memoratur *Moses grandior factus* processisse ad videndos fratres suos: hæc certe facta, cum jam esset quadraginta annos natus, ideoque de augmento staturæ non sunt accipienda hæc verba, sed potius de incremento potentiae, & claritate consiliiis verbisque parta.

Secundo loco dubium moves ex Exod. XII. versu 40, & uti ex verbis Tuis colligo, textus Hebræi Chronologiam Samaritanæ præferendam censes; maxime quia & numerus populi a 70 in 600,000 aucti, pro Hebræo faciat textu.

Nondum de hac re judicandum censeo, donec Clarissimus & doctissimus *Kennicot* publicaverit Varias lectiones hebræi textus, interim & alia pro breviori mora Israelitarum in Aegypto facere credo, vel ad minimum numerus populi a 70 ad 600,000 aucti non contra hanc sententiam mihi militare videtur. Moses recenset Israelitas ætatis militaris omnes, quorum numero utique servitia inclusa credo, Abrahamus enim servos armaverat 318, itaque non alienum a moribus ejus ætatis servos recensere inter viros militaris ætatis, maxime quum illis liberalis, uti credo, inter Israëlitas erat servitus. Iam vero & servos video ab Abrahamo circumcisos Genes XVII. 23. unde patet eos hac ratione ad foedus divinum cum familia Abrahami pactum admissos fuisse. Pharaon Gen. XII. 16. & Abimelech Gen. XX. 14. Abrahamo servos & ancillas



las plures dono dederant. Partem servitiorum Abrahami comprehensam fuisse credo donis, quibus dimisit liberos ex concubinis & uxoribus susceptis. Gen. XXV. 6. Dein Isaacus dicitur habuisse famulitium magnum. Gen. XXVI. 14. Iacobus antequam Palæstinam ingrederetur habuit ancillas & servos. Gen. XXX. 43. Sed quum benedictione Isaaci, jura primogenituræ ab Esauo emtæ confirmata haberet, Gen. XXV. 30--34. XXVII. 19. 29. 36. 37. utique videtur eum hoc iure esse usum, ideoque duplicem portionem hæreditatis accepisse, post mortem Isaaci, quæ addita opibus in Mesopotamia acquisitis, utique Iacobum virum fecit, pro temporum ratione opulentum & imprimis valentem ob famulitium numerosum. Has opes & servitia utriusque sexus plura Iacobus in Aegyptum secum duxit, at 70 tantum enumerantur ex posteritate sua: quum vero ex Aegypto egressi essent & omnes ætatis militaris Israëlitæ numerarentur, numerus eorum fuit 600,000, additis nempe servitiis, qui tum jam in familiam vel gentem Israëliticam coaluerant, & quos inter militaris ætatis homines recensere, tum temporis solemne erat: & quia omnes olim ab Abrahamo, ejusque posteris circumcisi erant, utique ad populum Dei & familiam Abrahami pertinebant.

Possẽ equidem Vir Doctissime heic loci subsistere: Verum liceat mihi dum in hoc sum argumento, quasdam addere rationes, quibus inductus credo, Moſen non
semper



semper in Aegypto versatum fuisse, sed plures quoque exteras regiones oculis lustrasse.

Paradisi situm, & regionum ei vicinarum, merces quoque præcipuas adeo graphice a Mose descriptas video Gen. II. 10 -- 14. ut vix mihi sit dubio locus, hæc omnia ab autopta delineata esse. Nam nunc, quum pictos ut moris est, ediscimus in pueritia orbis, facile nobis est de regionibus longinquis loqui, etsi eas nunquam invisimus, easque aliis graphice describere valemus: at Mosis tempore alia fuit ratio; vix de aliis regionibus quidquam cognitum habere poteras, nisi ipse easdem perlustrasses.

Si expeditionem regis Elamitarum, sedes urbium in regno Nimrodi Babylonio, & Assyrias urbes, imo & limites terræ promissæ descriptos Num. XXXIV. 3 -- 12. paulo curatius confidero, magis magisque in ea confirmor opinione, Mosem Sefostris fuisse socium in expeditione ipsius, ab omni antiquitate celebrata. Et undenam Israëlitæ didicissent artem describendi Palæstinam in tabula quam vocamus Geographica Ios. XVIII. 9. nisi ab Aegyptiis & Sefostre, qui primum, orbem quem peragraverat, tabula descripserat, teste Eustathio in Dionysium Periegetem p. XII. in procemio?

Etsi nunc omnia, quæ ad primam partem Spicilegii Tui, quam hucdum perlustravi, annotare potui in Tuum effuderim sinum: non tamen hic subsistam, verum & addam quasdam observationes ad loca Codicis sacri



facri in quibus urbes Aegypti memorantur & annitar,
earum nomina ex Aegyptiæ linguæ reliquiis illustrare.

XII. *No Amon* אֲמֹן אֵן

Ammonia numen Aegyptiorum, quod Græci per Iovem explicare solent, hic sub voce אֲמֹן latere, nulum mihi dubium est. Plures in Aegypto fuere urbes huic numini sacratæ, quas omnes Græci *Diospoles* appellabant. Stephanus ethnicographus accuratus imprimis auctor hæc ad vocem hanc annotat: *Διοσπολις ἡ μεγάλη πόλις τῆς Αἰγυπτίας Θεβαίδος*; quibusdam interjectis addit: *εἰσι δὲ καὶ ἄλλαι μικραὶ ἐν Αἰγυπτῷ τεσσαρες*. Magna Diospolis nullo dubitante & Thebarum nomen gessit. In eadem Aegypti superioris parte, alia quoque erat minor Diospolis, illa maiore inferior, inter Tentyram & Abydum sita, & ex Strabone, Antonini Itinerario & Notitia imperii satis cognita. Tertia Diospolis erat teste Svida voce *Δεμετριος*, posita *ἐν τοῖς Ελεσι*: & Strabo quoque hujus meminit, dicens eam fuisse *πλησιον Μενδητος*, & addit *καὶ αὐτὴν περιλιμναι*. Quarta & Quinta ignota sunt plerisque Geographis loca. In Notitia Episcopatuum Aegypti, apud Beveridgium, Pocockium & Commanvilleum, Pachnamunis & Diospolis sunt distinctæ sedes Episcoporum, in provincia Aegypti secundæ. Βακι Aegyptiis significat *urbem*, id vero a græcis non raro legebatur Βαχι vel Βηχι, sic enim Herodotus disertis verbis



semper in Aegypto versatum fuisse, sed plures quoque exterarum regiones oculis lustrasse.

Paradisi situm, & regionum ei vicinarum, merces quoque præcipuas adeo graphice a Mose descriptas video Gen. II. 10 -- 14. ut vix mihi sit dubio locus, hæc omnia ab autopta delineata esse. Nam nunc, quum pictos ut moris est, ediscimus in pueritia orbes, facile nobis est de regionibus longinquis loqui, etsi eas nunquam invisimus, easque aliis graphice describere valemus: at Mosis tempore alia fuit ratio; vix de aliis regionibus quidquam cognitum habere poterat, nisi ipse easdem perlustrasset.

Si expeditionem regis Elamitarum, sedes urbium in regno Nimrodi Babylonio, & Assyrias urbes, imo & limites terræ promissæ descriptos Num. XXXIV. 3 -- 12. paulo curatius confidero, magis magisque in ea confirmor opinione, Mosem Sesostris fuisse socium in expeditione ipsius, ab omni antiquitate celebrata. Et undenam Israëlita didicissent artem describendi Palæstinam in tabula quam vocamus Geographica Ios. XVIII. 9. nisi ab Aegyptiis & Sesoistre, qui primum, orbem quem peragraverat, tabula descripserat, teste Eustathio in Dionysium Periegetem p. XII. in procemio?

Etsi nunc omnia, quæ ad primam partem Spicilegii Tui, quam hucdum perlustravi, annotare potui in Tuum effuderim sinum: non tamen hic subsistam, verum & addam quasdam observationes ad loca Codicis sacri



sacri in quibus urbes Aegypti memorantur & annitar, earum nomina ex Aegyptiæ linguæ reliquiis illustrare.

XII. *No Amon* אֲמֹן אֵן

Ammonia numen Aegyptiorum, quod Græci per Iovem explicare solent, hic sub voce אֲמֹן latere, nullum mihi dubium est. Plures in Aegypto fuere urbes huic numini sacratæ, quas omnes Græci *Diospoles* appellabant. Stephanus ethnicographus accuratus imprimis auctor hæc ad vocem hanc annotat: *Διοσπολις ἡ μεγάλη πολις τῆς Αἰγυπτίας Θεβαϊδος*; quibusdam interjectis addit: *εἰσι δὲ καὶ ἄλλαι μικραὶ ἐν Αἰγυπτῷ τεσσαρες*. Magna Diospolis nullo dubitante & Thebarum nomen gessit. In eadem Aegypti superioris parte, alia quoque erat minor Diospolis, illa majore inferior, inter Tentyram & Abydum sita, & ex Strabone, Antonini Itinerario & Notitia imperii satis cognita. Tertia Diospolis erat teste Svida voce *Δεμετριος*, posita *ἐν τοῖς Ἐλεσι*: & Strabo quoque hujus meminit, dicens eam fuisse *πλησιον Μενδῆτος*, & addit *καὶ αὐτὴν περιλιμναι*. Quarta & Quinta ignota sunt plerisque Geographis loca. In Notitia Episcopatum Aegypti, apud Beveridgium, Pocockium & Commanvilleum, Pachnamunis & Diospolis sunt distinctæ sedes Episcoporum, in provincia Aegypti secundæ. Βακι Aegyptiis significat *urbem*, id vero a græcis non raro legebatur Βαχι vel Βηχι, sic enim Herodotus disertis verbis



urbem Veneris vocat Αταρβηχι. *Ammonis urbs* igitur esset ΒΑΚΙ - ΝΑΑΜΩΝ; quod Græci vix aliter pronunciare possent quam Παχναμωνις, & hujus urbis Ptolemæus meminit in nomo Sebennytico, verum prorsus distincta ab ea fuit Diospolis circa Mendetem & paludes sita: hinc jam nunc quatuor habemus Diospoles & quintam Diospolim suspicor fuisse *Iovis stationem* inter Berenicem & Coptum in Arabia. Iam vero nostri erit officii ostendere quam Diospolim Prophetæ in animo habeant dum de *No Amon* loquuntur. Id imprimis hic monendum censeo, vocem נא sine *Amon* addito adhiberi Ezech. XXX. 14. 15. 16. semel quoque Amon, cum נא præfixo & postposita voce נא Ierem. XLVI. 25. reperiri; unde colligo per vocem נא non posse intelligi, ut quondam credideram particulam נא, adeo ut inde sit orta vox נאאאמων ad *ammonem spectans*, *Ammonia*, sic ut נאנכאזי *terrestria*, verum aliam habere originem, eamque jam investigemus.

וֹדַז Aegyptiis est *quies, habitatio*; simul & *quiescere, habitare*. וֹא Articulus non raro cum vocibus ipsis quibus præfixus fuit, coaleuit; & hoc quidem voci וֹדַז accidisse suspicor; vox itaque ipsa foret וַז. Littera נ præfixa vocibus Aegyptiacis, adjectivam significationem eisdem communicat: נוֹדַז igitur foret *habitabilis, requiei aptus locus*; & נוֹדַז אאמων esset *Ammonis habitabilis locus*. Iam vero observandum, ab alia radice וֹדַחַז, ejusdem cum וֹדַז significationis, ortam esse vocem



cem ΤΕΒΩΗΖ *Teveh* vel *Tebēh*; quæ significat *habitationem*: & hoc nomine olim tota Aegyptus vocata fuit, quaquaversum scilicet culta & habitationi apta esset; quod jam Herodotus observavit, & nos supra §. II. monuimus. Hinc igitur credo vocem, ΝΩΖ intelligendam, non de quadam urbe Aegypti in Prophetis, verum potius de universa sumendam Aegypto. Ammon erat numen ad Solem vernali relatum, uti bene *Iablonskius* probavit *Panth. Aegypt. lib. II. c. II. §. 6. p. 167.* Ideoque non alienum Aegyptum *habitationem* dictam fuisse *Ammonis* ΝΩΖ ΑΑΩΩΝ, verno scilicet tempore: Vidimus enim §. III. a Sole plura nomina Aegypto fuisse data. Locus Nahumi III. 8. certe multo meliorem admittit sensum si de omni Aegypto explicetur, quam si, ut quidam interpretes volunt, Diospolim quandam, imprimis eam εν τοις Ελεσι sitam intelligas. Aegypto enim certe, *mare cum mari* connexum erat pro *munitione*, a septentrione scilicet vadofum mare Mediterraneum, ad orientem vero Sinus Arabicus: præterea ΝΩΖ ΑΑΩΩΝ *habitat in fluviis aquarum, eam circum circa cingentium.* *Cushitæ* ipsi erant *robur*, quia invitis Arabibus nemo facile per desertum in Aegyptum penetrare poterat: verum & *Mizraimi* progenies, *sine fine* late propagata, *Putæi* præterea occidentis extremi gentes & *Libyes* auxilio ipsi erant: Quilibet facile hic potius ipsam Aegyptum quam urbem quandam Aegypti agnoscet. Si quis post hæc, Diospolim quandam potius sub ΝΩΖ ΑΑΩΩΝ latere crediderit,



derit, facile id concefferim. Verum mihi opinio quæ totam intelligit Aegyptum magis arridet. Neque credo obſtat meæ opinioni, quod ſacer vates fata canat Ninives, & No Amon velut exemplum deſtructionis adducat: nam Ninive deſtructa quoque Aſſyrium imperium deletum, indicare videtur, & fata Aegypti ideo potius cenſeo intelligenda, quam Dioſpoleos cujuſdam. Præterea ſi ΝΩΖ urbem Dioſpolim designaret, quæſo undenam Propheta Ezech. XXX. 14. 15. 16. ter repetit? Si Aegyptus intelligenda eſt, id meliorem videtur admittere ſenſum.

XIII. *Gofen* גֹּסֶן

De terra Gofen, non habeo quod addam poſt labores, laudatiſſimi *Iablonskii in octo Diff. de terra Gofen*. Ut vero hæ Differtationes auctæ notis auctoris, & Iablonskii denuo publicentur junctim, cum alijs ſummi Viri Differtationibus, quod ſcio eruditimo habuiſſe, ex animo opto, neque dubito ſed ut multo emendatiores & prorfus limatæ prodirent.

XIV. *Baal Tzepho* בַּעַל זֶפְתוֹ

Baal Tzephon, mihi videtur eſſe *Heropolis*, ſupra occidentalem *μυχον* maris *Libici* ſita, in deſertis, prope lacus amarus; & erat ſecundum Theologiam Aegyptiorum Typhoni ſacra. Stephanus ethnicographus de ea ſcribit: *Ἡρώς πολις Αἰγυπτία. ἡ Ἄϊμος ἐκλήθη, δια το τον Τυφω ἐνταυθα κεραινω βληθῆναι*



Θηνοῦ καὶ αἰμαρηννοῦ: Hæc prorsus sunt consona fabulis Aegyptiorum hyſtorico-phyſicis. Typhon ab Aegyptiorum ſacerdotibus quoque appellabatur ραιϣ Ροſh, rufus: urbs vero cum adjacente regione typhonia χηρωϣ Cherofh, terra ruſa appellata fuit, vel ut idem nomen græcis vocabulis Herodotus exprimit, Ερυθρα βωλος. Hanc Moſis tempore vel paulo poſt deletam fuiſſe ſuſpicor, nam id Pheroni Seſoſtridis ſucceſſori tribuit Herodotus: verum reſtituta fuit, & tunc ab hebræis videtur appellata ער הרס Ieſ. XIX, 18. Nomen Deaſtrorum apud hebræos ſolet eſſe Baal; Typhon Aegyptiis eſt Χωψων: & hoc Χ hebræis per ϣ expreſſiſſe certum eſt, idque alio quoque inferius exemplo probandum dabo.

XV. Migdol. מצד

Exod. XIV, 1. & Num. XXXIII, 7. meminit Migdol in vicinia maris rubri, eumque ob collium frequentiam dictum מַעְיָתָאλ multitudo collium: & huic noſtræ etymologiæ favet Coptus Pentateuchi interpres, qui in his locis legit מַעְיָתָאλ. Locus Ierem. XLIV, 1. & VI, 14. memoratus, in vicinia Daphnæ Peluſiæ videtur fuiſſe; iſque Stephano & in Antonini Itinerario vocatur Magdolus, & ob eandem rationem מַעְיָתָאλ appellatus fuit, nempe ob multitudinem collium, qui verſus Arabiæ arenofæ deſerta frequentes heic loci ſunt.



derit, facile id concefferim. Verum mihi opinio quæ totam intelligit Aegyptum magis arridet. Neque credo obstat meæ opinioni, quod sacer vates fata canat Ninives, & No. Amon velut exemplum destructionis adducat: nam Ninive destructa quoque Assyrium imperium deletum, indicare videtur, & fata Aegypti ideo potius cenſeo intelligenda, quam Dioſpoleos cujuſdam. Præterea ſi ὁδὸς urbem Dioſpolim designaret, quæſo undenam Propheta Ezech. XXX. 14. 15. 16. ter repetit? Si Aegyptus intelligenda eſt, id meliorem videtur admittere ſenſum.

XIII. *Gofen* גֹּסֶן

De terra Gofen, non habeo quod addam poſt labores, laudatiſſimi *Iablonskii in octo Diſſ. de terra Gofen*. Ut vero hæ Diſſertationes auctæ notis auctoris, & Iablonskii denuo publicentur junctim, cum ſummis Viri Diſſertationibus, quod ſcio etiam in ſuo habuiſſe, ex animo opto, neque dubito ſed ut multo emendatiores & prorfus limatæ prodirent.

XIV. *Baal Tzepho* בַּעַל זֶפְתוֹ


Baal Tzephon, mihi videtur eſſe *Heropolis*, ſupra occidentalem *μυχον* maris Arabici ſita, in deſertis, prope lacus amaros; & era ſecundum Theologiam Aegyptiorum Typhoni ſacra. Stephanus ethnicographus de ea ſcribit: *Ἡρώς πολις Αἰγυπτία. ἡ Αἶμος ἐκλήθη, δια το τον Τυφω ἐνταυθα κεραινω βληθῆναι*



Θηναί καὶ αἰμαρηνναί: Hæc prorsus sunt consona fabulis Aegyptiorum hystorico-physicis. Typhon ab Aegyptiorum sacerdotibus quoque appellabatur ραιϣ Ροσh, rufus: urbs vero cum adjacente regione typhonia χηρραιϣ Cherosh, terra rufa appellata fuit, vel ut idem nomen græcis vocabulis Herodotus exprimit, Ερυθρα βωλος. Hanc Moſis tempore vel paulo post deletam fuiſſe ſuſpicor, nam id Pheroni Seſoſtridis ſucceſſori tribuit Herodotus: verum reſtituta fuit, & tunc ab hebræis videtur appellata ער הרס Ieſ. XIX, 18. Nomen Deſtrorum apud hebræos ſolet eſſe Baal; Typhon Aegyptiis eſt Χαιψων: & hoc Χ hebræis per ϣ expreſſiſſe certum eſt, idque alio quoque inferius exemplo probandum dabo.

XV. Migdol. מצד

Exod. XIV, 1. & Num. XXXIII, 7. meminit Migdol in vicinia maris rubri, eumque ob collium frequentiam dictum מַעְיָתָאλ multitudo collium: & huic noſtræ etymologiæ favet Coptus Pentateuchi interpres, qui in his locis legit מַעְיָתָאλ. Locus Ierem. XLIV, 1. & Jerem. VI, 14. memoratus, in vicinia Daphnæ Peluſiæ videtur fuiſſe; iſque Stephano & in Antonini Itinerario vocatur Magdolus, & ob eandem rationem מַעְיָתָאλ appellatus fuit, nempe ob multitudinem collium, qui verſus Arabiæ arenofæ deſerta frequentes heic loci ſunt.



XVI. *On, Raamses & Beth-Shemesh*, און, רעמעס, בֵּית שֶׁמֶשׁ

On esse nomen *Heliopoleos*, facile nobis persuaserit *Iablonskius Panthei* Lib. II. c. 1. p. 137 seqq. cum interprete Copto ; qui Exod. I, II. ubi Hebræus codex vocem *On* non habet , eandem exhibet cum explicatione און עִרְעָבָאִי אֶפְרַיִם דֵּעַ, *On quæ civitas Solis est, Raamses* jam supra explicui §. III. quum vocem *Mizraim* ex Aegypcia lingua illustrarem, est enim ejusdem significationis transpositis tantum vocabulis, פֶּה *Solem* significat אַעֲרָאִי est vox *agrum* denotans ; at apud *Iablonskium* ni fallor in *Diff. de terra Gosen*, (vel in singula pagina quam *Io. Simonis Onomastico V. T.* addidit in fine, & in qua plura etyma nominum hebræorum ex lingua Aegypcia illustrata fuere a *Iablonskio* etiam memini vocem אַעֲרָאִי pro *agro* adhibitam : hinc פֶּה - אַעֲרָאִי *ager solis, Remesse* foret. Denique *Bethshemesh*, Ierem. XLIII, 13. hebraicum nomen Heliopolitani templi videtur esse. Et si mihi dicendum quod suspicor, *Bethshemesh templum Solis* denotat, *On urbem Heliopolitanam*, & *Remesse nomen* ejusdem nominis ; Verum quum Pharaos cupidus esset munitionibus cingere, locum circa Babylonem Aegyptiam vel potius collem quem nunc arx Cahirensis occupat, & cujus muri ex relatione peregrinatorum multo sunt antiquiores in ima parte, quam in suprema parte ; hanc *Raamsen* eum condidisse suspicor, quia erat in *campo Solis* vel *nomo Heliopolitano*. Mons quoque
fitus



fitus ex opposito Mempheos & vicus appositus ei, vocabatur *Troë*, teste Strabone; & nunc mons idem obtinet nomen *Iebel Tourah*, id vero quoque Aegyptium est *τῶνδρ-ρη Toure*, *mons Solis*. In extremitate hujus montis, in colle separato, arx Cahirensis est sita.

XVII. *Etham* & *Pithom* עתם, עתח

Exod. XIII, 10. Num. XXXIII, 6. 7. inter loca ad mare Arabicum enumeratur quoque *Etham*, quem ego libenter cum *Iablonskio* Diff. V. de terra *Gosen*, §. IX, p. 58. interpretarer *ΑΤ-ΙΘΑ*, το πέρασ της θαλάσσης *terminus maris*. Verum Exod. I, 11. memoratur *Pithom*. Coptus interpretas habet *ΠΕΘΑΙΑ*, id vero significat locum *clausum*, *munitum*, *macerie cinctum*, & hunc locum ab Herodoto memoratum & in vicinia Bubasteos ad fauces montium versus Arabiam situm, & *Πατρυμον* appellatum fuisse suspicor. Ethnicographus eandem urbem describit: *Πατρυμος πολις Αραβιας*. Inter Episcopatus Augustamnicae apud Pocockium legitur *Θου*, at Commanvilleus habet *Θουμ*, quod idem credo esse cum *ΘΑΙΑ* & articulo *ΠΕ*, indeque conflato nomine *ΠΕΘΑΙΑ*. In Notitia Imperii quoque reperitur: *Cohors prima Augusta Pannoniorum Tohu*. Nostra ætate ad fauces montium Arabicorum est *El-bueb*, Portula, forte in eodem loco quem olim *Patumos* vel *Petom* occupavit.



XVIII. Tzoan, תַּצַּן, Tanis.

LXX Interpretes Num. XIII, 23. & Ps. LXXVIII, 12. vocem *Tavis* substituunt pro תַּצַּן: at apud Interpret. Copt. Ps. LXXVIII. & Kircherum in Scala Coptica eadem urbs quoque appellatur *ῥΑΝΗ*, verum in Copto interprete Pentateuchi, non nisi vox *ῥΑΝΙΝ* legitur. Nomen *ῥΑΝΗ* a *ῥΗΝ* *planus*, *laevis*, derivatum esse, vix dubito, hinc & Ps. CXII, 6. & CXXXVII, 6. *τα ταπεινα* ni *ῥΑΝΕΣ*, Coptus interpretatur. Et quia *Tanis* in campo, *planitie*, & versus loca depressa, humilia, prope lacus magnos esset sita, utique potuit dici: *ΒΑΚΙ ΕΤΚΟΤ ΖΕΙΝ* ni *ῥΑΝΕΣ* *Urbs strueta versus depressa* vel *ΒΑΚΙ ῥΑΝΗ* *urbs depressa*. Hic jam observabis mecum Hebræos Aegyptiorum & non raro per *ῥ* expressisse, uti supra monui ad vocem *Baal Tzephon*.

XIX. תַּחֲפְנִיחַ *Daphne Pelusiae*.

LXX Interpretes plerumque vocem תַּחֲפְנִיחַ expriment voce *Ταφναγ*, quæ Herodoteum *Δαφναγ* esse videtur. A Pelusio in Austrum vel Libycum sita, ubi Nilus flectitur & promontorium quasi format, unde locus undique pene aquis fluminis cinctus, facile emuniri poterat, & ob aquarum copiam amcenissimum certe castellum fuisse hoc patet; hic indigenæ custodiam habebant contra vicinos Arabes latrocinia agentes ex Aegypto, regione fertili ac divite. Aegyptii promontoria

cornua



cornua vocare consueverant, sic Strabo *Agni cornu* describit supra Bolbitinum ostium: igitur hic locus amoenissimus in promontorium excurrens meruit dici *ΤΑΠΕΝΕΕ* *cornu amoenum*, *Tapenese*, & id nomen *Daphnes* æque ac *Thachpanches* exprimit. Hodie locus in vicinia *Tina* seu Pelusii situs & *Safnas* dictus, videtur vestigia antiqui nominis conservare; quod non raro in nominibus Aegyptiis reperi. Sic urbs nunc dicta *Rosette* est antiqua *Bolbitina* urbs, quod jam Vanslebii observavit in Catalogo Episcopatum Aegypti ad calcem historiae patriarchatus Alexandrini: & Aegyptiis *pui* est *porta* vel *ostium*, *CAΤ* Aegyptiaco sermone sunt *βολβιτα*: *puicaΤ* est *ostium Bolbitinum* & urbs ipsa *BAKI NTE puicta* *urbs ostii stercoris* appellata.

XX. *Sin* 𐤓 *Pelusium*.

Quum nondum rationes exposueris, quamobrem non faveas receptæ opinioni quæ 𐤓 facit Pelusium, id tantum moneo, mirum omnium linguarum consensum in exprimenda significatione *luti*, in hoc nomine, pro ea militare: nam & Hieronymus nobis servavit nomen Aegyptiacum Pelusii, in Vita Sⁱ Hilarionis Epistola LI. p. 161. *Quinto igitur profectus die, venit Pelusium, visitatisque fratribus qui in vicina eremo erant Et in loco qui dicitur Lychnos morabantur &c.* *ΛΟΙΧΙ ΝΟΥΗ* *Loichinoueh Luti habitatio, Lutetia, Lychnos esse debet: & ob*

E

con-



XVIII. Tzoan, תַּזַּן, Tanis.

LXX Interpretes Num. XIII, 23. & Ps. LXXVIII, 12. vocem *Tavis* substituunt pro תַּזַּן: at apud Interpret. Copt. Ps. LXXVIII. & Kircherum in *Scala Coptica* eadem urbs quoque appellatur *ῤΑΝΗ*, verum in Copto interprete Pentateuchi, non nisi vox *ῤΑΝΙΝ* legitur. Nomen *ῤΑΝΗ* a *ῤΗΝ* *planus, laevis*, derivatum esse, vix dubito, hinc & Ps. CXII, 6. & CXXXVII, 6. *τα ταπεινα* *ni ῤΑΝΕῤ*, Coptus interpretatur. Et quia *Tanis* in *campo, planitie*, & versus loca depressa, humilia, prope lacus magnos esset sita, utique potuit dici: *ΒΑΚΙ ΕΤΚΟΤ ΖΕΙΝ* *ni ῤΑΝΕῤ* *Urbs structa versus depressa* vel *ΒΑΚΙ ῤΑΝΗ* *urbs depressa*. Hic jam observabis mecum Hebræos Aegyptiorum & non raro per *z* expressisse, uti supra monui ad vocem *Baal Tzephon*.

XIX. תַּחֲפֻנִּים *Daphne Pelusiae*.

LXX Interpretes plerumque vocem תַּחֲפֻנִּים exprimunt voce *ΤαΦναι*, quæ Herodoteum *ΔαΦναι* esse videtur. A Pelusio in Austrum vel Libycum sita, ubi Nilus flectitur & promontorium quasi format, unde locus undique pene aquis fluminis cinctus, facile emuniri poterat, & ob aquarum copiam amenissimum certe castellum fuisse hoc patet; hic indigenæ custodiam habebant contra vicinos Arabes latrocinia agentes ex Aegypto, regione fertili ac divite. Aegyptii promontoria

cornua

cornua vocare consueverant, sic Strabo *Agni cornu* describit supra Bolbitinum ostium: igitur hic locus amoenissimus in promontorium excurrrens meruit dici **ΤΑΠΕΝΕ** *cornu amoenum*, *Tapenese*, & id nomen *Daphnes* æque ac *Thachpanches* exprimit. Hodie locus in vicinia *Tina* seu Pelusii sive & *Safnas* dictus, videtur vestigia antiqui nominis conservare; quod non raro in nominibus Aegyptiis reperi. Sic urbs nunc dicta *Rosette* est antiqua *Bolbitina* urbs, quod jam Vanslebius observavit in Catalogo Episcopatum Aegypti ad calcem historię patriarchatus Alexandrini: & Aegyptiis pui est *porta* vel *ostium*, **CA** Agyptiaco sermone sunt **Βολβιτα**: **ΠΥΚΑ** est *ostium Bolbitinum* & urbs ipsa **ΒΑΚΙ ΝΤΕ ΠΥΚΤΑ** *urbs ostii stercoris* appellata.

XX. Sin **Π** Pelusium.

Quum nondum rationes exposueris, quamobrem non faveas receptæ opinioni quæ **Π** facit Pelusium, id tantum moneo, mirum omnium linguarum consensum in exprimenda significatione *luti*, in hoc nomine, pro ea militare: nam & Hieronymus nobis servavit nomen Aegyptiacum Pelusii, in Vita S^{ti} Hilarionis Epistola LI. p. 161. *Quinto igitur profectus die, venit Pelusium, visitatisque fratribus qui in vicina eremo erant & in loco qui dicitur Lychnos morabantur &c.* **ΛΟΙΧΙ ΝΟΥΗΖ** *Loichinoueh Luti habitatio*, *Lutetia*, *Lychnos* esse debet; & ob



consensum nominis loci Pelusio admodum vicini, eundem esse suspicor cum Arabum *Tinah* & Hebræo תִּנָּה. Sin vocatur *munimentum* Aegypti Ezech. XXX, 15.

XXI. *Moph* & *Noph* מֹפ, נֹפ

Certe utrumque nomen videtur pro Memphi usurpatum fuisse, nam Hof. IX, 6. LXX Interpretes Memphin substituunt. *Plut. de Isid.* ορμον αγαθων significare Memphin refert. Apis bos, αγαθος δαίμων, bonus genius Niliacus ibi cultus, & post XXV. annorum vitam ibi sepultus prope Vicum Busirin; unde *portus, collectio bonorum geniorum* erat. מֹפִי est, bonus & pro bono genio nonnunquam usurpabatur *Iablonskii Panth. Lib. I. c. IV. §. 10. p. 99.* מֶפֶז vel מֹפֶז significat *plenum* vel πληρωμα, & *collectio, συστημα*, unde מֹפֶז-מֹפִי πληρωσις τῶν αγαθῶν vel ορμος αγαθων. Non raro & solum nomen מֹפִי, omisso vocabulo Βακι vel alio simili huic urbi datum fuisse, patet. Arabes in Aegypto eandem vocant *Menuf il elie*, Memphin superiorem; ut eam distinguant ab *Onuphi* in Delta sita, quam *Menuf il seffi* Memphin inferiorem appellant. *Kircherus* p. 207. habet מֶפֶז העליון מֹפֶז Memphis superior & מֶפֶז السفלי Memphis inferior. מֶפֶז voci præfixum denotat rem spectare pertinere ad eam rem cuius nomini præfigitur: sic מֶפֶז-מֹפִי est *Urbs pertineus, spectans ad bonum genium*; verum quod addit



addit פח id significat hic intelligendam *australem* urbem hujus nominis פאנדףח' rectius scribendum erat פאנדףאז' *Onuphis septentrionalis*.

XXII. חנ' *Chanes*.

Mihi videtur esse eadem urbs, quam Cassianus *Thennesum* appellat & in lacu Mendefio sitam refert; tempore Cassiani vix tantum soli erat circa urbem ut novas ædes struere possent, ideoque navibus solum petebant, erat enim cincta paludibus falsis; sed antea fuerat locus cultus & amœnissimus; verum terræ motu & ventis procellosis, marique superfuso deleta. A priori urbis statu nomen habuit בא'י תנע' *urbs amœna*; & regio circa urbem erat vocata א' - תנע' *terra amœna. Chænese*.

XXIII. *Seveneh, Syene* סונה

Syene plerumque creditur esse סונה Varie nomen hoc scriptum a Græcis, latinisque auctoribus. Athanas. tom. 2. Ep. ad solitariam vitam agentes, refert Hieracem & Dioscorum exules missos in lapidicines *Soines*. In Marmore ap. Pocockium Σωηνη scribitur sic & Alexandrinus interpres Suidæ Συνηα. Erat certe *prima Aegypti habitatio* versus Aethiopiam unde & nomen, idem significans habuit צדאי - נדחז *prima habitatio*.

XXIV. *Phul* פול Ies. LXVI. 19.

Phila forte hic intelligenda, quæ supra Syenen & Cataractam in Insula erat sita, unde *alta habitatio* dici meruit פולחמזאדמי vel פולחמזאדמי, sed non solum *Philas*, verum potius, omnem Nubiam voce פול exprimi posse, credo: quæ certe est *superior habitatio* quam reliqua Aegyptus.

XXV. *Bubastus Pibeseth* פי - בסת

Bubastum esse intelligendam per Pi - beset ostendit Iablonskius Panthei L. III. c. 3. §. II. p. 82. 83. & Bubasti, numinis nomen derivatum esse vult a Π-Ζυ-δασαυτ; sed π articulus quoque legitur πε dialecto Thebaidis, & communi πι: unde πι-Ζυδασαυτ-του *Bubasteos portio*, videtur fuisse appellata *Bubastus* urbs.

XXVI. *Cham*. חם Pf. CV. 23, 27.

Omnes interpretes hic Aegyptum intelligere credo sub voce חם. Verum non a Chamo Noachi filio Aegyptum terram Cham vocatam fuisse persuasum, nam si hæc nominis hujus ratio esset, omnes regiones a filiis Chami habitatas, æquo jure *terram Chami* dici potuisset pateret: nec ulla ratio iniri posset cur Aegyptus potius *terra Chami* diceretur, quam reliquæ terræ a proge-

progenie Chami possessæ: alia igitur hujus nominis significatio esse debet. Aegyptii suam terram lingua Coptica *κηαι* appellant, quod jam *Plutarch. de Isid.* observavit. *Ετι την Αιγυπτον εν τοις μαλιστα μελαγχρειον ουσαν ωσπερ το μελαν τε οφθαλμος χημιαν καλουσι.* Verum video a Plutarcho rationem reddi, cur sic appellata fuerit Aegyptus, nempe ob *nigredinem soli.* Stephanus & Suidas *Μελαμβωλον* nomen Aegypti fuisse asserunt. Homerus etiam *aquam Aegypti nigram* fuisse vult *Οδυσσ. Δ. 358. μελαν υδωρ.* Plutarch. & Eustath. in Dionys. Nilum ipsum quoque *Μελαν* appellant. Mirum certe plures eadem observasse. Aegyptiorum sacerdotes frequenter vocabula rerum in lingua sacerdotali permutabant; ludere id verbis nos diceremus, apud illos sapientiae ductum. *κηαι*, & Dialecto Thebaidis *κηαιε* est 'valde affinis voci *κααιε* quæ Dialecto Thebaidis est *κααιε* & *nigrum* significat: hanc credo originem horum nominum fuisse. Sed *Stephanus* quoque aliud nomen Aegypti observat, nempe *Ερμοχυμιος.* *Hesychius* habet hæc verba *Ερμοχυμιος γη, η Αιγυπτος το προτερον ουτως εκαλειτο.* Stephani lectio melior: sed pro utraque voce malletm legere *Ερμοχημιος.* Aegypti fertile solum, *aquam* quoque *nigram*, *turbulentam* faciebat, & hoc idem *ερ-μυιδ-κααιε* significat; *faciens aquam nigram.* Quum jam Homerus de hoc nomine



inaudivisse aliquid videatur, non mirum etiam sacrum
vatem *terram* *חאמֶ*, *חן* pro Aegypto usurpasse;
nam Homerus Davide non multo recentior fuit: a
morte Davidis, ad tempus, quo secundum Marmor
Parium Homerus floruit 110 sunt anni.



LIPSIÆ
LITERIS BREITKOPFIIS

Spicilegium geographiae..
14842

J. Segan
Green

INTERLIBRARY LOAN

Rice U

Duke

Interlibrary Loan

JAN 17 1975

BS 630 .M62	14842 Michaelis I.D. Michaelis Spicilegium geographia e
May 8 '61 AUG 24 1964	<i>J. S. J.</i> INTERLIBRARY LOAN <i>Rice U.</i>

